

Mjumuiiko Wa Khutba Za Sala Ya Ijumaa.



Kimeandaliwa Na

عبدالله محمد
المنذري
ABDULLA
MUHAMMAD
AL MUNDHIRY

Abdulla Muhammad Al Mundhiry
1447 A.H - 2025 C.E

Mjumuiko Wa Khutba Za Sala Ya Ijumaa.

Kimetayarishwa Na



Abdulla Muhammad Al Mundhiry

1447 A.H – 2025 C.E

Dar Es Salam, Tanzania.

YALIYOMO

UTANGULIZI.....	4
FIQH YA KHUTBA YA IJUMAA	5
MAMBO MATANO UKIYAFANYA MALAIKA WANAKUOMBEA DUA	10
MAMBO 5 MTUME ALIYOTUKATAZA NA AKATAKA TUJIKINGE NAYO	23
ZIJUE SEHEMU 8 UKIOMBA DUA INAKUBALIKA	39
BABA NDIYE NGUZO KUBWA KATIKA MAISHA	49
NJIA KUMI ZA KUJIKINGA NA SHEITANI.....	65
NJIA KUMI ZA KUJIKINGA NA SHEYTAAN – SEHEMU YA 2	80
SIRI KUMI ZILIZOJIFICHA KATIKA SURATUL KAHFI.....	92
FAIDA YA Bismi ALLAH KILA UNAPOTAKA KUANZA JAMBO LAKO.....	109
NGUZO MUHIMU ILIYOSAHULIKA	120
MAMBO MATATU YATAKAYOKUPA FURAH KATIKA MAISHA YAKO	136
MSIDHULUMU NAFSI ZENU KATIKA MIEZI HII MINNE MITUKUFU	149
UTUKUFU NA UBORA WA MWEZI RAJAB NA MIEZI MINNE MITUKUFU	162
MAZINGATIO YALIYOPO KWENYE KISA CHA ISRAA NA MIIRAJ.....	173
KUJIANDAA NA MWEZI WA RAMADHAN	182
EID UL FITR 1446H/2025M.....	195
TULIKUWA TUNAJUA LAKINI HATUKUYAFANYIA KAZI	209
FADHILA NA UTUKUFU WA SIKU YA ARAFAH	224
UTUKUFU WA MWEZI WA MUHARRAM	236
VIPI TUJITAYARISHE TUPATE KUINGIA KATIKA RAMADHAN	244
WATU WA QUR-AN	256
UZITO WA TALAKA.....	270

UTANGULIZI



(بِسْمِ اللَّهِ الرَّحْمَنِ الرَّحِيمِ)

Baada ya kumshukuru Allah Subhanah wa Ta'ala na kumtakia Rehma na kumtumia Sala na Salamu M-bora wa Viumbe Nabii Muhammad Salallahu Alayhi wa Salam na familia yake basi napenda kusema kua Hiki ni Kitabu cha Mwanzo ambacho kinajumuisha Mkusanyiko wa Khutba Kadhaa za Sala za Ijumaa tofauti Ambazo ni zenye kuhusiana na mambo tofauti kulingana na hali na mazingira ya Maisha ya jamii yetu ya Kiislam kwa ujumla, nilizojaaliwa na Allah Subhanah wa Ta'ala kuziandaa na kuzitoa Katika Misikiti tofauti Ikiwemo Msikiti wa Mtoro Mjini Dar Es Salam.

Na kama kawaida ya kila kitabu kilichoandikwa na kila Ibn Adam basi hua ni chenye sifa ya kutokosa kasoro ndani yake, hivyo namuomba Allah Subhanah wa Ta'ala anikubalie kutokana na jitihada zangu na anisamehe kutokana na udhaifu wangu wa kimaumbile kama ilivyo udhaifu wa maumbile ya Ibn Adam wote ambao ni Viumbe mbele ya Muumba ambae ni *Allah Subhanah wa Ta'ala* ambae ni Mkamilifu asiekua na kasoro kaika kila kitu na ni mwenye Kujitosheleza katika kila kitu chake na yeye ndie pekee mwenye kustahiki Shukrani kutokana na Neema na Rehma yake juu yetu ya kutujaalia sisi kua ni miongoni mwa wafuasi wa Dini yake ya Kiislam.



FIQH YA KHUTBA YA IJUMAA



Kabla ya kuendelea nilikua nataka kugusia kidogo kuhusiana na Fiqh ya Khutba ya Sala ya Ijumaa kulingana na Mtizamo wa Madhhab ya Imam Al Shafii, ili kwa wale ambao watahitajia kutumia kitabu hiki waweze kupata urahisi juu yake.

Tunapoangalia Fiqh ya Madhhab ya Imam Al Shafii basi tunaona kua Khutba ya Sala ya Ijumaa inaruhusika kusomwa kwa kutumia Lugha nyengine yeyote Zaidi ya Lugha ya Kiarabu kwa sharti la kua Walengwa wawe ni wenye kunufaika na Ujumbe wa Khutba husika wenye Kuusia, Kuonya, Kukumbushana, kuamrishana Mema na kukatazana Mabaya kulingana na Lugha ya Jamii yao, na hivyo Khutba ya Sala ya Ijumaa hua ina sifa na masharti yafutayo:

- 1- Khutba ya Sala ya Ijumaa hua ni Dhikr ambayo ni ya Fardhi.**
- 2- Khutba ya Sala ya Ijumaa hua inajumuisha Nguzo ambazo hazitakiwi kuvunjwa.**
- 3- Khutba ya Sala ya Ijumaa hua inatakiwa kutolewa huku Khatibu akiwa amesimama.**
- 4- Khutba ya Sala ya Ijumaa hua ina sehemu Mbili ya Kwanza na ya Pili ambazo zinatofautishwa kwa Kikao cha Khatibu aambacho hu ani Wajibu kukaa kwa mda kama dakika moja baina ya sehemu mbili husika za Khutba.**
- 5-Sehemu ya Pili ya Khutba hufuatia mara tu baada ya kikao hicho cha mda mfupi cha Khatibu kukaa kitako kwa mda mfupi.**
- 6- Khutba ya Sala ya Ijumaa hua inatakiwa kutolewa wakati Khatibu akiwa na Udhu.**
- 7- Khutba ya Sala ya Ijumaa hua inatakiwa itolewe huku Khatibu akiwa amejihifadhi Awra yake.**
- 8- Khutba ya Sala ya Ijumaa hua inatakiwa itolewe kabla ya Sala ya Ijumaa na hivyo Sala ya Ijumaa hutakiwa kusaliwa mara tu baada ya kumalizika kwa Khutba.**
- 9- Khutba ya Sala ya Ijumaa hua inatakiwa itolewe kwa sauti kubwa ili Watu waisikie.**

10- Khutba ya Sala ya Ijumaa hua inatakiwa kutolewa na Mwanamme.

11-Khutba ya Sala ya Ijumaa hua inatakiwa isomwe mbele ya Watu wasiopungua 40.

Na ingawa inaruhusika kusoma Khutba ya Sala ya Ijumaa kwa Lugha isiyokua Kiarabu lakini hata hivyo kuna sharti la kua Nguzo za Khutba husika ya Sala ya Ijumaa lazima zisomwe kwa Lugha ya Kiarabu. Ambapo Nguzo za Khutba ya Sala ya Ijumaa hua ni Tano na zinajumuisha mambo yafuatayo:

1-Kumtukuza *Allah Subhanah wa Ta'ala* katika sehemu zote mbili za Khutba ya Sala ya Ijumaa.

2-Kumsalia *Rasul Allah Salallahu Aalayhi wa Salam* katika sehemu zote mbili za Khutba ya Sala ya Ijumaa.

3-Kuusiana Ucha Mungu katika sehemu zote mbili za Khutba ya Sala ya Ijumaa.

4-Kusoma japo Aya moja ya Qur'an katika japo sehemu moja ya Khutba ya Sala ya Ijumaa.

5-Kuwaombea Dua Waumini wa Dini ya Kiislam Wanaume na Wanawake katika sehemu ya pili ya Khutba ya Sala ya Ijumaa. (*Safinat An Najaa*)

Mfano wa Mfumo wa Khutba.

Baada ya Adhana ya kwanza na kabla ya Adhana ya pili Khatib mwenye kutakiwa kusoma Khutba anapanda kwenye Mimbar, na kuwaelekea Waumini na kuwatolea Salam kwa kusema *Asalam Alaykum wa Rahmat Allahi wa Barakatuh* na kisha anakaa kitako, na kisha Muadhini anaadhini Adhana ya Pili. Na kisha baada ya Adhana hio basi Khatibu anasimama na kusema:

إِنَّ الْحَمْدَ لِلَّهِ، نَحْمَدُهُ وَنَسْتَعِينُهُ وَنَسْتَغْفِرُهُ، وَنَعُوذُ بِاللَّهِ مِنْ شُرُورِ أَنْفُسِنَا، وَمِنْ سَيِّئَاتِ أَعْمَالِنَا، مَنْ يَهْدِهِ اللَّهُ فَلَا مُضِلَّ لَهُ، وَمَنْ يَضِلَّ فَلَا هَادِيَ لَهُ، وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.

أما بعد : فأصيكم ونفسي أولا بتقوى الله ، فقد أمرنا الله تعالى بذلك ،وقال
فى الذكر الحكيم

(يَا أَيُّهَا الَّذِينَ آمَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنتُمْ مُسْلِمُونَ)

يَا أَيُّهَا النَّاسُ اتَّقُوا رَبَّكُمُ الَّذِي خَلَقَكُمْ مِنْ نَفْسٍ وَاحِدَةٍ وَخَلَقَ مِنْهَا زَوْجَهَا وَبَثَّ مِنْهُمَا رِجَالًا كَثِيرًا وَنِسَاءً وَاتَّقُوا اللَّهَ الَّذِي تَسَاءَلُونَ بِهِ وَالْأَرْحَامَ إِنَّ اللَّهَ كَانَ عَلَيْكُمْ رَقِيبًا

يَا أَيُّهَا الَّذِينَ آمَنُوا اتَّقُوا اللَّهَ وَقُولُوا قَوْلًا سَدِيدًا * يُصْلِحْ لَكُمْ أَعْمَالَكُمْ وَيَغْفِرْ لَكُمْ ذُنُوبَكُمْ وَمَنْ يُطِيعِ اللَّهَ وَرَسُولَهُ فَقَدْ فَازَ فَوْزًا عَظِيمًا

Allahuma Ij'Aalna Minna al Faizin Fawzan A'adhimah...Aamin Thuma Amiin..

Kisha anasema:

أَمَّا بَعْدُ: فَإِنَّ أَصْدَقَ الْحَدِيثِ كِتَابُ اللَّهِ تَعَالَى، وَخَيْرَ الْهَدْيِ هَدْيُ مُحَمَّدٍ -صَلَّى اللَّهُ عَلَيْهِ وَسَلَّمَ-، وَشَرُّ الْأُمُورِ مُحَدَّثَاتُهَا، وَكُلُّ مُحَدَّثَةٍ بِدْعَةٌ، وَكُلُّ بِدْعَةٍ ضَلَالَةٌ، وَكُلُّ ضَلَالَةٍ فِي النَّارِ

Kisha anaanza na sehemu ya mwanzo ya Khtutbah yake.

Akishamaliza sehemu ya mwanzo ya Khutba atasema maneno yafuatayo:

إِنَّ أَحْسَنَ الْكَلَامِ كَلَامُ اللَّهِ الْمَلِكِ الْمَنَّانِ وَمِنْ قَوْلِي يَهْتَدِي الْمُهْتَدُونَ، مَنْ عَمِلَ الصَّالِحَاتِ فَلِنَفْسِهِ، فَمَنْ أَسَاءَ فَعَلَيْهَا وَمَا رَبُّكَ بِظَلَّامٍ لِلْعَبِيدِ، بَرَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ وَبِمَا فِيهِ مِنَ الْآيَةِ الْقُرْآنِ وَذِكْرِ الْحَكِيمِ، وَتَقَبَّلْ مِنِّي وَإِيَّاكُمْ إِنَّهُ سَمِيعُ الْعَالِمِ وَاسْتَغْفِرُوا إِنَّهُ هُوَ الْغَفُورُ الرَّحِيمُ

Na kisha Khatibu atakaa chini kwa mda mfupi kama dakika moja yaani kiasi ya kujiombea Dua yeye na Maamuma wake kujiombea Dua, Na kisha atasimama tena na kuanza na sehemu ya pili ya Khutba kwa ufunguzi wa Dhikr ifuatayo:

الْحَمْدُ لِلَّهِ الْعَلِيمِ الْحَكِيمِ، وَالصَّلَاةُ وَالسَّلَامُ الدَّائِمَانِ عَلَى سَيِّدِ الْعَالَمِينَ،

وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، إِلَهُ الْأَوَّلِينَ وَالْآخِرِينَ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ،

كَانَ بِاللَّهِ خَيْرَ الْعَارِفِينَ وَعَلَى أَصْحَابِهِ وَأَتْبَاعِهِ إِلَى يَوْمِ الدِّينِ.
أَمَّا بَعْدُ

Kisha anaendelea na sehemu ya pili ya Khutba, hadi mwisho na akishamaliza basi ataomba Dua kujiombe yeye na Waislam kwa ujumla kwa mfano:

عباد الله هَذَا وَصَلُّوا وَسَلِّمُوا عَلَى نَبِيِّكُمْ كَمَا أَمَرَكُمْ بِذَلِكَ رَبُّكُمْ , فَقَالَ
﴿إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا
تَسْلِيمًا﴾

اللَّهُمَّ صَلِّ وَسَلِّمْ عَلَى نَبِيِّنَا مُحَمَّدٍ وَعَلَى آلِ نَبِيِّنَا مُحَمَّدٍ، كَمَا صَلَّيْتَ وَسَلَّمْتَ عَلَى نَبِيِّنَا
إِبْرَاهِيمَ وَعَلَى آلِ نَبِيِّنَا إِبْرَاهِيمَ، وَبَارِكْ عَلَى نَبِيِّنَا مُحَمَّدٍ وَعَلَى آلِ نَبِيِّنَا مُحَمَّدٍ، كَمَا
بَارَكْتَ عَلَى نَبِيِّنَا إِبْرَاهِيمَ وَعَلَى آلِ نَبِيِّنَا إِبْرَاهِيمَ فِي الْعَالَمِينَ، إِنَّكَ حَمِيدٌ مَجِيدٌ،
وَارْضَ اللَّهُمَّ عَنْ خُلَفَائِهِ الرَّاشِدِينَ، وَعَنْ أَزْوَاجِهِ أُمَّهَاتِ الْمُؤْمِنِينَ، وَعَنْ سَائِرِ
الصَّحَابَةِ أَجْمَعِينَ، وَعَنْ الْمُؤْمِنِينَ وَالْمُؤْمِنَاتِ، وَعَنْ جَمْعِنَا هَذَا بِرَحْمَتِكَ يَا أَرْحَمَ
الرَّاحِمِينَ

اللَّهُمَّ أَعِزِّ الْإِسْلَامَ وَاهْدِ الْمُسْلِمِينَ إِلَى الْحَقِّ، وَاجْمَعْ كَلِمَتَهُمْ عَلَى الْخَيْرِ،
وَاكْسِرْ شَوْكَةَ الظَّالِمِينَ، وَاکْتُبِ السَّلَامَ وَالْأَمْنَ لِعِبَادِكَ أَجْمَعِينَ.

اللَّهُمَّ كُنْ عَوْنًا لِلْمُسْلِمِينَ وَالْمُسْتَضْعَفِينَ فِي كُلِّ مَكَانٍ، وَكُنْ مَعَهُمْ وَثَبِّتْهُمْ
وَارْبِطْ عَلَى قُلُوبِهِمْ وَصَبِّرْهُمْ، وَاخْذُلْ عَدُوَّكَ وَعَدُوَّهُمْ، وَاجْعَلِ الدَّائِرَةَ عَلَيْهِ
يَا ذَا الْجَلَالِ وَالْإِكْرَامِ.

اللَّهُمَّ إِنَّا نَسْأَلُكَ الثَّبَاتَ فِي الْأَمْرِ، وَالْعَزِيمَةَ عَلَى الرُّشْدِ، وَنَسْأَلُكَ شُكْرَ نِعْمَتِكَ، وَحُسْنَ عِبَادَتِكَ، وَنَسْأَلُكَ قُلُوبًا سَلِيمَةً، وَالسِّينَةَ صَادِقَةً، وَنَسْأَلُكَ مِنْ خَيْرِ مَا تَعْلَمُ، وَنَعُوذُ بِكَ مِنْ شَرِّ مَا تَعْلَمُ وَنَسْتَغْفِرُكَ لِمَا تَعْلَمُ.

اللَّهُمَّ رَبَّنَا احْفَظْ أَوْطَانَنَا وَأَعِزَّ سُلْطَانَنَا وَأَيِّدْ بِالْحَقِّ وَأَيِّدْ بِهِ الْحَقَّ يَا رَبَّ الْعَالَمِينَ، اللَّهُمَّ أَسْبِغْ عَلَيْهِ نِعْمَتَكَ، وَأَيِّدْهُ بِنُورِ حِكْمَتِكَ، وَسَدِّدْهُ بِتَوْفِيقِكَ، وَاحْفَظْهُ بِعَيْنِ رِعَايَتِكَ.

اللَّهُمَّ أَنْزِلْ عَلَيْنَا مِنْ بَرَكَاتِ السَّمَاءِ، وَأَخْرِجْ لَنَا مِنْ خَيْرَاتِ الْأَرْضِ، وَبَارِكْ لَنَا فِي ثَمَارِنَا وَزُرُوعِنَا وَكُلِّ أَرْزَاقِنَا يَا ذَا الْجَلَالِ وَالْإِكْرَامِ. رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، الْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدُّعَاءِ عِبَادَ اللَّهِ:

﴿إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ﴾

اذكروا الله العظيم الجليل يذكركم، واشكروه على نعمه يزدكم، ولذكر الله أكبر والله يعلم ما تصنعون.

وَأَقِمِ الصَّلَاةَ

Kisha Khatibu atashuka kwenye Mimbar na itakimiwa Sala na Kusaliwa.

Na zifuatazo ni baadhi ya Mifano ya Khutba.

MAMBO MATANO UKIYAFANYA MALAIKA WANAKUOMBEA DUA



Ndugu Waislamu, baada ya kumshukuru Mwenyezi Mungu Jalla wa 'Alaa. Na Kumtakia Rehma na Neema. Sala na Salamu. Mtume wa mwisho. Nabii Muhammad *Salallahu 'Alayhi wa Salama*.

Nakuusieni katika kadhia nzima ya kumcha Mwenyezi Mungu; kama ambavyo nimetangulia kuiusia Nafsi yangu juu ya jambo hili adhimu.

Kisha leo, tuchukue fursa ya kujifundisha, mafundisho ambayo Mtume wetu *Salallahu 'Alayhi wa Salama* ametuwekea ili tujifundishe.

Leo, tuangalie sehemu ambazo kwamba zimekuja katika Sunnah na katika Qur-an. Kueleza namna gani sisi Waislamu tuliojaa Dhambi na makosa mengi. Tutaweza kuyafuta makosa yetu kwa njia nyepesi.

Leo hii, kama atakuja Mtu mwema. Akakupa khabari kwamba, sheikh fulani anakuombea Dua. Sheikh fulani anakutakia kheri. Sheikh fulani amekwenda Makkah. Nimemsikia katika Ka'aba pale akisema, ya Allah mfutie Dhambi au msamehe Ndugu yangu fulani. Labda Ali, au Muhammad au Issa, anakutaja kwa jina.

Wallaah utaona sharafu kubwa sana. Kwa sababu yule unamuitakidi ni Mtu mkubwa sana. Ni sheikh, pengine ni Imam mkubwa. Unaitakidi kwamba, huyu kwa kuniambia Mimi ananipenda sana, mpaka ananikumbuka na ananiombea Dua. Huyu ananipenda sana.

Vinywa vyetu sisi Wanadamu, ni Vinywa ambavyo havikosi kuacha kukosea. Kwa sababu tumeumbwa ili tukosee. Tumeumbwa na tumeumbiwa makosa kama zinavyothibitisha aya.

﴿وَاللَّهُ خَلَقَكُمْ وَمَا تَعْمَلُونَ﴾

Wa Allahu Khalaqakum wa Maa Ta-'amaluun".(Surat As Safat 37:96) Na Allah ndie aliekuumbeni Nyinyi na Kila mnayoyafanya.

Moja katika njia nyepesi kabisa na muhimu sana kuzijua. Ni njia za Mtu kufanya 'amali; na kisha kutarajia Malaika wakuombea Dua. Malaika ni viumbe ambao kwamba hawamuasi Mwenyezi Mungu kama zilivyosema aya.

(يَا أَيُّهَا الَّذِينَ آمَنُوا قُوا أَنْفُسَكُمْ وَأَهْلِيكُمْ نَارًا وَقُودُهَا النَّاسُ وَالْحِجَارَةُ عَلَيْهَا مَلَائِكَةٌ غِلَاطٌ شِدَادٌ لَا يَعْصُونَ اللَّهَ مَا أَمَرَهُمْ وَيَفْعَلُونَ مَا يُؤْمَرُونَ)

Ya Ayyuha Alladhheena Amanoo Qoo Anfusakum Waahleekum Naran Waqooduha Alnnasu Waalhijjaratu AAalayha Mala-ikatun Ghiladhun Shidadun La yaAAsoona Allaha ma Amarahum WayafAAaloona Ma Yu/maroona. (Surat At Taharim 66:6)

Tafsir: Enyi Mlioamini ziokoeni Nafsi zenu na za Familia zenu kutokana na Moto ambao kunizake ni Watu na Mawe, ambao wasimamizi wake ni Malaika Wakali sana na Wenye Nguvu na hawamuasi Allah kutokana na kile anachowaamrisha bal hua ni wenye kufanya yale wanayoamrishwa.

Hivyo Malaika hao ni ***La yaAAsoona Allaha ma Amarahum WayafAAaloona ma Yu/maroona*** - Hawamuasi Allah kutokana na kile anachowaamrisha bali hua ni wenye kufanya yale wanayoamrishwa.

Hizi ndizo sifa zao Malaika wa Mwenyezi Mungu Jalla wa 'Alaa.

Mimi ni Mwanadamu kama Wewe. Nakosea. Mdomo wangu huu unatukana, Mdomo wangu huu unasengenya, Mdomo wangu huu una sugu, na Mdomo wangu huu umejaa Madhambi.

Pamoja na kwamba ***Ahyaanan***, nasoma Qur-an, naweza kutoa Mawaidha; lakini muda mwingi Mdomo wangu unazama katika maasi. Unapotaka nikuombe Dua, si jambo baya, ni jambo zuri sana. Lakini, kuna viumbe waliokuwa ni bora zaidi, hao ndio wa kuomba Dua.

Midomo yetu imejaa machafu sana. Kuna Midomo ambayo, imezama katika kubusu Mashavu ya Wanawake wa haramu. Kuna Midomo ambayo imezama katika kunywa Pombe; na kuna Midomo ambayo imezama katika kutukana Watu. Kuna Midomo ambayo imezama sana katika kusengenya Watu. Kuna Midomo iliyozama katika kufanya mambo ya maasi, katika tupu za Watu.

Midomo yetu ni michafu mno.

Ndiyo maana, Siku ya Qiyamah, Allah Jalla wa 'Alaa, Midomo hii ataifunga.

﴿الْيَوْمَ نَخْتِمُ عَلَى أَفْوَاهِهِمْ وَتُكَلِّمُنَا أَيْدِيهِمْ وَتَشْهَدُ أَرْجُلُهُمْ بِمَا كَانُوا يَكْسِبُونَ﴾

Alyawma Nakhtimu AAala Afwahihim Watukallimuna Aydeehim Watashhadu Arjuluhum Bima Kanoo Yaksiboon (Surat Yasin 36:65)

Tafsir Siku hii tutaifunga Midomo yao, na mikono yao ndio itakayosema nasi na Miguu yao itashuhudia juu ya yale waliyokua wakiyachuma.

Siku hiyo tutafunga Vinywa vyao. Sababu vimekuwa ni *too much* katika maasi.

Lakini, Mwenyezi Mungu akatuwekea ndani ya Qur-an, sababu ambazo kwamba tukizifanya tutapata thawabu; tutapata sababu za kuombewa na Malaika.

Kwa mfano, Allah anasema katika Surat Ghafir kua:

﴿الَّذِينَ يَحْمِلُونَ الْعَرْشَ وَمَنْ حَوْلَهُ يُسَبِّحُونَ بِحَمْدِ رَبِّهِمْ وَيُؤْمِنُونَ بِهِ وَيَسْتَغْفِرُونَ لِلَّذِينَ آمَنُوا رَبَّنَا وَسِعْتَ كُلَّ شَيْءٍ رَحْمَةً وَعِلْمًا فَاغْفِرْ لِلَّذِينَ تَابُوا وَاتَّبَعُوا سَبِيلَكَ وَقِهِمْ عَذَابَ الْجَحِيمِ﴾

Alladheena yahmiloona alAAarsha waman Hawlahu Yusabbihoona Bihamdi Rabbihim Wayu/minoona Bihi Wayastaghfiroona lilladheena Rabbana WasiAAata Kulla Shay-in Rahmatan waAAailman Faighfir Lilladheena Taboo WaittabaAAoo Sabeelaka Waqihim AAadhaba Aljaheemi (Surat Ghafir 40:07)

Tafsir: Wale (Malaika) ambao ni wenye kubeba Arshi na wale wenye kuizunguka na kumtukuza Mola wao na Kumuamini na kuwaomba Msahama wale Walioamini kwa kusema: 'Ewe Mola wetu hakika wewe ni mwenye kukizuguka kila kitu kwa Rehma zako na Ilm, hivyo wasamehe wale wenye Kutubu na kuifuata njia yako na waokoe kutokana na Adhabu ya Moto.'

Hivyo "Alladhiina Yahmiluuna al A'Aarsha Waman Hawlahu", wale Malaika ambao wanaibeba 'Arshi ya Mwenyezi Mungu na waliozunguka. Malaika Watukufu wa juu kabisa katika 'Arshi ya Mwenyezi Mungu.

"Yusabbihuuna Bihamdi Rabbihim", kutwa kazi yao wanamtukuza Mwenyezi Mungu, na ***"Wayastaghfiruuna Lilladhiina Amanuu",*** wanawaomba Dua Waumini.

Angalia, hawa ni Malaika Watukufu, wanaoibeba 'Arshi ya Mwenyezi Mungu (kiti cha Mwenyezi Mungu wanakibeba juu). Malaika waliokuwa juu kabisa, achilia mbali wa Mbingu ya kwanza, wa Mbingu ya pili, na achilia mbali ambao wanashuka., ambapo Malaika wanaobeba Arshi ndio Malaika wenye maumbile makubwa kuliko Malaika wote, nah ii ni kwa sababu ya ukubwa wa hio Arshi yenyewe, na mbali ya Ukubwa wao basi Kiongozi wa ni Malaila Jibril *Alayhi Salam*, ambae nae ni Malaika mwenye Maumbile Madogo zaidi mingoni mwa Malaika wa Allah Azza wa Jallah.

Hivyo Malaika hawa ni wale Malaika wa juu kabisa. ***"Alladheena Yahmiloona alAAarsha Waman Hawlahu Yusabbihoona Bihamdi Rabbihim Wayu/minoona Bihi Wayastaghfiroona Lilladheena Amanoo"***, wanawaomba Dua walioamini.

Rabbana wasiAata Kulla Shay-in Rahmatan waAAailman Faighfir Lilladheena Taboo WaittabaAAoo Sabeelaka Waqihim AAadhaba Aljaheemi - 'Ewe Mola wetu hakika wewe ni mwenye kukizuguka kila kitu kwa Rehma zako na Ilm, hivyo wasamehe wale wenye Kutubu na kuifuata njia yako na waokoe kutokana na adhabu ya Moto.'

Hivyo Malaika wanasemaumwambia *Allah* Azza wa Jallah kua: Tunakuomba Mwenyezi Mungu, Wasamehe wale Walioamini.

Na Walioamini Ndugu zangu ndio sisi, lakini lazima tujue kwamba kule kusamehewa kuna shuruti zake, na kuna mambo yake.

Khutbah yetu ya leo ni kutaja sehemu za dhahabu, ambazo zimekuja katika Hadith za Bwana Mtume Muhammad *Salallahu 'Alayhi wa Salama*. Na zimekuja katika Qur-an kusema kwamba, mambo haya ukiyafanya, Malaika wanakuomba Dua.

Tutataja mambo 10. Kwa sababu ya wakati, tutataja leo matano. Na Mwenyezi Mungu akitupa fursa, akitupa uhai, na akitupa tawfiq, tutakuja kumaliza mengine matano.

Haya ni mambo au sehemu ambazo kwamba, jambo ambalo ukilifanya, Malaika wanakuomba Dua.

Uko Nyumbani kwako umekaa, pengine unatizama TV, pengine unashughulika na Mke wako. Pengine wacheza na Watoto wako. Huku Malaika wameinua Mikono, *Rabbanaa*, Mwenyezi Mungu msamehe fulani.

Mtu mmoja alikwenda kwa Al Imam Yahya Ibn Muadh, akamsikia akisema kuwaambia Wanafunzi wake: ***'Enyi Wanafunzi wangu, "If-hamuuhaa"***, ifahamuni sana hii aya tuliyosoma sasa hivi.'

Anasema Imam Yahya Ibn Muadh, ifahamuni sana aya hii: **"Famaa fi Al 'Aalam"**, Kwani hakuna hapa Ulimwenguni, **"Jannatun arjaa minhaa"**, hakuna aya ambayo ina matarajio ya kupatikana kwa Pepo ndani yake Zaidi ya aya hii ambayo inayonesha kua Malaika wanakuombea Dua wewe.

Kwani Malaika ni viumbe ambao Mwenyezi Mungu kawanyanyua, hawana makosa hata moja. Hivyo hakuna Jannah ambayo inatarajiwa sana kuliko hii.

Akasema tena Al-Imam Yahya Ibn Muadh Rahimahullaah, **"In Kaana Malakan Waahidan lau Sa-ala Allaha Ta'ala an Yaghfira Jami'il Muuminiina, laghafara lahum"**, Kama ikiwa Malaika mmoja tu – katika aya, Allah kasema Malaika wengi, **"Alladhiina"** wale ambao kwamba, ni wengi hawa, **"Yahmiluuna"** wanabeba – Al Imam anasema kwamba, ikiwa Malaika mmoja atamuomba Mwenyezi Mungu awasamehe Watu wote Ulimwenguni, basi Mwenyezi Mungu atawasamehe, **"Laghafara Allahu Lahum"**.

Akasema tena, **"Fakayfa"** Hivyo itakuwaje, **"Wa Jami'il Malaaiikah?"**, Kama kwa Malaika wote, ukijumuisha pamoja na wanaofanya nini? **"Wahamalatil 'Arshi Yastaghfiruuna lil Muuminiina"**, ukijumuisha Pamoja na wale waliobeba 'Arshi, wanamuomba Dua Muislamu. Itakuwaje?

Bila shaka utasamehewa, ni lazima usamehewe.

Na ni lazima tufahamu kwamba, hao Malaika hawatamuomba kila Mtu tu. **"Walaa Yashfa'uuna Ilaa Limani rtadhaa"**, wala hawatamuomba au kumtakia msamaha, ila yule ambaye kwamba amekubalika na kuridhiwa na Allah.

Je, ni nani ambaye Allah amemridhia? Huyu ni yule ambaye, atafanya haya mambo ambayo tutayataja katika Khutbah yetu ya leo, In-shaa Allah.

Mfano mzuri, ni Hadith ya Imam Bukhari ambayo kasema Bwana Mtume Muhammad Salallahu 'Alayhi Wa Salama, **"Faman Waafaqa Ta-amiinuhuu, Ta-amiinal Malaaiikah"**, Mtu akawa anasali na Imam. Imam kasoma *Al Faatihah*, kamaliza **"Waladh Dhaalliina"**, palepale Mtu yule akasema Aamiin; ile Aamiin yake ikaenda sambamba katika kutamkwa na Aamiin waliyotamka Malaika. Maana na wao Malaika wanaitikia. *Rasul Allah Salallahu 'Alayhi wa Salama* anasema: **"Ghufira Lahuu maa Taqaddama min Dhambihii"**, Mtu huyo atasamehewa Dhambi zake zilizotangulia. Hadith ya Imam Bukhari; ni Hadith nambari 6,402.

Angalia, **Mujarrad** wa kuwa uko nyuma ya Imam. Imam kasoma Suratul Fatihah, kisha wewe mawazo yako, yako pale pale, na kisha nawe ukaitikia **"Aamiina"**. Kule kuitikia

kwako, kukilingana na kuitikia kwa Malaika, Dhambi zako zitasamehewa. Haya ni maneno ya Mtume *Salallahu Alayhi wa Salam*. Hadith ni ya Imam Bukhari.

Sasa, tutataja sehemu ambazo kwamba, au mambo ambayo kwamba ukiyafanya; Mwenyezi Mungu Jalla wa 'Alaa, anawapa nguvu, anawapa ruhusa Malaika wakuombee Dua. Na Dua ya Malaika haikataliwi, kama tulivyoona katika maneno ya Imam Yahya Ibn Muadh *Rahimahumu Allah*.

Awwalan, jambo la kwanza kabisa, **"In-damaa Tatasaddaq"**, kama tulivyosema kabla ya Khutbah, pale unapotoa Sadaqah.

Bwana Mtume Muhammad Salallahu 'Alayhi Wa Salama, katika Hadith vilevile ya Imam Bukhari namba 1,442, anasema kwamba: **"Maa min Yaumin"**, hakuna hata Siku moja, **"Yasbihi Fiihi Al A'ibaadu"**, inawapambanukia Wanadamu, waja wa Mwenyezi Mungu, Siku imefika, kupambanukiwa, Siku ikatokea.

Anasema Bwana Mtume, **"Illa Malakaani Yanzilaani"**, isipokuwa kila Siku, kwa lugha nyingine kuna Malaika wawili wanashuka. Mwenyezi Mungu anawapa idhini Malaika wawili ili washuke ardhini.

Wanakuja kufanya nini? Sikiliza vizuri.

"Fayaquulu Ahaduhumaa", anasema mmoja katika Malaika wale: **"Allahumma", Ewe Mwenyezi Mungu, "A-'atii Munfiqan Khalafaa", Mwenyezi Mungu, kila anayetoa mpe badala yake nyingine, iliyokuwa bora zaidi.**

Subhaanah Allaah.

Sisi Wanadamu ni dhaifu. Kama atakuja kiongozi hapa wa nchi. Akaja na askari wake wawili pale; kila mmoja anatetemeka hivi. Au akaja waziri panakuwa na pirika pirika nyingi za maandalizi.

Ndugu yangu, Mwenyezi Mungu anashusha Malaika wawili kwa ajili yako. Hii ni fakhari kubwa mno. Usitetemekee Wanadamu, sikiliza Mtume *Salallahu A'layhi wa Salam* anakwambia kwamba, Mwenyezi Mungu anashusha Malaika wawili kwa ajili yako. Malaika hao wanasema: **"Ya Allah, kila anayetoa, Mwenyezi Mungu mpe badala yake iliyokuwa bora zaidi"**.

Na kwa nini waseme hivi?. Mwenyezi Mungu Jalla wa 'Alaa amesema zamani.

﴿فَأَمَّا مَنْ أَعْطَىٰ وَاتَّقَىٰ ﴿٥٦﴾ وَصَدَّقَ بِالْحُسْنَىٰ ﴿٥٧﴾ فَسَنُيَسِّرُهُ لِلْيُسْرَىٰ﴾

"Fa ammaa Man A-'ataa wa Ttaqa Wasaddaqa Bil Husnaa, Fasanuyassiruhuu"

lil Yusraa", Hivyo kwa yule atakaetoa na akawamuogopa Mola wake na akaamini juu ya malipo mema basi tutamrahisishia katika mambo yake kwa wepesi kabisa.

Ndiyo unamuona mwenzi fulani anaendelea. Mambo yake ni mazuri. Ana furaha, na hana mashaka ya roho. Tambua Ndugu yangu, yule anatoa; na akitoa, kuna Malaika wawili maalumu, Mwenyezi Mungu kawaweka wamuombee Dua yule.

Wewe hujajua jambo hili.

Tena *Rasul Allah Salallahu 'Alayhi wa Salama* anasema: 'Kisha Malaika wanaomba tena Dua, kwa yule ambaye kwamba hajatoa. ***"Allahumma - A'atii Mumsikan Talafaa"***, Mwenyezi Mungu, yule ambaye anacho, na hakutoa; Mharibie, mpe hasara.

Ndugu zangu, hawa ni Malaika wa Mwenyezi Mungu wametumwa kwa kazi kama hii. Kwani anasema Allah A'zza wa Jallah kua:

﴿وَأَمَّا مَنْ بَخِلَ وَاسْتَغْنَىٰ ﴿١﴾ وَكَذَّبَ بِالْحُسْنَىٰ ﴿٢﴾ فَسَنُيَسِّرُهُ لِلْعُسْرَىٰ ﴿٣﴾﴾

"Wa Ammaa Man Bakhila Wastaghnaa", na ambaye kafanya ubakhili na akajiona. ***"Wakadh dhaba Bil Husnaa; Fasanuyassiruhuu Lil 'Usraa"***, tutamwekea mambo magumu magumu.

Pengine unajiona dhiki, Biashara yangu haiendi, mbona Mimi ninaumwa. Mbona Mimi nina matatizo na Watu. Mbona Mimi ninagombana na Watu. Wewe ni kwamba una matatizo katika kutoa; Mwenyezi Mungu anakupa, lakini unashindwa kutoa.

Kila anayetoa, anatoa kwa uwezo wake. Hakuambiwa Mtu atoe Milioni moja au Laki mbili; kila anayeweza kutoa, atoe kwa uwezo wake. Kuna Mtu anatoa Mia tano, na Malaika wanamuomba. Kuna mwingine anatoa Milioni moja, na Malaika wanamuomba.

Ndugu zangu, hili ni jambo la kwanza kabisa. Ukitaka siri ya kwamba uombewe na Malaika, basi fuata maneno haya ya Bwana Mtume Salallahu 'Alayhi Wa Salama.

Ndiyo maana Imam Ibn 'Atiyya, *Rahimahullaah*, katika Tafsiri yake ya Qur-an akasema kwamba, ***"Balaghani"*** imenifikia habari Mimi. ***"Anna Rajulan Qaala Liba-A'adhi Saalihiin"***, kwamba, Mtu mmoja alikwenda kwa Mcha Mungu fulani na akamwambia: ***"Udu'uulii"***, nina matatizo Sheikh, Mimi ninaumwa, nina matatizo kadhaa, Niombee Dua. ***"Faqaala Lahuu"***, yule Mcha Mungu akamwambia yule aliyekuja, ***"Tub, Watabi'i Sabilillaah"***, wewe unachotakiwa, Tubu na ufuate njia ya Mwenyezi Mungu.

Ukifanya hivi, **"Yastaghfiru Laka Man Huwa Khayrun Minnii"**, atakutakia msamaha, akuombe yule aliyekuwa bora kuliko Mimi.

Je, ni nani hao? Hao ni Malaika. Kisha akasoma ile Aya ambayo tumeisoma.

﴿الَّذِينَ يَحْمِلُونَ الْعَرْشَ وَمَنْ حَوْلَهُ يُسَبِّحُونَ بِحَمْدِ رَبِّهِمْ وَيُؤْمِنُونَ بِهِ
وَيَسْتَغْفِرُونَ لِلَّذِينَ آمَنُوا﴾

Idhan, sehemu ya kwanza kabisa ni kwa yule ambaye anatoa Sadaqah.

Sehemu ya pili Ndugu zangu, katika mambo ambayo kwamba ukiyafanya, Malaika wanakuombea Dua ni **"In-damaa Tantadhiru Sala Fil Masjid"**, ni pale unapokuja Msikitini ukaingia, sasa Imam bado hajaingia, pengine hapajaadhiniwa, ukakaa kitako chini unasubiri Salah.

Hadith imekuja sahihi vilevile kwamba atapokuja mmoja wenu Msikitini amekuja katia Udhu, akaingia Msikitini na kisha akakaa kitako chini anasubiri Salah Malaika wanasema, **"Allahumma Ghfirlahu; Allahumma Arhamhuu"**.

"Wala Yazaalu Ahadukum", wala hataacha mmoja wenu kuombewa Dua, **"Man Tadhara Salah"**, muda atakapokuwa yuko Msikitini anasubiri Salah, na Malaika wanamuombea Dua, **"Allahumma Ghfirlahu, Allahumma Arhamhuu"**.

Wengi tunakosa haya, kwa sababu tunasubiri Adhana. Na ikifika Adhana, tutasubiri Iqaamah, na ikifika Iqaamah, tutasubiri *Takbiiratul Ihraam*, tutasubiri Imam afunge Salah, ndiyo tuje Msikitini.

Ndugu yangu unakosa **Fursatun Dhahabiyyah**: unakosa fursa ya Dhahabu kabisa. Ukija kabla, ukakaa kitako, unaombewa Dua, hii ni namna ya kwanza.

Namna ya pili ni kwamba. Ukishamaliza kusali, na ukakaa kitako palepale uliposali, basi Malaika wanakuombea Dua. Wengi tunakosea vilevile, Imam akitoa salamu, Mtu huyo kasimama anatoka. **Yaa Akhii Ilaa Ayna Tadh-habu?** unakwenda wapi Ndugu yangu weye?

Unakimbilia nini katika Dunia hii? Dunia umeikuta, na utaiacha. Babu yako alikuwepo Duniani akafanya yake na Dunia akaiacha. Baba yako, pengine kaja kaiacha Dunia pia; na wewe Ndugu yangu utaiacha Dunia hii vilevile.

Ndugu yangu, lako ni kutafuta akhera yako.

Rasul Allah Salallahu 'Alayhi wa Salama anasema: **"Wala Yazaalu"**, wala Malaika hawataacha kumuomba Dua, **"Man Tadhara Salah"**, muda atakapokuwa palepale katika Salah pale, kakaa anasubiri au kakaa baada ya Salah anamuomba Mwenyezi Mungu; Malaika wanakuomba Dua.

Hii ni **Fursatun Dhahabiyyah**, ni Fursa ya Dhahabu. Kadhalika, hii ni Hadith ya Imam Bukhari.

Sehemu ya tatu Ndugu zangu, "In-damaa Tu'allimuna Nnasa Al Khayra aw al Qur-an", ni pale unapokaa Mwalimu wa Qur-an. Au Mwalimu wa mambo ya kheri unawafundisha Watoto au Watu wazima. Unatoa darsa, unatoa Muhadhara, unatoa lecture, na hapa unaambiwa unasamehewa Dhambi zako, mpaka unyanyuke.

Rasul Allah Salallahu 'Alayhi wa Salama anasema: **"Fadhli ul 'Aalimi 'Alal 'Aabidi"** Ubora wa MWanazuoni kwa ubora wa mwenye kufanya Ibada.

Wenye kufanya Ibada kwelikweli sio sisi wa Salah tano tu. Kufanya Ibada maana yake ni kwamba anasimama Usiku, anafunga Sunnah, anatoa Sadaqah, anasali Sunnah zote, mfano Duhaa na nyingine, Witr na kadhalika, anasoma Qur-an, ni kufanya Ibada.

Wengi tumefahamu kwamba kufanya Ibada ni kusali. Hiyo ni sehemu tu Ndugu yangu. Je, ukishatoka ndiyo hamna Ibada? Laa. Ibada ni maisha yako yote Ndugu yangu. Hata ukitembea kama Qur-an ilivyokuamrisha,

﴿وَلَا تَمْشِ فِي الْأَرْضِ مَرَحًا إِنَّكَ لَن تَخْرِقَ الْأَرْضَ وَلَن تَبْلُغَ الْجِبَالَ طُولًا﴾

Wala Tamshi Fee al-Ardhi Marahan Innaka Lan Takhriqa Al-Ardha Walan Tablughu Al Jibala Toola(Surat Al Isra 17:37)

Tafsir: Na Wala usitemembea juu ya Ardhi kwa Kudunda na Kujivuna Kwani kwa hakika Huwezi kuipinda wala kupenya ndani ya Ardhi na wala hutoweza kufikia Urefu wa Maumbile ya Milima.

Hivyo **"Wala Tamshi Fil Al Ardhi Marahan"**, ni Ibada hiyo.

Ukakaa kitako wazungumza kama Qur-an ilivyokuamrisha,

﴿وَقُلْ لِعِبَادِي يَقُولُوا الَّتِي هِيَ أَحْسَنُ إِنَّ الشَّيْطَانَ يَنْزِعُ بَيْنَهُمْ ۖ إِنَّ الشَّيْطَانَ كَانَ لِلْإِنْسَانِ عَدُوًّا مُّبِينًا﴾

Waqul liAAibadee Yaqooloo Allatee Hiya Ahsanu Inna Alshaytana Yanzaghu Baynahum Inna Alshaytana Kana Lil-insani AAaduwwan Mubeena.' (Surat Al Isra 17:53)

Tafsir: Na Sema kuwaambia Waja Wangu Kua Waseme maneno yaliyokua bora kwani kwa Shaytani hakika ni mwenye kupandikiza Ugomvi baina yao, kwani kwa hakika Shaytani kwa Ibn Adam ni Aduia wa wazi.

Hivyo ***"Waqul li'ibaadii Yaquulu Hiya Ahsan"***, Sema maneno mazuri, Usimsengenye Mtu, Usimseme Mtu, hiyo ni Ibada.

Umekaa unakula, umepiga *Bismi Allahi*, na Wanao. Hiyo ni Ibada. Unamlisha Mkeo Keki, hiyo ni Ibada. Unafanya tendo la jimai na Mkeo. Hiyo ni Ibada.

Basi Mtu kama huyu, mambo yote anafanya haya, bado hamgusi hata kidogo Mwalimu anayesomesha Qur-an.

Rasul Allah Salallahu 'Alayhi wa Salama anasema, ubora wa Mwalimu kwa Mtu anayefanya Ibada, ***"Ka Fadhlii"***, ni kama ubora wangu Mimi, asema Bwana Mtume, ***"aAlaa Adnaakum"***, kwa yule mdogo wenu.

Yaani kuna Masahaba kina Abubakar, kuna Umar, kuna Othman, kuna Ally, kuna Twalha, kuna Ubaydullaahi, kuna Sa'ad, kuna Said, kuna Abu Dharr, kuna Ammar, wale wote ni Masahaba wakubwa *Radhi Allahu Anhum*.

Anasema *Rasul Allah Salallahu 'Alayhi wa Salama* kwamba, ubora wa MWanazuoni kwa Mtu anayefanya Ibada (siyo kafiri) ni kama ubora wangu Mimi kwa Sahaba aliyekuwa mdogo.

Sasa wewe fikiria ubora wa Mtume *Salallahu 'Alayhi wa Salama*, mfikirie *Rasul Allah Salallahu 'Alayhi wa Salama* kwanza alivyo. Angalia ni namna gani Mwenyezi Mungu kamtukuza, hakuna kiumbe aliyekuwa bora kuliko Bwana Mtume *Salallahu 'Alayhi Wa Salama*.

Sasa unaambiwa, ubora wa MWanazuoni, ni ubora kama ubora wa *Rasul Allah Salallahu 'Alayhi wa Salama* kwa Masahaba zake.

Kisha Mtume akasema: ***"Inna Allaha wa Malaikatahu"***, hakika Mwenyezi Mungu na Malaika wake, ***"Wa Ahlas Samaawaati wa Al Ardhi"***, na wanaoishi Mbinguni na Ardhini. Kwa maana kwamba Malaika wengine, Wanyama, Mimea na kila kitu.

"Hattan Namlatu fii Juhrihaa", mpaka Mdudu Chungu, Sisimizi katika shimo lake, ***"Wa hattal huut"***, na mpaka Samaki Baharini, ***"La Yusalluuna 'alaa Ma'alimin"***

Nasi Al Khayr au Mu'allimin Nasi Al Khayr", wanamuomba Dua Mwalimu anaesomesha Watu kheri.

Angalia, ***Ahl as Samaai***, ni Malaika. Ukikaa kitako na Mwanafunzi, Malaika wote wanakuomba Dua wewe.

Ndugu zangu hizi ni hali tatu. In-shaa Allah tutaeleza hali mbili katika Khutbah ya pili.

Tumetaja Ndugu zangu, sehemu tatu ambazo kwamba, tukizifanyia kazi tutapata Dua za Malaika. Na Dua za Malaika kama walivyosema Maimam hazirudishwi hata Siku moja na Mwenyezi Mungu. Kwa sababu wao, hawafanyi ila yale ambayo Allah amewaamrisha. Kadhalika, hawataweza kumuomba Mtu mpaka yule ambaye kwamba Allah kamridhia.

Kwa hiyo, ukiyafanya mambo kama haya, kwa lugha nyingine Mwenyezi Mungu anakuridhia; Mwenyezi Mungu akikuridhia, Malaika wanakuomba Dua; ukiombewa Dua, ***Inta Minal Faaiziin***, wewe ni miogoni mwa waliofuzu.

Raabi'an, jambo la nne Ndugu zangu, ***'In-da 'Tyaadhatil Mariidhi***, ni pale unapokwenda kuangalia wagonjwa. Hili ni jambo ambalo wengi wamelisahau. Wengi wamelipuuza, na wengi hawaendi Hospitali mpaka aumwe Nduguye.

Ndugu zangu tunakosa *fadhaail* nyingi sana.

Kwanza, ukienda kumtazama Mgonjwa, faida kubwa kabisa kabla hujampelekea chochote, na kabla ya kumuomba Dua. Faida unapata wewe unaeenda kumtazama Mgonjwa ya kuombewa Dua na Malaika. Malaika wanakuomba Dua, kama ilivyokuja katika Hadith ya Imam Tirmidhi, namba 2,008.

Anasema katika Hadith hii *Rasul Allah Salallahu 'Alayhi wa Salama* kwamba: ***"Man 'Aada Mariidhan"***, atakayekwenda kumuangalia Mgonjwa, ***"Au Zaara Akhallahu Fillaahi, Naadahu Munaadi"***, Humnadia wenye Kunadia yaani kuna Malaika maalumu ambao humwambia ***"Antibta Wataaba Manshaaka"***, kwa hakika umefanikiwa wewe. Safari yako hii ni ya mafanikio, umefanikiwa kuja Hospitali. ***"Wattabawata Minal Jannati Manzilaa"***, na huko Peponi umewekewa sehemu yako maalumu.

Subhaanah Allaah.

Malaika wanakusherehekea unapoenda kumuangalia Ndugu yako Hospitali. Na Ndugu yangu kwenda Hospitali ukitizama Wagonjwa, jambo la kwanza unajifundisha ni kwamba Watu wanaumwa. Unakuta kuna Mgonjwa katiwa mpira puani, mwingine katiwa mpira pembeni ya Tumbo, na mwingine katika Mbavu.

Unamkuta Mtu katundikwa Mguu juu, kapiga nne utasema labda kastarehe, hajastarehe yule, pale kafungwa jiwe la kilo tano anapata matibabu pale. Mwingine katiwa kitu kingine, yaani unakuta hali chungu nzima kiasi kwamba unaona uwezo wa Mwenyezi Mungu.

Na pale ndipo utakapojua thamani ya uzima na uhai wako uliokuwa nao.

Wale waliokuwa Hospitali, Mwenyezi Mungu hajawaonea kabisa, na wala hajawadhulumu. Ni Ja'ala tu, Allah kawajaalia muda ule wakae pale wawe na Maradhi yale.

Pale tunajifundisha kwamba, inawezekana kesho au kesho kutwa, Mimi nikaja kulala hapa. Bora nipunguze jeuri, na jeuri haifai Mwanadamu. Mwenyezi Mungu akizuia kitu kidogo tu, kwa mfano akizuia Mkojo tu, utapiga kelele, utasema unatolewa roho.

Hapo ni Mkojo tu, sio kitu kikubwa, achilia mbali choo kikubwa. Ukawa kila unapokula, na huendi haja, wewe unajaza tu katika Tumbo lako, Tumbo linavimba tu, huendi haja. Hili ni kubwa zaidi. Mkojo tu, maji basiitin, mepesi kabisa ambayo watia kinywani, Gao la maji haya, basi naam utakiona cha mtema kuni.

Siku moja, Harun Rashid alimwambia mmoja katika Maulamaa: **A'dhnii**, nipe Mawaidha. Akamwambia, unaonaje ukubwa wa Ufalme wako? Akasema Ufalme wangu ni mkubwa. Tangu Madinah, Misri, umekwenda mpaka mji wa Kufah, Iraq ni Ufalme mkubwa sana.

Akamwambia, unaonaje ikiwa utakosa Maji kabisa kabisa, una Kiu kali kabisa, ikawa hakuna Mtu wa kukupa maji. Mpaka Mtu mmoja akaja akasema kwamba, Mimi nitakupa maji katika Gilasi moja, lakini nataka unipe nusu ya ufalme wako, je, utakubali?

Akasema, nitakubali, kwa sababu bila hivyo nitakufa, nitakupa nusu ya Ufalme wangu.

Yule Imam akamwambia ni vizuri.

Akamwambia tena, unaonaje kama utakunywa maji vizuri na chakula chako ukashiba. Halafu Mkojo ukazuia, ukawa hautoki kabisa umezuiwa na matatizo. Daktari akakwambia kwamba, Mimi nitakutibu mkojo utoke, lakini Mkojo huu kutoka kwake utakapotoka, unipe nusu ya Ufalme wako, je, utakubali?

Akasema, alaa nitakubali, Ufalme una faida gani ikiwa sina siha, Mimi nitakubali.

Basi Imam akamwambia, Ufalme wako thamani yake ni gao la Maji kuingia kinywani. Na gao la Maji kutoka katika njia ya haja ndogo.'

Harun Rashid akalia sana. Kufahamu umuhimu wa afya.

Kwa hiyo, jambo la nne Ndugu zangu ni kuwatazama wagonjwa. Na wako Watu wamerehemewa, Mwenyezi Mungu kawapa ilham, wao kila Siku wanakwenda Hospitali, na wanaangalia Wagonjwa.

Wallaah ni moja katika 'amali kubwa mno. Kwa sababu, kila ukifika pale, Malaika wanakuombea Dua.

Na mara nyingi panatangazwa hapa, jamani twendeni kule Ocean Road, twendeni wengine, ili mkajionee. Mtu mmoja, Siku moja na aamue tu, afike kule saa 12 aangelie. Wa Allaahi atarudi hapa hali ya kuwa ni Mnyonge sana; na atatoa kile ambacho anacho.

Hili Ndugu yangu, ni jambo la nne.

Jambo la tano na kwa leo ni la mwisho. ***'In-da Ad Du'aai Lil Ghayr.***

Unapokaa pekee yako, Nyumbani kwako au popote pale ukamuombea Dua Ndugu yako ambaye hayuko pamoja nawe, na wala hana habari kabisa. Pengine yuko shamba, pengine yuko kazini, na pengine kalala. Wewe unaomba Dua, Mwenyezi Mungu msamehe Ndugu yangu, Mwenyezi Mungu msamehe fulani.

Yaa Allah Ighfir li Muhammad, Ighfir li Ally, Ighfir li Issa, Ighfir li Ahmad.

Unamuombea Dua Ndugu yako, au Watoto wake; wa ***Allaah***, Malaika wanakuombea Dua na wewe.

Ndiyo maana imekuja katika Hadith ya Imam Muslim, Hadith ya 2,733, *Rasul Allah Salallahu 'Alayhi wa Salama* kasema: ***"Da'aWatul Muslim Liakhiihi Bidhaatil Ghayb"***, Dua ya Muislamu atakaye muombea Nduguye, hali ya kuwa Ndugu yule hayuko na hana habari. ***"Mustajaabah"***, inakubaliwa.

"Inda Ra-asihii Malaki", Mwenyezi Mungu anampelekea Malaika Mtu yule anayeomba Dua anakuwa wakili, ***"Kullamaa Da'a Liakhiihi"***, kila akiomba kumuombea nduguye, basi, ***"Qaalal Malaku"***, anasema Malaika, ***"Al Muwakkal"***, aliyeko pale, ***"Aamiina"***, Mwenyezi Mungu mkubalie, ***"Walaka Mithlu Dhaalika"***, na yeye mpe kama hayo.

Subhaanah Allah. Umekaa Nyumbani, na hii ndiyo siri.

Kuna Mtu mmoja, alikuwa na Watoto watatu akawapeleka skuli. Watoto wale walikuwa ni ma *genius* kabisa, hodari sana. Siyo ma *genius* tu, ni mpaka tabia zao, kila Mwalimu anawapenda. Wanaongoza katika *class*, na kila Mwalimu anawapenda.

Wana tabia nzuri, wamehifadhi Qur-an, ni Wanyenyekevu.

Mmoja wa walimu akasema hapana, Mimi nataka kwenda kwa Baba yao kumuuliza. Ana siri gani na Watoto wake.

Akaenda kwa Baba yule akamuuliza. Sheikh Mimi nimekuja, nataka nijue, siri ya malezi yako. Malezi yakoje kwa wanao. Maana yake, Maa-sha Allah, ni Watoto wanyenyekevu, watiifu, wasikivu, na mahodari, ma *Genius* kabisa. Nini siri yako?

Yule Bwana akasema, ambaye ni Mtu wa kawaida tu, sio sheikh, si Imam, si Mwalimu, si kiongozi. Akasema, Mimi nilipooa, nilisikia Hadith ya Mtume, hii tunayosoma sasa, kwamba Mtu ambaye kwamba atamuomba Dua nduguye, hali ya kuwa Ndugu yule hana habari wala hayuko; Mwenyezi Mungu anampa mfano wake.

Sasa, Mimi nikishasali nawaomba Watoto wa Ndugu zangu, nawaomba Watoto wa Rafiki zangu. Nawaomba Watoto wa mtaani. Nawaomba Watoto wa Msikitini. Ndiyo kazi yangu hii.

Yule Mwalimu akamwambia, ahaa ndiyo maana Mwenyezi Mungu anakulipa kwa Watoto wako. Hii ndiyo siri, ndiyo maana Allah anakulipa kwa Watoto wako.

Yule Baba akamwambia inawezekana, lakini Mimi ndicho ninachofanya hiki; nikimaliza kusali tu nawaomba Dua Watoto wa mtaani. Watoto wa Ndugu zangu. Watoto wa Msikitini. Watoto wa Vyuoni. Mwenyezi Mungu awatengeneze, wawe wazuri, wasome wafahamu, wawasaidie wazee wao.

Mwalimu akamwambia, basi nimeshafahamu, na hii ndiyo siri ya kufanikiwa kwako.

Ndugu zangu haya ni mambo matano.

In-shaa Allah, tutakuja kumalizia na mengine matano, Mwenyezi Mungu akitupa uhai katika Siku za mbele.

MAMBO 5 MTUME ALIYOTUKATAZA NA AKATAKA TUJIKINGE

NAYO



Ndugu Waislamu, baada ya kumshukuru Mwenyezi Mungu Jalla wa 'Alaa. Kumtakia Rehma na Neema. Sala na Salamu. Mtume wa mwisho, Nabii Muhammad *Salallahu 'Alayhi Wa Salama*.

Nakuusieni katika kadhia nzima ya kumcha Mwenyezi Mungu kama ambavyo nimetangulia kuiusia Nafsi yangu juu ya jambo hili adhimu.

Khutbah yetu ya leo tuangalie maneno ya busara aliyotueleza Mtume wetu Muhammad *Salallahu 'Alayhi wa Salama* tangu miaka zaidi ya 1,440 iliyopita. Hayo ni maneno ambayo kwamba yanafanya kazi katika karne yetu.

Maneno ambayo kwamba ukiyatazama ***Ka-annahuu Yandhuru Min Waraail Hujub, Wayaraa Mashaakilanaa***, kana kwamba *Rasul Allah Salallahu A'alayhi wa Salama* alikuwa anatuangalia sisi Watu wa karne hizi. Na anaona matatizo yetu, na anaona dhiki zetu.

Na akasema maneno ambayo ni mazima mno. Kiasi ambacho kwamba mpaka waliokuwa si Waislamu, wamekuja baadaye wakayasoma, wakayafahamu, wakayafanyia kazi, na wengine yakawasaidia.

Lakini, ***A'al Aal Asaa wal Asafish Shadiid***, sisi wenye Dini yetu. Wenye Mtume wetu, wenye Kitabu chetu, na wenye Sunnah yetu, tumeghafilika nayo.

Tunapata matatizo mengi sana. Tunajiuliza ni nani kasababisha, kwani Ummah umepotea, umeangamia. Ummah umo katika hali mbaya mno. Ummah uko katika ujinga na kiza ambacho kwamba hakikutarajiwa.

Na *Rasul Allah Salallahu A'alayhi wa Salama* alituambia zamani, ***Taraktum Fii Mahajjatil Baydhaaa***, nimekuacheni katika uwanja mweupe. Uwanja ambao kwamba, ***Laa Yazighu A'anhaa Illaa Haalik***, hakuna anayeweza kupotea katika uwanja huo, isipokuwa Mtu ambaye ni tonga, tangu hapo ni Mjinga.

Ummah wa kusoma. Anasema Abdallah Ibn Umar *Radhi Allahu A'anhu* kwamba, Siku moja *Rasul Allah Salallahu A'alayhi wa Salama* alizungumza na kijana Mmoja akamuuliza masuala mawili matatu.

Baada ya kumjibu, Rasul Allah Salallahu A'alayhi wa Salama akatugeukia sisi Masahaba wake na akatwambia, ***"Yaa Ma-'asharal Muhaajiriina Khamsun Idhibtuliitum Bihinna wa a-a'uUdhu bi Allaah an Tudrikuu Hunna"***, enyi Watu Muhaajiriina, Watu mliohama toka Makkah mkahamia Madinah.

Anawaambia hawa, kwa sababu ndio waliodhihiri pale, wakawa wengi, si kama maneno haya hayakuwahusu Answaar, hapana. Wala si kama maneno haya hayatotuhusu sisi, hapana. Ni kwa sababu ya ***Khusuusiyya*** ya waliokuweko pale. ***Al Lafdhu 'alal 'umuum***, maneno yaliyokusudiwa yanatuzungumza sote.

Hivyo Anasema *Rasul Allah Salallahu A'alayhi wa Salama* : 'Enyi Watu mliohama, **"Yaa Ma-'ashara Al Muhaajiriina, Khamsun"**, kuna mambo matano hivi, **"Idhibtuliitum Bihinna"**, mambo hayo mkitakiwa mtihani na Mwenyezi Mungu yakakufikeni.

Kisha Mtume akasema, **"Wa A-a'uUdhubillaah an Tudrikuuhunna"**, Mimi *personally Rasul Allah Salallahu A'alayhi wa Salama* namuomba Mungu akuingeni mambo haya yasikukuteni.

Subhaanah Allaah.

Rasul Allah Salallahu A'alayhi wa Salama anataka kutaja mambo. Lakini kabla ya kuyataja, anawaomba Dua Masahaba zake, yasiye yakawakuta mambo kama hayo.

Sisi Ndugu zangu, sio kama yametukuta, bali tumeyavaa. Kila mmoja katika sisi, ni *mas-uul*; kila mmoja katika sisi anachangia, yumo.

Tutaangalia mambo haya matano, kila mmoja atakiri ndani Nafsi yake kwamba, kweli Mimi nimo katika mambo ambayo *Rasul Allah Salallahu A'alayhi wa Salama* ameyakataza.

Rasul Allah Salallahu A'alayhi wa Salama akasema jambo la kwanza, **"Lam Tudh-hir ul Faahishah"**, hautadhihiri uchafu, **"Fi qaumin"**, katika Watu wowote watakaokuwa wanaishi, **"Qattun, Hatta yu-'ulinu Bihaa"**, mpaka uchafu ule ukaenea, ikawa kila Mtu mambo yale anayaona kila Mtu anayajua.

"Illaa Fashaa Fiihimi Taa'uun", isipokuwa watakutana na Maradhi makubwa makubwa, kama **"Taa'uun, wal Aujaa'i"**, na matatizo ya njaa na mengine, **"Allatii Lam Takun Madhwat fii Aslaafihim Alladhiina Madhwau"**, anasema mtakutana na matatizo na maradhi ambayo kwamba ya vipindi, yanatoka haya yanakuja haya, yanatoka haya yanakuja haya. Maradhi ambayo kwamba hayakuwahi kuwepo katika wakati wa wazee wenu waliokutangulieni.

Wafi'lan, ni nani anakataa leo? Nani Baba yake, babu yuko mbali, Baba aliyejua kwamba kutakuja na maradhi ya corona. Bali ni nani babu yake aliyekisia kuna maradhi ya corona, hakuna. Tunapigwa, huku kuna Malaria, na huku kuna UTI inatesa kila Siku Ikitoka UTI, mara yanakuja maradhi mengine, tena ni makubwa makubwa. Kuna Ukimwi na kuna maradhi mengine makubwa, maradhi yanapokezana.

Na haya ndiyo *Rasul Allah Salallahu A'alayhi wa Salama* aliyoyasema, kuna kipindupindu kikiingia, kinapindua pindua kila kitu hakibakishi kitu. Haya yote *Rasul Allah Salallahu A'alayhi wa Salama* ameyaona zamani. Na ndiyo maana akayasema. Nini ni sababu

yake? Sababu yake ni machafu kuenea katika jamii, khalas. Wala usitafute maneno mengi ya kutafuta *Ta-'abiir*.

Mwenyezi Mungu anasema: ***Dhahara Alfasadu Fee Albarri wa Al Bahri Bima Kasabat Aydee Al Nnasi Liyutheeqahum baAAda allathee AAamiloo laAAallahum yarjiAAoona.*** umeenea ufisadi tangu ardhini mpaka baharini ufisadi mtupu.

Nani asiyejua leo kwamba, vijana wanavyotaka kwenda kufanya uchafu, wana kodi boti au jahazi, kisha wanakwenda katika kisiwa fulani hivi. Wanakaa Uchi, wanazini, na wanalewa mpaka wamalize, wanarudi. Yaani hawakutosheka kufanya maasi katika ardhi hii, bali wanakwenda mpaka baharini.

﴿ظَهَرَ الْفَسَادُ فِي الْبَرِّ وَالْبَحْرِ بِمَا كَسَبَتْ أَيْدِي النَّاسِ لِيُذِيقَهُمْ بَعْضَ الَّذِي عَمِلُوا لَعَلَّهُمْ يَرْجِعُونَ﴾

Dhahara Alfasadu Fee Albarri wa Al Bahri Bima Kasabat Aydee Al Nnasi Liyutheeqahum baAAda allathee AAamiloo laAAallahum yarjiAAoona. (Surat Ar Rum 30:41)

"***Swadaqah Allaah***, anasema kweli Mwenyezi Mungu.

Achilia mbali huko, hivi unavyotembea, kila upitapo unaona Watu wamekaa Uchi, ndio ile Mtume aliposema, ***Hattaa Tu-'ulinuu***, mpaka yaene kila pahala, kila unapotazama unakuta mambo ya Uchi.

Ukiangalia TV ni mambo ya Uchi. Ukisikiliza redio tangazo ni la kamari, tangazo la betting. Tangazo ni la disco. Tangazo ni la mambo ya maasi, kila pahala. Rasul Allah Salallahu 'Alayhi wa Salama akasema, ***Tu-'ulinuu***, mpaka mambo yale yaene. Na kinachofuatia ni maradhi ya mpigo; na ndo yanayotukuta sisi.

Sasa tunajiuliza, sayansi imeendelea, teknolojia ya hali ya juu kabisa, Watu wana elimu ya hali ya juu kabisa, na kuna chanjo unachanjwa kutopata maradhi kwa muda fulani. Lakini wapi, ***Swadaqah Allaah ul 'adhiimu. "Dhahara Alfasadu Fee Albarri wa Al Bahri Bima Kasabat Aydee Al Nnasi"***, Mwenyezi Mungu kasema kweli kwamba, machafu yameenea kwa sababu ya kuharibika tabia za Watu.

Hadith hii amepokea Imam Ibn Majah katika Sunanihi nambari 4,019; na akapokea Al-Imam Tabraniy, *Fii Muj-amii al-Awsat*, nambari 4,071 na kadhalika, ameipokea Imam Al-Haakim.

Je, ni nini maana ya kusema maneno haya. Ni ili ujue kwamba, haya si maneno ya kubuni, si kwamba Mtu mmoja kakaa hivi, akabuni buni maneno ya Mtume, hapana. Haya ni maneno yaliyothibiti katika kinywa cha Mtume *Salallahu 'Alayhi wa Salama*.

Na *Rasul Allah Salallahu A'alayhi wa Salama* ana Sifa moja kubwa sana, ambayo tunaijua,

﴿وَمَا يَنْطِقُ عَنِ الْهَوَىٰ ۖ إِنْ هُوَ إِلَّا وَحْيٌ يُوحَىٰ﴾

Wamaa Yantiqu A'anil Al Hawaa, in Huwa Illaa Wahyun Yuuhaa”,(Surat An Najm 53;3-4) hasemi kwa mapenzi yake. Kila alisemalo ni maneno aliyopewa na Mwenyezi Mungu ayaseme.

Kwa hiyo, Mwenyezi Mungu wakati mwingine, anatuuliza kwa kutunabahisha, ***Littaubiikhi Wa Al Istif-haamu:***

﴿أَوَلَمَّا أَصَابَكُمْ مُصِيبَةٌ قَدْ أَصَبْتُمْ مِثْلَيْهَا قُلْتُمْ أَنَّىٰ هَٰذَا قُلْ هُوَ مِنْ عِندِ أَنفُسِكُمْ إِنَّ اللَّهَ عَلَىٰ كُلِّ شَيْءٍ قَدِيرٌ﴾

Awa Lamma Asabatkum Muṣeebatun Qad Asabtum Mithlayha Qultum anna hadha Qul Huwa min AAindi Anfusikum Inna Allaha AAala kulli Shay-in Qadeerun(Surat Al Imran 3:165)

Hivyo kila mnapopata matatizo makubwa makubwa, ***"Qad asabtum Mithlayhaa"***, wengine washapata mfano wa huu, ***"Qultum Annaa Haadha"***, mnasema kwamba haya yametoka wapi?

Ati mnajiuliza, kwa sababu unajiona unasali Salah tano, kwa sababu unajiona unafanya kitu kadhaa. Unadhania mengine yatakupeuka, kumbe unayafanya bila kuyajua, kama ambavyo utayaona.

"Huwa Min A'i-ndi Anfusikum", Allah anatuambia, Muhammad waambie hayo yanatokana na Nafsi zenu wenyewe. ***'Ay Bisababi Dhunuubikum'***, kamaa Qaala Imam Ibn Kathiir *Rahmatu Allah 'alayhi*.

"Inna Allaha 'alaa Kulli Shay-in Qadiir".

Akasema tena Allah,

﴿وَمَا أَصَابَكُمْ مِّنْ مُّصِيبَةٍ فَبِمَا كَسَبَتْ أَيْدِيكُمْ وَيَعْفُو عَن كَثِيرٍ﴾

"Wamaa Asaabakum Min Musiibatin Fabimaa kasabat Aydiikum", (Surat Shuara 42:30)

Na matatizo yote yanayokukuteni ni kwa sababu ya mambo mliyoyachuma wenyewe.

Lakini mtambue, ***"Waya-'afu 'an Kathiir"***, Mwenyezi Mungu mambo mengi anafunika, mambo mengi mungu anayapitisha, mambo mengi anayafungia macho, mambo mengi Mwenyezi Mungu hakulipini itakiwavyo, anakufutieni.

Hayo machache anayotupa, ndiyo matatizo ambayo tunayoyapata.

Kwa hiyo, jambo la kwanza ni kudhihiri kwa maasi.

Rasul Allah Salallahu A'alayhi wa Salama amesema katika Hadith nyingine, Imam Muslim anasema, ***"Sinfaani Lam Arahumaa"***, kuna Watu wa namna mbili, sijawaona bado, kuna Watu namna mbili, bado Sikuwaona. Ni Watu wa namna gani hao?

Sikiliza vizuri, pengine Mimi nimo au wewe umo. Watu hawa aina ya kwanza ni ***"Rijaalun Biaydiihim Siyaatun"***, Watu Wanaume ambao kwamba mikononi mwao wanakuwa na bakora kama mjeledi hivi. Wanapita Watu hao: ***"Yadhribuunan Naasa"***, wanapita wakiwapiga Watu.

Maulamaa katika kueleza maana ya maneno haya ya Mtume *Salallahu 'Alayhi Wa Salama*; ni huu ufisadi wa sasa hivi. Unasikia Mtu katekwa, unasikia Mtu anachukuliwa katika gari kwa nguvu, anasokomezwa ili apate akauawe, unasikia Mtu mara kapotezwa, unasikia Mtu mara yuko ndani hata sababu haijui.

Mashaka yamekuwa ni mengi. Watu kuonewa kwa kumwagwa damu zao. Pia haya ni maasi ya damu. Mtume kasema bakora, ile ni kinaya ya dhulma ya mwenye nguvu kwa asiyekuwa na nguvu. Anasema Mtume *Salallahu 'Alayhi Wa Salama*, ***"Mimi bado sijaona Watu wa namna hiyo"***.

Rijaalun wa kwanza, ni Wanaume ambao kwamba mikononi mwao wana Bakora, wanapita wakiwapa Watu. ***Kinaya*** ya haya yanayotokea sasa hivi.

Dhulma Filistine, dhulma Syria, dhulma Yemen, dhulma Somalia, mpaka Watoto wadogo wadogo ambao kwamba hata hawajui kwa nini wanauwawa, sasa wanauawa.

Ndiyo *Rasul Allah Salallahu 'Alayhi wa Salama* katika Hadith nyingine akasema, utakuja wakati yule aliyeua hajui kwa nini anaua. Na aliyeuawa, vilevile hajui kwa nini anauwawa, ndio sasa hivi.

Inapigwa bomu, Watoto wadogo wanavuta pumzi, kufilia mbali, wanabanwa na kifusi wanakufilia mbali. Wanaangukiwa na Nyumba, wanakufilia mbali. Yote ni kwa sababu ya maasi yaliyodhihiri ya kwenda Uchi, maasi ya utupu.

Katika Hadith ya Imam Muslim akasema vilevile, na Wanawake, **"Nisaaun 'Aariyaatun Kaasiyaatun Maailaatun Mumilaatun"**, Wanawake ambao kwamba wamevaa nguo, lakini wako Uchi.

Maana yake ni nini? Maana yake ni hawa Wanawake ambao wanavaa suruali, kisha wanatembea. Kavaa nguo, lakini ukimtazama, unaona mikatiko yote ya mwili akitembea, maana yake yuko Uchi pale; lakini kavaa Nguo.

"Kaasiyaatun 'Aariyaatun", wamevaa nguo, lakini wako Uchi.

Rasul Allah Salallahu 'Alayhi wa Salama kayasema zamani haya. Sasa usije ukasema, Mimi hayanikhusu; yanakuhusu Ndugu yangu. Jiulize wewe, huyu Mwanamke ambaye kwamba anavaa Baibui lililokuwa *tight*, anavaa Baibui limeishia magotini, anavaa baibui ambalo kwamba liko *transparent*, linaonyesha na ndani kila kitu mpaka upande wa pili.

Huyu Mwanamke ni Muislamu, katoka wapi? Katoka katika Nyumba moja ya Waislamu, kama si Nyumba yako wewe, ni yangu Mimi. Hakutoka katika ardhi, wala hakutoka mwituni huyu, katoka hapa Kariakoo au Ilala au Magomeni, kama si kwangu, kwako wewe, katika Nyumba ya wazee wake.

Na akapewa pesa, akaenda kununua suruali, akavaa anatembea na kibaibui kile, anakwenda Uchi. Wewe unadhania kwamba hawa wa Watoto Siku hizi bana, Mimi Mwanangu anavaa baibui. Lile si baibui, anavaa suruali na wewe unachangia.

Sisi ndiyo **Mas-uul**, asikazane Mtu katika mambo mengine tu,

﴿الرِّجَالُ قَوَّامُونَ عَلَى النِّسَاءِ﴾

"Al Rijaalu Qawwaamuuna A'ala Nisaa", (Surat An Nisaa 4:34) ni lazima uoe Bwana, Mwanamume ndiye mwenye kusimamia mambo.

Ni mwenye kusimamia mambo kweli, yakiwa ya kheri, na vilevile Mwanaume atawajibika kwa Mkewe na Watoto wake, mambo yatakuwa mabaya Siku ya Qiyamah atasimamishwa.

"Kullukum Raa'in, wa Kullukum Mas-uulun 'an Raa'iyatihi", kila mmoja ni Mchungu, na kila mmoja ataulizwa kwa kile alichokichunga.

"Maailatin, Mumilaatin, fii Ru-uusihinna Ka-Aslimatil Bukhtil Maailah", Mtume Salallahu 'Alayhi Wa Salama, anaendelea kutoa mfano wa Watu kama hawa. Wanafunga madude makubwa katika Nywele zao, wanafanya kama wana Nywele nyingi ili ionekane bichwa kubwa hivi. Yote ni kumbabaisha Mwanaume .

Anasema Mtume Salallahu 'Alayhi Wa Salama, **"Maailatin Mumilaatin",** wakitembea washapotoka wao kwa sababu ya maasi, halafu wanawapotosha wote wale wanaowatazama.

Maana yake Mwanaume ni dhaifu kwa Mwanamke. Akipita Mwanamke, lazima Mwanaume atageuza uso amwangelie, akimwangelia naye vilevile anaharibika, anaharibikiwa.

Wameshapotoka wao na wanawapoteza wale wanaowafuata.

Rasul Allah Salallahu 'Alayhi wa Salama akasema, **"Laa Yadkhulna Al Jannah",** Wanawake kama hawa, na Wanaume hawa, hao wanaoteka Watu na hawa wanaotesa Watu, na hao wanaokwenda Uchi hawataingia Peponi. **"Walaa Yajidna",** na vilevile hawatapata hata harufu ya Pepo.

Jambo la kwanza ni hili, lazima tulifahamu.

Adh dham-bu Ththaanii katika Hadith yetu, Mtume akasema, **"Maa Naqasal Makaayil wa Al Mawaaziin",** Watu hawataacha kufanya Biashara kwa kupunja.

Subhaanallaah.

Na hii ndiyo hali yetu leo. Nenda sokoni Kariakoo na wala usiende mbali. Nenda hapo Kariakoo, unakuta kisado cha Mbatata au Nyanya, na kule chini kimepigwa kimetoboka, kimekuwa kimepanda juu kabisa.

Halafu inapangwa Tungule, au Nyanya kama Matofali, ukigusa kidogo tu zinaporomoka, kwani kule ndani kuna uwazi uwazi. Wewe unasema nitilie Kisado kizima, kumbe kile ni nusu Kisado tu, ushapigwa!

Sikwambii kwenda katika bucha ya Nyama, inapigwa Nyama hivi, katika kile kitako cha mizani ikirudi juu mara moja unaona imekaa sawa, kumbe jamaa zamani huku upande wa kushoto keshafanya kitu chake. Kachomeka kitu kule, ili iwe nzito ile Mizani yake upande wa kulia. Pale anapoweka Nyama, kuna kitu labda Sumaku anachomeka, ili iivute kuelekea chini.

Sikwambii tena mambo ya mitandao ya simu, wizi mtupu. Sikwambii Biashara, tunafanyiana, yaani kila Biashara ndani yake kuna ghushi, wizi, na unyanganyi.

Mwenyezi Mungu amesema wazi maneno kama haya katika aya 4 za mwanzoni kabisa za Sura ya 83, *Surat Al Mutaafifin* kua:

﴿وَيْلٌ لِّلْمُطَفِّفِينَ ﴿١﴾ الَّذِينَ إِذَا اكْتَالُوا عَلَى النَّاسِ يَسْتَوْفُونَ ﴿٢﴾ وَإِذَا كَالُوهُمْ أَوْ وَزَنُوهُمْ يُخْسِرُونَ ﴿٣﴾ وَإِذَا كَالُوهُمْ أَوْ وَزَنُوهُمْ يُخْسِرُونَ ﴿٤﴾ أَلَا يَظُنُّ أُولَٰئِكَ أَنَّهُمْ مَبْعُوثُونَ ﴿٥﴾﴾

"Waylun lil Mutaaffifiina", adhabu kali itawapata wenye kupunja. **"Alladhiina Idha Iktaluu Aa'ala An Aasi Yastawfuuna. Waidhaa Kaaluhum Awwazanuuhum Yukhsiruuna"**, kisha Allah anauliza, **"Alaa Yadhunnu Ulaaika Annahum Mab-A'uuthuuna"**, hivi hawa hawadhani kama iko Siku watafufuliwa, wataulizwa?

Mmoja katika Masahaba, nadhani ni Ibn Umar *Radhi Allahu Anhu* alikuwa akisoma Qur-an akafika aya hii, basi Wa Allah akashindwa kuendelea akawa anarudia aya hii mpaka Asubuhi, anasoma, anashindwa kuendelea kabisa.

"Alaa yadhunnu", Watu hawajui, hawadhani, kama Mungu anawaona; hawadhani kwamba iko Siku watasimamishwa. **"Liyaumin 'adhiim"**, **"Yauma yaquumun naasu li Rabbi al' Aalamiin"**, Watu hawajui hili? Likamtatiza sana Ibn Umar *Radhi Allahu Anhu*. Pakakucha anarudia aya hii, analia kwa **kutadabbar** na kujua maana yake.

Leo, Mtu anasali Salah tano, na anafanya Biashara kama hii, wala hana habari yoyote. Maisha yake yote yamejengwa katika Biashara kama hii ya kughushi na kuiba na kunyang'anya na kufanya ujanja ujanja. Halafu anajiona yeye ni mjanja mjini hapa, utaishia pabaya Ndugu yangu.

Jambo la pili ni hili.

Nini adhabu yake? Katika Hadith Mtume kasema, **"Uquubatun al Uulaa"**, adhabu yetu ya kwanza katika kosa hili: **"Alqahtu wa Al Jabbu"**, miaka ya njaa.

Leo unasikia Ulimwengu, jamani Afrika ifanye kazi kubwa kwa sababu ardhi yake nzuri. Tuchangie sijui wapi kuna njaa, kila katika miaka kuna pahala fulani katika ardhi kuna njaa. Hatuzingatii kwa nini?

Ardhi sehemu kubwa sana ni *green, very greenish*. Kiasi kwamba, kila kitu kinaota, lakini bado kuna njaa, kwa nini? Sasa tena sio kuota tu, kuota kwa kutiliwa mbolea. Zamani tukisubiri Machungwa kuzaa labda kwa mwaka mara moja au mbili. Sasa kuna Mbegu kwa miezi mitatu, au miezi miwili inazaa. Tukisubiri zamani sijui Minazi mpaka miaka fulani. Sasa miaka miwili, na Mnazi unazaa, tukisubiri haakadhaa.

Lakini mbona bado kuna njaa? Sababu ni hii. Ya kwanza kabisa, adhabu yake ni kupigwa kwa njaa kila mwaka.

Na pia Mtume kasema, **"Wa Thaaniya an Yusallit Allahu 'alayhim Sultaanihim"**, ni Mwenyezi Mungu kuwasalitisha na viongozi wao.

Anakuja kiongozi katika ardhi, anawatesa mpaka wanashika adabu zao wananchi wa pale. Na ndiyo tulivyo sasa, tunakaa tunazuliwa Mtu anakuja anatawala na anatesa wee. Mpaka akiondoka, kila Mtu ni taabani, kachoka, anajiuliza jamani, **"Mataa Nasru Allaah"**, Mungu atatunusuru lini?

Ananyang'anya hichi, anamfunga huyu, anampoteza huyu, balaa moja kwa moja. Kumbe tatizo nini, tatizo ni wafanyaBiashara wenu, wamezama katika ghushi. Rasul Allah Salallahu 'Alayhi wa Salama kasema hivi.

Hili ni jambo la pili. Na wanadhania Watu, kwamba lazima Watu wajue kwamba, **Inistataa'uu an Yakhda'uu Ba-'adh Al Mushtariin**, akiweza kuwahadaa baadhi ya wanunuzi. **Fainnahum**, wajue kwamba, **Laa Yastatii'uuna an Yakhda'u Allaha Jalla wa 'Alaa**, hawawezi kumkhadaa Mwenyezi Mungu hata Siku moja.

Kama walivyosema Wazungu, **you can fool some people, sometime, but you cant fool all people all time**. Unaweza ukawadanganya baadhi ya Watu ukawafanya ni wajinga, hawakutambua *trick* yako njia zako kwa mda mfupi, lakini hutodumu, Watu watajua vilevile. Hili ni jambo la pili.

Jambo la tatu, *Rasul Allah Salallahu 'Alayhi wa Salama* akasema matatizo yatatukuta, **"Man-'uz Zakaah, Al Mafruudhah"**, ni kuzuia Watu Zakah zilizofaradhishwa na Mwenyezi Mungu.

Watu wengi wanawajibika kutoa Zakah, lakini wanajiona kwamba bado yeye ataka apewe yeye. Wengi sana tunawajibika Zakah. Mabenki yamejaa mali za Waislamu, lakini Muislamu huyu muulize, unajua nisaab ya Zakah ya mali? Hajui na wala hataki kujua. Kwa sababu hana mpango wa kutoa Zakah.

Nisaab ni shilingi milioni 15 au 16 hivi kwa sasa. Watu wamejaa, mwenye milioni 40, mwenye 50, mwenye 80, mwenye 100 lakini bado yeye anajiona yeye ni maskini ataka apewe yeye tu. Sasa hili ni tatizo katika Ummah.

Mtume Salallahu 'Alayhi Wa Salama; amesema, hili ni tatizo katika ummah. Linasababisha matatizo makubwa ya Ummah, kwa sababu ya kuzuia Zakah. Sio kuzuia tu bali hata wale wanaotoa, hawatoi kwa namna ambayo *Allah Jalla wa 'Alaa*

ameiamulia au ameamrisha. Wanatoa kwa mipango yao wenyewe. Na hilo ni kosa kubwa vilevile.

Mwenye mali anatakiwa ajue **Wa-'ala Saahib Al Maal An Ya-'alama Anna Al Maala, Al Maalu Allaah, wa Anallahu a-'ataahu Kathiir, fadh-lan, wattalaba Minhu Al Qaliil, Qardhan**, Mwenyezi Mungu amempa mali nyingi, *fadhlan*, kwa kumfadhili tu kwa kummwagia tu. Hakuzaliwa nazo, na wala haikuandikwa kwamba huyu atakuwa tajiri. Kaja kazipata katika ardhi, ni **Fadhlan**, Mungu kampa tu.

Kisha Mwenyezi Mungu akamtaka atoe kitu kidogo, *qardhwan*, kama ni mkopo.

Zakah unapotoa ni kama mkopo unampa Mungu, halafu Mungu Siku ya Qiyamah atakupa nyingi zaidi.

﴿مَنْ ذَا الَّذِي يُقْرِضُ اللَّهَ قَرْضًا حَسَنًا فَيُضَاعِفَهُ لَهُ وَلَهُ أَجْرٌ كَرِيمٌ﴾

"Man Yaqridhu Allaha Qardhan Hasanah", (Surat Al Hadid 11:57)

Mwenyezi Mungu anasema.

Halafu, wa Allaahi Watu wangejua kwamba unapotoa Zakah, unatoa ni mfano wake kama, katika 40 ni 1. Yaani kama Tsh 40,000/- basi ni shilingi 1000/-. Ni kitu kidogo sana. Mungu kakupa 40,000/- kakwambia toa 1,000/-, na bado unakuwa mchoyo? Ndiyo maana Allah akasema, **"Wa Uhdhiratil Anfusus Shuhhah"**, Nafsi inakuwa na uchoyo.

Na Sheitani anasimama mbele ya kila mwenye mali.

﴿الشَّيْطَانُ يَعِدُكُمُ الْفَقْرَ وَيَأْمُرُكُم بِالْفَحْشَاءِ وَاللَّهُ يَعِدُكُم مَّغْفِرَةً مِّنْهُ وَفَضْلًا وَاللَّهُ وَاسِعٌ عَلِيمٌ﴾

Ashshaytanu yaAAidukumu Alfaqra Waya'murukum Bilfahsha-i Wallahu yaAAidukum Maghfiratan Minhu Wafadlan Wallahu WasiAAun AAaleem (Surat Al Baqara 2:268)

"Ash Shaytaan Ya'idukum Ul Faqra", Sheitani anakuahidini ufakiri mkitoa; **"Waya-Amurukum Bil Fahshaai"**, na anakuamrisheni Mabaya.

"Wallahu ya'idukumu Ul Maghfirah", na Mwenyezi Mungu anakuahidini Msamaha mwingi kutoka kwake. **"Wa fadhlan"**, na fadhila. **"Wallahu Waasi'un 'aliim"**, na

Mwenyezi Mungu ni mwingi wa kutoa na mwingi wa kujua. Anawajua waja wake wenye kutoa.

Katika pahali ambapo tumefeli ni pahala pa Zakah. Watu wengi wana wapoint matajiri fulani. Tajiri fulani na tajiri fulani. Tatizo hawajafahamu kwamba, Zakah inaanza kwa kila aliyekuwa nayo. Siyo kwa kila tajiri. Hii ni kwa kile aliyekuwa nayo.

Haya ni matatu. In-shaa Allah , tutaangalia mawili katika Khutbah ya pili.

Ndugu Waislamu, *Rasul Allah Salallahu A'alayhi wa Salama* anazungumza maneno ya busara sana. Maneno ambayo kwamba yalitakiwa yaandikwe kwa wino wa dhahabu. Na kisha yatundikwe katika *board*, katika kila uwanja au katika kila barabara, Watu wayaone ili Watu waweze kujirekebisha, wajue matatizo yao.

Hadith imekusanya mambo Matano, *Rasul Allah Salallahu 'Alayhi wa Salama* anawaambia Masahaba zake *Radhi Allahu Anhum* kua: **"Khisaalu khamsin", "Wa-a'uUdhubillaah"**, Mimi najikinga na Mwenyezi Mungu. Naomba Mungu mambo haya yakifika, nyie msiwepo, Mungu asikukutanisheni na mambo hayo kabisa.

Kisha Mtume akaanza kuyataja, **"Lam Tudh-hirul Faahishah Fii Qawmin"**, hakutodhihiri maasi ya zinaa na liwatwii na kama haya katika Watu, **"Hattaa Yu-'ulinuu"**, mpaka yawe wazi, **"Illa Fashaa Fiihimit Taa'uun"**, isipokuwa Mwenyezi Mungu atawapelekea maradhi ya kila namna. Yatapishana katika qaumu kama hiyo.

Na kadhalika akasema, **"Walam Yanqusul Mikyaala"**, wala Watu hawatapunguza vipimo katika Biashara zao, **"Wal miizaan"**, na katika mizani, isipokuwa Mwenyezi Mungu kwa Watu kama hawa, **"Ukhidhuu Bissiniin"**, watashikwa na miaka ya shida, **"Wajauril Sultaan"**, na viongozi waliokuwa makatili wasiokuwa na huruma. Watawatawala, wawatie adabu kwa makosa kama haya waliyokuwa nayo.

Jambo la tatu, **"Walam yamna'u Zakaah Amwaalihim"**, wala hawatazuia Watu Zakah za Mali zao, **"Illa Muni'ul Qatr"**, isipokuwa adhabu yake watazuiliwa mvua.

Asidanganyike Mtu kutaka kusema mbona hapa kwetu mvua inakunya; naam Rasul Allah Salallahu A'alayhi wa Salama anazungumza *jidagha*, anazungumza maneno ya ulimwengu mzima.

Hazungumzi maneno kwa sababu ya Watu wa Dar es Salam tu. Ukiona hapa kuna Mvua, mshukuru Mwenyezi Mungu, huko Watu wanakufa na njaa. Watu wanakufa kwa jua kali, mpaka plastiki inayayuka.

Matairi ya gari yanayeyuka, na ende Mtu akaangalie joto linalotokea Saudi Arabia au lililotokea Kuwait katika Siku za joto. Mpaka Wanyama wanakufa kwa joto. Hatari inakuwa kubwa sana. Ni sababu gani? Sababu ya kuzuia Zakah za mali zao.

Rasul Allah Salallahu 'Alayhi wa Salama akasema, na kama si Wanyama. *Subhaanah Allaah*. Mtume *Salallahu 'Alayhi wa Salama* anasema, Mwenyezi Mungu asingeleta mvua abadani. Ina maana kuna Watu sisi tunaletewa Mvua kwa sababu ya Wanyama. Wale wanyama walikuwa Serengeti, waliokuwa Kilimanjaro, na waliokuwa Ziwa Nyasa. Kumbe mvua zinakuja kwetu sisi kwa sababu yao wao. Wengine Wanadamu hawastahili wala hawastahiki kunyeshewa Mvua kabisa, kwa sababu ya maasi yao.

Jambo la nne, **"Walam yangUdhuu 'Ah-Dallaah"**, wala Watu hawatakata, hawatavunja ahadi za Mwenyezi Mungu, **"Wa wa-'ada Rasuulihii"**, na ahadi za Mtume wake *Salallahu 'Alayhi wa Salama*, isipokuwa Mwenyezi Mungu, **"Ukhidhuu ba-'adha Maa fii Aydihihim"**, Mwenyezi Mungu atawatolea Maadui. **"Illa Salatallahu Alayhim 'aduwwan"**, isipokuwa Mwenyezi Mungu atawasalitisha kwa Maadui, **"Min Ghayrihim"**, wasiokuwa wao.

Subhaanallaah. Yaa Rusuulallaah.

Njoo uone leo, Makafiri walivyotukalia juu, sababu ni hii. Maneno yako wazi kabisa, ni ya Mtume *Salallahu 'Alayhi wa Salama*, hayataki **Ta-'abiir** kubwa.

"Illa Sallat Allahu Alayhim", Mwenyezi Mungu atawasalitisha, **"A'duwwan"**, kwa Maadui, **"Min Ghayrihim"**, wasiokuwa wao, maana yake ni Makafiri.

"Faukhidhuu Ba-'adha Maa Fii Aydihihim", watachukuwa sehemu ambayo Waislamu wameimiliki. Palestina angalieni, milima ya Golan, sehemu chungu nzima za Waislamu zinachukuliwa na Makafiri.

Achilia mbali sehemu za huko mbali, hata huku mitaani vilevile, Majumba mangapi yaliyokuwa Dar es Salam ya Waislamu, sasa hivi yako katika mikono ya ambao si Waislamu? Nani anazingatia hili, kwa nini imekuwa hivi? Naam ni kwa kuvunja ahadi za Mwenyezi Mungu.

Maana ya kuvunja ahadi za Mwenyezi Mungu ni nini?

Neno hili, kuvunja ahadi lina maana nyingi sana. Mojawapo nenda katika Qur-an Tukufu, utakuta kwamba mwanzo mwanzo katika Qur-an tukufu, Surat Al Baqarah, Mwenyezi Mungu anapozungumza habari ya ndoa anasema,

﴿الطَّلَاقُ مَرَّتَانٍ فَإِمْسَاكٌ بِمَعْرُوفٍ أَوْ تَسْرِيحٌ بِإِحْسَانٍ﴾

Alttalaqu Marratani fa-imsakun bimaAAroofin aw Tasreehun bi-ihsanin (Surat Al Baqara 2:229)

akaendelea katika aya kama ile mwisho kabisa akasema,

﴿ تِلْكَ حُدُودُ اللَّهِ فَلَا تَعْتَدُوهَا وَمَنْ يَتَعَدَّ حُدُودَ اللَّهِ فَأُولَٰئِكَ هُمُ الظَّالِمُونَ ﴾

Tilka hudoodu Allahi fala taAtadooha waman yataAAadda hudooda Allahi faola-ika humu aldhahalimoona (Surat Al Baqara 2:229)

"Watilka huduud Allah", na hiyo ni mipaka ya Mwenyezi Mungu, **"Falaa ta-ataduuhaa",** msiivuke mipaka ya Mungu.

Umepewa Mke ulale naye, ili umwendee mbele. Kuna Mtu analala na Mke na anamwendea nyuma; anavunja mipaka ya Mwenyezi Mungu. Halafu unapata matatizo unajiuliza, *why me?*

Mipaka mingine ya Mwenyezi Mungu, mbali ya kuwaendea Wanawake katika liwati, Mwenyezi Mungu katika Surah hiyo anaendelea anazungumza habari ya Talaka, **"Attalaaqu Marrataani Faimsaakun Bima-'aruufin",** Talaka ziko mbili.

Yeye Bwana mkubwa, anasema nimekuacha Talaka sita na saba ya Baba yako. huyu Bwana wee. Mungu anasema, **"Attalaaqu marrataani",** Talaka ni mbili. Unakuja kunipa sita au saba?

Anajiona yeye kidume, anachupa mipaka ya Mungu, halafu anasali, anafunga, anasoma Qur-an. Unajua sisi Waislamu, Waislamu? Muislamu gani wewe unachupa mipaka ya Mungu? Na kumfanyia mzaha Mola wako?

Kitabu cha Qur-an chasema wazi, Talaka ziko mbili. Jamaa anapiga Talaka sita au saba, anamwambia Talaka moja yako, moja ya Mama yako, moja ya Mshenga wako, moja ya Shangazi yako, moja ya kungwi wako, na moja sijui ya nani, toka, toka nenda kwenu.

Mwenyewe anajiona yeye ndiye bonge la Mwanamme hodari. Anachupa mipaka ya Mwenyezi Mungu. Mungu anampinga, halafu anauliza wa Allaahi maisha yamekuwa taabu, imekuwa dhiki, naumwa hivyo. Ndugu yangu unachupa mipaka ya Mwenyezi Mungu.

Ndio Siku moja *Bahar Ul Ilm* Abd Allah Ibn Abbas *Radhi Allahu Anhu* alipelekewa Lalamiko juu ya mtu aliempa Talaka Mia Mke wake, ambapo Abd Allah Ibn Abbas *Radhi*

Allahu Anhu akasema kumwambia Mtu huyo kua: 'Talaka alizotoa kumpa Mke wake ni Tatu, na Talaka 97 zilizobakia amemfanyia mzaha *Allah Azza wa Jalla'*

Mfano Mwingine, rudi katika Surat An Nisaa ambamo Allah Jalla wa 'Alaa anataja khabari ya Mirathi aliposema kua:

﴿يُوصِيكُمُ اللَّهُ فِي أَوْلَادِكُمْ لِلذَّكَرِ مِثْلُ حَظِّ الْأُنثَيَيْنِ﴾

Yooseekumu Allahu Fee Awladikum Lildhdhakari Mithlu Hadhdhi Al Unthayayni
(Surat An Nisaa 4:11)

Anasema maneno kama haya, na kisha anamalizia Mada kwa kuanzia na Aya ya 13 Surat An Nisaa kwa kusema:

﴿تِلْكَ حُدُودُ اللَّهِ وَمَنْ يُطِيعِ اللَّهَ وَرَسُولَهُ يُدْخِلْهُ جَنَّاتٍ تَجْرِي مِنْ تَحْتِهَا الْأَنْهَارُ خَالِدِينَ فِيهَا وَذَلِكَ الْفَوْزُ الْعَظِيمُ﴾

Tilka Hudoodu Allahi Waman YutiAAi Allaha Warasoolahu Yudkhilhu Jannatin Tajree min Tahtiha al-anharu Khalideena feeha wadhalika alfawzu alAAadheemu; (Surat An Nisaa 4:13)

Tafsir: Hii ndio Mipaka iliyowekwa ya Allah (Kuhusiana na Hukmu za Mirathi) na yeyote yule atakaemtii Allah na Mtume wake (*Salallahu Alayhi wa Salam*) ataingizwa kwenye Bustani zenye Mito inayotiririka ndani yake na huko kutakua ni Kufuzu kukubwa sana.

Na Katika Aya ya 14 ya Surat An Nisaa akasema:

﴿وَمَنْ يَعْصِ اللَّهَ وَرَسُولَهُ وَيَتَعَدَّ حُدُودَهُ يُدْخِلْهُ نَارًا خَالِدًا فِيهَا وَلَهُ عَذَابٌ مُهِينٌ﴾

Waman yaAAsi Allaha Warasoolahu wayataAAadda hudoodahu yudkhilhu Naran khalidan feeha walahu AAadhabun Muheenun (Surat An Nisaa 4:14)

Tafsir: Na yeyote atakaemuasi Allah na Mtume wake (*Salallahu Alayhi wa Salam*) na kuvuka mipaka yake atauingia Moto na kukaa ndani yake na hio ni Adhabu kali sana.

Hivyo hiyo ni mipaka ya Mwenyezi Mungu na matokeo yake katika kuilinda mipaka hio na kuivuka mipaka yake hio.

Sasa rudi katika Majumba yetu na Familia zetu, ni wangapi sasa wanadhulumu Mirathi? Halafu Mtu anashinda Msikitini, hatoki, anasali, yeye hodari, anakwambia Waislamu sisi unajua tumekuwa ni wenye jitihada, Muongo mkubwa.

Mirathi ni mipaka ya Mwenyezi Mungu. Anayedhulumu Mirathi ni kwamba anachupa mipaka ya Mwenyezi Mungu.

Mwenyezi Mungu ni lazima atamkamata, ni lazima. Wako wanaochupa kwa kukataa kugawana. Wako wanaodhulumu, na wanakwenda serikalini. Wako wengine wanafanya, subiri kidogo, eh tutagawana, subiri kidogo, na yeye anafaidika huku. Yeye anakula kodi, na huku Watu wanaangamia.

Ndugu yangu, haya maneno *Rasul Allah Salallahu 'Alayhi wa Salama* kayasema, lazima utambue kwamba hizi ni adhabu za Duniani; na Akhera kuna adhabu kali zaidi. zinamsubiri kila ambaye anachupa mipaka ya Mwenyezi Mungu.

Nimalize jambo la tano, la mwisho na wakati umekwisha. Jambo la mwisho kabisa ambalo *Rasul Allah Salallahu A'alayhi wa Salama* amelitaja katika Hadith hii ni kwamba, **"Al-Hukmu Bighayri Maa Anzala Allaah"**, ni kuhukumu kwa sheria ambayo Mwenyezi Mungu hakuamrisha.

Hapa vilevile, wengi wanataka kuchomoka ah haya mambo ya viongozi Bwana, sisi tunaishi katika nchi ya kitwaghuuti.

Ndugu yangu, kuna mambo mengi sana ambayo unaweza kuyafanya ya Kiislamu, mbona unayachupa? Mojawapo la mirathi, kwa nini unakataa kuhukumiwa katika sheria za Kiislamu?

Unaozeshwa katika sheria ya Kiislamu, na unaambiwa hasa kwamba:

﴿فَأَمْسَاكَ بِمَعْرُوفٍ أَوْ تَسْرِيحٍ بِإِحْسَانٍ﴾

Fa-imsakun bimaAaroofin aw tasreehun bi-ihsanin(Surat Al Baqara 2:229)

Lakini wakati wa kuachana ugomvi ni mpaka Mahakamani. Haya imekuwaje? Unakwenda kuhukumiwa na asiye kuwa Mwenyezi Mungu. Na yako mengi sana, Waislamu tunayachupa na tunaweza kuyafanya. Lakini kwa sababu hayana maslahi na sisi, tunavyoona sisi tunayachupa.

"Bial hukmu Bighayri Maa Anzala Allaah", kuhukumiana katika sheria ambazo sizo Mwenyezi Mungu alizoteremsha.

Nini adhabu yake? **"Ja-'alallahu Ba-Asahum Baynahum",** Mwenyezi Mungu anafanya maisha magumu, Watu dhiki, taabu moja kwa moja.

Subhaanallaah.

ZIJUE SEHEMU 8 UKIOMBA DUA INAKUBALIKA



Ndugu Waislamu, baada ya kumshukuru Mwenyezi Mungu Jalla wa 'Alaa. Na kumtakia rehema na neema. Sala na salamu. Mtume wa mwisho *Nabii Muhammad Salallahu 'Alayhi Wa Salama*.

Nakuusieni katika jambo la kumcha Mwenyezi Mungu, kama ambavyo nimetangulia kiusia Nafsi yangu, juu ya jambo hili adhimu.

Na kisha tuzingatie kwamba, katika Siku za nyuma zilizopita, tulizungumza juu ya umuhimu wa Dua kwa Muislamu. **Ahammiyyat Al Du'aa fii Hayaatil Muslim.**

Na kuna kipengele muhimu sana ambacho hatukukitaja kwa sababu ya dhiki ya wakati.

Leo tutakamilisha Khutbah ile, kwa kuzungumza sehemu ambazo zimekuja katika Sunnah, Hadith Sahih. Zenye kueleza kwamba, sehemu hizi ukiwafikiwa na Allah kumuomba Mwenyezi Mungu, basi **Anta Minal Faaiziin.** Unaweza kukubaliwa katika asilimia nyingi sana.

Haya ni maneno. Na ni maagizo ya Mtume wetu Muhammad Salallahu 'Alayhi Wa Salama.

Ndugu zangu, kuomba Dua ni Ibada, kama tulivyosema, wala hatuna haja ya kurudia.

Lakini cha ajabu ni kwamba, Mwenyezi Mungu anaikubali Dua hata kwa Mtu aliyekuwa ni kafiri. Anaikubali kama anavyosema katika Surah Luqman anasema kwamba

﴿وَإِذَا غَشِيَهُمْ مَّوْجٌ كَالظُّلَلِ دَعَوْا اللَّهَ مُخْلِصِينَ لَهُ الدِّينَ فَلَمَّا نَجَّاهُمْ إِلَى الْبَرِّ فَمِنْهُمْ مُّقْتَصِدٌ وَمَا يَجْحَدُ بِآيَاتِنَا إِلَّا كُلُّ خَتَّارٍ كَفُورٍ﴾

Wa-idha Ghashiyahum Mawjun Kaaldhulali DaAAawoo Allaha Mukhliseena Lahu Alddeena Famma Najjahum Ila Albarri Faminhum Muqtasidun Wama Yajhadu Bi-ayatina Illa Kullu Khatarin Kafoorin (Surat Luqman 31:32)

Na mpaka yanapowafikia Kama Mlima kitu gani sijui, ***"Da-'awu Allaha Mukhlisiina lahud Diina"***, hapo, Makafiri hao wanamuomba Mwenyezi Mungu na kumtakasikia Dini yake, na Mwenyezi Mungu anawaokoa.

"Fammaa Najjaahum ila Al Barri", atakapowaokoa sasa akawapeleka nchi kavu, wimbi likapita jahazi likaokoka au meli; hapo sasa ndio wanarudi katika ukafiri wao.

Na al-Imam Sufyaan Ibn Uyaina Rahimahu Allaah akasema kwamba, ***Laa Tamna-'anna Qasduka"***, Usikurudishe nyuma upungufu wako, (lakini Mimi nina matatizo kadhaa, Mimi nina Madhambi kadhaa, Mimi nakula riba, Mimi na kadhaa. Mungu mie Dua yangu atanikubalia?), usiwe na taabu na hilo.

Mwenyezi Mungu alimkubalia kiumbe mbaya kuliko wote, ambaye ni Iblis. Kiumbe mbaya Iblisi aliyeomba kwa Mwenyezi Mungu, na Allah akamkubalia.

Iblis akamwambia, ewe Allah nipe uwezo Mimi wa kuishi mpaka Siku ya mwisho. Allah akamjibu akamwambia, utaishi muda mrefu, lakini si kwa namna hivyo utakavyo wewe. Kamjibu Dua yake.

Sikwambii wewe Muislamu, ***Muwahhid***, mwenye kumpwekesha Mwenyezi Mungu, mwenye kuswali Salah tano, mwenye kupeleka chini kipaji chako cha uso kwa udhalilifu juu ya Allah.

Lazima atakukubalia, ikiwa unafahamu nini unachokisema, na wakati gani unasema.

Al-awqaati Alatii Tustahabbu Fiihaa ad-Du'aa, nyakati ambazo inapendekezwa sana Mtu kuomba Dua na zimekuja katika Hadith Sahih.

Ya kwanza kabisa, ni ***Maa Baynal Adhaan wa Al Iqaamah***; ni pale mwadhini anapoadhini, kipindi kile dakika 10 au 15 mpaka panapotokea iqaamah.

Imekuja katika Hadith ya Anas Ibn Malik *Radhi Allahu 'Anhu*, ambayo ameipokea Imam Ahmad na Imam Abuu Daud na Imam Tirmidhi. *Rasul Allah Salallahu 'Alayhi wa Salama* kasema: ***"Ad-du'aa laa Yuraddu Baynal Adhaani wa Al Iqaamah"***, Dua hairudishwi na Mwenyezi Mungu baina ya adhana na iqaamah.

'Alal Asaa wal Asafi Shshadiid; pakiadhiniwa Watu utaona wamekaa bado katika baraza wanakunywa kahawa, na wanakula tende. Wananunua Kanzu, na wanacheza

Karata; hawashughuliki wao katika kipindi kile. Hawana khabar nacho, wanaendelea na shughuli zao tu.

Hawana habari kwamba, wanaishi katika kipindi *thamiini* kabisa, kipindi ambacho Mtume wa Mungu kasema, ukiomba Dua inakubalika.

Kundi la kwanza wanakaa nje wanashughulika na mambo yao. Kundi la pili wanaingia Msikitini, lakini akifika anasimama kama refarii anasubiri kuanzisha mpira. Au kama kijana aliyekwenda katika kituo cha mwendo kasi anasubiri basi lifike.

Sasa akiingia Msikitini anasimama wima hivi, halafu wanaanza kumtafuta Imam huku wakitazama saa zao, mbona Imam anachelewa.

Subhaanah Allaah. Unakuta Msikitini Watu wamesimama simama; hii ni nini jamani?

Pale unatakiwa umuombe Mwenyezi Mungu, kile kipindi unakipoteza kwa upuuzi; na kusema mambo ya ovyo. Utakuja Siku ya Qiyamah kukijutia, na utatamani kirudi kipindi kile, lakini hakitorudi tena kabisa.

Kundi hili linaudhi kweli kweli linaloingia Msikitini na kusimama tu. Mnawakuta Watu kama wanatafuta Mwezi.

Kundi la tatu, anaingia Msikitini na anakaa chini, lakini anafungua simu yake. Mwadhini kesha adhini, kipindi hiki Mtume kasema Watu waombe Dua, yeye anafungua simu anaanza kuangalia leo kuna gemu gani. Manchester wanacheza, Ronaldo anaingia au haingii, mbona wamemuacha huyu, ah ni namna gani hawa? Anasema na simu yake! Itaanza saa ngapi *Draw*.

Wewe vipi Muislamu? Ndugu zangu, Watu wameghafilika kabisa, hawajui kwamba hiki ni kipindi chenye *thamani* kubwa sana.

Hii itakuwa ni hoja Siku ya Qiyamah, Mwenyezi Mungu atakuja kutusuta:

﴿أَوَلَمْ نَعْمَرْكُمْ مَّا يَتَذَكَّرُ فِيهِ مَن تَذَكَّرَ وَجَاءَكُمُ النَّذِيرُ فَذُوقُوا فَمَا لِلظَّالِمِينَ مِن نَّصِيرٍ﴾

Awa lam nuAAammirkum ma yatadhakkaru feehi man tadhakkara wajaakumu alnnadheeru fadhooqoo fama lilddhalimeena min naseerin (Surat Fatir 35:37)

Atawaambia Mwenyezi Mungu Watu, sijakupeni umri Duniani nyinyi, sijakuwekeni muda mrefu, sijakupeni Miaka chungu nzima ya kuishi? Hakuja Mtume kukwambieni kitu kadha kadha, na je, hakukwambieni nyakati za Dua za kuomba?

"Fadhuhuquu", sasa leo hapa ni kuonja adhabu.

Idhan, sehemu ya kwanza Ndugu zangu ni wakati **Baynal Adhaani wa Al Iqaamah**, ni kipindi **Thamiinun jiddan jidda**.

Anatakiwa Mtu aingie Msikitini pale, asali haraka haraka **Tahiyyatul Masjid**, kisha akae chini aanze kuwasiliana na Mwenyezi Mungu wake aliyemuumba. Haakadhaa.

Sehemu ya pili Ndugu zangu ni **Fissujuudi**, katika Sijda. **Sawaaun Kaana Fardhin au Naflin**. Ni sawa Salah ile kama ni ya Sunnah au Salah ya faradhi; lakini ni katika Sijda.

Kwa sababu imekuja katika Hadith ya Imam Muslim na Maimam wengine, *Rasul Allah Salallahu 'Alayhi wa Salama* kasema, **"Aqrabu Maa Yakuunul A'abdu Min Rabbihii Wahuwa Saajidun"**, pahala anapokuwa karibu sana Mja na Mungu wake, (siyo Makkah wala siyo Madinah) ni pale anaposujudu.

Pale Mtu anakuwa karibu sana na Mwenyezi Mungu wake.

Rasul Allah Salallahu 'Alayhi wa Salama akatoa maagizo pale maalumu: **"Fa Akthiruu Du'aa"**, Ongezeni wingi wa kuomba Dua.

Katika Hadith nyingine ambayo ameipokea vilevile Imam Muslim, Mtume kasema, **"Wa Amma Sujuudu Fajtahidu Fi Du'aa"**, mnapokuwa katika Sijda pale, jitahidini sana katika kuomba Dua. Kwa sababu, **"Faqaminun An Yustajaaba Lakum"**, pale kuna *possibility* kubwa sana ya kukubaliwa.

"Faqaminun, Fahriyyun", pale uko karibu na Mwenyezi Mungu. Pale unatakiwa uombe Dua sana, kila unayojua, unayotaka, pale omba. Upo karibu na Mungu. Na karibu na kukubaliwa.

Hizi ni Hadith mbili tofauti. Moja karibu na Mungu, ya pili karibu na kukubaliwa Dua zako, **Faqaminun** au **Fahriyyun**. Hiyo ni sehemu ya pili.

Nitakwenda haraka kwa sababu ya muda.

Sehemu ya tatu katika sehemu ambazo, *Al-ijaabah* yatarajiwa Mtu ukiomba Dua kukubaliwa, **Fii Tashahhudi**, ni katika *tashahhudi*.

Anapotoa Mtu Shahada katika *Tahiyyah*, akatoa Shahada pale, Mtume *Salallahu Alayhi wa Salam* amemfundisha Abdallah Ibn Masoud *Radhi Allahu Anhu* ya kwamba, **"Thumma Yatakhayyaru Minna ad Du'aa"**, kasema Mtume akishatoa Shahada pale Mtu Muislamu, ajichagulie katika Dua ambazo mwenyewe anaona zinamfaa, **"A-'ajabahu Ilayhi"**, zile anazozipenda aombe pale, **"Fal yad-'uu"**, aombe Mtu katika **Tahiyyatu**. Haya ni maneno ya Mtume Salallahu 'Alayhi wa Salama.

Ukitaka kushangaa, shangaa tunaposwali sisi hapa, Imam akiirefusha *tashahhudi*, tayari kuna Watu wanaweza kutaka kumrudi, kwa kuanza kujikoholesha, kama Mtu huyu kapaliwa, kashikwa na kigugumizi ghafla. Kwa nini? Ni kwamba Imam kairefusha tashahhudi pale.

Hajui kwamba ile ni nafasi ambayo ikishampita haipati tena. Ile ni fursa ambayo kwamba, kama vile umeambiwa Bwana unakwenda kwa Rais wa nchi, Mama Samia. Ukifika pale tahadhari, unapewa dakika 10 tu za kuzungumza naye. Basi pale utapeleka mambo yako yote.

Ndiyo pale katika Tashahhudi Ndugu yangu; ukishatoa Shahada pale sukuma Dua zako zote unazozijua mwenyewe. Haya ni maagizo ya *Rasul Allah Salallahu 'Alayhi wa Salama* katika Hadith iliyokuwa Sahih. Hii ni sehemu ya tatu.

Sehemu ya nne Ndugu zangu, na hii inaingia katika ile ile ya tatu, ni **Adbaari Salawaat**, ni mwisho wa Salah.

Mtu akishatoa Shahada pale mwisho kabisa, aendeleo kuomba Dua kama ambavyo tumesema katika kipengele cha tatu.

Kipengele cha nne katika sehemu ambazo yatarajiwa Dua kukubalika haraka **Fii Sunnat il Qabliyyah li Salati Adh Dhuhur**.

Salah ya Adhuhuri ina Sunnah Rakaa nne kabla ya Salah, na Rakaa mbili baada ya Salah. Hizi ni *sunnatun muakkadah*, *Rasul Allah Salallahu 'Alayhi wa Salama* amesema.

Sunnatun Muakkadah, ni Sunnah zilizotiliwa nguvu ambazo *Rasul Allah Salallahu 'Alayhi wa Salama* alikuwa haziachi. Ni hizi Rakaa nne kabla ya Adh Dhuhur, na Rakaa mbili baada ya Adh Dhuhur.

Alikuwa Bwana Mtume akiingia Msikitini, akishaswali Rakaa nne hizi, anakaa kitako chini sasa, anaanza kumuomba Mwenyezi Mungu wake.

Masahaba *Radhi Allahu 'Anhum*, miongoni mwao Abdillaahi Ibn Saaib *Radhi Allahuu Anhu*, anasema kwamba, *Rasul Allah Salallahu 'Alayhi wa Salama* alikuwa, **"Kaana Yusalli Arba-'an"**, alikuwa anasali Rakaa 4, **"Ba-'ada an Tazuulah Ash Shamsu"**,

kabla ya Dhuhr. **"Waqaal"**, na Mtume akasema, **"Innahaa Saa-'atun"**, pale kipindi kile akiingia Msikitini, kabla ya Salah ya dhuhr, baada ya Rakaa 4. Kipindi kile anasema Mtume, **"Saa-'atun Tuftahu fiiha Abwaabus samaa"**, ni Saa ambayo milango ya Mbingu imefunguliwa.

"Wa Uhibbu an Yasw-'ada fiiha A'amalii", kwa hivyo, napenda Mimi ikifunguliwa milango tu amali zangu zianze kupanda.

Ndugu zangu huyu ni Mtume wa Mungu *Salallahu 'Alayhi wa Salama*. Ni Mtu ambaye Allah kampa jawabu maneno akamwambia,

(لِيَغْفِرَ لَكَ اللَّهُ مَا تَقَدَّمَ مِنْ ذَنْبِكَ وَمَا تَأَخَّرَ وَيُتِمَّ نِعْمَتَهُ عَلَيْكَ وَيَهْدِيكَ صِرَاطًا مُسْتَقِيمًا)

"Liyaghfiralaka Allahu Maa Taqaddama min Dhambika wa maa Ta-Akhkhara", (Surat Al Fat-h 48:2) Allah akusamehe Dhambi zako zote, kama zipo, zilizotangulia na zilizokuwa bado.

Akamwambia tena,

(وَلَسَوْفَ يُعْطِيكَ رَبُّكَ فَتَرْضَىٰ)

"Walasawfa Yu-'utiika Rabbuka Fatardhaa", (Surat AdDhuhaa 93:05) na Mwenyezi Mungu wako atakupata utaridhika.

Wa ma-'a Dhaalika, Kaana Yaduumu Haakadhaa, pamoja na yote haya, alikuwa Mtume kila baada ya Rakaa 4 anakaa chini anaomba Dua.

Hii ndiyo hali Ndugu zangu, hakuwa akifungua simu na kuanza kuangalia meseji, laa. Akimuelekea Mwenyezi Mungu kwa Dua baada ya Rakaa 4. Na akasema hasa, hichi ni kipindi ambacho kwamba milango ya Mbingu inafunguliwa; na Mimi ninataka amali zangu, ikifunguliwa tu ziingie ndani.

Hii ni sehemu ya nne Ndugu zangu.

Ama sehemu ya tano katika sehemu ambazo *Hariyyun* yaani *possibility* kubwa sana, 90 katika 100 Dua kukubalika kwa ahadi ya *Rasul Allah Salallahu 'Alayhi wa Salama* ni Siku ya Jumatano, **Bayna Al Salatayn**.

Imekuja Hadith ya kwamba anasema Jabir Ibn Abd Allah *Radhi Allahu 'Anhu*, Kua *Rasul Allah Salallahu 'Alayhi wa Salama* aliomba Dua katika msikiti mmoja unaitwa *Masjid Al Fat-hi* (wanaokwenda Makkah wanaujua).

Masjid Al Fat-hi ni mmoja katika ile Misikiti saba ile; huo ni mmojawapo. Ambapo Bwana Mtume alisimama hapo katika *Ghazwat Al Khandaq*, akapigana pale. Baadaye sehemu ile ikahifadhiwa kwa kujengwa Msikiti. Ni miongoni mwa Misikiti saba iliyokuwa Madinah. Katika ile Misikiti saba, mmojawapo ni huu *Masjidil Fat-hi*.

Pale *Rasul Allah Salallahu 'Alayhi wa Salama* aliomba Siku ya Jumatatu hakupata jawabu, hakukubaliwa; akaomba Jumanne hakukubaliwa, na Jumatano akakubaliwa, *Bayna sSalatayn*.

Kwa hiyo, wakachukua Maimam ya kwamba, hapa ni pahala ambapo ukiomba Dua kipindi hichi unakubaliwa.

Anahadithia Jabir Ibn Abd Allah *Radhi Allahu Anhu* anasema kwamba, ***"Falam Yanzil Bi Amrun"***, Mimi sijapata hata Siku moja tangu Siku hiyo kuwa nikapata jambo linanishughulisha, limenitatiza roho yangu, ***Illaa Tawakh Khaythu Tilkas saa-'ah"***, isipokuwa navizia muda ule baina ya ***Salatayn***. Ninakwenda pale, ***"Fa-ad-'uu fiihaa"***, nakwenda, ***"Fa-'arithul ijaabah"***, hapo napata jawabu.

Siku ya Jumatano ***Bayna Salatayn***. Hii ni nukta tano.

Nukta ya sita, ***Ayyuhal Ikhwatul Ahibbaa***, Ndugu zangu wapenzi, nukta ya sita ni, ***"Fi Thuluthil Akhiir Mina Al Layli"***, ni Usiku katika pinga pinga la Usiku, katika thuluthi ya mwisho.

Thuluthi ya kwanza inanza labda saa 4 hivi, na kiasi mpaka saa tano au saa 6. Thuluthi ya pili, ni saa 6 mpaka saa 8. Saa 8 na kitu, saa 9 inanza thuluthi ya tatu.

Pale sasa, 9 hivi na kitu na kuendelea, kabla ya alfajiri. Kabla adhana ya pili pale, kipindi kile Mwenyezi Mungu anawasifu Watu wema anasema, ***"Wabil as-haari hum Yastaghfiruuna"***, katika pinga pinga la Usiku Watu wema wanaamka pale na kumuomba Mwenyezi Mungu mambo yao, ya shida zao.

Kwa nini? Kwa sababu *Rasul Allah Salallahu 'Alayhi wa Salama* kasema, ***"Yanzilu Rabbuna Tabaraka Wata'ala Kulla Laylatin Ila As Samaai Dun-yaa"***, Mwenyezi Mungu anashuka katika Mbingu ya Dunia kila Siku, ***"Hiina Yabqaa Thuluthil Layl Aakhir"***, inapobakia thuluthi ya mwisho ya Usiku.

"Yaquulu", Mwenyezi Mungu anasema, ***Man Yad-'uunii Fa-Astajiibu Lahu"***, ni nani ananiomba nipate kumpa.

Na kwa wakati huo, Watu wameshachoka, wametizama mipira mpaka saa tano Usiku. Mtu kalala hana khabari, kishatizama ndondi, Mwakinyo, sijui Mandonga na nani. Kamaliza, sasa analala kama mzigo, kachoka kabisa.

Alfajiri ni mshike mshike, sikwambii kuamka *Qiyaam Al Layl*. Ile alfajiri ni mbinde mbinde, anaikosa. Sikwambii kuamka Usiku na kuswali *Qiyaam Al Layl*, haiwezekani, haiwezekani.

Lakini, Watu wema wakiinuka wakati huo, kwa kujua kwamba Mwenyezi Mungu anashuka na anauliza, **"Man Yad-'uunii Ta-astajiibu Lahu"**, nani katika waja wangu ananiomba nipate kumpa. **"Man Yas-alunii Fa-u'tiyahu"**, nani ananitaka haja nipate kumpa. **"Man Yastaghfirunii Fa-aghfiru Lahu"**, nani ananitaka msamaha nimsamehe. Hii ni Hadith ya Imam Bukhari, kaisimulia Abu Hurayrah *Radhi Allahu 'Anhu*.

Kipindi hicho ambacho wewe umelala unakoromeana, huku Watu wema wanainua Mikono na kumuomba Mwenyezi Mungu.

Tayyib

Sehemu nyingine ya saba ya kukubaliwa Dua, ni unapozinduka toka usingizini.

Wewe umelala, binadamu, si mgonjwa, ni mzima, lazima Usiku utashtuka. Ukizinduka Usiku, usirudi kulala, kaa kitako kisha sema:

لَا إِلَهَ إِلَّا اللَّهُ وَحْدَهُ لَا شَرِيكَ لَهُ، لَهُ الْمُلْكُ، وَلَهُ الْحَمْدُ، وَهُوَ عَلَى كُلِّ شَيْءٍ قَدِيرٌ

Laa Ilaha Illa Allahu Wahdahuu La Shariika Lahu; Lahu Al Mulku Walahu Al Hamdu Wahuwa A'ala Kulli Shay-in Qadiir.

سُبْحَانَ اللَّهِ وَالْحَمْدُ لِلَّهِ وَلَا إِلَهَ إِلَّا اللَّهُ وَاللَّهُ أَكْبَرُ وَلَا حَوْلَ وَلَا قُوَّةَ إِلَّا بِاللَّهِ

Suubhanah Allah Wa Alhamdulillah Wa La Ilaha Illa Allah wa Allahu Akbar Wala Haula wala Quwwata Illaa Billaah.

Mtume anasema, **"Thumma Qala, Allahumma Ghfirlii"**, Mtu kama huyu akiamka akasema maneno haya, kisha akasema, ee Mwenyezi Mungu nisamehe, Mungu atamsamehe.

Haya ni maneno ya Mtume *Salallahu 'Alayhi Wa Salama*.

اللَّهُمَّ اغْفِرْ لِي ذَنْبِي كُلَّهُ دِقَّةَ وَجْهِهِ وَأَوَّلَهُ وَآخِرَهُ وَعَلَانِيَتَهُ وَسِرَّهُ

Akiamka alfajiri, kazinduka Mtu asirudi kulala, aseme maneno haya, ***La Ilaha Illa Allahu***, kama tulivyosema mpaka mwisho, na kisha aombe, Mungu atampa. Mtume anasema, ***"Au Da-'aa Stujiiba Lahu"***, atapewa

"Fain Tawadha wa Salla", tena basi akizidisha akaenda akatia Udhu na akaswali, ***"Qubila Salatuh"***, Salah yake itakubaliwa.

Angalia namna gani, Mwenyezi Mungu Jalla wa 'Alaa; alipojitoa kuwapa waja wake yale ambayo wanamuomba.

Ndugu zangu, anasema mmoja katika washairi: ***"Laa Tas-alanna Ibn Adama Haajatan, Wasali Ladhii Abwaabuhuu laa Tuhjabuu. Allahu Yaghdhabu hiina Tarakta Su-aalahuu. Wabunayya Adamu Hiina Yus-aluu Yaghdhabuu."***

Usipeleke shida zako kwa Mwanadamu, Mwanadamu akiombwa anakasirika. Peleka shida zako kwa Mwenyezi Mungu. Mwenyezi Mungu akiombwa anafurahi; na Mwenyezi Mungu akiacha kuombwa anakasirika, Yeye ndiye umuombe.

Lakini, anahangaika mtu, nimekwenda kwa sheikh fulani. Nimekwenda kwa fulani. Wengine Waislamu wanaadhirika, mpaka wanakwenda kwa wana maombi. Wanakwenda mpaka pahala pasipo, wanakwenda ili waombewe.

Kumbe Mwenyezi Mungu Jalla wa 'Alaa amekuwekea sehemu nzuri. Ambazo kama utashikamana nazo, basi, ***Anta Minal Faiziin***, utakuwa umefanikiwa.

Tayyib.

Sehemu ya mwisho ambayo ni muhimu sana kuifahamu. Sehemu ambayo ni nyongeza katika zile saba. Inaitwa, ni ***Saa-'atul Ijaabah fii Yawmil Juma-'ah***. Saa ya kujibiwa Dua katika Siku ya Ijumaa kama leo.

Rasul Allah Salallahu 'Alayhi wa Salama kasema, ***"Fiihi Saa-'atun"***, katika Siku ya Ijumaa kuna saa ambayo kwamba, ***"Laa Yuwaafiquhuu A'abdun Muslimun"***, mja Muislamu haiwezekani akawafikishwa katika kipindi hicho, anamuomba Mwenyezi Mungu, ***"Wahuwa Qaaimun Yusalli"***, hali ya kua kasimama anasali. ***"Yas-alu Allaha Ta'ala Shay-an"***, anamuomba Mwenyezi Mungu kitu, ***Shay-an*** ni ***Nakirah***, chochote kile chochote kile, ***shay-an*** anamuomba Mwenyezi Mungu kitu, basi, ***"Illaa a-'ataahu Iyyaahu"***, isipokuwa Allah atampa.

Siku ya Ijumaa kuna saa ambayo akiomba Mtu Mwenyezi Mungu, basi Mungu humkubalia kitu kama hicho.

"Wa Ashaara Biyadihii", na Mtume akafanya kunyanyua Mikono yake miwili vigana vikielkea Juu, humpa Mwenyezi Mungu, yaani kama ni kitu kidogo hakuna kitu kikubwa Allah ambacho anaombwa. Kila unachomuomba Mwenyezi Mungu ni kidogo, Mtume kasema utapewa katika Siku ya Ijumaa.

Suala linakuja, ni kipindi gani hicho? Ni wakati gani huo?

Aqwaalil Ulamaai ziko nyingi lakini zilizo kubwa ni mbili.

Ya kwanza, **Aakhirun Nahaaril Juma-'ah Ilaa Ghuruubi Ash Shams**, ni kipindi cha mwisho wa Siku ya Ijumaa. Pale ushaswali, salatil 'asr saa 11 ni kipindi kile cha mwisho.

Hii ni kauli ya Abdullah ibn Sallaam, Sahaba wa Mtume huyu, na Abuu Hurayrah. Na hii ni qauli ya al-Imam Ahmad ibn Hanbal Rahimahullaah.

Wengine wakasema hapana, hiyo, **"Hiina Juluusul Imaam 'alal Mimbar"**, ni pale Imam akipanda na kukaa juu ya Mimbar. Kipindi kile Imam kakaa pale juu ya Mimbar, basi wewe pale anza kupeleka vitu vyako.

Akianza Khutbah, wewe nyamaza, na akikatisha Khutbah baina ya Khutbah mbili pale, mlilie Mwenyezi Mungu wako unavyoweza pale.

Lakini, **'Alal Asaa wa Al Asaa Fi Shadiid**, kipindi kama hichi, ndo unaona Watu wanakaa sawasawa. Waliokuwa wamesinzia tena, wanakaa vizuri, na waliokuwa Mtu simu yake kaweka *silence* anaitia sauti. Aliyokuwa imeingia meseji anataka kuangalia, na sasa ndio anaangalia.

Kile kipindi baina ya Khutbah mbili anadhania kile ni kipindi cha *half time*, cha kupumzika pumzika hivi, na kuangalia mambo mengine. Ndugu yangu unakosa kipindi muhimu sana.

Hii ni kauli ya Abdallah Ibn Umar *Radhi Allahu Anhu* na Baba yake. Amepokea Hadith Sayyidina Umar *Radhi Allahu Anhu* akasema, **"Hiya Maa Bayna An Yajlisal Imamu Ilaa an Tuqdha Salah"**, ni kipindi hicho.

Tukiangalia Ndugu zangu, Salah za faradhi ziko tano katika Siku moja, unakuta kuna sehemu 51 za nafasi za *Privilege*, **Fursatun Dhahabiyyah**, *Golden Chances* za kumuomba Mwenyezi Mungu.

Nafasi 51 kwa kila Siku, kwa kila Muislamu anayeswali.

34 katika sijida, na Rakaa ziko 17, ukitafula katika sehemu hizi, unapata 34 katika Sijda.

Ewe Ndugu yangu, ukifahamu hili katika kila Salah mara 34 kwa Siku umuombe kitu Allah atakupa tu. Kwa nini atakupa? Kwa sababu kaahidi, niombeni nitakupeni.

Sehemu 17 ***Maa Bayna Sajdatayn***, ni pale Mtu anapokaa baina ya Sijda mbili. Sehemu zile 17 zipo pale pia. Vilevile pale unaweza kupeleka vitu vyako ukamuomba Mwenyezi Mungu.

Sehemu tano, ***Tashahhudat ul Akhiirah***, ni katika Shahada za mwisho. Mwisho wa Shahada pale vilevile, kuna sehemu kama tulivyosema, unamuomba Mwenyezi Mungu, na Mwenyezi Mungu atakupa.

Na sehemu tano, ***Duburi Kulla Salah***, mwisho wa kila Salah, mara tano kuna Sala tano.

Hapo hujatia Sunnah, hujatia Qabliyyah, hujatia baadiyyah, hujatia Tahiiyyah, hujatia chochote hapo, una nafasi 51 kwa Siku moja.

Subhaanah Allah. Na huko unayemuomba anakwambia:

﴿وَقَالَ رَبُّكُمْ ادْعُونِي أَسْتَجِبْ لَكُمْ﴾

Waqala Rabbukumu odAAoonee Astajib Lakum(Surat Ghafir 40:60)

Na anasema Mola wenu Niombeni Nitakujibuni.

Ndugu zangu, tunatakiwa tufahamu nafasi tuliyokuwa nayo mbele ya Mwenyezi Mungu katika jambo la Dua.

BABA NDIYE NGUZO KUBWA KATIKA MAISHA



Enyi Ndugu Waislamu, baada ya kumshukuru Mwenyezi Mungu Jalla wa 'Alaa. Na kumtakia Rehma na Neema. Sala na Salamu. Mtume wa mwisho, Nabii Muhammad Salallahu 'Alayhi Wa Salama.

Nakuusieni kumcha Mwenyezi Mungu kama ambavyo nimetangulia kuiusia Nafsi yangu juu ya jambo hili adhimu.

Kisha leo tuzingatie sifa ambazo anatakiwa awe nazo kila mmoja katika sisi.

Katika wiki zilizopita, tulizungumza juu ya umuhimu wa nguzo kubwa katika maisha ya kila mmoja wetu. Nguzo ambayo ni Baba.

Mara nyingi, Watu humzungumza Mama, na wakamsahau Baba.

Tukataja wasifu, haki, na yale yote ambayo yanamstahiki na kumstahili Baba kwa wanawe katika Dunia hii, bali mpaka baada ya kuondoka Duniani. Yakaja masuala mengi baada ya pale, nikaulizwa juu ya mapungufu na sifa anazotakiwa kuwa nazo huyu Baba ambaye kwamba tumemzungumza.

Je, Baba huyu akiwa na sifa kadhaa, atatakiwa apate haki kadhaa? Kwa sababu haki huenda na wajibu. Ndiyo tukasema, *In-shaa Allah* kuna Siku Mwenyezi Mungu akitupa uhai na uzima, tutakuja kuzungumza sifa za Baba wa Kiislamu.

Ili wale ambao hawazijui, wazijue, wale ambao hawana wawe nazo, na wale walionazo wazidishe. Ili Siku ya Qiyamah, Mwenyezi Mungu atulipe kwa yale ambayo tumeyafanya.

Tutataja sifa kiasi cha tutakachoweza, sifa ziko nyingi, lakini tutaangalia Mwenyezi Mungu atakapotufikisha kama tatu, nne, hata tano, hata sita, hata saba. Itategemea na wakati ambao Mwenyezi Mungu atatujaalia kuweza kuutumia.

Ndugu zangu, Watoto kama tulivyosema, ni neema. Na ni Barkah. Watoto ni Barkah ambayo Mwenyezi Mungu anatupa. Watoto ni zawadi kama Allah anavyosema:

﴿لِلَّهِ مُلْكُ السَّمَاوَاتِ وَالْأَرْضِ يَخْلُقُ مَا يَشَاءُ يَهَبُ لِمَنْ يَشَاءُ إِنِاثًا وَيَهَبُ لِمَنْ يَشَاءُ الذُّكُورَ ﴿٥٠﴾ أَوْ يُزَوِّجُهُمْ ذُكْرَانًا وَإِنِاثًا وَيَجْعَلُ مَنْ يَشَاءُ عَقِيمًا إِنَّهُ عَلِيمٌ قَدِيرٌ﴾

Lillahi Mulku Alssamawati Aal-Ardhi Yakhluku ma Yashao Yahabu Liman Yashao Inathan Wayahabu Liman Yashao Aldhdhukoora; Aw Yuzawwijuhum dhukranan Wa-Inathan WayajAAalu Man Yashao AAaqeeman Innahu AAaleemun Qadeerun (Surat Ash Shuraa 42:49-50)

Tafsir. Kwake yeye Allah ndio wenye Ufalme wa Mbinguni na Ardhini Huumba akitakacho humpa kama zawadi amtake Watoto wa kiume na humpa kama Zawadi amtake Watoto wa kike. Au humchanganyia Watoto wa Kiume na wa Kike na humfanya Tasa amtake, Kwa hakika yeye ni mwenye Kujua juu ya kila kitu na ni mwenye uwezo wa juu ya Kila Kitu.

Sasa, huyo ambaye ana Watoto, anatakiwa Watoto wale awatazame, kiasi ambacho kwamba Siku ya Qiyamah atakuja kuulizwa.

Ndiyo maana *Rasul Allah Salallahu 'Alayhi wa Salama* akasema katika Hadith ya Imam Tirmidhi na Ibn Majah kwamba, **"Inna Allaha Saailu Kulla Raaiin, Mwenyezi Mungu Siku ya Qiyamah atamuuliza kila Mchungu (Kila mmoja wetu, kila Baba ataulizwa), *"An Manistaraa'u", juu ya Watoto, namna gani aliwachunga.***

"Ahafidha", aliwahifadhi, **"Am Dhayya-'ah",** au alipoteza katika malezi na matunzo ya Watoto wake. **"Hattaa Yus-ala",** akasema Mtume, mpaka ataulizwa, **"An Ahli Al Baytihii",** juu ya Watu wa Nyumbani kwake.

Ndugu zangu, wengi wetu katika sisi, hatulei Watoto, tunafuga Watoto. Nini tofauti ya kulea na kufuga? Naam. Kufuga ni kama mfugaji kuku. Anatafuta chakula kwa ajili ya Kuku. Ili wale, wawe wakubwa, halafu atawauza, atapata pesa; na wakiumwa atawapa Dawa.

Hatoi mafundisho wala Taujiihaati, wala maelekezo wala kumpeleka Skuli, na wala chuoni, hapana; si kazi yake. Huyu ndiye Mfugaji.

Lakini mwenye malezi, ni yule ambaye kwamba analea vitu viwili. Analea **Arruhu wa Al Badan,** Roho na Kiwiliwili. Wengi wetu sisi tunalea Viwiliwili, hatulei Roho. Wengi wetu tunalisha chakula, tunatoa mafunzo, tunapeleka *boarding*, tunapeleka skuli na kila kitu.

Lakini, **Jaanibu Al Ruuh,** upande wa roho, tunakuwa ziro kabisa. Kwa sababu, juhudi unayochukua katika kutafuta skuli iliyo bora, juhudi unayochukua katika kutafuta Mwalimu aliye bora, juhudi unayochukua katika kutafuta twisheni iliyo bora, na unalipa mapesa mengi maelfu, mamilioni, malaki kadhaa.

Siyo juhudi ambayo unachukua katika kumfundisha mtoto yule Qur-an wala Hadith za Mtume *Salallahu 'Alayhi wa Salama,* wala kumfundisha malezi, wala kumfundisha namna ya kuishi na Waislamu wenzie.

Humfundishi hivi.

Kwa hiyo, wengi katika sisi wanalea viwiliwili kama wafugaji. Hawalei Mtoto Roho kama Mwenyezi Mungu alivyotuamrisha. Na Roho ndio Ya kwanza. Roho ndio Ya kutunzwa. Roho ndio kitu cha juu kabisa.

Ndiyo maana Mtu akifa, kiwiliwili kinazikwa chini, ni kana kwamba habari yake imekwisha. Lakini Roho inarudi kwa Mwenyezi Mungu *Subhaanahu wa Ta'ala* ikatunzwe, na kisha itaulizwa.

Sifa za Baba, Ndugu zangu, ziko nyingi. Sifa ya kwanza, Baba anatakiwa awe ni **Al Qud-wah**. Baba awe **Al Qud-wah**, awe ni mfano. Awe ni kielelezo. Awe ni kigezo chema. Mtoto ndani ya Nyumba akimtazama Baba yake, apate mafundisho fulani hivi.

Mafundisho kama haya yako mengi katika Qur-an. Mpaka Mwenyezi Mungu akatuambia kuhusu Mtume,

﴿لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِّمَن كَانَ يَرْجُو اللَّهَ وَالْيَوْمَ
الْآخِرَ وَذَكَرَ اللَّهَ كَثِيرًا﴾

***Laqad kana lakum fee Rasooli Allahi Uswatun Hasanatun Liman kana yarjoo
Allaha Waalyawma al-Akhira Wadhakara Allaha Katheeran***(Surat Al Ahzab
33:21)

***Tafsir: Kwa hakika kwenu nyinyi kuna mfano Mzuri kwa Rasul Allah Salallahu
Alayhi wa Salam, wa kuufuata kwa Kila Mwenye kutegemea kurudi kwa Allah
na Siku Ya Malipo na Kumkumbuka Allah Kwa wingi.***

"Laqad Kana Lakum fii Rasuuli Allaahi Uswatun Hasanatun", ay qud-wah,
hakika nyinyi Waumini mnao mfano mzuri kwa Mtume wa Mwenyezi Mungu, *Sala Allahu
Alayhi Wa Salam* yeye ndiye kigezo chenu.

Kigezo cha mtoto ni Baba. Kila unalofanya Baba, kwa mtoto ni zuri. Na kila baya unaloliacha, kwa Mtoto ni baya.

Sasa utashangaa ikiwa wewe Baba huna maadili mema, unavuta Masigereti, unakula Mirungi, Kutwa unakaa Mabarazani, na unarudi saa nane ya Usiku. Unagombana na Mke. Mbaya zaidi ni kwamba, yote haya unayafanya mbele ya Watoto.

Halafu ati unatarajia Mwanao aje aongoke, asivute Sigara, asivute Bangi, mwanao huyu alale mapema, asiende kuhangaika Mitaani, na asikae katika Mabaraza ya wahuni. Itakuwaje, wakati ni wewe mwenyewe ndiye unayeyafanya?

Baba ungekuwa ni **Qud-wah** kabisa. Kwa hiyo sifa ya kwanza ni **Qud-wah**.

Siku moja, kijana mmoja tulikuwa naye, anakata ule mkato wa panki. Ambao *Rasul Allah Salallahu 'Alayhi wa Salama* kaukataza. Na vijana wengi maskini kwa kutokujua, wanakata mkato huu. *Rasul Allah Salallahu 'Alayhi wa Salama* kasema msifanye hivi, ni mkato wa Mayahudi, lakini wengi wanakata.

Kijana huyu anapokata, akaja Madrasah mara ya kwanza tukamuonya, mara ya pili tukamuonya, na mara ya tatu. Tukasema, ah huyu mbona hasikii, Mtie bakora; na baada ya hapa akaja tena Siku nyingine vilevile. Nikasema hapana, ngoja twende kwa Mzee wake.

Nikatoka Mwalimu, naenda kwa Mzee wake, kufika Kwao hodi hodi. Akanikaribisha karibu karibu sana, karibu kaa juu ya kiti.

Kaja yule Baba, nilivyomtazama Baba yule, yeye ndiye kakata ile panki mpaka kanyonyoka kabisa, kachonga kama Mwanajeshi anayetoka Depot.

Sasa, unakunja mikono *Subhaanah Allah*.

Yule Baba anasema karibu sana Bwana, unasemaje, tukusaidie nini. Nilivyomtazama, nikasema nimekuja kuuliza hali tu Bwana. Nimekuja hapa kuuliza hali, kwa maana Siku nyingi hatujakuona, basi nikaona nije kuuliza hali, hamjambo?

Nikaondoka.

Utamwambia nini makosa ya Mtoto wakati yeye Baba ndivyo alivyo? Huna namna ya kumfundisha, kwa sababu Baba yeye ndivyo alivyo. Kwa hivyo, Mtoto yule anafuata yale ambayo anayafanya Baba yake.

Na Baba huyu akapiga simu kwa Mwalimu. Asema, mwachieni kidogo sana, kuna kazi yaani kule shule watamcheka.

Yaani, utakapofanya jambo ambalo Rasul Allah Salallahu 'Alayhi wa Salama kalamrisha kule skuli atachekwa. Kwa hiyo, aachwe vilevile akinyoa kiduku. Kwa hiyo, Baba bado hakuwa ni **Qud-wah**, mtoto lazima ataharibika.

Kadhalika, mmoja katika taabi'ina akiitwa 'Amru Ibn 'Abbas *Radhi Allahu Anhu* alimpeleka Mwanawe kwa Mwalimu. Akamwambia Mwalimu yule: '**Liyakun Awwala Islaahuka Liwaladii Islaahaka Li Nafsika**, Bwana wewe nasema hivi, Mwanangu huyu namleta umsomeshe, lakini katika kumtengeneza, kwanza tengeneza wewe Mwenyewe.'

Ili akuone vizuri, ndiyo umfundishe na yeye. Kwa maana kwamba: Mtoto hufuata kisogo cha Mwalimu wake.

Akasema tena 'Amru ya kwamba: **Fainna A'uyuunuhum Ma'quudatun Bika**, Macho ya Wanafunzi hua yanamuangalia Mwalimu, Macho yote yanamuangalia Mwalimu. Akasema tena: **Falhasanu 'In-dahum**, jambo zuri kwao watakalolipenda, **Maa Sanaa'ta**, ni lile ambalo umefanya wewe.

Wakikuona wewe unavuta Sigara, wataona ni jambo zuri. Wakikuona wewe unafanya kitu kadhaa, wataona ni jambo zuri.

Akasema tena: ***Walqabiihu 'In-dahum Maa Tarakta***, na jambo ambalo baya kwao wao, ni lile ambalo hulifanyi. Kwa hiyo, tafadhali Bwana, nimekuletea Mwanangu huyu, lakini kwanza tengenea wewe, kabla ya kumtengeneza yeye.

Jambo la kwanza, ni ***Al Qud-wah***. Usitarajie wewe unahangaika katika mambo ya mipira Mchana na Usiku. Ukatarajia ati Mwanao atahangaika katika mambo ya Madrasah na Qur-an. Hapana la hashu, atakwenda kule kule ulikopita wewe.

Na mtoto huyu usitarajie kwamba ati iko Siku atakuja kushika Msahafu, na awaite Watu wakuombe Dua, hapana. Hiyo itakuwa ni kama 'ada na sio Ibada. Kwa sababu, Watu wanafanya, na yeye atafanya vilevile. Hukumlea katika kumfundisha.

Sifa ya pili Ndugu zangu, ***Ash Shafaqat wal Mahabbah***, upole na mapenzi kwa Watoto wetu. Wengi katika sisi, tunashughulika na Dunia. Kwenda kazini, ukirudi umechoka una mambo yako, huna muda wa kukaa na kijana yule.

Huna muda wa kumwambia chochote. Huna muda wa kumuusia. Wewe na Dunia. Na Dunia na wewe. Wewe na kazi, Na kazi na wewe. Kwa sababu nini, eti kwa sababu kijana yule apate kula.

Tayyib, Anatakiwa ale, lakini chakula kiko namna Mbili: kuna chakula cha kiwiliwili, na kuna chakula cha roho, na wewe ndiye mtoaji. Ukishindwa hili, kijana huyu atakuwa kiwiliwili mzuri sana. Lakini atakuwa na roho mbaya, ambayo kwamba utakuja kujuta baada ya muda mchache.

Imekuja katika Hadith ya *Muttafaqun 'Alayhi*, ni Hadith ya Abuu Hurayrah *Radhia Allahu 'Anhu, Rasul Allah Salallahu 'Alayhi wa Salama* anasema katika Hadith. Alikuwa mjukuu wa Mtume, Al Hassan bin Ally, Mtoto wa Fatima, Binti *Rasul Salallahu 'Alayhi wa Salama*.

Alikuwa kwa *Mtume Salallahu 'Alayhi Wa Salama*, Mtume alipomuona kijana yule akamchukua Mjukuu wake akamkumbatia akambusu, akamkumbatia kwa Mapenzi makubwa.

Basi, mmoja katika waliokuwako pale akiitwa Al-Aqraa, akashangaa sana, ***'Huyu Mtume mzima anawabusu Watoto, Anacheza na Watoto, Namna Gani Bwana?'***.

Yaani anaona jambo lile ni jambo la Wanawake. Ni jambo la Watu walioregea regea hivi, kwamba 'ah unambusu mtoto', akashangaa sana.

Akasema, **"Inna Lii 'Asharata Minal Waladi"**, Mimi nina Watoto 10, **Maa Qabbaltu Minhum Ahadan**, sijapata kumbusu hata mmoja Siku moja. Watoto 10 Mimi ninao.

Basi Rasul Allah Salallahu A'layhi wa Salama akamtazama yule Al-Aqraa, kisha akamwambia, **"Man Laa Yarham Laa Yurham"**, hakika asiyekuwa na huruma na Watoto, naye vilevile Mwenyezi Mungu hatomhurumia.

Tambua hili, kwa sababu kukumbatia Mtoto na kumbusu, kumrusha rusha na kucheza naye. Ni katika Mapenzi na Mahaba. Ikiwa Mtu hana mambo kama haya. Basi Mtu kama huyu, hana huruma. Huyu ni Mtu ambaye mwenye Moyo mgumu.

Kadhalika, walikuja Watu kutoka nje, wakaja kwa Bi Aisha Radhi Allahu A'anha. Walipokuja wakamuuliza, **Atuqabbiluuna Sibyaanakum**, hivi nyinyi Watoto wenu mnawakumbatia na kuwabusu.

"Faqaalat", akasema Bi Aisha Radhi Allahu Anha, **"Naam"**. Wakasema wale Watu, **Laakinnaa wa Allaah laa Nuqabbiluhum**, sisi Bwana hatuwashumu Watoto wetu.

Rasul Allah Salallahu 'Alayhi wa Salama tena akasema, **"Awaunabbiukum in Kaana Allahu Yan-zi'u 'an Qulubikum Rahmah"**, Mimi nitafanya nini, kama nyinyi mmeshakua Watu makatili. Mungu hajakupeni huruma, Mimi nitakufanyieni nini.

Maana yake ni kwamba, kumchukua Mtoto, kucheza naye na kumbusu. Ni katika mambo ya hisia za huruma, ambayo yatakiwa Baba ayaoneshe na ayafanye kwa Mwanawe, ili awe karibu naye. Usipofanya hivi mtoto anakuja kupata matatizo anashindwa kukukabili, kwa sababu huna mazoea nae.

Sifa za Baba, ya kwanza ni **Al Qud-wah**, kigezo chema; ya pili **Ash-Shafaqah wa Rahmah**, upole na mapenzi.

Sifa ya tatu ni **Al-'Adlu**, kua na Uadilifu. Baba anatakiwa awe muadilifu kwa Watoto wake.

Wengi tuna Watoto wanne, watano, sita mpaka saba tunao. Lakini wa Allahi, mpaka Mama, mpaka Majirani wanajua kwamba, huyu fulani, mtoto fulani, ndiye 'kidonda' chake.

Fulani ndiye anampenda sana. Watoto wote wanajua kwamba fulani Baba ndiye anampenda sana. Ndugu zangu, haya ni makosa makubwa. Tayari unajenga chuki baina ya Watoto, na tayari unajenga tabaka baina ya wanao; tayari familia unaifisidi kabla hukuondoka Duniani.

Unamtanguliza mmoja na wakati mwingine yule si mkubwa. Unatarajia nini yule mkubwa atafanya pindi utapoondoka? Itakuwa ni mtihani mkubwa.

Kwa hiyo, jambo la tatu, **Al-'Adlu** ni kuwa Muadilifu.

Siku moja, mmoja katika Masahaba akiitwa Nu'maan Ibn Bashir *Radhi Allahu Anhu* anahadithia anasema kwamba, Babangu alinichukua Mimi, na akamchukua na Mtumwa. Akasema, twende kwa *Rasul Allah Salallahu Alayhi wa Salam*. Tukaenda kwa *Rasul Allah Salallahu Alayhi wa Salam*.

Kisha akamwambia, Ewe Mtume wa Mwenyezi Mungu, huyu ni Mwanangu anaitwa Nu'maan.

Anasema Bashir, Baba ya mtu, kumwambia Mtume *Salallahu 'Alayhi Wa Salama*: **Nimekuja kwako Bwana Mtume, nataka ushuhudie Mimi leo nampa mwanangu zawadi, nampa Mtumwa. Atakuwa anamtumikia huyu, anakwenda huko na huku, anamtumikia; nampa zawadi.**

Rasul Allah Salallahu A'alayhi wa Salama akamtazama akamwambia, je, Bwana una Watoto wengine mbali ya huyu?

Akamwambia ninao.

Akamwambia je, Bwana hao wengine nao vilevile umewapa zawadi kama hii?

Akasema Sikuwapa.

Mtume *Salallahu 'Alayhi Wa Salama*; akamwambia rudi, Mimi siwezi kuwa shahidi katika jambo ambalo silo la uadilifu. **Irji', Fainnii Laa Ash-had**, Mimi sishuhudii jambo ambalo silo la uadilifu, rudi.

Leo, sisi ni wangapi Watoto wetu huyu umempa kitu kadhaa, na huyu hujampa. Huyu unamuonyesha akafanya jambo utampiga, na huyu atafanya jambo humuadhibishi, unamuacha hivi.

Tayari unajenga tabaka katika Watoto wako, na kabla ya kuondoka Duniani. Duniani ukiondoka unahakikisha kwamba huku unapoondoka utaacha matatizo makubwa sana. Sababu ni wewe Baba hukuwa muadilifu katika uhai wako.

Mtume akamuuliza yule ambaye anataka kumpa zawadi Mwanawe, Bashir anataka kumpa zawadi Mwanawe Nu'maan, akamwambia hivi, **Alaysa Yasurruka an Yakuunu Laka Fil Birri Sawaa"**, hawa Watoto wako umesema unao wengi, je utafurahia wewe kama katika wema utakapofariki wakawa wote wako kitu kimoja,

wanakuombea Dua wanafanya kitu kadhaa, utafurahi? Akasema naam, nitafurahi wawe sawa.

Akamwambia basi naam, unatakiwa wewe kwanza ndio uwe sawa kwao, kabla wao hawakuwa sawa kwako wewe. *Rasul Allah Salallahu 'Alayhi wa Salama* akasema: **"I'diluu Bayna Awlaadikum"**, fanyeni uadilifu kwa Watoto wenu. Mtume akarudia maneno kama haya, mara tatu.

Tayyib, sifa ya nne Ndugu zangu, ***Attaujiilu wa Al Irshaad***, Baba anatakiwa awe na sifa ya kuelekeza na kufundisha.

Na hii ndiyo ilikuwa sifa ya Mtume wa Mwenyezi Mungu. *Mtume Salallahu 'Alayhi Wa Salama*; alikuwa ni Baba. Mtume alikuwa ni Mume. Mtume alikuwa ni Jemedari. Mtume alikuwa ni Mwalimu. Mtume alikuwa ni mfanyakazi. Mtume alikuwa na sifa nyingi.

Lakini katika sifa ya ubaba, moja kwa moja *Rasul Allah Salallahu 'Alayhi wa Salama* alikuwa na sifa ya kufundisha.

Baba ataka aone dhiki atakapomuona mwanee kitu fulani hajui, amfundishe. Ndiyo maana unakuta katika Qur-an Tukufu mara nyingi unakuta, kuna sifa nyingi za Baba kumfundisha Mwanawe.

Kwa mfano, katika Surat Luqman, Mwenyezi Mungu kashusha Surah nzima, akataja aya saba nzima, ***Mutawaatir***, zinafatana.

Mwenyezi Mungu anatwambia: ***"Waidh Qaala Luqmaan Libnihii Ya Bunaya"*** kumbuka Luqman alipokuwa kakaa anamwambia mwanaye, ***"Yaa Bunaya"***, ewe mwanangu.

Na hili neno, ***Yaa Bunayya*** ni neno la huruma na mapenzi. Angesema ***Yaa Ibnii*** au ***Yaa Waladii***, lakini kasema *Ya Bunayya*, Ewe mtoto wangu mpenzi. Rudi katika Luqman uangalie kuanzia aya ya 12 mpaka ya 19.

﴿وَلَقَدْ آتَيْنَا لُقْمَانَ الْحِكْمَةَ أَنْ اشْكُرْ لِلَّهِ ۚ وَمَنْ يَشْكُرْ فَإِنَّمَا يَشْكُرُ لِنَفْسِهِ ۖ
وَمَنْ كَفَرَ فَإِنَّ اللَّهَ غَنِيٌّ حَمِيدٌ﴾ وَإِذْ قَالَ لُقْمَانُ لِابْنِهِ وَهُوَ يَعِظُهُ يَا بُنَيَّ
لَا تُشْرِكْ بِاللَّهِ ۚ إِنَّ الشِّرْكَ لَظُلْمٌ عَظِيمٌ ۖ وَوَصَّيْنَا الْإِنْسَانَ بِوَالِدَيْهِ
حَمَلَتْهُ أُمُّهُ وَهْنًا عَلَى وَهْنٍ وَفِصَالُهُ فِي عَامَيْنِ أَنْ اشْكُرْ لِي وَلِوَالِدَيْكَ
إِلَى الْمَصِيرِ ۖ وَإِنْ جَاهَدَاكَ عَلَى أَنْ تُشْرِكَ بِي مَا لَيْسَ لَكَ بِهِ عِلْمٌ فَلَا

تُطِعُهُمَا^ط وَصَاحِبُهُمَا فِي الدُّنْيَا مَعْرُوفًا^ط وَاتَّبِعْ سَبِيلَ مَنْ أَنَابَ إِلَيَّ^ج ثُمَّ
إِلَيَّ مَرْجِعُكُمْ فَأُنَبِّئُكُمْ بِمَا كُنْتُمْ تَعْمَلُونَ ﴿٥٦﴾ يَا بُنَيَّ إِنَّهَا إِنْ تَكُ مِثْقَالَ حَبَّةٍ
مِّنْ حَرْدَلٍ فَتَكُنْ فِي صَخْرَةٍ أَوْ فِي السَّمَاوَاتِ أَوْ فِي الْأَرْضِ يَأْتِ بِهَا
اللَّهُ^ج إِنَّ اللَّهَ لَطِيفٌ خَبِيرٌ ﴿٥٧﴾ يَا بُنَيَّ أَقِمِ الصَّلَاةَ وَأْمُرْ بِالْمَعْرُوفِ وَانْهَ
عَنِ الْمُنْكَرِ وَاصْبِرْ عَلَىٰ مَا أَصَابَكَ^ط إِنَّ ذَٰلِكَ مِنْ عَزَمِ الْأُمُورِ ﴿٥٨﴾ وَلَا
تُصَعِّرْ خَدَّكَ لِلنَّاسِ وَلَا تَمْشِ فِي الْأَرْضِ مَرَحًا^ط إِنَّ اللَّهَ لَا يُحِبُّ كُلَّ
مُخْتَالٍ فَخُورٍ ﴿٥٩﴾ وَاقْصِدْ فِي مَشْيِكَ وَاغْضُضْ مِنْ صَوْتِكَ^ج إِنَّ أَنْكَرَ
الْأَصْوَاتِ لَصَوْتُ الْحَمِيرِ ﴿٦٠﴾

***Walaqad atayna Luqmana Alhikmata Ani Ushkur Lillahi Waman Yashkur Fa-
innama Yashkuru LiNafsihi Waman Kafara Fa-inna Allaha Ghaniyyun
Hameed; Wa-idh Qala Luqmanu Libnihi Wahuwa YaAAidhuhu Ya Bunayya La
Tushrik Billahi Inna Ashshirka Ladhulmun AAadheem; Wawassayna Al-insana
Biwalidayhi Hamalat-hu Ummuhu Wahnna AAala Wahnin Wafisaluhu Fee
AAamayni Ani Ushkur Lee Waliwalidayka Ilayya Almaseer, Wa-in jahadaka
AAala An Tushrika Bee Ma Laysa Laka Bihi AAilmun Fala TutiAAhuma
Wasahibhuma Fee Addunya MaAAaroofan wattabiAA sabeela Man Anaba
Ilayya Thumma Ilayya MarjiAAukum Faonabbi-okum Bima Kuntum
TaAAamaloon; Ya Bunayya Innaha In Taku Mithqala Habbatin Min Khardalin
Fatakun Fee Sakhratin Aw Fee Assamawati Aw Fee al-ardhi Ya'ti Biha Allahu
Inna Allaha ILateefun Khabeer; Ya Bunayya Aqimi Assalata Wa'mur
BilmaAAaroofi Wanha AAani Almunkari Wasbir AAala Ma Asabaka Inna
Dhalika Min AAazmi Al-omoor; Wala TusaAAAair Khaddaka Linnasi Wala
Tamshi Fee al-Ardhi Marahan inna Allaha La Yuhibbu kulla Mukhtalin
Fakhoor; Waqsid Fee Mashyika Waghdud Min Sawtika Inna Ankara Al-aswati
Lasawtu Alhameer (Surat Luqman 31:12-19)***

Mwenyezi Mungu anasema, **"Yaa Bunaya"**, kwa kumtumia Luqman, ewe Mwanangu, anasema, halafu anarudia tena, **"Yaa Bunaya"**, Ewe Mwanangu.

Nasema hivi, usimshirikishe Mwenyezi Mungu, Ewe Mwanangu usiwe jeuri, Ewe Mwanangu usitembee kwa ujeuri. Ewe Mwanangu uogope kufanya maasi, na hizi Ewe Mwanangu ziko nyingi kama tunavyoona katika aya.

Rudi kwako wewe Ndugu yangu Muislamu, lini ulikaa na Mwanao hata mara moja? Ukamwambia Mwanangu, usidhulumu, na usipende kudhulumu dhulumu Watu, Mwanangu ninakusihi yatakurudia mwenyewe haya mambo.

Dunia nangirengire, inakwenda na kurudi. Ipo Siku itakurudia mwenyewe Mwanangu.

Sisi mtoto anafanya mambo ya kihuni akadhulumu, unamwona barabara ndiyo Mwanamume, ndio barabara kabisa. 'Usikubali mambo ya kipumbavu Bwana, mpige huyo'. Wewe Mwanao badala ya kumuamrisha mema, unamuamrisha mabaya. Unatarajia nini Mtu kama huyu itakuwaje Siku ya Qiyamah juu yako.

Ndugu zangu, hizi ni sifa nne ambazo tumeanza nazo. In-shaa Allah tukirudi mara ya pili tutakuja kutaja sifa ya tano kwa sababu ya wakati ambao ni mchache mno.

Ndugu Waislamu, sifa za Baba katika Qur-an na Sunnah. Tumetaja sifa nne, ambazo ya kwanza ni ***Al Qud-wah***, Baba awe ni kigezo chema katika familia yake kwa wanae.

Tukataja sifa ya pili, ***Ash Shafaqah Warrahmah***, upole pamoja na huruma. Tukataja tena sifa nyingine, tukasema ni ***Al-'Adlu***, kuwa muadilifu, sifa ya tatu. Na sifa ya nne tukasema ***Attaujiil wa Al Irshaad***, Baba awe ni Mtu mwenye kutoa miongozo na mafundisho kwa Watoto wake.

Tumalize sifa moja kwa sababu ya wakati In-shaa Allah.

Sifa nyingine Ndugu zangu, ni ***Ad-Du'aa***. Baba anatakiwa awe ni mwenye kumuombea Dua mtoto wake mara zote. Baba anatakiwa awe ni mwenye kuiombea Dua familia yake mara zote.

Sisi tumezoea, ***Wa Allaahi Al A'adhiim*** jambo la kusikitisha ni kwamba tumezoea mtoto anapokosea, Baba ndio huanza kumuombea Dua ya kumlaani sasa, siyo ya kumwongoza. Inakuwa ni Dua ya kumlaani.

Ndugu zangu tunakosea sana. Zimekuja Ahaadith nyingi, na moja katika Hadith hizo inasema kwamba, mambo ambayo Mwenyezi Mungu anamkubalia mtu, matatu katika hali tatu akiomba Mtu anakubaliwa.

Moja katika hali za kukubaliwa ni Dua ya Baba kumuombea mwanawe. Mwenyezi Mungu anaikubali Dua ya Baba.

Rasul Allah Salallahu 'Alayhi wa Salama kasema katika Hadith Sahih. Mwenyezi Mungu anakubali, ***"Thalaathatun Laa Turaddu Lahumu Da'awah"***, Watu wa namna tatu Mwenyezi Mungu Dua zao hazirudishi. Mojawapo ni Baba kumuombea mwanawe mambo mema.

Kwa nini fursa hii tunaiacha?

Mwenyezi Mungu ameona umuhimu wa jambo hili, mpaka *privilege* akatupa zawadi kwamba Baba anakuambia hivi utakapoinua mikono yako kumuomba mwanao, Mimi Sikurudishi nyuma.

Lakini kumbuka katika Hadith nyingine, *Rasul Allah Salallahu 'Alayhi wa Salama* akasema, katika Watu watatu wengine ambao Mwenyezi Mungu Dua zao hazikatai ni Dua ya Baba kumuomba mabaya Mwanawe, kumlaani Mwanawe.

Na hii ndiyo tunafanya sisi wengi wetu. Mtoto akikosa, mlaanifu wewe, Mungu akufanyie kitu kadhaa. Mshenzi mkubwa wewe, sijui kitu kadhaa kadhaa. Baba anamuomba Dua mbaya Mwanawe.

Rasul Allah Salallahu 'Alayhi wa Salama kasema, katika Watu ambao Mwenyezi Mungu Dua zao anazikubalia ni Dua ya Baba anapomuomba Dua mbaya Mwanawe, Mungu anakubali.

Kwa hiyo, matatizo mengi tuliyokuwa nayo ni kutokana na Midomo yetu Mababa juu ya Watoto wetu. Midomo yetu juu ya familia zetu, na Midomo yetu juu ya kizazi chetu, ndiyo inaharibu, halafu unakuja kusikitika, mambo magumu, Mtoto hasikii. Kumbe ni Mdomo wako wewe.

Mmoja katika Watu wema, alikwenda kumshtakia Imam: 'Mwanangu hasikii la kuambiwa nimehangaika sana kila ninalofanya bana. Napata taabu sana mwanangu hasikii la kuambiwa. Nimejitahidi sana sana sana sijui nifanye nini'.

Imam akamwambia, Mimi nadhani umemuomba Dua huyu Mwanao (anakisudia mbaya za kumuapiza). Akamwambia naam, Nilikuwa namwambia maneno mabaya, hasikii kila anapoambiwa. Imam akasema basi, ni wewe ndiye umemuharibu Mwanao.

Angalia jawabu, ni wewe ndiye umemuharibu Mwanao.

Mwenyezi Mungu ndani ya Qur-an anatuonyesha namna gani Mitume wake, wakiwaomba Dua Watoto wao. Sikwambii Mimi na wewe. Mitume ambao Mwenyezi Mungu kaamua kuwapa wahy, wao wamenyanyua mikono kwa ajili ya Watoto wao.

Kwa nini sisi tunapoteza fursa adhimu kama hii.

Katika Qur-an, ukirudi unakuta Nabii Ibrahim amemuomba Allah Subhna wa Ta'ala kwa kusema kua:

﴿وَإِذْ قَالَ إِبْرَاهِيمُ رَبِّ اجْعَلْ هَذَا الْبَلَدَ آمِنًا وَاجْنُبْنِي وَبَنِيَّ أَنْ نَعْبُدَ
الْأَصْنَامَ﴾

***Wa-idh Qala Ibraheemu Rabbi ijAAal Hadha Albalada Aminan Aaojnubnee
Wabaniyya an naAAbuda Al-Aṣṇama (Surat Ibrahim 14:35)***

Mwenyezi Mungu nakuomba uniepushe Mimi na mwanangu, kuabudu Masanamu.

Hivi Mtume wa Mungu ataabudu Sanamu? Haiwezekani.

Lakini anatoa Dua hii kama na mwanawe. Naweza nikafariki Mimi, mwanangu huko nyuma itakuwaje. Mwenyezi Mungu nakuomba umkinge na masanamu. Hii ni Dua ya Nabii Ibrahim. Mtume wa Mwenyezi Mungu.

Kadhalika, Mwenyezi Mungu anatusa ***Awsaaf***, sifa za Watu wema. Wewe si unataka kuwa mwema, sikiliza ni nini Allah anasema.

﴿وَالَّذِينَ يَقُولُونَ رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ وَاجْعَلْنَا
لِلْمُتَّقِينَ إِمَامًا﴾

***Wa Alladheena Yaqooloona Rabbanaḥ Hab Lanaḥ Min Azwajinaḥ
Wadhurriyyatinaḥ Qurrata aAAayunin waijAAalnaḥ Lilmuttaqeena Imaman.***
(Surat Al Furqan 25:74)

Watu wema ni wale ambao kwamba wanainua Mikono na kuwaombea Dua Watoto wao. ***"Hablanaa"***, Mwenyezi Mungu tupe sisi, ***"Min az-Waajinaa"***, toka kwa wake zetu. ***"Wadhurriyyatina"***, na Watoto wetu. ***"Qurrata A'yunin"***, yale yenye kufurahisha tukiyaona.

Ndugu zangu ziko nyingi, muda hautoshi.

Na hii kuwaombea Dua Ndugu zangu unafanya ni wajibu wako. Mwenyezi Mungu anasema,

﴿يَا أَيُّهَا الَّذِينَ آمَنُوا قُوا أَنْفُسَكُمْ وَأَهْلِيكُمْ نَارًا﴾

"Ya Ayyuha Alladhiina Amanu Qu Anfusakum wa Ahliikum Naara", (Surat At Tahrir 66:06)

Enyi Mlioamini ziokoeni Nafsi zenu na za Watoto wenu kutokana na Moto.

Watoto wenu waokoeni kutoka katika moto, na je, kuna njia gani zaidi ya kumuokoa Mwanao kuliko kumuomba Dua. Sasa jiulize, ni lini ulikaa Msikitini angalau pembeni, Mwenyezi Mungu mwongoze mwanangu; Mwenyezi Mungu mwongoze Mwanangu.

Lini ulikaa, achilia mbali kuamka Usiku wa manane. Ukasema nimeamka leo naswali Rakaa mbili namuomba mwanangu. Lini? Hapana, mnashughulika na mipira na mambo ya Dunia; hayo ndio mambo ambayo yametushughulisha sisi.

Al-Imam Hassan Basriyy *Rahmat Allah 'Alayhi*, ni Imam alieishi katika kipind cha Tabiina na kulelewa na Masahab kina Amir Ul Muuminin Umar Ibn Al Khattab, Malik Ibn Anas *Radhi Allahu Anhum* n.k. Hivyo ni katika Maimam wakubwa kabisa.

Aliulizwa Siku moja, kuna Mtu alimuuliza katika Wanafunzi wake, ***Yaa Abaa Sa'iid, Ewe Abuu Said, Maa Taquuluu Fii Du'aa Al Waalidi Liwaladihii***, unasemaje kuhusiana na Dua ya Mzee anaemuomba Mwanawe. Imam akasema, ***Ah Najaatun***, Ah huko ni kuokoka, huku akiinua mkono wake juu kwa msisitizo.

Hadith inasema, ***Ka Annahuu Yarfa'u Shay-an Minal Ardhi***, kama anainua kitu kutoka chini, anasema hivi kuokoka huko, yaani anainua lile jambo, ***Najaatun***, na mkono anauinua juu. Kwamba Dua yako kwa mwanao, ni kumuokoa na matatizo.

Kadhalika akaulizwa tena, ***Famaa Du'aain A'alayhim***, sasa hebu tuambie vipi Dua ya mzee mbaya, yaani ***'Alayhim***; ni Dua Mtu akimuapiza Mwanawe. ***Qaala Isti-s-aalu***, akasema ni Maangamizi, huku mkono anapeleka chini. Hatari kubwa. Dua mbaya ya Baba kwa Mwanawe ni kumuangamiza.

Ka annahuu Yakhfadhu Shay-an, kama kwamba anashindilia kitu kwenda chini.

Hujjat Ul Islami Imam Abu Hamid Muhammad Ibn Muhammad Al Ghazali Al Shafii *Rahimahu Allah 'Alayhi* anasema, ***Du'aa Al Waalidi A'dham Al Shifra***, Dua ya Baba kwa Mwanawe ni hazina kubwa Duniani. ***Wahudda Fid Dun-yaa wal Aakhirah***, Duniani na akhera. ***Wataaliban***, na mara nyingi Dua ya Baba kwa Mtoto, ***kaana Dhaalika Du'aa Sababan fii Salahil Waladi***, Dua ya Mzee ndiyo sababu ya Mtoto kufanikiwa.

Kama mtoto anasoma skuli, usishughulike sana na twisheni. Shughulika na Dua. Omba Dua sana. Mtolee na Sadaqah, kwani anasema *Allah Subhanahu wa Ta'ala* kuhusiana na Siku ya Qiyama kua

﴿يَوْمَ يَفِرُّ الْمَرْءُ مِنْ أَخِيهِ ﴿٦٢﴾ وَأُمِّهِ وَأَبِيهِ﴾

Yawma Yafirru Almaro Min Akheehi; Waommihi Wa Abeehi (Surat Abasa 80:34-35)

Siku ya Qiyamah Mtu atamkimbia Mwanawe wakimbizane kwa sababu gani kwa sababu hakumfundisha mema.

Nimalize kwa kisa kidogo kabisa. Wakati wa utawala wa *Amiir Ul Muuminiina, Sayyidina Umar Radhi Allahu 'Anhu*, alikuja Mzee na Kijana wake. Kaja Mzee na Kijana kuja kushtaki.

Huyu Kijana, Mzee Mimi ni Baba yake. Akasema ngoja kwanza, akamuita kijana, wewe kijana huyu ni Baba yako? Akajibu Naam, ni Baba yangu. Akaulizwa, sasa kwa nini unakuwa husikii kila unaloambiwa na Baba yako?

Akasema na Mimi naomba niulize sala moja tu. Je, ***Alaysa Lil Waladi Huquuqan A'ala Abihi***, hakuna haki zangu Mimi mtoto kwa Baba yangu?

Sayyidina Umar *Radhi Allahu 'Anhu*, akasema, naam, zipo nyingi sana. Mtoto akasema kwa mfano? Sayyidina Umar *Radhi Allahu 'Anhu*, akamwambia nitakutajia tatu, akasema ya kwanza, ***An Yantaqiya Ummahu***, jambo wajibu wa Baba wa kwanza kabisa, ni kumchagulia mtoto mama. Maana yake ni kwamba unapotaka kuo, chagua Mwanamke aliyekuwa mwema ambaye unadhania huyu atakuja kulea Watoto wangu vizuri. Nitapata Watoto wema, na atakuwa mwangalizi mwema. Kuchagua Mwanamke mwema, ndiyo kumchagulia mtoto mama yake.

Pili, ***Wayuhsinu Ismuhuu***, ni kumchagulia jina zuri. Usimwite mtoto Kijinga, Mtu kijinga maanake ni kijinga cha moto, au kijinga maana yake bwege. Unamuita mtoto mshenzi na unamuita Mtoto majina ya ajabu ajabu mengi yapo, haifai, *unamhaqirisha* mtoto kabla hajakuwa mkubwa.

La tatu Umar *Radhi Allahu 'Anhu*, akasema, ***Wayu' A'alimuhu Al Qur-ana***, na kumfundisha Qur-an. Hayo ni mambo matatu.

Kijana akasema tena, Amiiril Muuminiina, kama hayo mambo matatu uliyoyataja, kabla hujaendelea mbele, yote Baba yangu hata moja hajanifanyia.

Sayyidina Umar *Radhi Allahu 'Anhu*, akashangaa sana. Hajakuchagulia mama, hajakupa jina jema, na hajakusomesha Qur-an?

Kijana akasema ndiyo; Baba kimya kanyamaza, hakuwa na la kusema. Akasema huyu Baba yangu: ***Lam Yaf-'al Shay-an***, hajafanya chochote katika hayo.

Ammaa Ummii Fainnaha Ziiriyyah, Mama yangu Mimi alikuwa ni Mtumwa mweusi. ***Kaana Fi Al Majusiyy***, na alikuwa Mtumwa wa Makafiri wa Majusi wale, ndiyo alikuwa Mama yangu Mtumwa huko.

Eti yeye hajaona Mtu wa kumuoa nizaliwe Mimi mpaka Mtu ambaye ni Mtumwa, tena ni mweusi, tena ni Mtu mwenyewe ambaye kwamba ametoka katika Watu ambao ni Washirikina wanaoabudu Moto. Ndiye Mama yangu, hakunichagulia Mimi, hakuona Mtu mwema wa kwenda kumuoa, akaenda kuo Mtu wa namna hiyo.

Pili, jina alilonipa, *Amiiril Muuminiina Radhi Allahu 'Anhu*,: ***Waqad Sammaaniya***, ameniita Baba yangu, ***Ju'laa, Ay Qansafaa***, kaniita Mende. Mimi hapa naitwa Mende, ndilo jina langu. Hivi yeye majina yote hajaona, isipokuwa Mende? Ndiyo, Baba yangu kaniita Mimi mende, ndilo jina langu. Sayyidina Umar *Radhi Allahu 'Anhu*, akasema, naam.

Tatu, akasema, ***Lam Yu'alliman Il Qur-an***, hajanifundisha Qur-an hata herufi moja.

Sayyidina Umar *Radhi Allahu 'Anhu*, sasa akamgeukie yule Baba akamwambia Bwana we umekuja hapa: ***Ji-ita Tashkuu 'Uquubanika***, umekuja kushtaki Mwanao anakutupa lakini, ***Waqd Aqat-tahu Qabla an Ya-'aqqika***, Mwanao wewe ndiye umemtupa kabla yeye hajakutupa.

Kwa hiyo Ndugu zangu tuangalie sana haki juu ya Watoto wetu.

Wengi tunateleza katika mambo haya, tusipoangalia itakuwa kwetu sisi Watoto ni sababu ya kwenda Motoni. Narudia tena, tusipoangalia sifa hizi, Watoto wetu itakuwa ni sababu ya sisi Mababa kwenda Motoni.

Mwenyezi Mungu atukinge na hilo.

Kwa sababu, Mwenyezi Mungu anasema, ***"Falaa yu'jibuka am-waalahum walaa awlaaduhum"***, Muhammad usishangae Watu wana mali nyingi na Watoto wengi, ***"Innamaa yuriidu Allahu"***, Mwenyezi Mungu kawapa hizo mali, kawapa na Watoto, ***"Liyu'adh dhibahum"***, ili awaadhibishe. ***"Fid dun-yaa"***, Duniani, ***"Watazhaqa Anfusuhum"***, na awatoe roho zao, ***"Wahum Kaafiruun"***, mpaka mwisho, nao ni Makafiri.

Kwa hiyo, Ndugu yangu usiposimama kidete ukawa na sifa hizi. Siku ya Qiyamah, Mtoto atakuwa ni sababu ya kuharibikiwa mambo yako.

NJIA KUMI ZA KUJIKINGA NA SHEITANI



Ndugu Waislamu baada ya kumshukuru Mwenyezi Mungu Jalla wa 'Alaa. Kumtakia Rehma na Neema. Sala na Salamu. Mtume wa mwisho, Nabii Muhammad Salallahu 'Alayhi Wa Salama.

Nakuusieni katika kadhia nzima ya kumcha Mwenyezi Mungu, kama ambavyo nimetangulia kuiusia Nafsi yangu juu ya jambo hili adhimu.

Kisha leo tuzingatie jambo ambalo Mwenyezi Mungu Jalla wa 'Alaa ametufahamisha na kutuonya sana juu ya jambo hili.

Tangu alipoumbwa Nabii Adamu, *Abu Al Bashari*, Baba yetu Adam alipoumbwa, ulianza uadui moja kwa moja baina yake yeye na Sheitani. Au na Iblisi. Sheitani alipokataa kumsujudi Baba yetu Adam kwa amri ya Mwenyezi Mungu.

Mwenyezi Mungu akamwambia kuanzia sasa umelaanika.

Sheitani akaomba muda kwa Mwenyezi Mungu.

﴿قَالَ رَبِّ فَأَنْظِرْنِي إِلَى يَوْمٍ يُبْعَثُونَ﴾

Qala Rabbi Faandhirnee Ila Yawmi yubAAathoon (Surat Sad 38:79)

Anaomba kwa Mwenyezi Mungu. Yaa Allah nipe muda mpaka Siku ya kufa, Siku inayotarajiwa.

Allah akamjibu,

﴿قَالَ فَإِنَّكَ مِنَ الْمُنْظَرِينَ﴾

Qala fa-innaka mina almunthareen (Surat Al Araf 7:15, Surat Sad 38:80)

Tayyib wewe utakuwa na muda, lakini,

﴿إِلَى يَوْمِ الْوَقْتِ الْمَعْلُومِ﴾

Ila yawmi alwaqti almaAAloom (Surat Sad 38:81)

"Ilaa Yawm il Waqti Ma'luum", mpaka Siku maalumu niliyoiweka Mimi. ***Hunaa, Bada-al 'Adaawah, Bayna Al Ibliis wa Adam. Wabayna Banii Ibliis wa Banii Adam.***

Hapa ndipo ulipoanza Uadui baina ya Iblisi na Nabii Adam. Na baina ya sisi Watoto wa Adam na wale Masheitani, Watoto wa Iblisi.

Hapa Iblisi aliapa kwa kusema na Mwenyezi Mungu.

﴿قَالَ فَبِعِزَّتِكَ لَا أُغْوِيَنَّهُمْ أَجْمَعِينَ﴾

Qala fabiAAizzatika Laoghwiyanahum AajmaAAeen(Surat Sad 38:82)

"Fabi-'izzatika", kwa utukufu wako Allah. **"Laoghwiyanahum Aajma'iiin"**, kazi yangu itakuwa Mimi ni kuwahadaa, na kuwapotosha Wanaadamu.

Madhali umenipa muda, **"Fabimaa Aghwaytanii"**, kwa sababu Mimi ushanihukumu nimepotoka, Mimi sitokwenda motoni peke yangu. **"Fabimaa Aghwaytanii"**, kwa sababu ushanihukumu nimepotea Mimi, sitokwenda Motoni peke yangu.

Nitahakikisha,

﴿ثُمَّ لَا تَأْتِيَنَّهُمْ مِّنْ بَيْنِ أَيْدِيهِمْ وَمِنْ خَلْفِهِمْ وَعَنْ أَيْمَانِهِمْ وَعَنْ شَمَائِلِهِمْ وَلَا تَجِدُ أَكْثَرَهُمْ شَاكِرِينَ﴾

Thumma Laatiyanahum Min Bayni Aydeehim Wamin Khalfihim waAAan Aymanihim waAAan Shama-ilihim Wala Tajidu Aktharahum Shakireen (Surat Al Araf 7:17)

Nitawaendea Mbele Nitawaziba Wasione haki, nitawaendea nyuma, nitakwenda pembeni, nitakwenda kulia nitakwenda kushoto.

Haakadhaa uadui ukaanza, na kuanzia hapa Mwenyezi Mungu mwenyewe Jalla wa 'Alaa, akatuambia sisi Wanadamu ama Waislamu.

﴿إِنَّ الشَّيْطَانَ لَكُمْ عَدُوٌّ فَاتَّخِذُوهُ عَدُوًّا إِنَّمَا يَدْعُو حِزْبَهُ لِيَكُونُوا مِنْ أَصْحَابِ السَّعِيرِ﴾

Inna alshshaytana Lakum AAaduwwun Faittakhidhooahu AAaduwwan innama yadAAoo Hizbahu Liyakoonoo min as-habi alssaAAeeri.(Surat Fatir 35:06)

Enyi Wanaadamu, Sheitani kwenu ni Adui na nyinyi msiwe wajinga, mfanyeni kuwa ni Adui, mpigeni vita.

Kwa nini, **"Innamaa"**, hakika yeye Sheitani, **"YadAAuu Hizbahuu"**, anaitia katika kundi lake anataka Watu wengi sana, anataka kundi zima,

"Liyakuunuu Min As-haabis Sa'iir", ili wawe ni Watu wa Motoni.

Idhan, Ndugu zangu hapa tuna makundi mawili, tangu Dunia imeumbwa, tangu Allah Jalla wa 'Alaa alipotoa hukumu hii, kuna makundi mawili.

Hunaaka Hizbu Allah, kuna kundi la Mwenyezi Mungu ambalo ni kundi la **Al-Mansuura**, ambalo ni kundi la Nabii Adam na Mitume wengine. **Wahunaaka Hizbu Ibliis**, na vilevile kuna kundi la Iblisi, kuna kundi la Sheitani. Na huko Allah anasema,

﴿أَسْتَحْوَذَ عَلَيْهِمُ الشَّيْطَانُ فَأَنسَاهُمْ ذِكْرَ اللَّهِ ۚ أُولَٰئِكَ حِزْبُ الشَّيْطَانِ ۚ أَلَا إِنَّ حِزْبَ الشَّيْطَانِ هُمُ الْخَاسِرُونَ﴾

Istahwadha AAalayhimu Al Shshaytanu Faansahum Dhikra Allahi Ula-ika Hizbu Al Shshaytani Ala Inna Hizba Al Shshaytani Humu Alkhasiroona.(Surat Al Mujaddila 58:19)

Amewazidi Shaytani, Shaytani amewafanya wasahau kumkumbuka Allah, Wao ndio Walio kwenye Kundi la Shaytani elewa, hakika hilo kundi la Sheitani, ndilo kundi lenye kula hasara.

Na kundi la Mwenyezi Mungu ndilo kundi lenye kushinda.

Akasema sehemu nyingine, Mimi nitawapatosha wote,

﴿إِلَّا عِبَادَكَ مِنْهُمُ الْمُخْلَصِينَ﴾

Illa AAibadaka minhumu almukhlaseen(Surat Al Hijr 15:40)

Iispokua Waja wako miongoni mwa Mukhlasiin, ambapo huku mwishoni siyo **Mukhlisiina**, laa, ni **Mukhlasiina**, nitawapotosha wote Waja wako, ila Waja wako ambao watanishinda kutokana na kua na sifa maalumu.

Hapa sasa kunatazamwa, Je, wewe Muislamu uko kundi gani? Ndiyo tunapoona Waislamu wanaghururika, wanapotea kabisa katika njia ya Mwenyezi Mungu.

Unashangaa ndani ya Nyumba, katika kila Nyumba za Waislamu kunapatikana mmoja unaambiwa huyu katupiwa Sheitani, huyu ana Jini kamkumba, na huyu ana kitu kadhaa.

Na Nyumba ile inakuwa imejaa ndani yake Miziki ina ma TV ina madude, Mapicha, na ina kila aina ya Usheitani. Huku unaambiwa, Mke naye vilevile ana Sheitani wake naye. Anataka apate nafasi akapungwe, Sheitani aitwe ili asemezwe.

Kuna ugomvi baina ya Baba na mama, ni Sheitani yuko katikati, na kadhalika, kuna kila namna ya Usheitani katika majumba yetu.

Ndiyo maana katika Hadith ya Jabir aliyoipokea Imam Ahmad mwisho *kabisa Rasul Allah Salallahu 'Alayhi wa Salama* anasema: "**Fainna Ash Shaytaana Yarsadu Li Ibni Aadama**", Sheitani anamchungu chungu na kumvizia Mwanadamu , "**Fii Kulli Shay-in**", katika kila kitu.

Na katika zama tunazoishi, Sheitani kawashinda Wanadamu katika mpira.

Katika mpira, shahidi juzi iliyopita Jumapili katika World Cup, saa kumi na mbili na dakika kadhaa, game imeanza *final*, France Vs Argentina, huku kuna Messi huku kuna Mbappe.

Huku kuna Muislamu amekaa katika wakati wa Magharibi, anasubiri adhana iadhiniwe. Na kuna Mwenyezi Mungu anakutazama ikiadhiniwa adhana, uko kwenye TV au unakwenda kuswali Msikitini? **Hunaaka Hizbayn, Hizbullaah wa Hizbush-Shaytaan.**

Mwenyezi Mungu anakuangalia, kipute kimeanza, gemu imeanza vijana wote wamekuwa **Hairaan**, wamechanganyikiwa.

Allah anasema,

﴿الشَّيْطَانُ سَوَّلَ لَهُمْ وَأَمْلَى لَهُمْ﴾

Al-sh Shaytānu Sawwala Lahum Wa-Amlā Lahum (Sūrat Muhammad, 47:25)

Sheitani kawavaa, "**Fa Amlaa Lahum**", akawapambia, mpaka wakaona kile ndicho kitu kikubwa sana.

Wakakaa vijana, saa 12 game imeanza, saa 12:30 Mwadhini anaita, na ndiyo kwanza gemu inakolea. Duuh sasa tayari Messi kishafunga goli la kwanza, na mara Messi kafunga goli la pili. Tayari France wanahangaika kutaka kurudisha wanapiga kule, huku na huku.

Na Muislamu anaangaliwa. Mwenyezi Mungu Jalla wa 'Alaa amemuamrisha Mtume wake awaambie Waumini wake, waitwe kwenda kwenye Salah. Anasema Allah,

﴿لَا تَجْعَلُوا دُعَاءَ الرَّسُولِ بَيْنَكُمْ كَدُعَاءِ بَعْضِكُمْ بَعْضًا ۚ قَدْ يَعْلَمُ اللَّهُ الَّذِينَ يَتَسَلَّلُونَ مِنْكُمْ لِوَاذًا ۚ فَلْيَحْذَرِ الَّذِينَ يُخَالِفُونَ عَنْ أَمْرِهِ أَنْ تُصِيبَهُمْ فِتْنَةٌ أَوْ يُصِيبَهُمْ عَذَابٌ أَلِيمٌ﴾

La tajAAaloo DuAAaa Arrasooli Baynakum KaduAAa-i baAAadhikum baAAadhan Qad yaAAalamu Allahu Alladheena Yatasallaloona Minkum Liwadhan Falyahdhari Alladheena Yukhalifoona AAan Amrihi an Tuseebahum Fitnatun aw Yuseebahum AAadhabun Aleem (Surat An Nur 24:63)

Katu msiufanye wito wa Mwenyezi Mungu na Mtume wake kama wito wa Miongoni mwenu baadhi yenu.

Njoo Abdallah, nitakuja na huku unavaa viatu. Hapana, msifanye hivi: ***"Qad ya'lamu Alladhiina Yatasallaluuna Minkum Liwaadha"***, Allah anajua Watu wanaofanya ujanja ujanja hivi.

Anajifanya kama anakwenda Msikitini kumbe haendi, yeye amekaa anataka kuangalia magoli yanarudi au hayarudi.

Allah anasema, ***"Fal Yahdhari Al Ladhiina Yukhaalifuuna Allaha 'an Amrihi"***, watahadhari sana wale ambao wamekwenda kinyume na amri ya Mwenyezi Mungu, ***"An Tusiibahum Fitnatun"***, watapata mtihani mkubwa, ***"Au Yusiibahum 'Adhaabun Aliim"***, au watapata adhabu inayoumiza kesho Qiyamah.

Naam. ***'Alaykum anfusakum***, kila mmoja na ajiangalie mwenyewe. Saa moja kasorobo Salah imekimiwa Watu ndo wako katika Mpira, anaona hapa nikiondoka tu hapa, linaweza likafungwa goli, Mimi nitakuwa Sikuona.

Inna Lillaahi wa Inna Ilayhi Raaji'uun.

Pameswaliwa Msikitini , kuna safu mbili tu hapa, wako wapo Waumini? Waumini wako katika kundi la Sheitani.

Tumesema mwanzo, kuna makundi mawili, kuna ***Hizbu Allah wa Hizbu Ash Shaytaan.***

Na Mwenyezi Mungu kasema kabisa: *"Waja wangu wewe huwawezi, wale wengine, utawaweza"*. Sasa jitizame mwenyewe, hapana wa kukuhukumu, kwamba wewe ni nani. Kila mmoja na Nafsi yake, anaijua mwenyewe.

Alikuwa wapi wakati *Rasul Allah Salallahu A'alayhi wa Salama* alipoamrisha, iitwe Salah, "**Hayya 'Aala As Salah**", ulikuwa wapi. Jawabu unalo mwenyewe.

Katika aya nyingine Allah anasema,

﴿يَا أَيُّهَا الَّذِينَ آمَنُوا اسْتَجِيبُوا لِلَّهِ وَلِلرَّسُولِ إِذَا دَعَاكُمْ لِمَا يُحْيِيكُمْ
وَاعْلَمُوا أَنَّ اللَّهَ يَحُولُ بَيْنَ الْمَرْءِ وَقَلْبِهِ وَأَنَّهُ إِلَيْهِ تُحْشَرُونَ﴾

Ya Ayyuha Alladheena Amanoo Istajeeboo Lillahi wali Rrasooli Idha daAAakum Lima Yuhyeekum waAAalamoo anna Allaha Yahoolu Bayna Almar-i Waqalbihi Wa Aannahu Ilayhi Tuhsharoon. (Surat Al Anfal 8:24)

Muitikieni Mwenyezi Mungu na Mtume wake anapokuiteni. **Undhur**, ulimuitikia nani: Allah au ulimuitikia Sheitani?

Hii ni kazi yako Ndugu yangu Muislamu wala hakuna wa kukuhukumu. Ni wewe na Mwenyezi Mungu wako. Ni wewe na Mungu wako. Ulichokifanya unakijua mwenyewe, na Mungu anakijua. Hapa tunatabahishana, Sheitani kasema nitawaendea mbele, na nyuma.

Mbele kuna *World Cup*, ikimalizika tu, kuna sijui *European Championship* nyuma. Ukimaliza tu, kuna *Premier League*, ukimaliza tu kuna *La Liga*, na ukimaliza tu kuna *Ligue 1*.

Sheitani katoa ahadi kwa Mwenyezi Mungu. Mimi nitawaendea mbele, nyuma, kulia, na kushoto, Mungu hawa wewe huwapati, ni Watu wangu hawa. **Wa fi'lan**, hawakupatikana kweli, Maghrib *line* mbili, na Isha *line* mbili.

Na wale wa *Line* mbili walioswali hapa, baada ya salamu wakasimama pale, kila mmoja na simu yake. Vipi Mbappe keshashinda, tayari Bwana, tatu tatu.

Ina maana katika Salah nzima hakuwa katika Salah. Salah nzima alikuwa anasikilizia, sasa vipi Ashraf Hakimi ataweza kumkaba Messi au atamponyoka, sasa vipi? Nasikia yule golikipa wa Argentina ni hodari kwa Penati, sasa vipi.

Wakatoka wakasimama pale, utafikiri wendawazimu, wamechanganyikiwa vijana pale Mlangoni. Kila mmoja ana simu yake, tatu tatu, extra time. Ah vipi hawa, kayfa ya akhii, maalakum, mmekuwaje Waislamu?

Mnaacha Mwenyezi Mungu anakuiteni katika jambo la kukupeni uhai. Amekuambieni mapema, "**Yaa Ayyuha Alladhiina Aamanuu Istajiibuu**", muitikieni Mwenyezi

Mungu, **"Idhaa Da-'aakum Limaa Luhyiikum"**, mnapoitwa katika jambo lenye kukupeni uhai.

"Wa'lamuu", na tambua, **"Anna Allaha Yahuulu Baynal Mar-i wa Qalbihi"**, Mwenyezi Mungu anajua kinachoendelea katika Moyo wa mtu. Anapita ndani anaangalia, akili yako yote iko kule, ni Mtihani mkubwa.

Hii ni aina ya kwanza, Sheitani hapa kafanikiwa.

Aina ya pili ni wale ambao mpaka sasa wamechanganyikiwa. Sasa tunakwenda kwa sijui padri gani, nasikia kuna wana maombi kule wanaombewa. Kuna kule kwa Mwamposa tunakwenda, nasikia kule wanaombea Watu.

Wanakwenda Waislamu, ati wanakwenda kuombewa, ati wanakwenda kuombewa na kila Siku katika Salah anaomba huyo, kwa kusema

﴿ أَهْدِنَا الصِّرَاطَ الْمُسْتَقِيمَ ﴿٦﴾ صِرَاطَ الَّذِينَ أَنْعَمْتَ عَلَيْهِمْ غَيْرِ
الْمَغْضُوبِ عَلَيْهِمْ وَلَا الضَّالِّينَ ﴾

"Thdi-na Al Siraata Al Mustaqiima; Sirata Alladheena anAAamta AAalayhim Ghayri Almaghdhoobi AAalayhim Wala Aldhdhalleena(Surat Al Fatiha 1:6-7)

Halafu anasema, Tuongoze katika njia iliyonyooka, siyo ya wale walioghadhibikiwa wala waliopotea.

Halafu anatoka na kwenda kwa waliopotea eti akaombewe Dua. **Haadha Shay-in, Mish Maa Yaquulu**, *it doesn't make sense*, una wazimu.

Unaomba katika Salah, tuongoze njia iliyonyooka, njia ya wale ambao kwamba waliofanikiwa, siyo waliokasirikiwa wala waliopotea. Halafu unatoka unakwenda kwa waliopotea, eti ndiyo unakwenda uombewe.

Mtihani umekuwa mkubwa kwa Waislamu. Wakazuka Majaahili wengine sasa, nendeni kwa Mtu fulani naye anaitwa nabii. Yaani imekuwa kama **Masruhiyyaati**. Imekuwa kama mchezo wa sinema. Waislamu hawajitambui, wako kama wamechanganywa hivi. Hawatambui wanakwenda wapi, Watu kama Watu ambao hawana Dini. Ni kama Watu ambao hawana **Manhaj**. Ni kama Watu ambao hawana Mtume. Ni kama Watu ambao hawana sera. Ni kama Watu ambao hawana itikadi, Watu ambao hawajitambui.

Leo kwa Mwamposa, kesho sijui kwa Nkwera, sijui kesho kutwa kwa nani. Waislamu wamekuwa kama Mbuzi waliokata kamba, ambao hawana mwenyewe. Ndugu zangu, huu ni msiba mkubwa. Huu ni msiba mkubwa sana. Ni msiba mkubwa sana.

Sasa imefika pahala katika kila Nyumba, utafiti unaonyesha katika kila familia, kuna mtoto mmoja au wawili unaambiwa huyu ana Masheitani, na huyu kila akikaa hivi anachanganyikiwa, huyu kila baada ya muda anaanguka.

Mbali ya hivyo, katika kila Watoto watatu Wanawake, mmoja utasikia huyu ana Sheitani. Na katika kila vijana watano wanaume, utasikia huyu mmoja ana Sheitani. Haya mambo yamekuwaje?

Mbona Waislamu wamekuwa kama Watu ambao hawajitambui. Ndiyo maana sasa, wataingia Motoni Watu wengi, Mwenyezi Mungu atukinge na Moto wa Jahannam.

Watakapotiwa Watu motoni, sababu itakuwa ni haya haya mambo. Mpira, mpira, kwa sababu ni Sheitani aliyekuwepo sasa. Pombe na mambo mengine ya kisheitani, ndio sababu hii.

Ndiyo maana Allah Jalla wa 'Alaa atawaambia Watu wa motoni,

﴿لَمْ أَعْهَدْ إِلَيْكُمْ يَا بَنِي آدَمَ أَنْ لَا تَعْبُدُوا الشَّيْطَانَ إِنَّهُ لَكُمْ عَدُوٌّ مُبِينٌ﴾

Alam aAAhad Ilaykum ya Banee Adama an La TaAAbudoo Ashshaytana Innahu Lakum AAaduwwun Mubeen(Surat Yasin 36:60)

Nyie Wanadamu mnakuja kujaa Motoni vipi, kwani sijakwambieni nyie kua, **"An Laa Ta'Abudu AshShaytaan"**, msimfuate Sheitani.

Mimi nimekwambieni,

﴿وَأَنْ اعْبُدُونِي ۚ هَذَا صِرَاطٌ مُسْتَقِيمٌ﴾

Waani oAAabudoonee Hadha Siratun Mustaqeem(Surat Yasin 36:61)

Mniabudu Mimi, hii ndiyo njia iliyonyooka.

Akasema Mwenyezi Mungu wazi kabisa,

﴿وَلَقَدْ أَضَلَّ مِنْكُمْ جِبِلًّا كَثِيرًا أَفَلَمْ تَكُونُوا تَعْقِلُونَ﴾

Walaqad Adhalla Minkum Jibillan Katheeran Afalam Takoonoo taAAqiloon
(Sura Yasiin 36:62)

Sheitani keshawapotosha Watu wengi mno, wengi makundi kwa makundi, nakwambieni mfahamu. Sikiliza hapa sasa, "***Afalam Takuunuu Ta'Aqiluuna***", Hivi hamui na akili?

Haya ni maswali Mwenyezi Mungu anatuuliza; msije mkasema Abdallah kasema, anatutukana. Hapana, ni Mungu anasema hivi, nyie hamna akili?

Maana huo mpira kama unaupenda sana, basi subiri utakwenda kuona, magoli yote yatarudiwa. kuna Azam TV kuna TBC, na TV nyengine. Wataonesha magoli yote, na game yote itaonyeshwa, kuna ving'amuzi vinaonyesha game zote

Lakini Allah Jalla wa 'Alaa, kaamua kuwaletea Watu mtihani kuwapima na kuwaangalia. ***Man man, wa man man.*** Nani ni nani, na nani ni nani, tuwajue.

Tumefeli Ndugu zangu Waislamu, tumefeli, Sheitani kaingia na kila unapooni maustadhi wako 10, basi mmoja katika 10 hao anasumbuliwa na Sheitani, yaani Jinsi Sheitani alivyokuwa mkali.

Sasa Khutbah yetu madhumuni ni kueleza ***Huruuz***. Njia za kujikinga na Sheitani. Kwa sababu ummah umezama mno katika janga hili.

Ule wote ni utangulizi. Madhumuni ni kuelezana ***Huruzin*** au ***Wiqayatin Minash Shaytaan***. Ni zipi Mwenyezi Mungu ametupa njia za kujikinga na viumbe hawa. Njia zipi tuzifanye ili tuweze kujikinga nao.

Tuseme ya kwanza. Ya kwanza kabisa, katika njia hizi ambazo tutazizungumza 10, na si lazima zimalizike leo. Tunaweza kusema moja au mbili, Mungu akitupa Uhai tutakuja kuzimaliza sababu ni mada muhimu sana.

Kila mmoja ajue njia 10, amfundishe Mkewe, na amfundishe Mwanawe. Hizi ni njia nyepesi kabisa. Kila mmoja, amfundishe kila Mtu katika familia yake, ili Watu waepukane na mabalaa kama haya.

Na ndiyo maana Maimam wametunga vitabu vingi sana kueleza khabar kama hizi.

Njia ya kwanza Ndugu zangu, ni, ***Atta-'aAudhdhu bi Allaahi Minhu***. Mara zote kuwa na tabia ya kujikinga na Mwenyezi Mungu. Kutokana na adui Sheitani. Usijidhanie wewe kwamba ni hodari sana, Sheitani utamshinda, huwezi hata Siku moja kumshinda Sheitani wewe.

Zaidi ni lazima Mwenyezi Mungu akupe nguvu. Umtumie Allah ili kumuondoa, au kumdhoofisha kiumbe wake, wewe ndiyo ufanikiwe. Hata Siku moja huwezi ukasema Mimi nitapambana naye, huwezi hata Siku moja.

Mtu mmoja mwenye akili aliulizwa na Sheikh wake. Unaonaje kama utapita katika njia na katika njia ile kuna mbwa mkali kweli kweli. Yule Mbwa, kila anayepita pale anamsumbua, utafanya nini?’

Wanafunzi wakajibu utapopoa mawe, wengine wakasema hapana, utatafuta nyama umpe, yule Mbwa akienda kula nyama, na nyinyi mnapita. Sasa si atamaliza na atarudi? Kila mmoja katika wale Wanafunzi akasema lake.

Kisha sheikh, ambaye alikuwa anasomesha umuhimu wa **Isti'aadha**, ambayo ni njia ya kwanza kabisa. Akasema hivi, njia nzuri nenda kwa mwenye Mbwa. Kamwambie, Bwana wewe, Mbwa wako anatusumbua, na atamuondoa, Khalas.

Unapata taabu bure, kumpiga mawe, na kumtafutia Nyama. Yote haya ni ya nini? Nenda kwa mwenyewe.

Idhan, njia nzuri, rudi kwa Mwenyezi Mungu. Mwambie Allah,

أَعُوذُ بِاللَّهِ مِنَ الشَّيْطَانِ الرَّجِيمِ

'AUdhu bi Allaahi Mina Ash Shaytaani Ar Rajiim.

Yaa Allah, Mimi najikinga kwako na Sheitani aliyelaaniwa. Hii ndio njia nyepesi kabisa ya kwanza ya kwenda kwa yule aliyemuumba. Yeye ndiye mwenye kuweza kukukinga na balaa lake.

Tayyib, njia hii imejaribiwa, na Mtume amesema katika Hadith zake nyingi kabisa, kama Qur-an inavyosema,

﴿فَإِذَا قَرَأْتَ الْقُرْآنَ فَاسْتَعِذْ بِاللَّهِ مِنَ الشَّيْطَانِ الرَّجِيمِ﴾

Fa-idha Qara'ta Al Qur-ana FastaAAith bi Allahi Mina Ash Shaytani Arrajeem
(Surat An Nahl 16:96)

Hata Qur-an, nini Nyumbani kwako kuingia kuna Dua, kwenda chooni kuna Dua, lakini hata Qur-an kitabu cha Mwenyezi Mungu wataka kusoma, jambo la kwanza kabisa jikinge na Sheitani.

Anatwambia Mwenyezi Mungu, ***Faidhaa Qara-ata Al Qur-ana Fasta-'idh bi Allaahi Minash Shaytaanii Rajiim***", wataka kusoma Qur-an, jambo la kwanza kabisa jikinge na kiumbe huyu, kwa sababu yeye ni mbaya mno.

Akasema *Rasul Allah Salallahu 'Alayhi wa Salama* katika Hadith ya Imam Muslim ya kwamba: ***"Man Nazala Manzilan"***, atakapokwenda Mtu pahala, labda katika Nyumba au katika mji au katika mtaa, au unapita pahala, ***"Thumma Qaala a'uUdhubi Kalimaati Allaahi Taammah"***, akasoma Dua hii, ***"Thumma Qaala a'uUdhubi Kalimaati Allaahi Taammah"***, basi kamaliza.

Rasul Allah Salallahu 'Alayhi wa Salama anasema: ***"Lam Yadhurrahuu Shay-un hattaa Yartahila Min Manzilihii Dhaalika"***, hatadhuriwa na chochote, achilia mbali Sheitani, chochote, hata Nyoka, hata Nge, hata Mdudu yoyote, hata ajali hupati.

Subhaanah Allaah. Tunasafiri kila pahala, kuna maajali chungu nzima kila Siku maajali, kumbe kuna Dua Mtume katufundisha, ukiomba hutadhurika na chochote.

Dua hii, Imam Al Qurtubiy *Rahmatu Allaahi 'Alayhi* anasema; Mimi nimeifanyia kazi imenisaidia. Walikuwa wanaishi katika Majangwa, na wanatembea Usiku. Usiku kuna Nge, Usiku kuna Nyoka, Usiku kuna Simba, na Usiku kuna kila Mnyama mbaya katika Jangwa.

Lakini anasema, nikiamka tu nasema maneno haya: ***"A'uUdhubi Kalimaati Allaah Taammah Min Sharri Maa Khalafa"***.

Anasema, 'Siku moja nikasahau, ah Jioni nikagongwa na Nge'.

Imam Al Qurtubiy *Rahmatu Allaahi 'Alayhi*, anasema, 'Hii nimeifanyia kazi maisha yangu yote, na kuna Siku nilighafilika nikagongwa na Nge. Nadhani hakuna ushahidi mkubwa zaidi ya huu kwa Dua hii ya Bwana *Mtume Salallahu 'Alayhi Wa Salama*.

Na, ni nini maana ya ***Isti'aadha? Isti'aadha*** ni ***Al-ihitjaabu***, ni kwamba wewe unataka kinga, ***Wa Al Itisaakhu*** na unajielekeza, unajiegemeza kwa Mwenyezi Mungu na Mtume wake. Unajiegemeza kwa Mwenyezi Mungu na Qur-an, kwa kila kitu ambacho Allah amekufundisha.

Fasta-'idh bi Allahi: a'uUdhubi Kalimaati Allahi Taammah, haakadhaa.

Tayyib,Kwa hiyo, njia hii si kwamba Mtume *Salallahu 'Alayhi wa Salama* anaisema tu, lakini ni njia ambayo imejaribiwa na imefanya kazi kwa Maulamaa wengi, imewasaidia. Ina maana ukitoka Asubuhi, Dua hii ukiisoma utakuwa na amani kutwa nzima. Kutokana na kila aina ya ubaya. Na hasa ubaya huu wa *Sheitani Ar Rajiim*, aliyelaaniwa.

Kisha, njia ya pili, ***Qiraatu Al Mu'awwidhatayn***, kusoma Surah mbili, ***Alfalaqi wa Naas. Qul a'uUdhu Bi Rabbi Al Falaqi***, na ***Qul a'uUdhubi Rabbi An Naas***.

Surah hizi mbili zina siri kubwa sana. Na inasemekana ***Sababun Nuzuul***, sababu ya Surah hizi kushuka ni kwamba Bwana Mtume alikuwa na kijana wa Kiyahudi akimtumatuma, akimsaidia hapa na pale.

Kijana yule akarubuniwa na Myahudi mmoja akiitwa ***Labid Al Yahuudiy***, akamrubuni Kijana yule atafute namna, akichukue kitu kimoja cha Mtume ili amroge. Hivyo akachukua Kitana na Nywele za *Rasul Allah Salallahu Alayhi wa Salam* na kisha wakafanya marogo, wakamroga Mtume *Salallahu 'Alayhi Wa Salama*.

Mtume akasumbuka kwa muda. Baadaye akaja Jibril akamsaidia, akamfundisha Dua ambayo ni hizi Surah mbili. Ilikuwa *Rasul Allah Salallahu 'Alayhi wa Salama* karogwa katika kitu kama Mafundo yamefungwa 11, halafu yametupwa ndani ya Kisima kisichotumika.

Mtume akamuamrisha Sayyidina Ally, Al Zubayri *Radhi Allahu Anhum* waingie ndani katika Kisima hicho, na Sayyidina 'Ammar *Radhi Allahu Anhu*. Wakaingia wakasafisha, na wakatoa kifurushi kilichofungwafungwa ambacho *Rasul Allah Salallahu 'Alayhi wa Salama* alikuwa katupiwa ndani yake Kisima hicho.

Kisha baada ya hapa, Mtume akawa anasoma Dua hii, anasomewa na Jibril; na kila akisoma aya moja, fundo moja linatoka, Mtume anasikia nafuu.

Yalikuwa ni mafundo 11.

﴿قُلْ أَعُوذُ بِرَبِّ الْفَلَقِ﴾ مِنْ شَرِّ مَا خَلَقَ ﴿وَمِنْ شَرِّ غَاسِقٍ إِذَا وَقَبَ﴾ وَمِنْ شَرِّ النَّفَّاثَاتِ فِي الْعُقَدِ ﴿وَمِنْ شَرِّ حَاسِدٍ إِذَا حَسَدَ﴾

"Qul a'uUdhu bi Rabbil Al Falaqi", hii ni aya ya kwanza. ***"Min Sharri Maa Khalafa"***, ya pili; ***"Wamin Sharri Ghaasiqin Idhaa Waqaba"***, ***Wa Min Sharrin Naffaathaati Fil 'uqad, wa Min Sharri Haasidin Idhaa Hasada"***; hizo ni aya tano, zilizofungua mafundo matano.

Kisha, ni:

(قُلْ أَعُوذُ بِرَبِّ النَّاسِ ﴿١﴾ مَلِكِ النَّاسِ ﴿٢﴾ إِلَهِ النَّاسِ ﴿٣﴾ مِنْ شَرِّ
الْوَسْوَاسِ الْخَنَّاسِ ﴿٤﴾ الَّذِي يُوَسْوِسُ فِي صُدُورِ النَّاسِ ﴿٥﴾ مِنَ الْجِنَّةِ
وَالنَّاسِ)

"Qul a'uUdhu bi Rabbi An Naas. Maliki An Naas. Ilaahin Naas. Min sharri Al Was-waasi Al Khannaas. Alladhii Yuwas-wisu fii Suduuri An Naas. Mina Al Jinnati Wannasi. Mwisho kabisa, ni jumla ya aya 11, **Minal Jinnati wa Nnasi.**

Angalia Dua nyepesi kabisa, ni Dua nyepesi kabisa.

Na imesihi katika Hadith, Mtume kasema: **Ma Ta-'awwadha Al Tuta-'awwidhuuna Bimithlihimaa"**, hakuna Mtu ambaye atataka kinga ya kwelikweli hasa, na ikawa nzuri, kuliko kinga ya hizi Surah mbili. **Al Falaqi wa Naas.**

Wakaana Salallahu 'Alayhi Wa Salama, yeye Bwana Mtume mwenyewe, alikuwa **"Yata-'awwadhu Bihimaa Kulli Laylah"**, kila Usiku, Mtume alikuwa Surah hizi mbili anazisoma, kama ni kinga kwa Usiku mzima. **Idhaa Awaa Ilaa Firaashihi:** Rasul Allah Salallahu 'Alayhi wa Salama anapokuwa analala.

Na akasema Rasul Allah Salallahu 'Alayhi wa Salama katika Hadith nyingine, **"Maa Qara-a Humaa"**, atakayesoma Surah hizi mbili, **"Ma-'a Surat Al Ikhlāas"**, pamoja na **Qul huwallahu, "Thalaatha Marraati"**, akasoma Surah hizi mara tatu, basi, **"Kufiya Min Kulli Shay-in"**, atakingwa na kila kitu Siku mzima, hakuna kitakachomdhuru. Hii ni njia ya pili.

Na shirki ambayo imetawala sasa, ni mpira wa miguu. Ndani yake mna kamari, ndani yake mna pombe, ndani yake mna ushirikina, na ndani yake mna kila balaa ambalo tunaliona wenyewe.

Anayetaka kushuhudia hili, aangalie tu juzi Jumapili iliyopita, namna gani Watu ulimwengu mzima walitekwa na Sheitani, wakati Waumini wanamuabudu Mwenyezi Mungu.

Njia ya kwanza ya kujikinga na mambo haya. Tumeona tatizo, tukasema *solution* ya kwanza ni **Al Isti'aadha.**

Jifundishe sana Mtume kasema hakuna kitu kama hichi. Hakuna kitu kikubwa kama Qur-an. Lakini hata hiyo Qur-an, Allah mwenyewe anakwambia unapotaka kuisoma Qur-an, **"Fasta-'idh Bi Allaahi Minash Shaytaanir Rajiim"**.

Njia ya pili tumesema ni, ***Qiraa-a Al Mu'awwadhatayn***, kusoma Surah hizi mbili.

Rasul Allah Salallahu 'Alayhi wa Salama mwenyewe, yeye anakwambia kila Siku akisoma Usiku. Mimi na wewe ni nani. Mtume *Salallahu 'Alayhi wa Salama* mwenyewe kila Siku anasoma, na akasema hasa, "***Maa Ta-'awwadhal Muta-'Awwidhuuna***", hajapata Mtu kujikinga na kinga kubwa kabisa, "***Bimithlihim***", kuliko Surah hizi mbili.

Tushikamane nazo, tuwafundishe Watoto wetu, wake zetu na jamaa zetu, katika majumba yetu.

Njia ya tatu ambayo itakuwa kwa leo ni ya mwisho, ***Qiraa-at Al Aayat Al Kursiyyi***, kusoma ***Aayatul Kursiyyi***.

Aayatul Kursiyyi ni aya ambayo kwamba ina ***Sha-anun 'Adhiim***, ina mambo makubwa mno. In-shaa Allah, Mwenyezi Mungu akitupa uhai tutakuja kuizungumza ***Aayatul Kursiyyi*** peke yake, siri zilizomo ndani yake, tauhidi ndani yake iliyomo namna gani Mwenyezi Mungu Jalla wa 'Alaa aya hii alivyoijaza.

Mpaka katika Hadith ya Ubayy Ibn Ka'b *Radhi Allahu A'nhu* anasema, Siku moja Bwana Mtume Salallahu Alayhi wa Salam alimuuliza, Aba Al Mundhir, yaa Abal Mundhir, ewe Aba Al Mundhir unajua aya iliyo kubwa kabisa akamwambia najua, aya gani? Abal Mundhir akamwambia, "***Allahu Laa Ilaha Illa Huwa Al Hayyu Al Qayyum***", yaani:

﴿اللَّهُ لَا إِلَهَ إِلَّا هُوَ الْحَيُّ الْقَيُّومُ لَا تَأْخُذُهُ سِنَّةٌ وَلَا نَوْمٌ لَهُ مَا فِي السَّمَاوَاتِ وَمَا فِي الْأَرْضِ مَنْ ذَا الَّذِي يَشْفَعُ عِنْدَهُ إِلَّا بِإِذْنِهِ يَعْلَمُ مَا بَيْنَ أَيْدِيهِمْ وَمَا خَلْفَهُمْ وَلَا يُحِيطُونَ بِشَيْءٍ مِّنْ عِلْمِهِ إِلَّا بِمَا شَاءَ وَسِعَ كُرْسِيُّهُ السَّمَاوَاتِ وَالْأَرْضَ وَلَا يَئُودُهُ حِفْظُهُمَا وَهُوَ الْعَلِيُّ الْعَظِيمُ﴾

Allahu La Ilaha Illa Huwa Alhayyu Alqayyoomu la Ta/khudhuhu Sinatun Wala Nawmun Lahu Ma Fee Alssamawati Wama Fee Al-Ardhi Man Dha Alladhee yashfaAAu AAindahu illa Bi-idhnihi yaAAalamu Ma Bayna Aydeehim Wama Khalfahum Wala Yuheetoona Bishay-in Min AAilmihi illa Bima Shaa WasiAAa Kursiyyuhu Alssamawati Wa Al-Ardha Wala Yaooduhu Hifdhuhuma Wahuwa alAAaliyyu alAAadheemu (Surat Al Baqara 2:255)

Mtume akampiga Mabegani, ah wewe *Ma-shaa Allah* kafurahi Bwana Mtume *Salallahu 'Alayhi wa Salama* kwa Sahaba wake kafurahi sana. Akasema Maasha Allah unajua, hiyo ndiyo aya 'adhiimu kuliko aya zote.

Ukisoma aya hii, Sheitani hakugusi kabisa, anakaa mbali na wewe.

Aya hii ina mambo makubwa, ina kisa moja. Siku moja Abu Hurayrah *Radhi Allahu 'Anhu* alipewa dhamana na *Rasul Allah Salallahu 'Alayhi wa Salama* asimamie Sadaqah ya Ramadhani. Akasimamia.

Mara akaona kuna Mtu kaja anaiba, akamkamata, akamwambia leo wewe mpaka nikufishe kwa Mtume *Salallahu 'Alayhi wa Salama*. Yule Mtu akalia, Mimi maskini nina dhiki, nina njaa, nina dhiki kadha kadha. Abu Hurayrah *Radhi Allahu 'Anhu* akasema, basi nimekusamehe.

Kufika Asubuhi kakutana na Bwana Mtume *Salallahu 'Alayhi wa Salama*. Mtume akamuuliza sahibu yako umekutana naye?. Abu Hurayrah *Radhi Allahu 'Anhu* akashituka sahibu gani? Mtume akamwambia yule aliyekuja kuiba.

Abu Hurayrah *Radhi Allahu 'Anhu* akasema ndiyo, lakini kasikitika, ana kadha kadha kadha kadha nimemwachia. Mtume akamwambia atarudi huyo, atarudi tena.

Baada ya muda kamkamata tena. huyu Mtu vipi, akajitetea Bwana Mimi mwisho leo, Abu Hurayrah *Radhi Allahu 'Anhu* akamuachia. Kakutana na Mtume *Salallahu 'Alayhi wa Salama* akamwambia nilikuambiaje, karudi. Abu Hurayrah *Radhi Allahu 'Anhu* akasema sasa mara nyingine akirudi simwachi.

Siku nyingine tena ya tatu akaja kuiba tena, akakamatwa na Abu Hurayrah *Radhi Allahu 'Anhu*

Akasema, leo Sikuachii mpaka nikupeleke kwa Bwana Mtume *Salallahu 'Alayhi wa Salama*. Yule Bwana akalia sana. Abu Hurayrah *Radhi Allahu 'Anhu* akasema hapana, hapana, halali mara tatu, leo ya mwisho.

Yule Bwana akasema, sasa sikiliza basi, Mimi nitakufundisha Dua ambayo kwamba ukiisoma Sheitani hakukaribii hata kidogo mpaka Asubuhi, utalala raha mustarehe.

Abu Hurayrah *Radhi Allahu 'Anhu* anapenda mambo ya kheri, akamwambia nifundishe. Yule Mtu akauliza, utaniachia? Abu Hurayrah *Radhi Allahu 'Anhu* akamjibu, nitakuachia. Yule Mtu akamfundisha Abuu Hurayrah, na akamsomea, **"Allahu Laa Ilaaha Illa Huwa Al Hayyul Al Qayyum"**.

Sheitani anamfundisha Abu Hurayrah *Radhi Allahu 'Anhu*, Qur-an. Hii ni Hadith Sahih. Abu Hurayrah *Radhi Allahu 'Anhu* akamuachia.

Kufika Asubuhi, anakaa na Mtume Salallahu 'Alayhi wa Salama, akamuuliza vipi Rafiki yako alikuja? Abu Hurayrah *Radhi Allahu 'Anhu* hakutaka kukunja macho, akajibu, alikuja. Ehe imekuwaje? Akamhadithia kadha kadha, kanifundisha kitu kadhaa.

Rasul Allah Salallahu 'Alayhi wa Salama akamwambia, "**Sadaqaka Wahuwa Kadhdhabu**", huyu ana sifa ya uongo lakini hiki alichokwambia wewe ni kweli. Lakini unajua nani yule, "**Atadrii**", unajua ni nani yule? Akasema sijui. "**Innahu Ash Shaytaan**", yule ni Sheitani.

Sasa ndiyo Abuu Hurayrah *Radhi Allahu 'Anhu* akashtuka, duh, kumbe Mimi mara zote namkaba shingo Sheitani, namkamata namna hii, wala sina khabari. Akamwambia yule ni Sheitani. Ni muongo, lakini kafundisha kitu ambacho ni cha kweli kabisa.

Idhan, **Aayat Al Kursiyyi** ni kinga ya tatu. Ukishikamana nayo hii kuisoma Usiku, hakuna kitakachokukuta mpaka Asubuhi. Na ukisoma Asubuhi kadhalika, ni kinga vilevile na ina siri nyingi. Allah akitupa uhai, tutakuja kutaja baadhi yake.

NJIA KUMI ZA KUJIKINGA NA SHEYTAAN – SEHEMU YA 2



Ndugu Waislamu, baada ya kumshukuru Mwenyezi Mungu Jalla wa 'Alaa. Kumtakia Rehma na Neema. Sala na Salamu. Mtume wa mwisho, Nabii Muhammad *Salallahu 'Alayhi Wa Salama*.

Nakuusieni katika kadhia nzima ya kumcha Mwenyezi Mungu, kama ambavyo nimetangulia kuiusia Nafsi yangu juu ya jambo hili adhiimu.

Na kisha leo tuendeleo kutaja **Huruuz Minash Al Shayatin**. Katika Khutbah zilizopita tulizungumza hapa, namna gani Ummah umezama katika kumkumbatia Sheitani na namna gani Waumini wanateketea kila Siku.

Tukasema ushahidi unaonyesha kwamba katika kila familia hupatikana Mtoto mmoja au wawili ambao unaambiwa huyu ana Jini, na inabidi asomewe. Na Masheitani mpaka katika majumba, Wake zetu vilevile nao hufanya mambo ya ajabu ajabu, si yeye, yule ni Sheitani.

Halikadhalika sisi Wanaume tunakwenda nje ya Majumba tunafanya mambo ambayo hayalaiki kufanywa na Mwanaume katika Nyumba ambayo anaimiliki. Yote haya ni katika vitendo vya Sheitani.

Sheitani ametawala katika kila kona za Ulimwengu, na Sheitani ameuzoa Ulimwengu.

Na tukashuhudia katika wiki mbili zilizopita namna gani Waumini walivyoacha Misikiti wakienda kukaa katika TV wanaangalia huku Muadhini anaita **Hayya 'Al Salah, Hayya 'Aal Salah;** na Watu wamekaa palepale kama kwamba hawajui nini maana ya **Hayya 'Aal Salah.**

Tukasema kuna haja sasa ya kutaja kwamba sisi Waislamu tuna Mwenyezi Mungu na tuna Kitabu na tuna manhaj ambayo Allah Jalla wa 'Alaa ametueleza.

Ndani ya Qur-an kuna aya nyingi sana. Zinazoeleza uadui wa Sheitani juu ya Mwanadamu tangu azali, tangu mwanzo. Namna gani alimshawishi na kumzaini Baba yetu Adam na mama yetu Hawwaa. Tumeleza kwa kirefu haya.

Tukaeleza na tukazungumza, nukta au kinga kumi, **'Asharati Huruuzin Mina Sh Shayaatiin,** kinga kumi za kujikinga Muislamu. **Wakulluhum Minal Kitaabi wa Sunnah,** zote zimetokana na Mwenyezi Mungu na Mtume wake *Salallahu Alayhi wa Salama.*

Si mambo ya kupewa ukaambiwa, kafukie katika kona ya Nyumba yako. Si mambo ya kuwa kwamba fukiza saa sita Usiku. Si mambo ya kupewa kwamba hii vaa kila ukitoka nje, Watu wasikuone. Si mambo kama haya.

Lakini ni mambo ambayo Mwenyezi Mungu Jalla wa 'Alaa ametufundisha ndani ya Qur-an. Lakini kwa sababu ya udhaifu na kutokusoma na kutokutanabbahi ummah umetupilia mbali mambo ya Mwenyezi Mungu, umetupilia mbali ya mafunzo ya Qur-an, umetupilia mbali mafunzo ya Mtume *Salallahu 'Alayhi Wa Salama,* umezama katika Masheitani.

Na ndiyo maana unaona kwamba katika mambo ambayo sasa yametangaa Ulimwenguni ni jambo la bahati nasibu au kamari. Wanacheza Watu kwa ajili ya mpira, inaonekana kama mambo ya kawaida tu.

Na haya mambo Allah kayasema,

﴿يَا أَيُّهَا الَّذِينَ آمَنُوا إِنَّمَا الْحَمْرُ وَالْمَيْسِرُ وَالْأَنْصَابُ وَالْأَزْلَامُ رِجْسٌ مِّنْ عَمَلِ الشَّيْطَانِ فَاجْتَنِبُوهُ لَعَلَّكُمْ تُفْلِحُونَ﴾

Ya Ayyuha Alladheena Amanoo Innama Walkhamru Waalmaysiru Waal-Ansabu Waal-Azlamu Rijsun Min AAamali Alshshaytani Faijtaniboohu laAAallakum Tuflihoona(Surat Al Maidah 5:90)

Tafsir: Enyi Mlioamini! Hakika ya Pombe, Kamari na Al Ansab na Al Azlamu (Mishale ya kuagulia na kubashiria na vyano vya kafara) ni uchafu miongoni mwa Amali za Shaytani, hivyo ziepukeni ili mpate kua ni wenye kufuzu.

Laakin, Man Yubaali, ni nani anajua hayo?

Mpira wote ni kamari. TV ukiangalia ni kamari. Simu ukiangalia ni kamari. Katika kila **Wasiilah** zote, kamari imeingizwa mle pamoja na pombe. Na fulana zimeandikwa SportPesa, ni kamari.

Idhan, kuna haja kubwa sana ya kuelezana juu ya hizi kinga za Sheitani.

Katika wiki ya kwanza tulieleza kinga tatu tukasema kwamba ya kwanza ni **Atta-'Awudhdhu Bi Allahi Minhu.** Kujikinga kwa Mwenyezi Mungu kwa kusema, **'Auudhibillaahi As Samii-' Al 'Aliimi Minash Shaytaanir Rajiim.** Au ni, **a'uUdhubi Allahi Minash Shaytaan Ar Rajiim.** Na ushahidi tumeutaja katika Qur-an tukufu.

Tukasema la pili, **Qiraa-atu Al Mu'awwidhatayn** kusoma Surah mbili hizi, **Qul A'uUdhu Bi Rabbil Al Falaqi** na **Qul a'uUdhu Bi Rabbil Naas.**

Na Mwenyezi Mungu Jalla wa 'Alaa ametuwekea jambo hili maalumu mwisho kabisa wa Qur-an. Soma Qur-an mwanzo, **"Faidhaa Qara-atal Qur-ana Fasta-'idh Bi Allahi Mina Shaytaanir Rajiim",** mkitaka kusoma Qur-an kwanza mlete isti'aadha.

Na mwisho vilevile umeambiwa **Qul a'uUdhu Bi Rabbil Falaqi, Qul a'uUdhu Bi Rabbil Naas,** kana kwamba unaambiwa hata ukisoma Qur-an Sheitani atakutafuta atakuzaini. Mwanzo jikinga, na mwisho jikinga.

Tatu, tukasema ni **Qiraa-ah Aayat ul Kursiyyi,** kusoma **Aayat ul Kursiyyi.** Na ni aya ambayo kwamba ina mambo mengi mno. Na ni aya ambayo ni kubwa kama tulivyosema ushahidi wa Hadith chungu nzima.

Rasul Allah Salallahu 'Alayhi wa Salama alimuuliza Abu Al Mundhir, unajua Aya tukufu kuliko zote? Akamwambia najua, na akamsomea; **Rasul Allah Salallahu 'Alayhi wa Salama** akampongeza, **"Haniian laka". Haakadhaa.**

Tunaendelea ya nne kama tutaweza kuzimaliza. Tunataja zote kwa sababu kuna Watu MaashaAllah wanafuatilia na wanauliza. Sheikh tutazimaliza lini, twataka tuwafundishe Watoto wetu majumbani. Tuwafundishe wake zetu majumbani, ili angalau Nyumba zipate utulivu. Tukaona ni lazima tuziendeleze Watu wengi wameuliza jambo hili.

Jambo la nne Ndugu zangu, katika kinga za Sheitani, ni ***Qira-at Surah Al Baqarah***, kusoma Suratul Baqarah.

Hii ni surah ya pili yenye aya 286. Surah hii ni katika surah adhimu kabisa. Ambazo *Rasul Allah Salallahu 'Alayhi wa Salama* kasema zitakuja kumfunika Mtu anayesema; na Mtu anayesoma Surah hii, Sheitani haingii wiki nzima katika Nyumba yake.

Surah hii ni ngumu. Kwa sababu katika Hadith Sahih *Rasul Allah Salallahu 'Alayhi wa Salama* kasema kwamba: ***"Laa Yattakhidhuhu Al Batala"***.

Muawiyah akasema maana ya ***Batala***, ni Mtu mwenye kupenda mambo ya ushirikina. Hawezi kuhifadhi *Al Baqarah* hata Siku moja. Hawezi kuihifadhi. Haya ni maneno ya Mtume *Salallahu 'Alayhi Wa Salama*.

Atahangaika hangaika na ***Qul Huwa Allahu, Idhaa Jaa***, hii *Al Baqarah* haiwezi. Hiki ni kipimo Mtume *Salallahu 'Alayhi Wa Salama* kasema. Hawezi Mtu mchafu mchafu kuhifadhi Surah kama hii.

Surah hii ni ngumu sana; na ndiyo maana, katika *athar*, ilimchukua Abdallah Ibn Umar *Radhi Allahu Anhu*, miaka minane anahifadhi *Al Baqarah*. Na bila shaka hifadhi yao Masahaba *Radhi Allahu Anhum*, ilikuwa ni kuhifadhi na kuifanyia kazi.

Si yeye tu, ni Masahaba wengi. Umar Ibn Al Khattab *Radhi Allahu Anhu*, imemchukua miaka 12 kama anavyosema Imam Malik katika *Al Muwatta*. Na vilevile katika ***Siyar' 'aAlaam An Nubala*** imetajwa khabari kama hii. Miaka 12, Umar Ibn Al Khattab *Radhi Allahu Anhu* anahifadhi *Al Baqarah*.

Alivyomaliza kuihifadhi, akafanya sherehe, akachinja Ngamia, kwa furaha yake ambayo alikuwa nayo. Kwa sababu ni kinga, na ndio maana pengine Umar *Radhi Allahu Anhu*, alipokuwa pahala, Sheitani anageuza njia. Pengine sababu ni hii, *Rasul Allah Salallahu 'Alayhi wa Salama* akamsifu.

Mtume *Salallahu 'Alayhi wa Salama* amesema, ***"Laa Taj'alu Buyuutakum Maqaabir"***, msifanye Nyumba zenu kama makaburi. ***"Innash Shaytaana Yanfiru"***, hakika Sheitani hukimbia, ***"Minal Baytil Ladhii Tuqrau Fii Suratul Baqarah"***, katika Nyumba ambayo kwamba inasomwa *Suratul Baqarah*.

Hii ni Hadith ya Imam Muslim, Sahih kabisa. Hii ni kinga ya nne Ndugu zangu.

Kama unaona hiyo kubwa sana. Kinga ya tano Ndugu zangu, ***Qiraa-a al Aayatayni al 'Adhiimatayni Min Khaatimah Suratul Baqarah***; kusoma aya mbili za mwisho katika Suratul Baqarah.

﴿أَمَّنَ الرَّسُولُ بِمَا أُنزِلَ إِلَيْهِ مِنْ رَبِّهِ وَالْمُؤْمِنُونَ كُلٌّ آمَنَ بِاللَّهِ وَمَلَائِكَتِهِ وَكُتُبِهِ وَرُسُلِهِ لَا نُفَرِّقُ بَيْنَ أَحَدٍ مِنْ رُسُلِهِ وَقَالُوا سَمِعْنَا وَأَطَعْنَا غُفْرَانَكَ رَبَّنَا وَإِلَيْكَ الْمَصِيرُ- لَا يُكَلِّفُ اللَّهُ نَفْسًا إِلَّا وُسْعَهَا لَهَا مَا كَسَبَتْ وَعَلَيْهَا مَا اكْتَسَبَتْ رَبَّنَا لَا تُؤَاخِذْنَا إِنْ نَسِينَا أَوْ أَخْطَأْنَا رَبَّنَا وَلَا تَحْمِلْ عَلَيْنَا إَصْرًا كَمَا حَمَلْتَهُ عَلَى الَّذِينَ مِنْ قَبْلِنَا رَبَّنَا وَلَا تُحَمِّلْنَا مَا لَا طَاقَةَ لَنَا بِهِ وَاعْفُ عَنَّا وَاعْفِرْ لَنَا وَارْحَمْنَا أَنْتَ مَوْلَانَا فَانصُرْنَا عَلَى الْقَوْمِ الْكَافِرِينَ﴾

Amana Al Rasoolu Bima Unzila Ilayhi Min Rabbihi Waalmu/minoona Kullun Amana biAllahi wa Mala-ikatih**wa Kutubih****wa Rusulih****la Nufarriqu Bayna Ahadin min Rusulih****Waqaloo samiAAna waataAAna Ghufra****naka Rabbana****wa-ilayka Almas****eeru; La yukallifu Allahu Nafsan illa wusAAaha laha ma kasabat waAAalayha ma Iktasabat Rabbana la Tu-akhidhna in Naseena aw Akhta/na Rabbana wala Tahmil AAalayna Isran Kama Hamaltahu AAala Alladheena Min Qablina Rabbana wala Tuhammilna ma la Taqata Lana Bihi waoAAafu AAanna Waighfir Lana Wairhamna Anta Mawlana Faonsurna AAala Alqawmi Alkafireena**(Surat Al Baqara 2:285-286)

Hizi aya mbili hizi ukizisoma Mtume amesema: "Man Qara-a Bil Aayatayni", anayesoma aya mbili, "***Min Aakhiri Suuratil Baqarah***", za mwisho al Baqarah, "***Fii Laylatin***", katika Usiku, "***Kafataahu***". Haya ni maneno ya Mtume Salallahu 'Alayhi wa Salama. "***Kafataahu***", maana yake ni, ***Ay Min Kulli Sharrin wa Suuin Wamin Kulli Shaytaanin Washirkah***, maana yake ni kwamba zitamtosha na kila baya la Usiku mzima na Sheitani na anachokifanya.

Ukisoma Usiku mpaka Asubuhi; na Asubuhi mpaka Usiku. Wewe uko katika kulindwa na Sheitani aya hizi mbili.

Kinga ya sita Ndugu zangu ni kusema maneno yasemayo: ***Laa Ilaaha illa Allahu Wahdahuu Laa Shariika Lahuu Lahul Mulku walahu Al Hamdu wa Huwa 'Alaa Kulli Shay-in Qadiir***.

Hadith ziko nyingi sana. Imekuja riwaya akasema kwamba: ***Laa Ilaaha Ila Allahu Wahdahuu Laa Shariika Lahuu Lahu Al Mulku Wala Al Hamdu Yuhyii***

Wayumiitu mara 10. Na tunasoma baada ya alfajiri hapa ili *mimbaabi* faaida Watu wapate angalau kuzinduka na kufuatana na Imam anaposoma hapa Alfajiri kila Siku.

Na vilevile katika Hadith nyingine, Mtume Salallahu 'Alayhi Wa Salama; amesema, anayesoma maneno haya anapata mambo manne makubwa sana. Kwanza, Mtume amesema, "**Kaanat Lahuu 'Adlu 'Itqu 'Ashri Raqabah**", anakuwa ni kama Mtu ambaye kwamba kaacha huru Watumwa 10.

Na kumbuka Mtumwa ni Mwanadamu aliyemilikiwa; na anapatikana katika Jihad. Siyo katika kununua na mambo mengine.

Pale sasa yule ukampata Mwanadamu aliekuwa Kafiri ukammiliki. Mtumwa wa kwanza, wa pili, mpaka kumi. Na ni jambo kubwa sana katika Uislamu. Ndio maana Allah katika Qur-an akasema katika Surat Balad 90:11-13 kua,

﴿فَلَا أَقْتَحَمَ الْعَقَبَةَ ۖ وَمَا أَدْرَاكَ مَا الْعَقَبَةُ ۖ فَكُّ رَقَبَةٍ﴾

"Fala Iqtaḥama alAAaqabata", umeweza kupanda Mlima mkubwa wa kuingia Peponi? **"Wama Adraka Ma AlAAaqabatu"**, ni nini Mlima mkubwa? **"Fakku Raqabatin"**, ni kuacha huru mtumwa mmoja. Hapa ni kuacha huru Mtumwa mmoja tu.

Lakini katika maneno haya *Rasul Allah Salallahu 'Alayhi wa Salama* anakwambia, ni kama Mtu aliyeacha Watumwa 10. Hili ni jambo la kwanza.

Jambo la pili, **"Wakutibat Lahuu Miatu Hasanah"**, na anaandikiwa thawabu 100. **Laa ilaaha illallahu Wahdahuu Laa Shariika Lahuu Lahul Mulku Walahu Al Hamdu Wahu wa 'Alaa Kulli Shay-in Qadiir**, mara 100, na Mtu anaandikiwa thawabu 100.

Na maneno haya Ndugu zangu ni katika **Al Baaqiyaatu Saalihaatu**, Katika mambo ambayo kwamba yatabakia Allah anasema katika Surat Al kahf 18:36 kwamba,

﴿الْمَالُ وَالْبَنُونَ زِينَةُ الْحَيَاةِ الدُّنْيَا وَالْبَاقِيَاتُ الصَّالِحَاتُ خَيْرٌ عِنْدَ رَبِّكَ
ثَوَابًا وَخَيْرٌ أَمَلًا﴾

"Al Maalu Wal Banuuna, Zinatul Hayaatid Dun-yaa", Mali na Watoto ni mapambo ya Duniani, yataondoka. Lakini, **"Wal Baaqiyaatu ssaalihaatu"**, mambo yatakayobakia, **"Khayrun"**, ni makubwa mno hayo mbele ya Mwenyezi Mungu.

Mambo hayo ni nini? Miongoni mwayo ni haya: ***Laa Ilaaha Illallahu, Kalimatut Tawhiidi, Wahdahuu Laa Shariika Lahuu Lahul Mulku Walahul Hamdu Wahuwa 'Alaa Kulli Shay-in Qadiir***, baada ya alfajiri mara 100.

Faida ya tatu ni kwamba, ***"Wamuhiyat 'Anhu Miati Sayyi-ah***, anafutiwa Dhambi 100. Subhaanallaah. Yaa lahaa. Unaamka Asubuhi tu, jambo la kwanza baada ya salatil fajr, unapata thawabu 100 na unafutiwa Madhambi 100.

Na la nne, ***"Wakaanat Lahuu hirzan Minash Shaytaan Yawmahuu Dhaalika Hattaa Yumsi"***, anakuwa na kinga kutokana na Sheitani Siku nzima mpaka Siku imalizike. ***Laa Ilaaha Illallahu, Kalimatut Tawhiidi, Wahdahuu Laa Shariika Lahuu Lahul Mulku Walahul Hamdu Wahuwa 'Alaa Kulli Shay-in Qadiir***,

Ndugu zangu, yachukueni maneno haya ya Bwana Mtume Salallahu 'Alayhi Wa Salama; na muwafundishe vijana wenu. Tuache tabia ya kuwafundisha Watoto mambo ya Kidunia, Watoto wanakwenda maskuli, mara ameanguka, mara kapagawa, na mara kazimia.

Kichwa kimejaa *Manyimbo* ya waimbaji hawa, ramba Sukari sijui kitu gani, kichwa kimejaa mambo ya upuuzi. Mfundishe Mwanao maneno kama haya. Utamkinga na Sheitani. Na akili yake itakuwa nzuri, kwa sababu Sheitani atakuwa mbali naye, ataweza kuhifadhi Qur-an Tukufu.

Tunakwenda haraka kwa sababu ya muda.

Jambo la saba Ndugu zangu, ***An Yakuunal Mar-i Hiina Tasallat Shayaatiin***, anapolala Mwanadamu . Akaota usingizini mara kaota kafukuzwa, mara kaota anauliwa, mara kaota sijui kakatwa kichwa, na mara kaota anaruka. Anashituka kweli kweli, anatoka usingizini Mtu anahema kwa nguvu. Akiulizwa vipi, anasema ni Jinamizi. Hakuna Jinamizi, ni Sheitani anakuchezea.

Sasa, mafunzo ya *Rasul Allah Salallahu 'Alayhi wa Salama* anakwambia, ukiamka kama hivi. Sema hivi, ***"A'uUdhubi Kalimaati Allahi Taammah Min Ghadhabihii wa 'Iqaabihii Washarri 'Ibaadihii Wamin Hamzaatish Shayaatiin wa an Yahdhuruun"***.

Mtume anatuahidi: ***"Fainnahaa Lan Tadhurrahu"***, hata Siku moja hatakudhuru.

Wengi wanaamka Asubuhi kachanjwa, wengi wanalala kama Mzigo. Wanalala kama Mzoga uliokufa. Lala na vitu kama hivyo *Rasul Allah Salallahu 'Alayhi wa Salama* kakufundisha. Hili ni jambo la saba Ndugu zangu.

Na tunakwenda haraka ili tupate kuyamaliza, Watu wakate kiu waliyokuwa nayo, maana wengi wanafuatilia.

Jambo la nane **Ayyuhal Ikh-wa**, katika kinga za Sheitani ni Mtu kuwa na tabia ya kusema **Bismi Allah**. Waweza dhani ni jambo jepesi, **Bismi Allah, Bismi Allah, haakadhaa**, basi.

Bismi Allah, neno hili Ndugu zangu ni neno kubwa sana. Kama Mtu akiingia Nyumbani kwake, na jambo la kwanza kabisa akasema **Bismi Allah**. Rasul Allah Salallahu 'Alayhi wa Salama amesema katika Hadith Sahih: "**Innar Rajula**", hakika mtu, "**Idhaa Dakhila Baytahuu**", akiingia Nyumbani kwake, "**Faqaala Bismi Allaah**", akasema **Bismi Allaah**. "**Qaala sh Shaytaan**", Sheitani anasema: "**Laa Ta'aamu Lakum Wala Mabiit**", hapa hakuna kula wala kulala, tuondokeni.

Subhaanah Allaah. Subhaanah Allaah.

Haya ni maneno ya **Al Ma'suum**, maneno ya Bwana Mtume Salallahu 'Alayhi wa Salama. Maneno ya kiumbe bora, ambaye kwamba hasemi kwa kupayuka. Maneno ya ambaye kila anachokisema, ni Wahy wa Mwenyezi Mungu.

Haya ni maneno ya Mtu aliyehifadhiwa ambaye anakwambia, ukiingia Nyumbani kwako sema **Bismi Allah**; basi hapo Masheitani wanaambizana, jamani hapa hakuna kitu, tuondokeni.

Wabil 'aksi, the opposite ni kwamba, ukiingia bila **Bismi Allah** ina maana unakula na Masheitani. Unalala na Masheitani. Unajamiiana na mke wako na Masheitani. Unacheza na Masheitani, nawe hujitambui.

Halafu, unakuja kuuliza mbona mie, mbona Mimi kadhaa. Wewe Nyumbani kwako umefanya ni jumba la Masheitani; lazima Masheitani wakucheze.

Rasul Allah Salallahu 'Alayhi wa Salama amesema, atakayesema **Bismi Allah**, katika Hadith nyingine amesema, "**Saturu Maa Bayna A'yunil Jinni Wa 'Awraati Bani Adama**", stara iliyokuwepo baina ya macho ya majini na utupu wa Mwanadamu. "**Idhaa Dakhala Ahaduhum Al Khalaa**", akiingia chooni mmoja wao, "**An Yaquula Bismi Allaah**", pale chooni unaingia ukasema **Bismi Allah** huku nje, basi naam pale Sheitani hakuoni.

Usiposema hivi, ni kwamba ukiingia chuoni, Sheitani anakuchezea kama anavyotaka mwenyewe. Uko Uchi mle ndani anakuona, na anakuchezea. Lakini ukisema maneno kama haya, unakuwa umekingwa.

Huruuzun Minash Shayaatiin, kinga za kujikinga na kiumbe ambaye kwamba hata motoni Mwenyezi Mungu atawaambia watakaolingia motoni, enyi Wanadamu, **"Ya Banii Adama"**, sijakwambieni Sheitani ni adui yenu.

"Alam A'had Ilaykum Yaa Banii Adama Anlaa Ta'budu Ash Shaytaan Innahuu Lakum 'Aduwwun Mubiin", Mimi sijakwambieni nyinyi? Nimekwambieni, na nikakuleteeni Mtume, akakufundisheni.

Huna sababu Muislamu kutekwa na Sheitani. Ukaitwa katika Salah umekaa katika TV unamuangalia mchezaji kafiri anacheza mpira, huna sababu kama hii Muislamu. Lakini kwa sababu umejitenga mbali na mafundisho ya Mtume wako ndiyo maana.

Tumetaja kinga nane, na sasa tunamalizia mbili, In-shaa Allah kama muda utakuwepo.

Jambo la tisa Ndugu zangu ni Mtu kutahadhari na mambo manne. *Be careful* na mambo manne.

Jambo la kwanza ni **Fudhulin Nadhar**. La pili wa **Fudhulit Ta'aamu**, la tatu wa **Fudhulil Kalaam**, na la nne, **Fudhul il Mukhaalata**.

Hii ni nini maana yake? Maana yake ni kwamba. Jitahidi sana kuchunga macho yako. Usipende kuangalia angalia sana. Na sasa katika zama zetu, mtihani mkubwa ni masimu. Picha za utupu zimo katika simu, unatuma, unatumiwa, unaangalia, unatazama, na halafu unadhanja Sheitani asikuvae.

Ukiangalia picha za Utupu, wewe mwenyewe hapo ulipo ni Sheitani. Unatarajia nini tena chengine? Tahadhari sana. Unaweza kufanya kila kitu ikiwa macho ni yako. Ndiyo maana Allah anasema katika Surat An Nur:

﴿قُلْ لِلْمُؤْمِنِينَ يَعْضُوا مِنْ أَبْصَارِهِمْ وَيَحْفَظُوا فُرُوجَهُمْ ۚ ذَٰلِكَ أَزْكَىٰ لَهُمْ ۖ إِنَّ اللَّهَ خَبِيرٌ بِمَا يَصْنَعُونَ﴾

Qul Lilmu'mineena Yaghuddoo Min Absarihum Wayahfadhoo Furoojahum Dhalika Azka Lahum Inna Allaha Khabeerun Bima YasnaAAoon(Surat An Nur 24:30)

Waambie Waislamu wainamishe Macho yao chini wasiangalie mambo ya Utupu Na Waahifadhi Tupu zao kwani kufanya hivyo hua ni Utukufu kwao na kwa Hakika Allahni mwenye kua na Habari juu ya kila wanayoyafanya.

Bwana Mtume alimwambia Sayyidina Ali *Radhi Allahu Anhu*: **"Yaa aAlly, Laa Tattabi'ul Ghadwaa, Annadharatu Al Uulaa Laka, Wath Thaanii 'Alayka"**, Ali usipende kuangalia angalia hivi, mara ya kwanza unasamehewa, mara ya pili husamehewi, unaandikiwa Dhambi.

Na matatizo yote Ndugu zangu Ulimwenguni ni kutokana na macho. Ukisikia Mtu kamchukua Mke wa Mtu ni kwa sababu kamuona. Ukisikia Mtu kazini na binti wa Mtu ni kwa sababu kamuona. Ukisikia Mtu kaiba mali ya mtu, ni kwa sababu aliiona.

Kila kitu matatizo ni macho.

Mwisho Allah anasema,

﴿ إِنَّ السَّمْعَ وَالْبَصَرَ وَالْفُؤَادَ كُلُّ أُولَئِكَ كَانَ عَنْهُ مَسْئُولًا ﴾

Inna Al SamAAa wa Al Basara wa Alfu-ada Kullu Ula-ika Kana AAanhu Masoolan (Surat Al Isra 17:36)

Tafsir: Hakika ya Masikio na Macho na Moyo, Kila kimoja ya haya Mtaulizwa juu yake.

"Inna Sam-'Aa wa Al Basara", hakika ya mambo haya macho na masikio na kifua, ***"Kullu Ulaaika Kaana 'Anhu Mas-uula"***, vitautilizwa Ndugu yangu, uliangalia nini.

Kuna Watu vipofu wanatamani waone, kijana mmoja kazaliwa kipofu, haoni, aliulizwa: ***"Maa Tatamanna"***. Unatamani nini kama Mungu atakupa Macho angalau dakika mbili. Akasema, natamani walau nione Msahafu umeandikwaje. Khati za Msahafu zikoje, nasikia Sauti tu, sioni.

Wewe una macho, unakwenda kuangalia mambo ya utupu na upuuzi mtupu. Hili ni jambo la kwanza.

Jambo la pili, ***Fudhuli At Ta'aamu***, hii Khabari ya kula kula sana hii. Mwisho wa khabari tunakuwa wavivu. Sheitani anatu chezea kwa sababu ya kula. *Rasul Allah Salallahu 'Alayhi wa Salama* amesema: ***"Nahnu Qawmun Laa Na-akulu Hatta Najuu'a"***, sisi ni Watu ambao hatuli mpaka tuwe na njaa. ***"Wa Idhaa Akalnaa"***; na tunapokula, ***"Laa Nashba"*** hatuli mpaka tukavimbiwa.

Matatizo yote, jeuri kwa sababu ya kushiba; mpaka Waswahili husema hivi, kila ashibaye huzidi umaluuni, maanake huzidi Usheitani. Umaluuni ni Usheitani. Maluuni ni Sheitani. Waswahili wamesema kweli, kila anayeshiba ukiona Mtu anafanya ***Batal***, kashiba huyo, angekuwa na njaa angetafuta kazi. Hili ni jambo la pili.

Jambo la tatu, ***Fudhul Ul Kalam***, punguza Kusema sema sana. Kusema sema ovyo sana. Ni jambo baya sana.

Punguza kusema sana. Kila pahali wewe, na kila ukionekana katika kila mada uko mbele. Wewe ndiye hodari zaidi. Ikiwa ni mpira basi wewe unajua mpaka waliosajiliwa. Na ikiwa ni Siasa, mpaka Mwenyekiti unamjua. Katika kila kitu wewe ni muongeaaji mzuri sana. Hakuna pahala ukasema Mimi leo nasikiliza tu yanayosemwa, hakuna.

Tambua, Allah anasema hivi: ***"Maa Yalfidhu Min Qaulin"***, Mwanadamu halimtoki neno, ***"Illa Ladayhi"***, isipokuwa pembeni yake wapo Malaika wawili, ***"Raqibun 'Atiidun"***, wanakuandikia kila unachokisema. ***In kaana Khayra Fabihaa wa Ni'ma, Wain Kaana Sharran, Fawaylun laka, Fawaylun laka, Fawaylun Laka.***

Jambo la nne Ndugu zangu, katika mambo ambayo tutahadhari nayo, ***Fudhul Ul Mukhalata. Khabari*** ya kuchanganyika changanyika sana, na Watu wajinga wajinga, na Wanawake.

Kuna magrupu mengine, kila ukikaa ni hasara tupu. Matusi, kusengenywa, kusema, Watu ugomvi, ***haakadhaa***, ni namna hii.

Punguza, punguza Muislamu yatakiwa wakati mwingine akae peke yake ajiangalie Mimi nani. Nimetoka wapi, na nakwenda wapi. Nini ni mustakabali wangu. Kama nitakufa ghafla Mimi, vipi Allah atanipokea; ***Tafakkar haakadhaa.***

Huyu ni Mtu mwenye akili. Huyu ni Mtu mwenye akili.

Subhaanallaah.

Nimalize jambo la mwisho haraka haraka, Watu wasije wakaanza kunizonga.

Jitahidi sana kuishi na kumtaja Mwenyezi Mungu kwa wingi. Si kumtaja mara moja baada ya Salah, kama zile Tasbeeh mara 33, kisha unaondoka, hiyo siyo.

Katika jambo la Dhikri, Mwenyezi Mungu hakuweka mpaka ametangaza wazi kabisa nataka mnitaje kwa wingi.

﴿يَا أَيُّهَا الَّذِينَ آمَنُوا أَذْكُرُوا اللَّهَ ذِكْرًا كَثِيرًا ۖ وَسَبِّحُوهُ بُكْرَةً وَأَصِيلًا﴾

Ya Ayyuha Alladheena Amanoo Udhkuroo Allaha Dhikran Katheeran; Wasabbihoohu Bukratan Waaseelan (Surat Al Ahzab 33:41-42)

Tafsir: Enyi Mlioamini Mkumbukueni Allah kwa ukumbusho mwingi sana na Mumsabihi Asubuhi na jioni.

Kila Siku, kila saa, hakuna ile mara moja, Mimi nishamaliza. Hakuna kitu kama hicho. Utaje kwa wingi. Na wingi maanake ni kuanzia mara 10,000 na kwenda mbele.

Ni kama walivyosema Maimam, ukipewa shilingi 10,000 unaona kidogo, ukipewa laki moja unaona kidogo. Ile pesa ukipewa unaona nyingi, ukipewa Milioni moja ukaona ni nyingi, basi mtaje Mungu mara Milioni moja. Huo ndio wingi kwa upande wako.

Ni kwa nini yamekuja maneno haya? Kwa sababu ukifanya hivi unakuwa katika Waja wa Mwenyezi Mungu walio wema. Waja ambao Allah amesema,

﴿إِنَّ عِبَادِي لَيْسَ لَكَ عَلَيْهِمْ سُلْطَانٌ ۖ وَكَفَىٰ بِرَبِّكَ وَكِيلًا﴾

Inna AAibadee Laysa Ilaka AAalayhim Sultanun Wakafa Birabbika Wakeela(Surat Al Israa 17:65)

Mwenyezi Mungu anamwambia Iblisi, wewe nini Bwana, waja wangu huwawezi.

"Inna 'Ibaadii Laysa Laka 'Alayhim Sultan", waja wangu Mimi huwawezi.

Na akasema Mwenyezi Mungu katika maneno kama haya, **"Waman Ya'shu 'An Dhikrir Rahmaani",** na yule ambaye kwamba anajitenga, anafanya uchache kwa kidogo sana. Au anaacha kabisa kumtaja Mwenyezi Mungu kwa wingi. **"Nuqayyidhu Lahush Shaytaana",** tunamfungamanishia, tunambebesha naye, tunamfanya mwenza wake kua ni Sheitani. **"Fahuwa Lahuu Qariinun",** anakuwa *best* wake.

Kila alipokwenda, yupo naye, si hataki kumtaja Mungu, Sheitani anakuwa wake, ni maalumu kabisa.

﴿وَمَنْ يَعْشُ عَنْ ذِكْرِ الرَّحْمَنِ نُقَيِّضْ لَهُ شَيْطَانًا فَهُوَ لَهُ قَرِينٌ﴾

Waman Ya'shu 'an Dhikri Rahmaani Nuqayyidhu Lahu Shaytaana Fahuwa Qariinu".(Surat Az Zukhruf 43:36)

Haya ni maneno ya Mwenyezi Mungu. Usilalamike, mara Mimi nina matatizo, mara kadhaa. Tatizo kubwa ni kwamba uko mbali na maneno ya Mwenyezi Mungu. Uko mbali na dhikri. Imesalitishwa kwako wewe aya hii kwamba umeambataniwa na Sheitani.

Ayyuhal Ikh-wa, haya ni mambo 10, tumeyataja yachukuliwe ili tuweze kuepukana na matatizo haya.

Kwamba, kila Siku Masheitani, Majumbani Masheitani, Skuli Masheitani, Vyuoni na mpaka siye wenyewe Waumini, tumekuwa ni Masheitani.

Watu wanaitwa kuswali, sie tunaangalia TV; Huo ni Usheitani. Pale siye tumekuwa ni Masheitani.

SIRI KUMI ZILIZOJIFICHA KATIKA SURATUL KAHFI



Yaquulu Subhanahu wa Ta'ala:

﴿ بِسْمِ اللَّهِ الرَّحْمَنِ الرَّحِيمِ ﴿١﴾ الْحَمْدُ لِلَّهِ الَّذِي أَنْزَلَ عَلَى عَبْدِهِ الْكِتَابَ وَلَمْ يَجْعَلْ لَهُ عِوَجًا ﴿٢﴾ قَيِّمًا لِّيُنْذِرَ بَأْسًا شَدِيدًا مِّنْ لَّدُنْهُ وَيُبَشِّرَ الْمُؤْمِنِينَ الَّذِينَ يَعْمَلُونَ الصَّالِحَاتِ أَنَّ لَهُمْ أَجْرًا حَسَنًا ﴿٣﴾ مَّاكِثِينَ فِيهِ أَبَدًا ﴿٤﴾ وَيُنْذِرَ الَّذِينَ قَالُوا اتَّخَذَ اللَّهُ وَلَدًا ﴿٥﴾ مَا لَهُمْ بِهِ مِنْ عِلْمٍ وَلَا لِآبَائِهِمْ كَبُرَتْ كَلِمَةً تَخْرُجُ مِنْ أَفْوَاهِهِمْ إِنَّ يَقُولُونَ إِلَّا كَذِبًا ﴿٦﴾ فَلَعَلَّكَ بَاخِعٌ نَّفْسَكَ عَلَى آثَارِهِمْ إِنْ لَّمْ يُؤْمِنُوا بِهَذَا الْحَدِيثِ أَسَفًا ﴿٧﴾ إِنَّا جَعَلْنَا مَا عَلَى الْأَرْضِ زِينَةً لَّهَا لِنَبْلُوهُمْ أَيُّهُمْ أَحْسَنُ عَمَلًا ﴿٨﴾ وَإِنَّا لَجَاعِلُونَ مَا عَلَيْهَا صَعِيدًا جُرُزًا ﴿٩﴾ أَمْ حَسِبْتَ أَنَّ أَصْحَابَ الْكَهْفِ وَالرَّقِيمِ كَانُوا مِنْ آيَاتِنَا عَجَبًا ﴿١٠﴾ إِذْ أَوَى الْفِتْيَةُ إِلَى الْكَهْفِ فَقَالُوا رَبَّنَا آتِنَا مِنْ لَّدُنكَ رَحْمَةً وَهَيِّئْ لَنَا مِنْ أَمْرِنَا رَشَدًا ﴿١١﴾

Bismi Allāhi Alrrahmāni Alrrahēemi, Alhamdu Lillāhi Alladhēe Anzala AAala AAabdihi Alkitāba Walam YajAAal Lahu AAiwajan; Qayyiman Liyundhira Ba/san Shadeedan Min Ladunhu wayubashshira Almu/mineena Alladheena yaAAamaloona Alssalihati Anna Lahum Ajran Hasanan; Makitheena feehi Abadan; Wayundhira Alladheena Qaloo Ittakhadha Allahu waladan; Ma Lahum Bihi min AAilmin Wala Li-aba-ihim Kaburat Kalimatan Takhruju Min Afwahihim In Yaqooloona Illa Kadhiban; FalaAAallaka BakhiAAun Nafsaka AAala Atharihim In lam yu/minoo Bihadha Alhadeethi Asafan; Inna JaAAalna Ma AAala Al-Ardhi Zeenatan Laha Linabluwahum Ayyuhum Ahsanu AAamalan; Wa-inna LajaAAiloona Ma AAalayha SaAAeedan Juruzan; Idh Awa

Alfityatu Ila Alkahfi Faqaloo Rabbana Atina Min Ladunka Rahmatan Wahayyi/Lana Min Amrina Rashadan;(Surat Al kahf 18:01-10)

Sadaqa Allahul 'Adhiim.

Ndugu Waislamu, hizi ni aya 10 zilizo katika Surat Kahfi. Mwanzo kabisa wa Surah hii. Aya ambazo kwamba Mtume wa Mwenyezi Mungu, Salallahu 'Alayhi wa Salama amependelea ummati wake uzihifadhi aya hizi. Na akasema katika Hadith Sahih ya kwamba, mwenye kuhifadhi aya hizi 10 basi Mwenyezi Mungu Jalla wa 'Alaa atamtilia Nuru katika wiki yake nzima pamoja na Siku tatu ziada.

Yaani ***Minal Jumu'ah, Ilal Jumu'ah, "Adhaa-Allahu Nuuran Bayna Yadayhi"***, Mwenyezi Mungu atamtilia nuru mbele yake, nyuma yake, katika maisha yake yote, kwa kuhifadhi aya hizi 10, kwa kusoma Surah hii. Na kadhalika atakuwa na *'ismah*. Atakuwa na kinga. Kutokana na kiumbe anayeitwa Masiihud Dajjaal.

Wafii riwaayah, na katika mapokezi mengine, ni aya 10 zilizokuwa mwisho kabisa wa Surah hii. Katika mapokezi mengine, ni aya za mwisho za Surah hii ambazo zinamaanza,

(الَّذِينَ كَانَتْ أَعْيُنُهُمْ فِي غِطَاءٍ عَنْ ذِكْرِي وَكَانُوا لَا يَسْتَطِيعُونَ سَمْعًا)

Alladheena Kanat aAAayunuhum fee ghita-in AAan Dhikree Wakanoo La YastateeAAoona SamAAan (Surat Al Kahf 18:101) mpaka mwisho wa Surah hii, aya ya mwisho kabisa ya 110.

Aya hizi 10 Ndugu zangu ni aya zinazohitajia mazingatio. Kwa kuwa *Rasul Allah Salallahu A'alayhi wa Salama* amefungamanisha Surah hii na Siku ya Ijumaa.

Ni kwa nini? Kuna Surah nyingi sana katika Msahafu. Kuna surah 113, lakini Surah hii Mtume *Salallahu A'alayhi wa Salam* akaifungamanisha na Siku ya Ijumaa maalumu. Akatoa kitu kama motisha ili Watu waihifadhi, Watu waijue.

Surah hii imeandamana na visa vinne. Visa ambavyo vyote vinaandamana na kinga za fitina. Katika hii Dunia mitihani mikubwa kabisa ni katika aina nne, mambo manne.

Kuna mtihani wa mali ambao hata Qur-an imesema, ***"Innamaa amwaalukum wa awlaadukum fitnah"***. Huu ni mtihani, umo katika Surah hii. Mtihani huu katika wale vijana wawili, ***As-haab ul Jannatayn***.

Kadhalika, mtihani wa pili, kuna mtihani wa elimu. Mtihani wa elimu katika Surah hii, ni ule ambao kwamba, ***"Waidh qaala Muusa lifataahu laa abrahu..."***, ilaa aakhiri *qisw-sah*. Kisa cha Nabii Mussa na Mwalimu wake Al Khidhr. Huu ni mtihani wa elimu.

Kuna mtihani wa uongozi. Ambao Allah Jalla wa 'Alaa ameutaja kupitia Dhul Qarnain mwisho mwisho mwa Surah hii, kuanzia aya ya 90 na kuendelea.

Na kadhalika kuna mtihani mwingine ambao ni mtihani wa dini. Mtihani huu ni ule ambao kwamba umetajwa mwanzo mwanzo mwa Surah hii. Kama tulivyosema vijana wa ***As-haab Al Kahf*** wale ambao wamekubaliana watoke kwa ajili ya imani yao; kwa ajili ya 'aqiidah. Kwa ajili ya kunusuru dini yao. Huu ni mtihani wa imani.

Surah hii mitihani yake ni minne. Mitihani ambayo kwamba hakuna Surah yoyote nyingine imetajwa kwa namna kama hii. Mtihani wa uongozi. Mtihani wa mali. Mtihani wa elimu. Na mtihani wa dini.

Kwa hiyo, Surah hii inatupa kinga juu ya mitihani hii minne; na ndiyo maana Mtume wetu akapendelea Ummah huu, Surah hii uhifadhi.

Laakin, 'Aalal Asaa wal Asafish Shadiid, wengi wetu Surah hii hata kuisoma hatuisomi kamwe; pamoja na chochezo zote zilizotolewa na Mtume wetu. Pamoja na mambo yote yaliyotajwa, kuna miongoni mwetu hatuisomi kabisa. Hili ni kundi la kwanza.

Kundi la pili huwa tunasoma baadhi ya nyakati, na Siku nyingine tunaacha.

Kundi la tatu tunasoma mwanzo mpaka mwisho, lakini, ni ***Qiraa-atan hadh-dhan.*** Ambayo kwamba Mtu anapita kama anapita barabarani. Hana khabari na shimo au jiwe au nini, anapita tu. Yeye hamu yake aanze mwanzo amalize mwisho, nimeshamaliza Mimi, ndio hamu yake.

Kundi la nne, ndilo la wale ambao Mwenyezi Mungu amewaashiria watasoma Qur-an, ***Bi Tadabbur,*** kwa kuzingatia.

Na hawa ndiyo waliofanikiwa, hawa ndio wenye kuweza kupata mafanikio na faida za Surah hii. Hawa ndiyo waliyofahamu, ***"Kitaabun Anzalnaahu Mubaarakun",*** kitabu hiki tumekuteremshia kina baraka. ***"Liyaddabbaruu Aayaatih",*** ili Watu wazingatie aya zake.

Siyo kusoma kama kasuku. Kasuku ukimuhifadhisha ***Alfaatiha*** atasoma mpaka mwisho; na pia ukimuhifadhisha ***Qul Huwa Allahu,*** ataisoma mpaka mwisho, lakini kasuku hajui kilichomo.

Wengi katika sisi ni kama punda aliyebeba mzigo wa vitabu. Hajui kuna tafsiri, hajui kuna ***Ma-'aani,*** hajui kuna ***Badii-'i,*** hajui kuna kitu kadhaa, yeye atabeba mzigo tu. Ni kama punda kabebeshwa mzigo anakwenda pahala; ndiyo wengi katika sisi tunasoma tunapita tu, na hichi ni kisomo ambacho kimekatazwa, si vizuri.

Allah Jalla wa 'Alaa anatusuta, anatUambia, **"Afalaa Yatadabbaruuna Al Qur-aan"**, nyie Watu vipi, basi hamzingatii, hamjaribu ku *digest* kufikiria na kuzingatia kuona hii Qur-an inasema nini.

Katika aya nyingine, halafu akasema nini, **"Am 'alaa Quluubin Aqfaaluhaa"**, au Nyoyo zao zimefungwa, haziingii maneno ya Mwenyezi Mungu.

Hii Qur-an yataka izingatiwe, na ndiyo maana wema waliotangulia, wakisoma Qur-an, anafika pahala Mtu analia kwikwi kwelikweli kwa machozi na sauti sasa. Hajiwezi kwa sababu ya kile kilichoandikwa pale. Amekizingatia mpaka kimemtwanga moyoni, na sasa imekuwa hajiwezi. Na hiyo ndiyo sifa ya Waumini wa kweli.

Kwa Mfano Imam Sufyan Ath Thawry ilikua kila anaposimama kusali basi akisoma Surat Al Fatiha hau ni mwenye kulia sana anapofikia kwenye aya isemayo:

﴿إِيَّاكَ نَعْبُدُ وَإِيَّاكَ نَسْتَعِينُ﴾

'Iyyaka NaAabudu wa Iyyaka NastaAinu' (Surat Al Fatiha 1:5)

na alipoulizwa analilia nini basi alikua akisema kua: 'Sisi katika Aya hii tunasema kumwambia *Allah Subhanah wa Ta'ala* kua kwa hakika wewe ndie tunaekuabudu na ndie tunaekutegemea nakukuomba msaada lakini ukweli hauko hivyo kwani sisi ni wenye kuabudu na kutegemea Dinari.

Hawa ndio Waumini wa kweli waliotajwa kwenye Qur'an kuhusiana nao kua:

﴿إِنَّمَا الْمُؤْمِنُونَ الَّذِينَ إِذَا ذُكِرَ اللَّهُ وَجِلَتْ قُلُوبُهُمْ وَإِذَا تُلِيَتْ عَلَيْهِمْ آيَاتُهُ زَادَتْهُمْ إِيمَانًا وَعَلَىٰ رَبِّهِمْ يَتَوَكَّلُونَ﴾

Innama Almu'minoona Alladheena Itha Dhukira Allahu Wajilat Quloobuhum Wa-idha Tuliya AAalayhim Ayatuhu Zadat-hum Eemanan waAAala Rabbihim Yatawakkaloon(Surat Al Anfal 8:2)

Na wakisomewa aya za Mwenyezi Mungu, **"zaadat-hum iimaanaa"**, zinawazidishia imani.

Ikiwa hujui maana, haiwezi Qur-an kukuzidishia imani hata Siku moja, kwako itakuwa ni mtihani.

Akasema tena Allah,

﴿إِنَّ فِي ذَلِكَ لَذِكْرٍ لِمَنْ كَانَ لَهُ قَلْبٌ أَوْ أَلْقَى السَّمْعَ وَهُوَ شَهِيدٌ﴾

Inna Fee Dhalika Lathikra Liman Kana Lahu Qalbun aw Alqa AssamAAa Wahuwa Shaheed (Surat Qaf 50:37)

Hakika katika Qur-an kuna Makumbusho, lakini si kwa kila mtu. "***Liman Kaana Lahuu Qalbun***", kwa Mtu mwenye moyo, uliokuwa mzima. "***Au Alqassam-'a***", au akajitahidi kukaa anasikiliza, "***Wahuwa shahiid***", naye yuko *present*, yuko ***Haadhir***.

Kwamba, anakusudia nini Allah hapa, hii aya maana yake ni nini? Mtume kasema hivi kwa nini? Hii aya imeshuka wapi? Kwa nini Surah iko hivi? Mbona aya inamalizia hivi? Kwa nini Allah kawa mkali hapa?

Hivi ndivyo Muislamu anavyotakiwa awe, na ndio inampelekea Mtu kuja kuuliza masuala kwa masheikh au kwa Maimam au kwa maulamaa. Hii aya inamalizia hivi, kwa nini ikawa hivi? Kwa sababu kajaribu kufikiria mpaka akili yake imegonga pahala, hafahamu ile Qur-an, na ndipo akaamua kuuliza.

Hawa ndiyo Watu ambao kwamba Allah anawapenda, kwa sababu *wanatadabbar* Qur-an, maneno ya Mwenyezi Mungu.

Na si kazi ngumu, asije Mtu akasema, hiyo inataka maulamaa, hapana, ni kila Mtu.

﴿وَلَقَدْ يَسَّرْنَا الْقُرْآنَ لِلذِّكْرِ فَهَلْ مِنْ مُدَكِّرٍ﴾

Walaqad Yassarna Alqur-ana Lidhdhikri Fahal Min Muddakir (Surat Al Qamar 54:17)

Kwa sababu hii maalumu, Allah anasema, Qur-an tumei *dilute*, tumeiwepesisha, tumeifanya iwe rahisi, ili Watu ipate kuwakumbusha.

Lakini masikitiko ni kwamba, "***Fahal Min Muddakir***", yupo anayezingatia? Hakuna.

Na ndiyo maana, Al Kahfi inasomwa, kila Siku Watu wanasoma al Kahfi, lakini, "***Fahal Min Muddakir***", ni nani anazingatia? Hakuna.

Kwa hiyo, Ijumaa yetu ya leo tumekusudia kuelezea baadhi ya *Maaluumaati*, baadhi ya mambo ambayo yanapatikana katika Surah hii ambayo kama Mtu atazingatia ataishi vizuri na Ndugu zake, Rafiki zake, walimu wake, Masheikh zake na jirani zake vizuri sana na atakuwa anaishi kwa mujibu wa mambo ambayo Allah Jalla wa 'Alaa amemuamrisha.

Surah hii Ndugu zangu ina aya 110, katika aya 110 hizi Allah Jalla wa 'Alaa ametuelezea au ametukataza mambo tisa. **Fii Haadhihis Suurah Fiihaa Fis'atu Laa-aati:** kuna laa 9 katika Surah hii. Unaambiwa usifanye hivi, usifanye hivi, na usifanye hivi. Kama huelewi, ndiyo utakuwa kama Kasuku, unasoma na huku unafanya.

Nitazitaja kabla hatujaanza kuzichambua hizi laa 9 ambazo Allah ametukataza, makatazo tisa.

﴿فَلَا تُمَارِ فِيهِمْ إِلَّا مِرَاءً ظَاهِرًا﴾

Fala Tumari Feehim Illa Miraan Dhahiran (Surat Al Kahf 18:22)

﴿وَلَا تَسْتَفْتِ فِيهِمْ مِنْهُمْ أَحَدًا﴾

Wala Tastafti Feehim Minhum Ahadan (Surat Al Kahf 18:22)

﴿وَلَا تَقُولَنَّ لِشَيْءٍ إِنِّي فَاعِلٌ ذَٰلِكَ غَدًا﴾

Wala Taqoolanna Lishay-in Innee FaAailun Dhalika Ghadan (Surat Al Kahf 18:23)

﴿وَلَا تَعْدُ عَيْنَاكَ عَنْهُمْ تُرِيدُ زِينَةَ الدُّنْيَا﴾

Wala TaAadu AAaynaka AAanhum Tureedu Zeenata Alhayati Alddunya (Surat Al Kahf 18:28)

﴿وَلَا تُطِعْ مَنْ أَغْفَلْنَا قَلْبَهُ عَنْ ذِكْرِنَا وَاتَّبَعَ هَوَاهُ﴾

Wala TuṭiAA Man Aghfalna Qalbahu AAan Dhikrina WaittaaAAa Hawahu (Surat Al Kahf 18:28)

﴿فَلَا تَسْأَلْنِي عَنْ شَيْءٍ حَتَّىٰ أُحْدِثَ لَكَ مِنْهُ ذِكْرًا﴾

Fala Tas-alnee AAan Shay-in Hatta Uhditha Laka Minhu Dhikran (Surat Al Kahf 18:70)

﴿لَا تَوَاخِذْنِي بِمَا نَسِيتُ﴾

La Tu-akhidhnee Bima Naseetu (Surat Al Kahf 18:73)

﴿وَلَا تُزْهِقْنِي مِنْ أَمْرِي عُسْرًا﴾

Wala Turhiqnee Min Amree AAusraan (Surat Al Kahf 18:73)

﴿فَلَا تُصَاحِبْنِي قَدْ بَلَغْتَ مِنْ لَدُنِّي عُذْرًا﴾

Fala tTusahibnee Qad Balaghta Min Ladunnee AAuthran (Surat Al Kahf 18:76)

Hizi ni laa 9.

Leo Ndugu zangu, twende katika **Ahsanal Hadiith: Inna Ahsanal Hadiith Kitaabu Allaah**. Hakika mazungumzo yaliyokuwa bora kabisa ni kitabu cha Mwenyezi Mungu.

Tuachane na bla blaa, mchezo mchezo, mambo ya maskhara maskhara hivi, hapana. Twende katika namna iliyokuwa *serious*, ambayo ni twende katika **Kitabu Allah, Inna Ahsanal Hadiith Kitabu Allah**. Kitabu ambacho kwamba Allah amekisifu kwamba ni *mau'idha* ya kutosha kabisa ya kuweza kumtosheleza mtu.

Laa hizi ni 9 Ndugu zangu. Ukiziangalia zote hizi, ni kwamba zimekuja katika kutengeneza mahusiano ya **Mujtama'i**, mahusiano ya familia, mahusiano ya Watu Msikitini, Watu mtaani, waishi vipi *wa'amiliane* vipi.

Laa ya kwanza kabisa ambayo Mwenyezi Mungu Jalla wa 'Alaa ametufundisha anatatuka tuishi. Ni kama tulivyoisema. Allah anasema,

﴿فَلَا تَمَارِ فِيهِمْ إِلَّا مِرَاءً ظَاهِرًا﴾

Fala Tumari Feehim Ila Miraan Dhahiran (Surat Al Kahf 18:22)

Usiwe Mtu wa kubishana bishana sana.

Una jambo unalijua, liseme na limalize. Isiwe Mimi nakwambia, Mimi nakwambia. Nakutumia clip, nakutumia kitabu, na sijui kadha kadha.

Wewe ni Mtu wa kupenda sana mabishano, haisaidii kitu Ndugu yangu, hata Siku moja. Kwa sababu Rasul Allah Salallahu 'Alayhi wa Salama amesema, **"Man Ta-'aAllamal 'Ilmaa"**, atakayejifundisha elimu, madhumuni yake ni, **"Liyubaahiya Bihi Al Ulamaa"**, ili kuweza kushindana na Maulamaa, **"Yumaariya Bihi Al Sufahaa"**, au kuweza kuwakoga wenye elimu ndogo, wajinga wajinga, **"Yasrafu Bihi Wujuuhan"**

Naas Ilayhi", au kuweza kuvuta nyuso za Watu wampende, wamjue kwamba yeye ana Ilimu nyingi.

Mtume *Salallahu Alayhi wa Salam* anasema, ***"Adkhalahu Allahu Jahannama"***, Allah Jalla wa 'Alaa atamtia Motoni. Hadith Sahih, Imepokewa na Imam Abu Daud, Imam Ahmad na Ibn Majah.

Idhan, *Laa* ya kwanza usipende kubishana sana. Haikusaidii, inajenga chuki baina ya nduguyo; na inajenga *Takhliy*, kumdhalilisha nduguyo.

Na ndiyo maana akasema Imam Muhammad Idriss Al Shafii kua: 'Kila ni Ninapokua nahojiana na Mtu mimi hua namuomba *Allah Subhanah wa Ta'ala* kua aidha amioneshe Haki Mtu nnaehojiana nae kupitia kwangu mimi ili aweze kuifuata, au anioneshe mimi haki kupitia kwa mwezangu huyo ili nipate kuifata.'

Naam hivyo ndivyo walivyokuwa, tena ni katika mabishano ya haki, siyo mabishano ya upuuzi. Mfano wa mipira na kadhalika. Kwa hiyo, *laa* ya kwanza ni, ***"Fala Tumari Fiihim Illa miraa-an Dhahiran"***.

Laa ya pili, ni

﴿وَلَا تَسْتَفْتِ فِيهِمْ مِنْهُمْ أَحَدًا﴾

Wala Tastafti Feehim Minhum Ahadan (Surat Al Kahf 18:22)

Katika maisha yako, usiwe Mtu wa kupenda kuchonganisha Watu, na kuuliza.

Unauliza swali kama, '**Sheikh, Kwani Watu Motoni Wakiingia Watatoka?**'. Unajibiwa watatoka. Kisha unasema: '**Mbona Sheikh Fulani Kasema Kawatoki? Mbona fulani kasema kadha. Wewe ni Mtu wa kutafuta fatwa huku na huku kwa Masheikh.**'

Madhumuni ni kuchonganisha *Aqwaal* za Masheikh. *Laa*, siyo hivyo, mwenye kutaka elimu anakaa chini na kufundishwa. Kwa sababu ukifundishwa, unapata unayotaka na usiyoyataka. Unapata ulilokusudia na usilokusudia. Na utakapouliza, unajibiwa lile tu ulilouliza. Kwa hivyo, ***"Wala Tastafti Fiihim Minhum Ahadan"***.

Laa ya tatu Ndugu zangu, Allah anasema:

﴿وَلَا تَقُولَنَّ لِشَيْءٍ إِنِّي فَاعِلٌ ذَٰلِكَ غَدًا﴾

Wala Taqoolanna Lishay-in Innee FaAAilun Dhalika Ghadan (Surat Al Kahf 18:23)

Katika maisha yako, una mipango yako, kesho nataka kwenda Serikalini, nataka kwenda kesho kutafuta Passport, kesho nataka kwenda pahala fulani. Usiseme Mimi nataka kwenda tu, sema, Mwenyezi Mungu akipenda.

Mtangulize Mungu kwanza, kwa sababu, hakuna unachoweza kufanya ***Ilaa Bimashiita Allah***. Mwenyezi Mungu kapanga mambo yake, na hayakiukwi hayo; anachotaka Yeye ndio huwa.

Unalopanga wewe, ni mangapi yanaharibika? Wangapi wamelala Usiku wakipanga Asubuhi nitakwenda kazini, nitakwenda benki, na nitakwenda sehemu kadha. Asubuhi anaamka ni maiti, ***Innaa Lillaahi Wainnaa Ilayhi Raaji'uun***. Ni wangapi walilala ni wazima kabisa?

Wangapi wametoka majumbani kwao na magari yao. Tahamaki kufika katika njia wakapata ajali, kapigwa busta jioni yuko Muhimbili katundikwa Mguu juu kama anastarehe. Hajastarehe pale sheikh, bali pale katiwa chuma.

Wangapi wametoka Asubuhi, na mwisho jioni wanaishia jela. Kafanya nini? Kakamatwa kaiba, wala hajaiba pengine, basi tu. Kaka pahala pabaya.

Idhan, ***Wala taqoolanna lishay-in innee faAAilun Dhalika ghadan illaa an yashaa-allaah***". Mtangulize mbele, Mwenyezi Mungu Jalla wa 'Alaa. Hii ni *laa* ya tatu.

Laa ya 4 ni,

﴿وَلَا تَعْدُ عَيْنَاكَ عَنْهُمْ تُرِيدُ زِينَةَ الْحَيَاةِ الدُّنْيَا﴾

Wala TaAAdu AAaynaka AAanhum Tureedu Zeenata Alhayati Al Ddunya (Surat Al Kahf 18:28)

Unapokuwa na Ndugu zako. Unapokuwa katika mambo ya kielimu ya Dini, mtazame aliye juu yako, upende kuwa naye, utake kujifananisha naye, *Maaluumaati* uyapate kama yake. Utamani na Mimi niwe kama na yeye. Hii ndiyo sifa ya Waumini.

Ama ukiwa na matajiri na Watu wenye chao. Basi wewe mtazame aliye chini, usije ukaathirika na kile chako ukajiona mnyonge. Mungu kakupa mengi lakini huyaoni, ndiyo maana, ***"Wala taA'du 'Aynaaka 'Aanhum"***, usinyanyue macho yako juu kutaka

mambo ya kifahari, makubwa makubwa, hapana. **"Turiidu Ziinatal Hayaatid Dun-yaa"**.

Mwenyezi Mungu kakupa kiasi chako,

﴿نَحْنُ قَسَمْنَا بَيْنَهُمْ مَعِيشَتَهُمْ فِي الْحَيَاةِ الدُّنْيَا﴾

"Nahnu Qasamnaa Baynahum Ma'iishatan", (Surat Az Zukhruf 43:32) sisi ndiyo tunapanga tunawakasimia, kila Mtu na maisha yake na kikomo chake, na *qismu* waliyopangiwa. Ukitaka ziada, maisha yako wewe utaishi kwa kuumia na kusokotana roho. Kwa sababu, maisha wataka makubwa ambayo Mungu hakukuandikia

Kadhalika, ndiyo maana Allah akamwambia Bwana Mtume *Salallahu 'Alayhi Wa Salama*, **"Waswbir Nafsaka Ma-'alladhiina Yad-'uuna Rabbahum Bil Ghadaati wal 'Ashiyyi"**, Nafsi yako isubirishe na wale ambao kwamba wanyonge. Wale ambao kwamba Watu wa dini. Wanamuomba Mwenyezi Mungu Asubuhi na jioni. Watu wa Ibada, hawa kuwa nao sana. Usipende kuangalia juu sana. Utadhalilika, na utaumia.

Laa ya tano Ndugu zangu,

﴿وَلَا تُطِغْ مَنْ أَغْفَلْنَا قَلْبَهُ عَنْ ذِكْرِنَا وَاتَّبَعَ هَوَاهُ﴾

Wala TuṭiAA Man Aghfalna Qalbahu AAan Dhikrina WaittabaAAa Hawahu
(Surat Al Kahf 18:28)

Anasema Mwenyezi Mungu: **"Wala Tutii"**. Katika maisha yako, una Ndugu zako, na marafiki. Usiwe na Rafiki ukamtii yule ambaye kwamba Mwenyezi Mungu kamghafilisha na mambo ya dini. Rafiki ambaye kwamba hakuongozi katika njia ya Akhera, huyo siyo Rafiki, achana naye.

Yeyote yule ambaye kwamba anakuongoza kwenda mpirani uwanja wa Taifa, kwenda uwanja wa Azam, kwenda uwanja wa pahala pengine, huyo si mzuri Ndugu yangu. Huyo siyo sawa kabisa, ni lazima tuambizane ukweli.

Tafuta Mtu ambaye kwamba anakuonesha akhera yako, anajua wewe una elimu au huna elimu, atakufuata kwa sababu una elimu umsaidie. Au unamfuata kwa sababu yeye ana elimu, akusaidie.

Huu ndiyo urafiki mzuri, huyu ndiye Mtu wa kumfuata kabisa.

Allah anasema,

﴿سَأَصْرِفُ عَنْ آيَاتِيَ الَّذِينَ يَتَكَبَّرُونَ فِي الْأَرْضِ بِغَيْرِ الْحَقِّ﴾

Saasrifu AAan Yyatiya Alladheena Yatakabbaroona fee Al-Ardhi Bighayri Alhaqqi (Surat Al Araf 7:76)

Nitazinyanyua, nitaziondoa aya zangu, "**Alladhiina Yatakabbaruuna Fil Ardhi**", wale ambao kwamba wana kiburi. Kwa sababu, Watu wana kiburi, hata akiambiwa vipi hata umsomee msahafu mzima, hafahamu kitu, kwa sababu Mwenyezi Mungu kaondoa.

"**Saasrifu**", nitawaondolea, watakuwa hawaelewi kitu, wanasikia Qur-an, basi wanaondoka tu, kama anasikiliza nyimbo kwake. Hawa si Watu wa kuwa nao. Kuwa na Mtu ambaye kwamba, ukikosea anakurekebisha, siyo anakwenda pembeni kukusema, anakucheka, hapana, huyu si Rafiki hata Siku moja.

Ukikosea anakurekebisha, na ukikaa sawa, anakuongoza zaidi. Kuwa na Mtu huyu. Ukiporomoka kidogo anakuinua kuwa na Mtu huyu. Usiwe na Mtu ambaye kwamba anakwenda pembeni na Watu, wanakaa na kuanza kusema na kukusengenywa, huyu si Rafiki mzuri, hivyo

﴿وَلَا تُطِعْ مَنْ أَغْفَلْنَا قَلْبَهُ عَنْ ذِكْرِنَا وَاتَّبَعَ هَوَاهُ﴾

Wala TuṭiAA Man Aghfalna Qalbahu AAan Dhikrina WaittaaAAa Hawahu (Surat Al Kahf 18:28)

Hii ni *laa* ya tano.

Na Watu hawa ukiwatii, ukawa Rafiki zako, Allah anasema:

﴿الْأَخْلَاءُ يَوْمَئِذٍ بَعْضُهُمْ لِبَعْضٍ عَدُوٌّ إِلَّا الْمُتَّقِينَ﴾

Al-Akhillao Yawma-idhin BaAAdhuhum libaAAdhin AAaduwwun Illa Almuttaqeen (Surat Al Zukhruf 43:67)

Marafiki wote Duniani hapa, Siku ya Qiyamah watagombana.

Hii ni Qur-an Tukufu. "**Al Akhillau**", wapenzi wawili Marafiki, "**Yawmaidhin**", Siku hiyo, "**Ba'dhuhum LibaA'dhin** "

Aduwwun", watakuwa Maadui wao kwa wao. "**Illa Al Muttaqiin**", ila wale ambao kwamba wamesuhubiana katika mambo ya kielimu, mambo ya kucha Mungu mambo ya

kusali, mambo ya Mau'idha, mambo ya Kumjua Mungu. Ama hawa, mpaka Siku ya Qiyamah watakua *beneti* pamoja. Hii ni *laa* ya tano Ndugu zangu.

Laa ya sita,

﴿فَلَا تَسْأَلْنِي عَنْ شَيْءٍ حَتَّى أُحْدِثَ لَكَ مِنْهُ ذِكْرًا﴾

Fala Tas-alnee AAan Shay-in Hatta Uhditha Laka Minhu Dhikran (Surat Al Kahf 18:70)

Mtu wa kupenda kuuliza sana Mpaka Allah akasema,

﴿يَا أَيُّهَا الَّذِينَ آمَنُوا لَا تَسْأَلُوا عَنْ أَشْيَاءٍ إِنْ تُبَدَّ لَكُمْ تَسْأَلُكُمْ وَإِنْ تَسْأَلُوا عَنْهَا حِينَ يُنَزَّلُ الْقُرْآنُ تُبَدَّ لَكُمْ عَفَا اللَّهُ عَنْهَا وَاللَّهُ غَفُورٌ حَلِيمٌ﴾

Ya Ayyuha Alladheena Amanoo La Tas-aloo AAan Ashyaa In Tubda Lakum Tasu'kum Wa-in Tas-aloo AAanha Heena Yunazzalu Alqur-anu Tubda Lakum AAafa Allahu AAanha (Surat Al Maidah 5:101)

Msiwe mnapenda kuuliza maswali kila kadha kadha kadha.

Kama ni mwanafunzi, tulia; Mwalimu ataporomosha *material* kwako, moja baada ya moja, mpaka ***utatamakkan***. Kama ni sheikh, kadhalika. Usiwe Mtu wa kuparamia masala. Kuna masala mengine utauliza, na ukijibiwa utakasirika.

Na hii ni kauli ya Mwenyezi Mungu. ***"In Tubda Lakum Tasu-ukum"***, msiulize masala mengine, mkijibiwa mtakasirika. Itakuwa ni hasara kwako. Si katika njia zilizokuwa njema na wala si katika tabia njema. Kuwa na Ndugu zako katika njia kama hiyo. Hii ni *laa* ya sita.

Jambo ni moja tu ambalo unatakiwa uulize mara nyingi. Mwenyezi Mungu Jalla wa 'Alaa amemteremshia Bwana Mtume *Salallahu Alayhi wa Salam* kila kitu. Na mwisho akamwambia hasa:

﴿وَلَسَوْفَ يُعْطِيكَ رَبُّكَ فَتَرْضَى﴾

"Walasaufa Yu-'utiika Rabbuka Fatardhaa", (Surat Adh Dhuha 93:5)

Mwenyezi Mungu atakupa mpaka utaridhika.

Lakini, kamwambia,

﴿فَتَعَالَى اللَّهُ الْمَلِكُ الْحَقُّ وَلَا تَعْجَلْ بِالْقُرْآنِ مِنْ قَبْلِ أَنْ يُقْضَىٰ إِلَيْكَ
وَحْيُهُ ۖ وَقُل رَّبِّ زِدْنِي عِلْمًا﴾

***FataAAala Allahu Almaliku Alhaqqu Wala TaAAjal Bilqur-ani Min Qabli An
Yuqdhha Ilayka Wahyuhu Waqul Rabbi Zidnee AAILma***(Surat Ta-Ha 20:114)

Muhammad sema katika Dua zako, omba elimu. Elimu ni kitu ambacho kwamba, uombe daima ziada na ziada na ziada. Hii ni *laa* ya sita.

Laa ya saba Ndugu zangu,

﴿لَا تُؤَاخِذْنِي بِمَا نَسِيتُ﴾

La Tu-akhidhnee Bima Baseetu (Surat Al Kahf 18:73)

Usiniadhibishe kwa niliposahau.

Ukiishi na Ndugu yako. Tambua kwamba yeye ni binadamu. Vilevile na huyo Baba yetu Adam mwenyewe. Allah anasema:

﴿وَلَقَدْ عَهِدْنَا إِلَىٰ آدَمَ مِنْ قَبْلُ فَنَسِيَ وَلَمْ نَجِدْ لَهُ عَزْمًا﴾

***Walaqad AAahidna Ila Adama Min Qablu Fanasiya Walam Najid Lahu
AAazma***(Surat Ta-Ha 20:115)

Tulimpa ahadi Nabii Adam, tukamwambia kadha kadha, akasahau.

Itakuwa Mimi? Maana Watu wengine anakuvizia, ukikosea, na ukisahau tu, basi imekuwa kazi. Nilikuwa nakwambia Bwana, ana dharau yule, na kuna kitu kadhaa. Ndugu yangu, hii nimesahau imeumbwa, Baba yetu Adam kapewa saha na akasahau amri ya Mungu, kasahau. Sikwambii wewe. Wewe ni nani mbele ya Mungu.

Sahau imeumbwa, ***Summiyyatil Insaanu, Bikathirati Nisyaan***, wanasema wengine. Kwamba Mwanadamu ameitwa ***Insaan*** kwa sababu ya kusahau kwake kwingi. Ndiyo maana akaitwa *insaan* kwa sababu anasahau sana, akaitwa hivyo.

Kwa hiyo, Mimi sio kwamba nimesahau kwako ikawa ndio *issue* umepata pahala pa kuniadhibisha, *laa*. Aliyekuwa hakutakiwa kusahau ni Mtu mmoja tu, Mtume wa Mwenyezi Mungu. Allah alisema,

(سَنُقْرِئُكَ فَلَا تَنْسَى ﴿٦﴾ إِلَّا مَا شَاءَ اللَّهُ إِنَّهُ يَعْلَمُ الْجَهْرَ وَمَا يَخْفَى ﴿٧﴾)

Sanuqri-oka Fala Tansa; Illa Ma Shaa Allahu Innahu yaAAlamu Aljahra Wama Yakhfa (Surat Al Aala 87:6-7)

Tutakusomea na wala hutasahau mpaka Allah apende, Kwani yeye ndie mwenye kujua yaliyodhahiri na yaliyojificha.

Huyu ni Mtume wa Mwenyezi Mungu.

Mimi si Mtume, nduguyo si Mtume, na wala Rafiki yako si Mtume pia. Anaweza akasahau, na isiwe kitu kabisa.

Mwenyezi Mungu mwenyewe Dua kubwa kabisa anaombwa:

(رَبَّنَا لَا تُؤَاخِذْنَا إِنْ نَسِينَا أَوْ أَخْطَأْنَا)

"Rabbana La Tua'khidhna In-Nasiina", (Surat Al Baqara 2:286)

yaa Allah usituadhibishe tunaposahau. Anaombwa Mwenyezi Mungu na Watu wema. "Au akhtta-anaa", au tukajikwaa, na tukakosea, usituadhibishe.

Akasema tena Allah:

(وَلَيْسَ عَلَيْكُمْ جُنَاحٌ فِيمَا أَخْطَأْتُمْ بِهِ)

"Walaysa A'alaykum Junahun Fiima Akhtta'atum Bih"(Surat Al Ahzab 33:05)

Wala hakuna ubaya, sitakukamateni katika mambo ambayo kwamba mmekosea au mmesahau.

Kwa hiyo, Ndugu yangu, unaishi na Ndugu yako. Jitahidi sana anapoteleza akakosea akasahau. Tambua yule ni binadamu si mungu. Yule ni binadamu. Mitume walisahau, sikwambii sisi Wanadamu, Mimi na wewe.

Ukitaka kuishi na Ndugu zako wachukulie, wachukulie. Tambua kwamba yeye anasahau, na wewe unasahau vilevile. Hii ni /aa ya saba.

Laa ya nane Ndugu zangu ni pale aliposema Allah,

(وَلَا تَرْهَقْنِي مِنْ أَمْرِي عُسْرًا)

***Wala Turhiqnee Min Amree AAusran* (Surat Al Kahf 18:73)**

Usinichukulie uzito katika mambo yangu. Ukanifanyia matatizo, ukanitegeshea nikakosea, upate sababu ya kusema, hapana.

Katika Hadith ya Anas bin Malik ambayo ni Muttafaqun 'Alayhi. *Rasul Allah Salallahu 'Alayhi wa Salama* amesema: **"Yassiruu walaa Tu'assiruu"**, wafanyieni wenzenu mambo mepesi, msiwafanyie mambo mazito mazito. **"Wabash shiruu Walaa Tunaffiruu"**, na mkusanye msiwatawanye Watu.

Usiweke vigingi, usiwe Mtu mgumu mgumu hivi wa kuwekea Watu taabu, si vizuri hivyo.

Rasul Allah Salallahu A'alayhi wa Salama amekataza. Akikosea Mtu kakosea, **"Walaa Turhiqnii min amrii 'usraa"**, na usinibee ikawa ndo ushapata sababu ya kuniadhibisha, hapana huo si Uislamu. Uislamu ni kusameheana. Na kutambua kwamba, Ndugu yangu naye anakosea, kama ambavyo Mimi ninakosea.

Na tutambue kwamba huku kufanyia Watu mambo mepesi ni tabia ya Mwenyezi Mungu kawarithisha Mitume wake. Allah anasema katika Surat Al Baqara 2:185

﴿يُرِيدُ اللَّهُ بِكُمُ الْيُسْرَ وَلَا يُرِيدُ بِكُمُ الْعُسْرَ﴾

"Yuriidu Allahu Bikumu Al Yusra", Mwenyezi Mungu anakutakieni wepesi. **"Wala Yuriidu Bikumu Al A'usraa"**, na wala hakutakieni mambo mazito mazito.

Bali katika Hadith ya Mama Aisha *Radhi Allahu Anha* anasema, hata Siku moja *Rasul Allah Salallahu A'alayhi wa Salama* hajapewa mambo mawili akaambiwa chagua, ila huchagua lile jepesi.

Sasa imekuwaje wewe unakuwa hivi, umekuwa Mtu wa kusababisha taabu, vigingi na dhiki kwa Watu. Laa Ndugu zangu, huo si Uislamu; na Watu wenye roho ngumu ngumu, si Uislamu.

Hii ni lam ya nane.

﴿وَلَا تُزْهِقْنِي مِنْ أَمْرِي عُسْرًا﴾

***Wala Turhiqnee Min Amree AAusran* (Surat Al Kahf 18:73)**

Lam ya tisa ambayo ni ya mwisho. Allah anasema,

﴿فَلَا تُصَاحِبْنِي قَدْ بَلَغْتَ مِنْ لَدُنِّي عُذْرًا﴾

Fala Tusahibnee Qad Balaghta Min Ladunnee AAudhuran (Surat Al Kahf 18:76)

Sasa basi, Mimi na wewe tumemalizana, Udhuru umekwisha, nenda njia yako, nami nakwenda njia yangu.

Aya hii inatufundisha nini? Ya kwamba unapokaa na Ndugu zako, angalia kuna wengine tabia zenu haziendi. Usione taabu kumpoteza Rafiki hata Siku moja.

Umepanga mikakati yako, umepanga njia zako, saa Fulani nataka kuwa Msikitini . Saa Fulani nitakuwa na darsa. Saa fulani nitakuwa kazini. Akiwa haendani na wewe katika tabia zako zile, huyo achana naye Ndugu yangu, achana naye.

Siku ya Qiyamah utakuja kujuta kama utakuwa na huyu.

﴿وَيَوْمَ يَعِضُّ الظَّالِمُ عَلَى يَدَيْهِ يَقُولُ يَا لَيْتَنِي اتَّخَذْتُ مَعَ الرَّسُولِ سَبِيلًا﴾

Wayawma YaAAaddu Adhdhalimu AAala Yadayhi Yaqoolu ya Laytanee Ittakhadhtu MaAAa Arrasooli Sabeela(Surat Al Furqan 25:27)

Siku hiyo Dhalimu atauma Mkono wake atasema, hasa, ***"yaa waylataa"***, Yalaitani,

﴿يَا وَيْلَتَى لَيْتَنِي لَمْ أَتَّخِذْ فَلَانًا خَلِيلًا﴾

Ya Waylata Laytanee Lam Attakhidh Fulanan Khaleela(Surat Al Furqan 25:27)

Ah Ole Wangu, kwa nini fulani nikamfanya *best* wangu.

Ndiyo unaambiwa mapema, inafika pahala, unamwambia Bwana wewe samahani sana, Mimi naona hatuendani. Wewe nenda njia yako, na Mimi njia yangu. Kama ambavyo Nabii Mussa na Alkhidhr walivyokuwa. Nabii Mussa alikuwa ni Mtu wa jazba. Alikuwa ni Mtu wa kutaka mambo mengi haraka haraka. Mtu wa kutaka kujua kila kitu.

Na Al Khidhr alikuwa ni Mtu mpole. Mtu wa elimu ya ndani kabisa. Kwa hiyo, kila mahali anamwambia taratibu taratibu nitakueleza. Mwishoni akamwambia Bwana wewe Mimi naona kwa njia hii, usulubu huu, *methodology* hii basi wewe nenda huku na Mimi takwenda huku.

Ndugu zangu, haya ni mafunzo tisa maalumu katika Surat Al Kahfi. Anatakiwa Muislamu kila wiki walau mara moja katika akili yake yapitikane, ili awe na muamala mzuri na Ndugu zake.

Usiwafanyie dhiki Ndugu zako, usiwafanyie taabu, na uwasamehe. Uwe kadha na kadha kama ambavyo tumeyaona. Ndugu Waislamu tumeona kwa nini *Rasul Allah Salallahu A'alayhi wa Salama* akatutaka tusome Al Kahfi katika kila wiki.

Al-Kahf ni Pango. Pango linaweza kuwa ni himaya ya kukulinda na matatizo. Ukatatwa na Mvua huko nje baridi, Usiku unakimbilia katika pango linakusaidia, al-kahf sasa hiyo.

Lakini vilevile Pango usipokuwa na imani linaweza kuwa ndio maangamizi yako. Ukakimbia mvua, ukakimbia kiza na kila kitu. Usiku katika Pango unakwenda kukutana na Nyoka anakudona, unakufilia mbali.

Kwa hiyo, Al-Kahf ni Pango. Lakini inategemea Pango hili unaliingia vipi, unachukua vipi imani yako na Surah hii. Surah ni adhimu sana kabisa, tumeziona laa tisa, zenye kubeba makatazo tisa.

Tumalize na ya mwisho kabisa. *Laa* tisa zile Ndugu zangu zilikuwa zinajenga mahusiano yako na Ndugu zako.

Laa ya 10 inakurudisha kwa Allah Jalla wa 'Alaa. Kana kwamba unaambiwa, yote hayo fanya, lakini tambua kwamba yuko Mwenyezi Mungu mwenye amri zake, na ndiye ambaye anakuamrisha.

Laa hii imo katika aya ya mwisho kabisa, pale Allah Jalla wa 'Alaa aliposema,

﴿قُلْ إِنَّمَا أَنَا بَشَرٌ مِّثْلُكُمْ يُوحَىٰ إِلَيَّ أَنَّمَا إِلَهُكُمُ إِلَهُ وَاحِدٌ ۚ فَمَن كَانَ يَرْجُوا لِقَاءَ رَبِّهِ فَلْيَعْمَلْ عَمَلًا صَالِحًا وَلَا يُشْرِكْ بِعِبَادَةِ رَبِّهِ أَحَدًا﴾

Qul Innama Ana Basharun Mithlukum Yooha Iayya Annama Ilahukum Ilahun Wahidun Faman Kana Yarjoo Liqaa Rabbihi FalyaAamal AAamalan Salihan Wala Yushrik (Surat Al Kahf 18:110)

Muhammad waambie, pamoja na yote haya, Mimi ni kiumbe kama nyinyi, lakini Mimi nimepewa wahy.

"Annama Ilahukum Ilaahun Waahid", ya kwamba wahy unasema, Mwenyezi Mungu wenu ni mmoja. ***"Faman Kaana Yarjuu Liqaa-a Rabbihi"***, yule ambaye anatarajia, anajua ana yakini kwamba atakutana na Mwenyezi Mungu wake.

Basi, **"Falya A'mal A'amalan Salihan"**, na atende matendo mema.

Laa ya 10 iko hapa sasa: **"Wala Yushrik Bi-'ibaadati Rabbihi Ahadaa"**, wala asimshirikishe Mwenyezi Mungu katika Ibada zake hata Siku moja.

Laa tumeona tisa, tatu zikiwa pamoja, kisha zikaja mbili, kisha ikaja moja, kisha zikaja mbili, kisha ikaja moja. Tatu, mbili, moja, mbili, jumla ni tisa, tumezizungumza.

Laa ya 10, yakurudisha kwa Mwenyezi Mungu mwenyewe, **"Wala Yushrik Bi-'ibaadati Rabbihi Ahadaa"**. Kana kwamba unaambiwa, *khitaamuhuu misk*, yaani ule utamu ule, uzuri kabisa, kwa hakika unapatikana mwisho kabisa.

Mwisho kabisa ni hapa: **"Wala Yushrik Bi-'ibaadati Rabbihi Ahadaa"**, hata Siku moja, usimshirikishe Mwenyezi Mungu na chochote.

Kwa sababu inawezekana sana ukazipata zote *laa* zile 9, lakini huku mwisho ukawa kafiri kama wazungu. Wako wazungu *very friendly*, ni *friend user* kabisa, wazuri wanasaidia kila kitu, lakini wanamshirikisha Mungu. Kwa hiyo haisaidii kitu.

Lakini wewe Muislamu, unakumbushwa muamala wako na mwisho unarudishwa kwa Mwenyezi Mungu.

Ndugu zangu, Surat Al-Kahf ni Surah adhimu sana. Tumepata kuzungumza kipindi kilichopita baadhi ya nyakati, lakini In-shaa Allah tutakuwa tunadondoa maaluumaati kama hizi. Ambazo zimo ndani yake, ili Muislamu akisoma Surat Al-Kahf atambue kwamba pale anafanya nini.

Atambue faida zilizokuwemo aweze ku *absorb* aweze kunyonya, aweze kufahamu nini *Maqaasid* ya Mwenyezi Mungu kwake yeye. Na *Rasul Allah Salallahu 'Alayhi wa Salama* akasema wiki moja Surah hii usome. Ni kwa nini? Lazima Mtu afahamu.

FAIDA YA BISMI ALLAH KILA UNAPOTAKA KUENZA JAMBO LAKO



Ndugu Waislamu, baada ya kumshukuru Mwenyezi Mungu Jalla wa 'Alaa. Kumtakia Rehma na Neema. Sala na Salamu. Mtume wa mwisho, Nabii Muhammad Salallahu 'Alayhi Wa Salama.

Nakuusieni kumcha Mwenyezi Mungu, kama ambavyo nimetangulia kuiusia Nafsi yangu juu ya jambo hili adhiimu.

Na Khutbah yetu ya leo itakuwa ni muendelezo wa Khutbah tuliyoitoa takribani wiki tatu zilizopita. Ya kuwaeleza uchaguzi wa Mwenyezi Mungu katika mambo yake hapa Duniani, juu yetu sisi.

Tukaeleza kwamba *Bismi Allahi Rahmani Rahim* ni neno au ni aya ambayo kwamba Mwenyezi Mungu mwenyewe ameamua kuianza kwa kitabu chake kitukufu.

Akaanza Bismi Allahi Rahmani Rahim kisha akaja, Alhamdulillaahi Rabbil 'Aalamiin.

﴿بِسْمِ اللَّهِ الرَّحْمَنِ الرَّحِيمِ﴾ أَلْحَمْدُ لِلَّهِ رَبِّ الْعَالَمِينَ

Bismi Allah ikawa ni aya ya kwanza kabisa katika kitabu chake.

Bali Bismi Allah ikawa ndiyo ni neno la kwanza kabisa ambalo aliambiwa Mtume wetu alitamke. Alipoambiwa:

﴿أَفْرَأُ بِأَسْمِ رَبِّكَ الَّذِي خَلَقَ﴾

"Iqra-a", soma **"Bismi Rabbika Alladhii Khalaqa",** kwa jina la Mola wako aliyeumba.

Bali Bismi Allah tumesema katika Khutbah iliyopita kwamba, kwa nusu yake Mwenyezi Mungu, alimjaalia Nabii Suleyman akaumiliki Ufalme mzima, kwa nusu yake Bismi Allah. Kama ilivyokuja katika Qur-an alipoandika Barua akaandika mwanzo kabisa:

﴿إِنَّهُ مِنْ سُلَيْمَانَ وَإِنَّهُ بِسْمِ اللَّهِ الرَّحْمَنِ الرَّحِيمِ﴾

Innahu Min Sulaymana wa-Innahu Bismi Allahi AlRahmani AlRaheemi(Surat An Nahl 27:30)

Kadhalika Bismi Allah kwa Nusu yake ni uchaguzi wa Mwenyezi Mungu alipowaokoa viumbe wake katika Ardhi kutokana na Gharika iliyokuja wakati wa Nabii Nuhu 'Alayhi Salam.

Kama Qur-an inavyoeleza alipotengeneza Jahazi kisha akaambiwa wapande katika Jahazi hilo,

﴿بِسْمِ اللَّهِ مَجْرَاهَا وَمُرْسَاهَا﴾

Bismil Allahi Majraihaa wa Mursaahaa (Surat Hud 11:41)

Bismi Allah itakuwa ndiyo *ignition key* yake ya kuanzia kwenda huku na kwenda huku. Mwenyezi Mungu anahadithia,

(وَهِيَ تَجْرِي بِهِمْ فِي مَوْجٍ كَالْجِبَالِ)

"Wahiya Tajrii Bihim fii Mawjin Kaljibaali", (Surat Hud 11:42)

Na huku ikiwa inaelea juu yake kupitia kwenye Mawimbi kama Milima ukubwa wake,

Nini kinaendesha Jahazi lile, ni Bismi Allah. Kila kiumbe alikuwemo Wawili Wawili, wanyama wote na wadudu wote Wawili Wawili. Lakini nini ilikuwa ni *Ignition* yake, ni Bismi Allah.

Kwa hivyo, Mwenyezi Mungu ameichagua Bismi Allah vilevile kwa kumtumia Mtume wake. Kadhalika Rasul Allah Salallahu A'alayhi wa Salama akaichagua Bismi Allah. Kwa kuanza kuandika barua zake kuwapelekea wafalme tofauti kama tulivyosema. Akina Muqawqis, akina Najjash na wengine wote aliwaandikia.

Alianza **Bismi Allahi Rahmani Rahim** kisha anakuja jina lake. Tukasema kwamba tutaeleza baada ya maagizo haya baada ya mafundisho haya ya Mwenyezi Mungu kwa Mtume wake je, yeye mwenyewe *Rasul Allah Salallahu A'alayhi wa Salama* ametufundisha nini sisi katika neno hili **Bismi Allahir Rahmaanir Rahiim**.

Baada ya mafundisho yote ya Mwenyezi Mungu, ni namna gani Allah subhaanahu wata'ala alivyomuonyesha Mtume matumizi makubwa ya Bismi Allah. Je, maagizo ya Mtume kwetu yakoje? Nini Bismi Allah amri yake katika Qur-an wa Sunnah? Tukasema tutataja sehemu takribani 11 ambazo Rasul Allah Salallahu A'alayhi wa Salama ametuamrisha khasa kwamba semeni Bismi Allah na hii ndiyo Khutbah yetu ya leo.

Kwanza kabisa, sehemu ya kwanza ni iliyothibiti katika Hadith ya Imam Abu Daud ambapo *Rasul Allah Salallahu A'alayhi wa Salama* anasema ya kwamba, **"Idhaa Walajar Rajulu Baytah"**, anapoingia Mtu Nyumbani kwake jambo la kwanza anatakiwa aseme **Bismi Allah, Allahumma As-Aluka Khayral Mawlijii wa Khayral Makhrajii. Bismi Allah Walajnaa wa Bismi Allah Kharajnaa wa 'alaa Rabbinaa Tawakkalnaa"**.

Mtume anasema, **"Thumma Liyusallim"**, na kisha ndipo sasa asalimie Watu. Anapoingia Mtu Nyumbani kwake na kadhalika Hadith imekuja vilevile anapotoka.

Ndugu zangu tunaishi katika Dunia mbaya sana. Dunia ngumu, ni Dunia nzito, yenye matatizo mengi kupita kiasi.

Watu wengi wanatoka majumbani kwao lakini jioni hawarudi, utasikia Mtu yuko *mortuary*, mwingine yuko Hospitali, mwingine yuko Jela, mwingine yuko polisi, na mwingine Dunia inamsukuma Wanadamu kila pahala pabaya.

Lakini kumbe, angelipata mafundisho ya Mtume wake akatoka Nyumbani kwake akapiga Bismi Allah kisha akatoka. Basi Rasul Allah Salallahu A'alayhi wa Salama anasema kwamba Mtu kama huyu anakingwa na kila shari.

Na kadhalika, anaporudi Mtu Nyumbani kwake, yaani anapotoka Asubuhi aseme: ***Bismi Allahi Tawakkaltu 'Alallaahi Walaa Hawla Walaa Quwwata Illa Billah.*** Anakuwa kamkabidhi Mwenyezi Mungu mchana wake kutwa chochote kile kinachomkuta himaya yake ni Mwenyezi Mungu, kwa sababu ya Bismi Allahir Rahmaanir Rahiim.

Na hapa sasa Mtume anasema, Masheitani wanashindwa kumzonga Mtu kama yule wanashindwa kabisa.

Na wanasema khasa *kayfa*, kwa sababu Mtume anasema kwamba patasemwa, ***"Hudiita"***, umeongozwa, ***"Wakufiita"***, na umekingwa, ***"Wauqiita"***, na umeepushwa, ***"Fatanahhalush Shaytaan"***, Masheitani pembeni yake wanaambizana, ***"Fayaquulul Akhar"***, Shaytaan anamwambia Sheitani mwenzie, wao kwa wao. ***"Kayfa Laka Birajuli"***, vipi wewe, (anamwambia Sheitani mwenzie) utampotoa Mtu ambaye kwamba, ***"Qad Hudiya"***, kashaongozwa na Mwenyezi Mungu, ***"Wa Kuffiya"***, na keshakingwa na Mwenyezi Mungu, ***"Wa Wuqiya"***, na kesha epushwa na mambo yote mabaya.

Masheitani wanashindwa kumpotosha Mtu kama huyu. Hi ni kwa sababu ya ***Bismi Allahi Rahmani Rahiim. Hii*** ni sehemu ya pili.

Sehemu ya tatu, ni ***'In-da Dukhuulil Masjid.*** Hata hapa Msikitini , pahala pa kheri, na pahala pa rehema. Pahala pa Dua, pahala pa Watu wema, na pahala pa kila kitu. Ndipo pahala pema kama Rasul Allah Salallahu `Alayhi wa Salama alivyosema.

Lakini pia, Mtu akiingia Msikitini , ni Sunnah aseme ***Bismi Allah, Wasalatu Wassalamu 'Alaa Rasuli Allahi. Allahumma Ghfir Dhunuubii"***, ya Allah, naingia kwa jina lako, naomba Mwenyezi Mungu unisamehe Dhambi zangu. ***Waftahlii Abwaaba Rahmatika***, na huku Msikitini Mimi nitaswali, nitafanya istighfar nitafanya kadhaa, nifungulie Milango ya Rehema zako. Hii ni sehemu ya tatu.

Kadhalika, ni pale anapoingia Mtu chuoni au anapotoka. Mtume kasema, **"Sitrū Maa Baynal Jinni wa 'Auraati Banii Adama'"**, sitara, kinga iliyopo baina ya majini na utupu wa Mwanadamu .

Mwanadamu akiingia Msalani, anavua nguo ili afanye haja zake. Anaweza akakoga, akafanya haja kubwa, na akafanya haja ndogo. Anavua nguo, na anakuwa utupu. Kumbe kinga ya kumfanya asionekane utupu wake na Sheitani; Mtume **Salallahu 'Alayhi Wa Salam** kasema, aseme Bismi Allah. Neno hili Bismi Allah aseme akiingia ndani, asiposema hivi ajitambue kwamba kule ndani, kule chuoni anachezewa na Masheitani namna watakavyo.

Mwenyezi Mungu anasema, kwa sababu wao, **"Innahum"**, hakika wao, **"Yarawnakum"**, wanakuoneni, **"Min Haythu Laa Tarawnahum"**, hali ya kuwa nyinyi hamuwaoni.

Wanajazana kule chooni, na wanafanya vitimbi vya kila namna.

Sehemu ya tano, **'Ain-da al Wudhuu**, wakati Mtu anatia Udhu, Mtume kasema anapotia Udhu mja kujitayarisha kwa ajili ya Salah, basi Mtume kasema, **"Laa Salata Liman Laa Wudhuua Lah"**, aliyekuwa hakutia Udhu hana Salah. **"Walam Wudhuu Liman Laa Yadhkuru Isma Allaahi 'Alayhi"**, na hana Udhu ambaye kwamba hakumtaja Mwenyezi Mungu, (aliyekuwa hakusema Bismi Allah); hana Udhu Mtume **Salallahu Alayhi wa Salama** kasema.

Sasa tujifikirie, wangapi tunaingia Msikitini, ukifika mlangoni pale, unamuanza Rafiki yako unamsalimia, unapeleka Viatu, unafika pale kwenye pa kutia Udhu unaanza kumuuliza, 'Sasa game ya Jana ilikuwaje, nasikia wamefungwa wale'. Halafu ndo unaanza kutia Udhu, na mara unasita kidogo, 'Sasa hapo tutakushindeni nyie, tutacheza lini'.

Dunia imemzonga Mtu kama yule, anamwaga Maji chungu nzima, na huku anaongea. Amesahau jambo muhimu *sana Rasul Allah Salallahu 'Alayhi wa Salama* kaamrisha, Bismi Allah. Hiyo ni sehemu ya tano.

Wadhaaba ba'Adha Al Fuqahaa, baadhi ya Wanazuoni wa Fiqh wakasema **Annat Tasmiyah**, kwa kusema Bismi Allah, **Minal Waajibaati Awwalal Wudhuu**, ni katika mambo ya lazima Mtu akitia Udhu; wanasema maneno haya baadhi ya Maulamaa.

Sehemu ya sita Ndugu zangu, ni **'In-da Rukuub**, wakati Mtu anapopanda. Sote tunajua Watu wanapanda Pikipiki, Watu wanapanda bodaboda, Watu wanapanda Bajaji, Watu wanapanda magari, Watu wanapanda Treni, Watu wanapanda Ndege, Maisha yamekuwa haakadhaa yamekuwa ni hivi, kupanda. Watu wanapanda lifti.

Kumbe kila unapotaka kupanda pahala, basi kuna Dua maalumu ambayo unasoma, yataka useme, nayo ni Bismi Allah, Mtume kasema.

Kama ilivyokuja katika Qur-an

﴿وَقَالَ ارْكَبُوا فِيهَا بِسْمِ اللَّهِ مَجْرَاهَا وَمُرْسَاهَا إِنَّ رَبِّي لَغَفُورٌ رَحِيمٌ﴾

"Waqala Irkabuu Fiihaa Bismi Allah Majreehaa wa Mursaahaa", kama alivyoambiwa Nabii Nuhu katika jambo kama hili.

Rasul Allah Salallahu 'Alayhi wa Salama akasema, Mtu aseme, **Irkab Bismillah;** panda na useme **Bismillah.**

Na imekuja katika Hadith ya Sayyidina Ally, Mtume amesema, Mtu aseme: **"Alhamd Lillahi Ladhii Sakh-Kharalanaa Hadha wa Ma Kunnaa Lahuu Muqriniin. Wa Innaa Ila Rabbina Lamunqalibuun".** Hii ni baada ya kusema Bismi Allah.

Sehemu ya saba Ndugu zangu, ni **'Indal Akli Wa Shshurb,** Mtu anapokula na kunywa. Ni sehemu muhimu sana. Ndiyo maana mara nyingi Mtu utasikia akapaliwa mara maji yametokea Puani, mara Mtoto kameza Mwiba, mara Mtu mzima imekuwa, kadha, mabalaa chungu nzima wakati wa kula.

Tatizo ni nini? Tatizo ni Mtu kutokupiga Bismi Allah.

Rasul Allah Salallahu A'alayhi wa Salama Siku moja alimuona kijana mmoja anakula. Kijana yule kafika na njaa yake akaanza kula. Mtume akamwambia, **"Yaa Ghulaam",** ewe kijana, **"Sammi Allah",** sema Bismi Allah, **"Wakul Biyamiinik",** na kula kwa Mkono wako wa Kulia. **"Wakul Mimmaa Yaliik",** na kula Chakula kilichopo mbele yako.

Haya ni mafundisho ya Rasul Allah Salallahu 'Alayhi wa Salama kwa Ummah mzima juu ya neno hili, **Bismi Allah.** Kwani je, kuna tatizo gani ikiwa Mtu ana njaa kali, akafika pale na akasahau kabisa, yeye hamu yake ale kwa sababu ana njaa kali, tatizo ni nini?

Naam, tatizo lipo, ni kwamba Mtu kama yule anakuwa anakula na Majini, hajitambui.

Mpaka ikafika pahala Mtume akasema kwamba, hata kama alisahau basi katikati ya kula akakumbuka na aseme **Bismi Allah,** palepale majini wanakung'uta chakula kile wanaondoka wanakimbia, palepale wanakimbia. Aseme Mtu **Bismi Allah fii Awwalihi wa Aakhirih.**

Kadhalika siyo kula tu, hata Mtu anapokunywa Maji, akanywa Juusi, na chochote kile anachokinywa, kama ni cha halali, isijekuwa Pombe, hapana. Kiwe ni cha halali; aseme Bismi Allah. Kwa sababu, Mwenyezi Mungu katuashiria aliposema:

﴿فَمَنْ شَرِبَ مِنْهُ فَلَيْسَ مِنِّي وَمَنْ لَّمْ يَطْعَمْهُ فَإِنَّهُ مِنِّي﴾

Faman Shariba Minhu Falaysa Minnee Waman Lam YatAAamhu Fa-innahu Minnee (Surat Al Baqara 2:249)

Wakasema Maulamaa, ni katika makosa makubwa ni, **Tarik ul Basmalah Aw Tasmiyah A'in-da Shurb Al Maa**, Watu wanapokunywa maji, wakaacha Bismi Allah ni katika makosa makubwa kabisa ambayo Watu wanayafanya, wanapata matatizo katika viwiliwili vyao bila ya kujitambua.

Kadhalika nukta ya nane, wapi ni Sunnah kusema Bismi Allah. **'In-da Dhdhabhi awin Nahr**, ni wakati Mtu anapochinja.

Mtu anapochinja, iwe ni kuku, mnyama, njiwa, ndege au ng'ombe. Almuhimu ni kwamba pale kuna kinyama anakichinja ili kinyama kile kiwe halali. Sasa Mwenyezi Mungu kasema: **"Fakuluu Mimmaa Amsaknaa 'Alaykum"**.

Ile Bismi Allah ndio jambo la kuweza kuhalalisha kile kinachochinjwa na ndilo jambo hilo hilo likiachwa kile kilichochinjwa kinakuwa haramu.

Naam, na ndiyo maana waliokuwa hawana dini, wakichinja sisi hatuli. Kwa nini? Ni kwa sababu hawakupiga Bismi Allah.

Hili ni tatizo kubwa sana. Unakula Mtu kibudu, nini sababu yake, sababu hapajapigwa Bismi Allah, na ndiyo maana chakula kile kinakuwa haramu.

Wadhahaba ba'Adhul fuqahaa, wakasema baadhi ya Wanazuoni wa Fiqh ya kwamba, **Ilaa Wujubit Tasmiyah 'In-dah Dhabiiha**, wajibu wa lazima Mtu aseme Bismi Allah anapochinja, **Bihaythu Lau Tarakahaa**, kwa namna ambayo kwamba Mtu kama ataacha, **Muta-'Aammidan**, makusudi, Muislamu anajua Bismi Allah akaiacha, **Ta-akulu Dhabiiha**, basi chakula kile, *lam tu-ukal*, yaani chakula kile kisiliwe, kwa sababu kimekuwa haramu.

Nini tatizo lake? Tatizo ni kwamba, hajapiga Bismi Allah katika kUchinja mnyama yule.

Nukta ya tisa Ndugu zangu, **'In-da An Nawmi**, ni wakati Mtu anapolala. Kila mmoja katika sisi anajua kwamba, Mwanadamu lazima alale na Mwanadamu anapolala anakuwa ni nusu ya kufa.

Roho inatolewa na Mwenyezi Mungu *Subhaanahu wa Ta'ala*, Roho ile anaiondoa. Akitaka anairudisha, na asipotaka tena, inakuwa ***Innaa Lillaahi wainna Ilayhi Raaji'uun.***

Muislamu umefundishwa kwamba Roho yako inapotoka, mkabidhi Mwenyezi Mungu kwa kuwa huwezi kujua nini kitakachotokea.

Ndiyo maana Mtu unakuwa Usiku anaota mambo mabaya mabaya, anafukuzwa, mara majini, mara kakatwa kichwa, mara kakatwa Mguu, mara anaruka, mara anatiwa katika shimo la choo, na mara majoka.

Tatizo ni nini? Tatizo ni kwamba, hakumkabidhi Mwenyezi Mungu subhaanahu wata'ala roho yake. Ni Sunnah kubwa sana.

Rasul Allah Salallahu 'Alayhi wa Salama akasema Mwanadamu anapolala katika Hadith ya Imam Bukhari na Muslim, aseme, ***Bismika Rabbii Wadha'tu Janbii***, ewe Mwenyezi Mungu wangu kwa jina lako, yaani Bismi Allah naweka Ubavu wangu, sasa Mimi napumzika mja wako.

Wabika Arfa'u, na kama nitainuka Mwenyezi Mungu, basi vilevile itakuwa kwa jina lako. ***"Fain amsakta Nafsii Ya Allah"***, ewe Mwenyezi Mungu Nafsi yangu ukiizuia (maana yake ni kwamba ukiitoa roho, usiirudishie tena), ***"Farhamhaa"***, nakuomba uirehemu Nafsi yangu kwa huruma zako.

"Wa in Arsaltaha", na kama utaituma tena, ***"Fahfadh-haa Bimaa Tahfidhu Salihiiin"***, basi nakuomba Nafsi yangu uihifadhi kama ambavyo kwamba unahifadhi Nafsi za waja wema. Haakadhaa, *Rasul Allah Salallahu 'Alayhi wa Salama* katufundisha; mafundisho makubwa sana.

Mwanadamu anakuwa Mzoga anapolala; kulala ni nusu ya kufa.

Lakini kumbe liko jambo moja kubwa sana la kumkabidhi Mwenyezi Mungu kila kile ambacho kinatokea Usiku, kwa kusema, ***Bismika Rabbii Wadha'tu Janbii... Ilaa Aakhiri Du'aa.***

Ndugu Waislamu, maisha yetu tuyapambe kwa kujiegemeza kwa Mwenyezi Mungu. Unaposema Bismi Allah maana yake ni kwamba unaegemeza mambo yote kwa Mwenyezi Mungu unamuachia yeye.

Al-isti'aadhah, yaani ***A'uUdhubi Allaah***, unajikinga na Sheitani. ***Thumma Madha?*** Ukishajikinga ni nini kinachofuata? Kinachofuata, jiegemeze kwa Mwenyezi Mungu. Unajiegemeza kwa kusema Bismi Allah katika kila kitu chako.

Hii leo, tuna tatizo la Watoto. Watoto wameharibika, balaa moja kwa moja kila mzazi anapiga kelele. Watoto hawasikii la kuambiwa, na 'Chokoraa' wamekuwa wengi. Watoto wamekuwa wengi barabarani, Watoto wanakula 'Unga', Watoto wanacheza *betting*, Watoto imekuwa balaa la taifa na kimataifa.

Kila mtaa ukipita kuna Watoto wamekaa vikundi wanafanya mambo ya kihuni. Tatizo ni nini? Tatizo Watu wameacha mwenendo na mafundisho ya Mtume *Salallahu 'Alayhi Wa Salama*.

Mafundisho yake yako hivi, ni kwamba Mtu Mwanamume anapolala na Mkewe jambo la kwanza kabisa apige *Bismi Allah* kabla ya tendo lao la ndoa. Akifanya hivyo kitakachozaliwa Mwenyezi Mungu kaahidi kwamba anakikinga na Masheitani.

Sasa, kwa sababu wengi wanafanya jambo la kitendo cha ndoa, hujazwa na mambo ya ajabu ajabu na kuna *wahka*, basi jambo lile linakuwa mbali nao. Kwa hivyo, wanafanya tendo lile pamoja na Sheitani, wanashiriki nao. Mtihani anajiona Mtu anayefanya tendo yeye na mke wake kumbe wa tatu wao ni Sheitani.

Yamekuja haya katika Qur-an, Mwenyezi Mungu anasema,

﴿وَشَارِكُهُمْ فِي الْأَمْوَالِ وَالْأَوْلَادِ﴾

Washarik-hum Fee Al-Amwali Wal-awlati WaAaidhum (Surat Al Isra 17:64)

Shirikiana nao Sheitani katika Watoto, (katika Kitanda, katika Jima'i Sheitani anashirikiana na wewe).

Subhaanallaah.

Dawa ni nini? Dawa iko karibu kabisa, Dawa hiyo *Rasul Allah Salallahu 'Alayhi wa Salama* kasema: ***"Amaa Inna Ahadakum Idhaa Ataa Ahlah"***, kwa nini mmoja wenu anapotaka kumwendea mke wake, ***"Faqala Bismi Allah"***, akasema Bismi Allah.

Allahumma Jannibna sh Shaytaan Wajannib Shaytaan ma Razaqtanaa", basi Mtu akisema hivi, na akirizikiwa mtoto. ***"Lam Yadhurrahush Shaytaan Abadan"***, Mtume kasema, hatadhurika na Sheitani hata Siku moja. Atakuwa Mtu ni mwema, mwenye kumuogopa Mwenyezi Mungu kwa sababu gani kwa sababu tangu hapo mwanzo.

Na wazee zamani walikuwa na neno kama haya akionekana mtoto muhuni hasikii la kuambiwa wazee wanasema, 'Huyu hakupigiwa Bismi Allah nini?

Walisema maneno kama hayo wazee wa zamani. Watu wa Siku hizi hawayajui. Lakini Watu wa zamani walikuwa wanasema, 'Huyu mtoto huyu, Mimi nina shaka hakupigiwa Bismi Allah huyu.'

Yale ni maneno makubwa kwa wenye akili. Kwamba huyu mtoto wazee wake walipotaka kulala, walifanya kama Jogoo au kama Mnyama au kama Punda au Ng'ombe. Walifukuzana wakafanya mambo yao tu basi. Hakupigiwa Bismi Allah, na tatizo limekuwa kubwa.

Kwa hiyo, Bismi Allah ni neno. Hii ni nukta ya kumi, ni neno ambalo kwamba lamfanya Mwanadamu awe mwema.

Nukta ya 12 Ndugu zangu, Bismi Allah inahalalisha kitu na inaharamisha kitu.

Inahalalisha kitu gani? Qur-an inatuambia ya kwamba wale Mbwa waliofundishwa, katika Surat Maaidah, au ***Kalbul Mu'allimiina***, "

(وَمَا عَلَّمْتُمْ مِّنَ الْجَوَارِحِ مُكَلِّبِينَ تُعَلِّمُونَهُنَّ مِمَّا عَلَّمَكُمُ اللَّهُ)

Wa Maa'allamtum Minal Jawaarihi Mukallibeena Tu'allimoonahunna immaa A'allamakumul Allahu (Surat Al Maidah 5:4)

Wale Mbwa wa usasi, uwindaji akitumwa kwenda kukamata kitu akiambiwa *Bismi Allah* nenda, suu, basi akikamata kitu Mnyama yule, pamoja na kwamba ni Mbwa ana Najisi ana kitu gani, lakini ikipigwa *Bismi Allah* chochote anachokikamata ni halali kwetu kula. Rudi katika *Surat Maaidah*, Allah anasema hivi.

Kimekuwa halali kwa sababu gani? Ni kwa sababu ya *Bismi Allah*. Ina maana asingepiga *Bismi Allah* ingekuwa ni haramu. Haramu sio alichokamata Mbwa tu, na hata ulichochinja wewe mwenyewe; ikiwa hukupiga *Bismi Allah*, kinakuwa hakifai kuliwa.

Bismi Allah inaweza kumkinga Mtu kama tulivyosema katika nukta ya kwanza kabisa anapotoka Mtu katika mabalaa yake. Haya yanadhihirika wazi tunapoangalia mfano wa *Saif Allah* Khalid Ibn Al Waliid *Radhi Allahu Anhu*, Sahaba wa *Rasul Allah Salallahu 'Alayhi wa Salama* ambae ameweka Historia ya Dunia kwa kutoshindwa katika Mapigano hata mara moja, hivyo *Saif Allah* Khalid Ibn Al Waliid *Radhi Allahu Anhu*, alipokua katika Ardhi ya Iraq katika jitihada za kueneza Uislamu, na kabla ya kuvamia basi wakatuma Ujumbe kwanza kuwaelimisha Watu juu ya Malego waliyokuja nayo Jeshi hilo la Waislam linaloongozwa na Khalid Ibn Walid *Radhi Allahu Anhu* kua ni kueneza Ujumbe wa *Rasul Allah Salallahu 'Alayhi wa Salama* kua *Allah Subhanah wa Ta'ala* ambae ndie Mungu wa haki.

Hivyo viongozi wa Mji husika wakamwita Khalid Ibn Walid *Radhi Allahu Anhu* na kumwambia: 'Kama kweli wewe unasema kua Mungu wako ndie Mungu wa Haki basi Kunywa Bilauri ya Sumu hii, tuone atakavyokuweka hai, na hivyo kama ukiwa salama basi sisi tutakubaliana nawe na kumfuata Mola wako wewe kwani atakua ni wa Haki kweli.'

Hivyo Khalid Ibn Walid *Radhi Allahu Anhu* mbali ya kua alikua na uhakika kua hata akipigana nao vita atawashinda lakini hata hivyo akaona kua haina haja ya kumwaga damu zao bali afanye kama watakavyo wao, na kutokana na kua na Ikhlasi na Yaqini basi akapokea bilauri la Sumu hio. Akapiga Bismi Allah, na akanywa yote, na Sumu hio haikumdhuru, bali iligeuka kua Asali ambayo ni dawa baada ya Kupingiwa Biismi Allah juu yake.

Rudini katika kitabu, nimesahau kuleta nukuu yake, lakini ninayo hapa, kwa anayetaka nitampa. Kwa sababu najua maneno kama haya mara nyingi, Watu waweza kuanza kuleta *tashkiik* na *tashkiil*. Kwamba ilikuwaje, na ilikuwa wapi hiyo? Watu ambao kazi yao kutoa dosari maneno ya Ulamaa. Haya maneno yapo na ushahidi upo, nimesahau tu kuyanukuu hapa, lakini ninayo.

Kwa hiyo, hata sumu imeshindwa kumuua Khalid Ibn Al Walid *Radhi Allahu Anhu* kwa kupiga Bismi Allah. Subhaanallaah.

Nukta ya 13 Ndugu zangu, namaliza, *Rasul Allah Salallahu 'Alayhi wa Salama* kasema, jambo lolote: **"Kullu Kalaamin"**, maneno yoyote (maana yake ni kwamba mna kikao, mkutano, au mazungumzo mengine).

"Au amrin", au mna jambo ambalo ni la kheri; kwa mfano, mnafungua skuli, mnafungua Madrasah, mnafungua Msikiti au chochote kile. **"Dhii Baalin"**, jambo la kheri, na jambo la maana kabisa. **"Laa Yuftahu Bi Dhikri Allaah"**, ikiwa halikufunguliwa kwa Bismi Allah, **"Fahuwa abtar"**, jambo hili limekatikana na *barkah*.

Haya ni maneno ya Mtume Salallahu 'Alayhi wa Salama. Hadith ya Imam Ahmad, katika Musnad namba 329.

Akasema tena Rasul Allah Salallahu 'Alayhi wa Salama katika riwaya nyingine, **"Kullu Amrin Dhii Baalin Laa Yuftahu Bismi Allahi Rahmani Rahim Fahuwa Aqtar"**, limekatika jambo kama hilo, halina mashiko, limeharibika kwa sababu ya kutopigiwa Bismi Allah.

Niongeze moja, Bismi Allah ndilo neno ambalo Jibril alianza kulitumia alipokuwa akimsomea ruqya Rasul Allah Salallahu 'Alayhi wa Salama **Bismi Allah Arqiika Min Kulli Shay-in Yuudhiika Min kulli 'aynin au Hasadin. Allaah yashfiika.**

Huyu ni Jibril. Malaika wa Mwenyezi Mungu akimsomea Ruqya Mtume wa Mwenyezi Mungu. Angalia, kiumbe aliye bora katika Malaika, akimsomea kiumbe bora katika Wanadamu, anaanza na Bismi Allah.

Bali imekuja katika Hadith, ya Uthmaan Ibn Affan, Radhi Allahu Anhu anasema hivi, kwamba, "**Lammaa Maridhwu**", nilipokua naumwa, "**Fakaana**", akawa Mtume wa Mwenyezi Mungu, "**Ya'uUdhunii**", ananisomea Dua, ananikinga. "**Fa-'awwadhanii**", kuna Siku akanisomea Dua, "**Faqaala Bismi Allahi Rahmani Rahim U'idhuka Bi Allahi al Ahadi Samad, Alladhii Lam Yalid Walam Yuulad**".

Haakadhaa. Bismi Allah.

Ndugu zangu tuna mashakili mengi sana. Lakini kwa kila mashakili ya Dunia, aliyeiumba Dunia, katupatia *solution*. Tatizo ni nini? Tatizo ni kwamba, tunapuuza maamrisha ya Mwenyezi Mungu.

NGUZO MUHIMU ILIYOSHAULIKA



Enyi waja wa Mwenyezi Mungu. Baada ya kumshukuru Mwenyezi Mungu Jalla wa 'Alaa. Kumtakia Rehma na Neema, Sala na Salamu. Mtume wa mwisho, Nabii Muhammad *Salallahu 'Alayhi Wa Salama*.

Nakuusieni katika kadhia nzima ya kumcha Mwenyezi Mungu, kama ambavyo nimetangulia kuiusia Nafsi yangu juu ya jambo hili adhiimu.

Na kisha leo tuzingatie nguzo muhimu sana katika maisha ya Mwanadamu. Ambayo kwa hakika imesahuliwa na inadharaurika. Mwanadamu anapozaliwa anakuwa na nguzo zake mbili, ambazo Mwenyezi Mungu amemchagulia kumpa. Nguzo hizi ni Baba na mama.

Leo hii, **Alal asaa Wal Asafish Shadiid**, Magazeti, ma TV, maredio huonyesha na kuandika namna gani Mtu fulani alimkana Baba yake kwa kuwa hakumtizama. Mwingine kamkataa mbele za Watu, kwa sababu kamtelekeza alivyokuwa mdogo.

Mwingine kataka kumuua, mwingine kamuua kabisa, kwa sababu ya mirathi. Mwingine kamtenga kwa sababu ya kugombana na mama yake.

Almuhimu ni kwamba, **Ash-shakwa**, malalamiko yamekuwa mengi juu ya Baba. Kana kwamba Baba, si Mtu muhimu katika maisha ya Mwanadamu. Naam. Hakuna

anayekataa kwamba Mama ni muhimu sana katika Maisha. Lakini bila Baba, kwa hakika, Mama hakuwa Mama bado.

Baba ni Nguzo; inapovunjika nguzo hii kijana atateseka Ulimwenguni. Baba ni ngao; ngao hii ikiharibika kijana ataharibikiwa. Baba ni kinga; kinga ikiharibika kijana ataathirika. Baba ni kila kitu katika Ulimwengu huu.

Mpaka wale ambao kwamba wana tabia ya kuchunguza na kuandika. Ambao ni Wazungu, kufuatilia juu ya familia. Wamefanya *statistics*, wakatazama na kugundua kwamba, Watoto wengi ambao wanalelewa na mzazi mmoja ambaye ni mama.

Kwa Kiingereza wanaitwa *Single parents*, ndio Watoto ambao kwamba wanakuwa ni majambazi, Watoto ambao kwamba wanaharibikiwa, Watoto ambao kwamba wanakufa mapema, Watoto ambao kwamba wanakuwa tatizo katika taifa lile husika.

Huu ni uchunguzi umefanyika katika nchi ya Uingereza. Wao wanachunguza, ina maana kwetu sisi hali kama hii itakuwa ni mbaya zaidi.

Baba, Ndugu zangu, ni Mtu ambaye kwamba kwa hakika ana umuhimu sana katika maisha ya Mwanadamu. Ndiyo maana kijana anapofiliwa na Baba yake. Mtu kama huyu huambiwa ni yatima. Na kuanzia muda ule anapata *special treatment* kwa Mwenyezi Mungu.

Mwenyezi Mungu *Subhaanahu wa Ta'ala* amemchagulia na kumuwekea hukumu maalumu Mtu ambaye kwamba Baba yake ameondoka. Siyo Mama, ni Baba. Yatima ni Mtu ambaye kwamba amefiliwa na Baba yake, na Mtu aliefiliwa na Mama yake hua anajulikana kama *Munqati*.

Angalia umuhimu wa Baba. Mwenyezi Mungu mwenyewe ameuona, akamwita Mtu kama huyu Yatima; na akamuwekea mambo maalumu.

Rasul Allah Salallahu A'alayhi wa Salama akasema ya kwamba, **"Anaa Wakaafilul Yatiimi Kahaatayni Fil Jannah"**, Mimi na Mtu ambaye anawalea Mayatima tutakuwa Peponi Jsirani kama vidole viwili.

Kwa kujua umuhimu wa Baba.

Lakini leo, Dunia imebadilika imekuwa kila unayemuona kajitahidi sana anaweka *status* katika simu yake, Mama yangu ndio kila kitu changu. Mama yangu ndio roho yangu, mapenzi ya kweli yako kwa mama, sijui kitu gani ni Mama, mama.

Hatukatai, labda pengine kwa sababu ya upungufu ambao wanafanya baadhi ya makhatibu na masheikh, wa kumzungumzia sana mama na kumuacha Baba.

Ni kweli, Mtume *Salallahu 'Alayhi Wa Salama*, ametaja alipomwambia Mtu aliyekuja kuuliza, nani nimfanyie wema? Akamwambia, **"Ummuka"**, mama yako, **"Thumma man?"**, kisha nani, **"Ummuka"**, mama yako, **"Thumma man?"**, kisha nani, **"Ummuka"**, mara tatu, kisha nani, **"Thumma Abuuka"**, hakumalizia **Ummuka** mara tatu, akasema basi, Hadith imekwisha, hapana. **Thumma Abuuka**, kisha ni Baba yako.

Kwa nini Baba akatwe? Watu wazingatie kwamba wewe leo kama ni kijana, iko Siku utakuwa Baba. Na hapo ndipo utapoona joto la ulimwengu na kujua hali halisi ya Dunia ilivyo. Na kama wewe ni Baba. Utambue kwamba una aliyekutangulia, ambaye ni Baba yako wewe vilevile. Namna ulivyoishi naye, ndivyo Watoto wako wataishi na wewe vilevile.

Mwenyezi Mungu Jalla wa 'Alaa, katika Suala la wazee wawili amewakusanya wote akasema kwamba:

﴿وَقَضَىٰ رَبُّكَ أَلَّا تَعْبُدُوا إِلَّا إِيَّاهُ وَبِالْوَالِدَيْنِ إِحْسَانًا إِمَّا يَبْلُغَنَّ عِنْدَكَ الْكِبَرَ أَحَدُهُمَا أَوْ كِلَاهُمَا فَلَا تَقُلْ لَهُمَا أُفٍّ وَلَا تَنْهَرْهُمَا وَقُلْ لَهُمَا قَوْلًا كَرِيمًا﴾

Waqadha Rabbuka Alla TaAAbudoo Illa Iyyahu Wabialwalidayni Ihsanan Imma Yablughanna AAindaka Alkibara Ahaduhuma Aw Kilahuma Fala Taqul Lahuma Uffin Wala Tanharhuma Waqul Lahuma Qawlan Kareeman(Al Isra 17:23)

Mwenyezi Mungu ameamua asiabudiwe ila Yeye tu. Na vilevile, **"Wabi Al Waalidayni Ihsanan"**, na Wazee wawili kuwafanyia wema, Wazee wawili kuwafanyia wema.

Qur-an nzima ukiiangalia na Hadith zote za Mtume *Salallahu 'Alayhi wa Salama*. Hakuna pahala palipoandikwa kwamba umtii Baba yako, Mwenyezi Mungu hakutumia neno *Taa-'a*, wala *Rasul Allah Salallahu 'Alayhi wa Salama* hakutumia neno *Taa-'a*.

Lakini katumia Neno Ihsnan...yaani Kufanya Mema kwa ubora wa hali ya juu zaidi kwa kadiri itakavyowezekana, lakini leo unakuta watu hawajali kabisa juu ya wazee wao na khasa Baba mtu hana habari naye kabisa. Amemtupa hamtazami hamuulizi na hamuangalii Baba yake. Anadhania kwamba, haya mambo anayoyafanya ndiyo yatamsaidia mbele ya Mwenyezi Mungu pasina kumtazama Baba yake.

Qur-an tukufu inatunukulia, inatueleza namna gani umuhimu wa Mama. Nabii Mussa A'alayhi salam alipotiwa katika ule Mto, Mwenyezi Mungu alimwambia mama yake nabii Mussa kama Qur-an inavyosema:

﴿وَأَوْحَيْنَا إِلَىٰ أُمِّ مُوسَىٰ أَنْ أَرْضِعِيهِ فَإِذَا خِفَتْ عَلَيْهِ فَأَلْقَاهُ فِي الْقِيَمِ وَلَا تَخَافِي وَلَا تَحْزَنِي إِنَّا رَادُّوهُ إِلَيْكَ وَجَاعِلُوهُ مِنَ الْمُرْسَلِينَ﴾

Waawhayna ila Ummi Moosa an ArdhiAAeehi Fa-idha Khifti AAalayhi Faalqeehi fee Alyammi Wala Takhafee wala Tahzanee Inna Raddoohu Ilayki WajaAAiloohu Mina al Mursaleena(Surat Al Qasa 28:07)

Mwenyezi Mungu kamwambia Mama yake Nabii Mussa, mtie katika Maji, hatozama, tutakurudishia.

Pamoja na haya. Mama huyu wa Nabii Mussa akashikwa na huzuni na wasiwasi na dhiki, mpaka akawa hatamani chochote katika ardhi, hatamani kula wala kulala.

Mwenyezi Mungu anasema

﴿وَأَصْبَحَ فُؤَادُ أُمِّ مُوسَىٰ فَارِغًا إِنْ كَادَتْ لَتُبْدِي بِهِ لَوْلَا أَنْ رَبَطْنَا عَلَىٰ قَلْبِهَا لِتَكُونَ مِنَ الْمُؤْمِنِينَ﴾

Waasbaha Fu-adu Ummi Moosa Farighan in Kadat Latubdee Bihi Lawla an Rabatna AAala Qalbiha Litakoona Mina Almu/mineena(Surat Al Qasas 28:10)

Kifua cha mama yake Nabii Mussa kikawa kitupu, hatamani chochote anaona dhiki tu.

Kumbuka huyu ni Mwanamke ambaye Mwenyezi Mungu kampelekea wahy, akamwambia mtie katika mto lakini, usikhofo, "**Wala Tahzanii**", wala usihuzunike. Kwa sababu ", tutamrudisha kwako tu.

Pamoja na ahadi hii ya Mwenyezi Mungu. Mama huyu akawa na huzuni kubwa sana. Ana wasiwasi, halali, hali, hachekei, ana wahka moja kwa moja.

Lakini, rudi kwa Yaqub Babake Nabii Yusuf. Yeye ambaye kwamba mwanawe alipotezwa, na akaambiwa kauwawa, nini kilimtokea?

Mwenyezi Mungu anahadithia ile huzuni ilikuwa kubwa sana mpaka ikapofua macho Kwa kusema:

﴿وَتَوَلَّى عَنْهُمْ وَقَالَ يَا أَسَفَا عَلَى يُونُسَ وَابْيَضَّتْ عَيْنَاهُ مِنَ الْحُزَنِ فَهُوَ
كَظِيمٍ﴾

***Watawalla AAanhum Waqala ya Asafa AAala Yoosufa Waibyaddat AAaynahu
Mina Alhuzni Fahuwa Kadheemun (Surat Yusuf 12:84)***

Yaani Akageukia (Nabii Yaqub) upande mwengine na akasema Ah! Huzuni yangu kubwa iko kwa Yusuf! na yakawa Meupe Macho Yake (Nabii Yaqub) Kutokana na Huzuni aliyokua ameigubika (Moyoni)

Linganisha sasa, uone ni nani aliyeathirika sana. Kwa mujibu wa Qur-an. Kati ya Baba na mama.

Angalia, Yaqub alipomkosa mwanawe na Yaqub hakuahidiwa na Mwenyezi Mungu kama atarudi, hapana. Lakini anakumbuka ndoto aliyoiota mwanawe kwamba atakuja kuwa Mtume na atakuwa mambo chungu nzima, atayapata makubwa.

Pamoja na haya. Alihuzunika kwa kulia mpaka akapofuka macho. Huyu ndiye Baba, ni namna gani anaumia.

Baba ni kiumbe ambaye kwamba, anatoka Nyumbani Alfajiri, anakwenda kutafuta riziki. Wewe hujui, anakwenda kule anakokwenda anaiba, ananyang'anya anadhulumu anachukua cha halali anachukua cha haramu. Nini muhimu? Wanangu wale, wanangu wasilale na njaa.

Baba kakufanyia wema wakati huna khabari na wala hujui Dunia. Sikwambii leo ushakuwa Mtu mzima, leo anakuwa mbaya Baba, unamuona hana maana?

Unaona mke wako ndiyo mwenzio kuliko Baba yako? Unachukua maneno ya kumfitini Baba yako kutoka kwa Mke wako? Unasahau namna gani alivyopata taabu alivyohangaika anatoka alfajiri mpaka anarudi Usiku wakati mwingine hawaoni wanawe, lakini anasema, wanangu wasilale na njaa. Ndugu zangu huyu ndiye Baba.

Mwenyezi Mungu Jalla wa 'Alaa alimsifu mama kama mwezi katika Surat Yusuf.

Katika Surat Yusuf, Nabii Yusuf alipoota ndoto

﴿إِذْ قَالَ يُوسُفُ لِأَبِيهِ يَا أَبَتِ إِنِّي رَأَيْتُ أَحَدَ عَشَرَ كَوْكَبًا وَالشَّمْسَ
وَالْقَمَرَ رَأَيْتُهُمْ لِي سَاجِدِينَ﴾

Idh Qala Yoosufu li-Abeehi ya Abati Innee Raaytu Ahada AAashara Kawkaban wa Alshshamsa wa Alqamara Raaytuhum lee sajideena(Surat Yusuf 12:04)

Mimi nimeota nyota 11 na Mwezi na Jua vinanisujudia.

Mwezi hapa, maana yake ni Mama. Lakini kumbuka, Baba ni Jua. Na mwezi wapata mwangaza kutoka kwa jua. Usimdharau Baba hata Siku moja, Baba ndiye chanzo cha kila kitu. Kila mmoja na ajiangalie namna gani anahangaika kwa kutafuta riziki kwa ajili ya Watoto wake Nyumbani.

Mtoto huyu leo anakuwa mkubwa anakuja kumtupa mzee wake.

Ni kweli Rasul Allah Salallahu A'alayhi wa Salama alimwambia mmoja katika Masahaba aliyekuja kutaka ruhusa ya kwenda katika vita akamwambia wazee wako wa hai? Akiitwa Muawiya, wazee wako wa hai? Akamwambia, naam, mama yangu yu hai.

Akamwambia, ***"Izam Qadamayhaa Fathammal Jannah"***, rudi, jihadi yako, nenda kamtumikie mama yako, chini ya miguu yake ndiyo kuna Pepo.

"Izam Qadamayhaa Fathammal Jannah". Hadith Sahih, ya Imam Abi Dardaa. Rudi kwa mama yako ukamtumikie, Pepo ipo katika nyayo zake.

Lakini kumbuka Rasul Allah Salallahu 'Alayhi wa Salama anasema katika Hadith nyingine ambayo ya Imam Tirmidhi, na Imam Ahmad bin Hanbal, na kadhalika Ibn Majah. Mtume Salallahu 'Alayhi Wa Salama, kasema, ***"Al Waaliduu Awsatwu Abwaab ul Jannah"***, Baba ndiye mlango wa katikati wa Peponi.

Si unataka kwenda Peponi? Baba ndiye mlango wa kati wa Peponi, Rasul Allah Salallahu 'Alayhi wa Salama kasema.

Maana yake wengi wanang'ang'ania Pepo ipo chini ya nyayo za mama. Haya mengine,ni kana kwamba hawayajui, au pengine hawafahamu, au pengine hawajapata kuelezwa. Ndugu yangu, *Rasul Allah Salallahu 'Alayhi wa Salama* kasema, Baba ndiye mlango wa katikati wa Peponi.

Haakadhaa. Hukuambiwa umdharau mama. Mama ana sehemu yake, ana *maqaamu* yake, ana makaani yake, na ana nafasi yake kubwa kwako, mara tatu. Lakini baada yake ni Baba.

Baba anadharauliwa, wanapotimu Watoto na mama yao. Mara nyingine eti kwa sababu yule Baba kaamua kuoa mke mwingine wa pili. Wewe mtoto imekuhusu nini kumhukumu Babako?

Matatizo makubwa yanakuwa, na khasa Watoto wa Kike. Wanashirikiana na mama yao katika kumpiga pande Baba. Kisa ni eti kaa Mke mwingine. Wewe sio hakimumu wa kumhukumu Baba yako.

Au wengine wanakuja kuingia katika ugomvi wa Baba na mama. Ugomvi ulitokea kabla yeye hajazaliwa, na sasa yeye anakuja kumpiga pande Baba.

Kisa eti kamtelekeza mama yangu, kafanya kadha wa kadha. Wewe si hakimumu, wewe ni Mtu ambaye kwamba Mwenyezi Mungu amekwambia mfanyie wema Baba yako. Ndiyo amri yake Mwenyezi Mungu kwako. Hakukuambia uje umhukumu Baba yako.

Mama ni madrasah, na Baba ndiye Mwalimu mkuu. Baba ndiye mwenye kutoa amri katika madrasah. Mama ni madrasah, lakini Baba ni Mwalimu mkuu.

Kama mama kakubeba miezi tisa tumboni mwake, basi Baba kakubeba maisha yake yote mgongoni kwake.

﴿يَخْرُجُ مِنْ بَيْنِ الصُّلْبِ وَالتَّرَائِبِ﴾

Yakhruju Min Bayni Alssulbi Waalttara-ibi(Surat Tariq 86:07) Haakadhaa.

Kama mama amekunyonyesha kifuni kwake miaka miwili na au chini ya hapo. Basi tambua kwamba, Baba amekubeba mgongoni kwake, na kadhalika maisha yote yuko pamoja na wewe.

Kama mama kakuleta Duniani, tambua kwamba Baba kakufundisha namna ya kuishi katika Dunia hii. Huyu ndiye Baba Ndugu zangu.

Basi mambo yote haya, ***"Hal Jazaaul Ihsaani Illal Ihsaan"***. Malipo yake ni kumfanyia nuksaani na kumfanyia kisirani? Hapana.

Rasul Allah Salallahu 'Alayhi wa Salama kasema, hakuna namna ya kumlipa Baba yako. Katika Hadith iliyokuja, *Rasul Allah Salallahu 'Alayhi wa Salama* kasema, ***"Laa yajzii Waladun Waalidahuu"***, hawezi Mtu kumlipa mzee wake, Baba yake alichomfanyia, ***"Illaa An Yajidahuu Mamluukan"***, isipokuwa amkute kijana yule, Baba yake ni mtumwa. ***"Fayashtayirahuu Fayu'tiqahu"***, amnunue na amwache huru.

Na sasa hakuna utumwa, kwa hivyo hakuna namna ya kumlipa Baba yako.

Katika Hadith ya al Imam Abu Shaibah al Bazzaar, wa Abuu Ya'la, Hadith ya Abuu Said Khudriyy ***Radhi Allahu 'Anhu, Ana Rasul Allah Salallahu 'Alayhi wa Salama***

kasema, **"Alwaladu Thamaratul Qalbi, Wainnahuu Majbanah Wamahzanah Wamadkhalah"**.

Wainnahuu Majbanah, Mahzanah, Madkhalah, haya ni maneno matatu. Hii ni Hadith Sahih. Ya kwamba, **"Alwaladu Thamaratul Qalbi"**, mtoto ni tunda katika Moyo wa Baba yake. **"Wainnahuu Majbanah"**, Na Mtoto anamtia mzee wake uoga.

Anapokuwa na Watoto. Mtu anakuwa na uoga. Isije nikafa ghafla Watoto wangu wana miaka miwili, ni nani atawatizama. Mtoto wangu huyu wa kike hajui mbele, hajui nyuma, itakuwa vipi, ana wasiwasi.

Na hii Mwenyezi Mungu ndivyo alivyosema hivi, katika Surat Nisaa Mwenyezi Mungu kasema hivi,

﴿وَلْيَخْشَ الَّذِينَ لَوْ تَرَكَوْا مِنْ خَلْفِهِمْ ذُرِّيَّةً ضِعْفًا خَافُوا عَلَيْهِمْ فَلْيَتَّقُوا اللَّهَ وَلْيَقُولُوا قَوْلًا سَدِيدًا﴾

"Wal Yakhsha Alladhiina Lau Taraku Min Khalfihim Dhurriyyatan Dhi'aafan Khafu 'alayhim, Falyattaqu Allaha Walyaquuluu Qawlan Sadiidaa".(Surat An Nisaa 4:9)

Wale wenye Watoto, wawe na wasiwasi. Dunia imeharibika. Watu hawatazamani, na Watu hawajuani. Kila mmoja anakwenda kama kaingia wazimu. Utaoacha Watoto wadogo, miaka miwili, mitatu, minne, mitano, hata 10 na 12. Wataishi vipi hawa? Ni nani atawatazama hawa? watakula nini ukiondoka ghafla?

Baba anakuwa na wasiwasi kama huu. Rasul Allah Salallahu 'Alayhi wa Salama kasema, **Majbanah**, anakuwa na uoga juu ya Watoto wake.

Pili, Mtume akasema, **"Wamahzanah"**, na mtoto anatia huzuni katika kifua cha Baba yake. Kama Siku hizi kuona kwamba mwanangu hajapata skuli iliyokuwa bora kama wengine. Mwanangu Sikumlipia *school fee* inayotakiwa, na mwanangu atafukuzwa skuli.

Anakuwa na huzuni fulani hivi katika maisha yake, kwa ajili ya mwanawe, alipokuwa anakuwa mdogo.

Na jambo la tatu Mtume swallallahu 'alayhi kasema, **"Madkhalah"**, Baba anakuwa bakhili anapokuwa na Watoto.

Ni kweli, Baba anajinyima ili wanawe wapate. Kama ni simu, atamnunulia mwanawe. Yeye atakuwa na kitochi. Kama ni kula, yeye ana khiari atakuja kula hapa Msikitini au

nje hapo kahawa na kashata, kishakunywa chai. Lakini mwanae Nyumbani kala. Hivi ndivyo inavyokuwa.

Basi Mtu kama huyu, anakwenda kufanyiwa mambo ambayo siyo ndiyo?

Katika Hadith ya Imam At Tabrani, *Fil Mu'jam Al Awswat*, Hadith ya Jabir bin Abdillahi *Radhi Allahu Anhu*, anasema, wakati wa Mtume Salallahu 'Alayhi Wa Salama, ilitokezea kesi moja kubwa sana. Kesi ambayo kwamba, alitoka kijana mmoja, wengine wanasema ni 'Aqtaab, akaenda kumshtaki Baba yake.

Kijana keshakuwa ni Mtu mzima. Anafanya Biashara zake mwenyewe. Pengine kama sasa, labda ana duka, kwa maana anafanya Biashara .

Baba masikini ya Mungu kaja pale akamsalimia, kisha akatia mkono katika kisanduku cha pesa, akachukua pesa na akaondoka zake.

Huyu kijana, jambo hili likamuuma sana. Akasikitika sana. Kwamba, haiwezekani pesa zangu Mimi nahangaika ninapata taabu. Usiku silali, napambana, halafu Baba anakuja kuchukua tu; Mimi Sikubali.

Kijana kaenda kumshtaki Baba yake kwa Mtume Salallahu 'Alayhi wa Salama. Kufika kwa Mtume wa Mwenyezi Mungu, kijana akasema, **"Yaa Rasuulallaah Inna Abii Akhadha Maalii"**, ewe Mtume wa Mwenyezi Mungu, Baba yangu kachukua mali yangu. Jambo hili, ina maana huyu kijana halikumridhisha.

Rasul Allah Salallahu 'Alayhi wa Salama akamwambia, naam, sasa nenda kamwite Baba wako, aje ili tujue kuna nini.

Kijana akatoka, na akaenda kumuita Baba yake. Baba unaitwa kwa Mtume wa Mwenyezi Mungu. Baba akataka kujua kuna nini kwa Mtume Salallahu 'Alayhi Wa Salama? Akamwambia nimeenda kumwambia kwamba, unachukua hela zangu, unachukua mali yangu.

Yule Baba akainama chini. Palepale akaanza kutembea taratibu anakwenda kwa Rasul Allah Salallahu 'Alayhi wa Salama kwenda kuhukumiwa kesi, kachukua pesa za mwanawe.

Akafika kwa Mtume wa Mwenyezi Mungu. Alipofika kule, Rasul Allah Salallahu 'Alayhi wa Salama akamwambia, **"Maa Baaluka"**, ewe mzee vipi Bwana?

Jabir Ibn Abdillahi *Radhi Allahu Anhu* aliyetoa Hadith hii anasema, yule Baba alipofika kwa Mtume Salallahu 'Alayhi wa Salama. Anaonekana ni Mtu ambaye kwamba taabani.

Nywele nyeupe, Mvi Nyeupe, Tahamaki na Ngozi imemshuka, kakaa kapinda mgongo. Mtu ambaye kwamba ni mzee, na anahitaji kusaidiwa.

Jabir anasifu hali ya yule mzee aliyokuwa nayo.

Basi Mtume akamuuliza, mzee vipi mbona umechukua mali ya kijana? Yule mzee akamwambia, yaa rasuulallaah, hebu muulize hicho nilichochukua Mimi nimepeleka wapi? Maana yake hata Mimi mwenyewe Sikula. Si kwamba nataka kula Mimi au kutumia. Muulize nimepeleka wapi?

Kijana akajibu, kampelekea Shangazi yangu. Mzee akasema unaona kazi hiyo? Mimi nimekwenda kumpa Mtu mwenye mahitaji, ni Mtu mwenye dhiki.

Palepale wakati anaendelea kujibu, kabla ya kujibu, Mwenyezi Mungu Jalla wa 'Alaa akamtuma Jibril kwa Bwana Mtume Salallahu 'Alayhi wa Salama. ***Min fauqi sab-i Samaawaati***, anatoka Mbingu ya saba, nenda kwa Muhammad kamwambie amuulize yule mzee alipokuwa anatoka Nyumbani kwake anakuja kumuona Mtume alipoitwa. Muulize alikuwa anafikiria nini, kuna kitu gani katika akili yake kilikuwa kinakwenda?

Alipofika pale, wakati *Rasul Allah Salallahu 'Alayhi wa Salama* anamuuliza, kabla hajajibu akamwambia lakini kwanza subiri. Hebu nieleze, ni kitu gani kilikuwa kinakwenda katika akili yako na fikra zako, wakati unakuja hapa?

Yule Bwana akasema, Mimi Siku zote nashuhudia kwamba wewe ni Mtume wa Mwenyezi Mungu. Lakini, sasa nina hakika zaidi kwamba wewe ni Mtume kweli.

Hii ni kwa sababu, nilivyokuwa nakuja huku, kuna mashairi nilikuwa ninayasoma kimoyomoyo. Maneno ambayo kwamba hata masikio yangu hayakusikia, *Rasul Allah Salallahu A'alayhi wa Salama* unayajua? ***Ash-hadu Annaka Rasulu Allaah***, akamwambia.

Nilipokuwa nakuja huku, maneno niliyokuwa nayasema kwa Nafsi yangu mwenyewe. Hata masikio yangu hayakusikia, leo Mtume umeyajua. Ninashuhudia kwamba wewe ni Mtume wa Mwenyezi Mungu.

Waislamu sikilizeni kwa makini maneno aliyokuwa akiyasema mzee yule. Alikuwa akisema hivi: ***"Ghadhautuka Mawluudan wa-'iltuka Yaafi'aa, Tu'annu Bima Udnii ilayka watanhaluhu, idhaa Laylatun Dhaafatka bissuqmi lam abit Lisuqmika, illaa Saahiran Atamal Maluu, Ka-annii anal Matruuku Duunaka Billadhii Turidta Bihii Duunii Fa-'aynaaya Tahmuluhu, Falammaa balaghtas sinna, wal Ghaayatallatii ilayhaa madaa, maa Kuntu Fiika A'umaluu, Ja-'alta Jazaaii Ghiidhwatan Wafadhwaaghatan, Ka Annaka Anta Al Mun-'imul***

Mutafadh Dhwiun, Fawalaytaka idh Lam Tar-'aa Harqa Ubuwwatii, Fa-'altaka Mal Jaaruu Al Munaasiqū yaf-'Aalu, fa Awlaytanii Harqal Jiwaarii walam Takun 'alayya Bimaalin Duuna Maalika Tabkhaluu.

Nini maana ya maneno haya?

Mzee alikuwa anafikiria, alipoambiwa unaitwa na Mtume Salallahu 'Alayhi wa Salama. Umeshitakiwa na mwanao. Maana yake ni hivi. *Ghadhautuka mawluudan*, ewe mwanangu wewe, nimekuzaa na kukulisha ulipokuwa mdogo, *mawluudan*, umezaliwa.

Wa-'iltuka yaafi'aa, na ulikuwa kijana mdogo. ***Tu'annu Bimaa Udnii Ilayka Watanhaluhu idhaa Laylatun Dhwaafatka***, Usiku unapointia, *bissuqmi*, ukawa unaumwa wewe, *lam abit lisuqmika*, Mimi silali kwa kuumwa kwako.

Illaa Saahiran Atamal Maluu, nakuwa ninakesha kucha nzima nasinzia hivi na hivi kwa sababu mwanangu unaumwa. Unaweza ukatapika, nikataka kuzoa matapishi; mara nataka kukupa dawa saa nane za Usiku, mara nataka labda ukapigwe sindano, mara niku sponge, Mimi kucha ndio ninakesha, kwa sababu wewe unaumwa mwanangu.

Ka-annii Anal Matruuku Duunaka Bi Alladhii, kana kwamba Mimi ndio ninaumwa na sio wewe. Kama Mimi ndiye niliyepigwa na maradhi.

Duunaka Billadhii Turidta Bihii Duunii Fa-'aynaaya Tahmuluhu, Falammaa Balaghtas Sinna Wa Al Ghaayah, Mwanangu ulipokuwa mkubwa ukafika, ***Al Ghaayatallatii Ilayhaa Madaa Maa Kuntu Fiika Uumaluu***, ukafika kimo ambacho Mimi nakutarajia ufike ili unisaidie.

Ja-'alta Jazaaii, sasa unafanya malipo yangu Mimi, ***Ghiidhwatan***, ugumu, ***Wafadhaaghatan***, na ukatili na uchoyo. ***Ka Annaka Antal Mun-'imul Mutafadh Dhiun***, kama wewe ndiye mwenye kutoa riziki.

Ewe mwanangu wewe, nilitarajia baada ya kupata akili, ukaweza kufika katika umri huu ndio utakuwa wa kunisaidia. Umegeuka kinyume chake, umekuwa na moyo mgumu namna hii.

Akasema yule Bwana, ***Falaytaka Idh Lam Tar-'aa Harqa Ubuwwatii***, basi Mwanangu, kama umeshindwa kuchunga haki za Ubaba nilizokuwa nazo Mimi kwako wewe. ***Fa'altaka Kamaa Fa'alal Jaaruu Al Munaaswiqū***, basi ungefanya kama Jirani, ungenifanya Mimi kama jirani yako tu.

Na Rasul Allah Salallahu 'Alayhi wa Salama kasema kwamba jirani atazamwe; ***"Laa Yu-uminuu"***, hana imani, hajaamini, ***"Man Baata Shab-'aan"***, atakayelala kashiba na jirani yake ana njaa.

Basi umeshindwa kuniheshimu kama Baba na kunisaidia. Ugenifanya kama jirani ukanisaidia. Lakini mwanangu umefika kunishtaki kwa kitu nilichokichukua kwa kuwapa Mashangazi zako; na Sikula Mimi. Jambo hili likamuuma sana.

Tahamaki *Rasul Allah Salallahu 'Alayhi wa Salama* analia kwa maneno yale. Rasul Allah Salallahu 'Alayhi wa Salama akalia sana mpaka ndevu zake zikarowa Machozi yake.

Rasul Allah Salallahu 'Alayhi wa Salama baada ya kufuta machozi akageuka akamwambia yule kijana, **"Ewe kijana, Anta Wa Maaluka Liabiik"**, nasema hivi Mimi Mtume wa Mwenyezi Mungu, wewe na mali yako, nyote ni mali ya Baba yako.

Pumbavu – hajasema hivi lakini huu ni mfano wake tu – huna adabu Mtoto; wewe na mali yako, nyote ni mali ya Baba yako.

Maneno haya kidogo tuyaseme kwa kuyaweka wazi, **"Anta wa Maaluka Liabiik"**, sio kwamba tena Baba aende kila Siku dukani kwa Mwanawe akachukue pesa. Kwa sababu Mtume kasema hivyo, Baba anatia mkono, anaondoka na laki mbili, hapana, siyo namna hiyo.

Katika Hadith nyingine *Rasul Allah Salallahu 'Alayhi wa Salama* kasema, **"Idhah Taaja"**, ikiwa yule Baba ana mahitaji.

Imam Shafii na Imam Hanafi wakasema vilevile, ikiwa yule Baba ana mahitaji, tena atachukua kiasi cha kumtosha, tena achukue yeye.

Maana kuna wazee wengine ana Watoto wanne, watano, mtoto wake mwingine anakaa maskani, pengine anavuta masigara, na pengine hataki kazi. Yeye kazi ni kulala tu. Kazi ni kutazama TV tu. Kazi kuhangaika kushusha Suruali, halafu anachukua mali ya mkubwa anampa mdogo. Hii ni haramu.

Rasul Allah Salallahu 'Alayhi wa Salama hakusema, wewe ni Mali ya Ndugu zako, hapana. Kasema, mali ya Baba yako. Baba achukue lakini atumie yeye.

Huyu Ndugu zangu ndiye Baba, na hivi ndivyo ambavyo Mwenyezi Mungu amemuelezea katika Qur-an.

Mtu angekuwa anajua Cheo na utukufu wa Baba. Basi wallaahi, angelimfatafata nyuma katika kila pahala, pale alipokanyaga, akachukua ule Mchanga, na akaubusu Mchanga aliokanyaga Baba yake. Hii ni kama Mtu angekuwa anajua fadhila za Baba yake.

Naam, Kama ungekuwa unajua fadhila za Baba yako, usingekwenda kumbusu tu, ungechukua mpaka mchanga ule ambao yeye kaukanyaga, na ukaubusu.

Naam. Baba ni binadamu; wakati mwingine anataksiri zake, ana upungufu. Yeye ni binadamu, siyo Malaika. Lakini usichukue upungufu wake, na ukamnyima haki zake, hapana kabisa. Mfano mzuri ni ambao Mwenyezi Mungu anatupa katika kisa cha Nabii Ibrahim.

Nabii Ibrahim alilelewa na kukuzwa na ami yake. Lakini kwa kujua umuhimu na fadhila za Baba. Mpaka dakika ya mwisho, anamtaka Baba yake ili asilimu.

Rudi katika Surat Maryam, Mwenyezi Mungu anatumadithia,

﴿إِذْ قَالَ لِأَبِيهِ يَا أَبَتِ لِمَ تَعْبُدُ مَا لَا يَسْمَعُ وَلَا يُبْصِرُ وَلَا يُغْنِي عَنْكَ شَيْئًا﴾

Ith qala li-abeehi ya abati lima taAbudu ma la yasmaAAu wala yubsiru wala yughnee (Surat Maryam 19:42)

"Yaa Abatii", ewe Baba yangu, **"Lima Ta'budu Malaa Yasma'u Walaa Yubsiru Walaa Yughnii 'Anka Shay-aa"**, ewe Baba yangu wewe, kwanini unaabudu kitu ambacho kwamba hakikusikii, hakikuoni, na hakikufanyi chochote.

Akamwambia,

﴿يَا أَبَتِ إِنِّي قَدْ جَاءَنِي مِنَ الْعِلْمِ مَا لَمْ يَأْتِكَ فَاتَّبِعْنِي أَهْدِكَ صِرَاطًا سَوِيًّا﴾ يَا أَبَتِ لَا تَعْبُدِ الشَّيْطَانَ إِنَّ الشَّيْطَانَ كَانَ لِلرَّحْمَنِ عَصِيًّا ﴿يَا أَبَتِ إِنِّي أَخَافُ أَنْ يَمَسَّكَ عَذَابٌ مِنَ الرَّحْمَنِ فَتَكُونَ لِلشَّيْطَانِ وَلِيًّا﴾

"Yaa Abati Innii qad jaa-anii minal 'ilmi maa lam ya-tik, fattabi-'inii ahdika swiraatan Sawiyyaa. Yaa abati Laa Ta'budish Shaytaan, inna Shaytaana kaana Lirraumaani 'Asiyyaay. Yaa abati innii Akhaafu an yamassaka 'adhaabun minar Rahmaani, Fatakuuna li Shaytaani Waliyyaa". (Surat Maryam 19:43-45)

Angalia, **Yaa Abatii**, ewe Baba yangu mpenzi. Subhaanallaah. Baba hapa ni Kafiri, anaabudu Masanamu tena kiongozi katika ukafiri. Lakini, MaashaAllah, Nabii Ibrahim anasema, **Yaa Abatii**, ewe Baba yangu mpenzi, usifanye hili utaangamia, Mimi nimepata elimu ya kukusaidia. Baba nina wasiwasi utakuja ingizwa Motoni.

Na alipokataa, mwisho alimwambia,

﴿ قَالَ سَلَامٌ عَلَيْكَ سَأَسْتَغْفِرُ لَكَ رَبِّي إِنَّهُ كَانَ بِي حَفِيًّا ﴾

Qala salamun AAalayka saastaghfiru laka rabbee innahu kana bee hafiyyan
(Surat Maryam 19:47)

Baba, Mwenyezi Mungu akupe amani, nitakuombea Dua.

Huyu ni Baba kafiri, mshirikina. *Kayfa* Baba yangu Mimi na wewe Muislamu.

Nini malipo yake? Nabii Ibrahim malipo yake alikuja kutiwa na mwanawe katika pahala ambapo kwamba kila mmoja angemkataa Babake.

Katika sisi, kila mmoja kuna pahala angemkataa Baba yake. Anapomwambia mwanangu nimeambiwa nikUchinje. Kila Mtu angesema mzee una wazimu wewe, hakuna kitu kama hicho, mzee kachanganyikiwa.

Lakini mwanawe Ismail akamjibu,

﴿ يَا أَبَتِ افْعَلْ مَا تُؤْمَرُ سَتَجِدُنِي إِنْ شَاءَ اللَّهُ مِنَ الصَّابِرِينَ ﴾

"Yaa Abatif-'al Maa Tu-mar, Satajidunii In-shaa Allah u Mina Saabiriin",
(Surat As Saffat 37:102)

Ewe Baba yangu wewe, fanya ulivyoamrisha, Mimi nitakua ni Miongoni mwa wenye kusubiri Baba yangu.

Tunajifundisha nini hapa? Kwamba, utakavyomtunza Baba yako leo. Hakikisha na wewe utapokuwa Mtu mzima utakuja kupata wa kukutunza katika Watoto wako, hichi ndicho tunachofundishwa hapa.

Ukitoka hapa leo, kamtafute Baba yako ufanye kitu kikubwa juu yake. Hakikisha, wallaahi nakuapia, wanao watakuja kukulipa. Rasul Allah Salallahu 'Alayhi wa Salama kasema katika mambo ambayo Mwenyezi Mungu analipa hapa hapa Duniani, anaanza kulipa kabla ya akhera; jambo la kwanza ni kuwatendea wema wazee wawili au kuWatupa.

Na mfano ni huu. Na kama kafa muombea Dua. Na tambua kwamba kama utakavyofanya, ***Kamaa Tadiinu Tudaanu.***

Mtu mmoja alifuatana na mwanawe anakwenda kwa Baba yake kumtazama. Baba yake ni Mtu mzima. Kampeleka katika kituo cha kulelewa wazee, kampeleka huko ili alelewe. Sasa kila wikiendi anakwenda kumuangalia.

Anafika pale mwanawe ni mdogo tu hivi, ana miaka labda minane mpaka kumi. Kamtazama babu yake, kisha wanaondoka. Yule kijana akawa anamwambia Baba yake. Baba ukiwa Mtu mzima nawe. Nami nitakuleta hapa hapa.

Baba akashtuka, wewe utanileta Mimi hapa? Akamwambia ndiyo, nitakuleta hapa. Kwani nini? Sasa si wewe umemleta Baba yako hapa. Inamaanisha jambo hili ni zuri kufanya, na Mimi nitafanya hivi hivi.

Kijana maskini anasema kwa hisia. Si kama kakusudia kumtusi Babake, hapana. Unaambiwa vitendo vyako vinamfundisha sana mwanao, kuliko maneno yako. Keshamfundisha pale kwamba, Mtu akiwa ni Mtu mzima apelekwe Nyumba ya wazee.

Ndugu zangu, na utaratibu huu, sio Uislamu. Mwenyezi Mungu Jalla wa 'Alaa aliposema khabari ya wazee katika Qur'an kua,

﴿وَقَضَىٰ رَبُّكَ أَلَّا تَعْبُدُوا إِلَّا إِيَّاهُ وَبِالْوَالِدَيْنِ إِحْسَانًا إِمَّا يَبْلُغَنَّ عِندَكَ
الْكِبَرَ أَحَدُهُمَا أَوْ كِلَاهُمَا فَلَا تَقُلْ لَهُمَا أُفٍّ وَلَا تَنْهَرْهُمَا وَقُلْ لَهُمَا قَوْلًا
كَرِيمًا ﴿٢٣﴾ وَأَخْفِضْ لَهُمَا جَنَاحَ الذُّلِّ مِنَ الرَّحْمَةِ وَقُلْ رَبِّ ارْحَمْهُمَا كَمَا
رَبَّيْنِي صَغِيرًا﴾

Waqadhaa rabbuka allaa ta'buduu illaa iyyaahu wabil waalidayni ihsaanaa, immaa yablughanna 'indakal kibara ahaduhumaa au kilaahumaa, falaa taqul lahumaa uffin walaa tanharhumaa, waqul lahumaa qawlan kariimaa. Wakhfidh lahumaa janaahadh dhulli minar rahmah waqur rabbirhamhumaa kamaa rabbayaanii saghiiraa".(Al Isra 17:23-24)

Subhaanallaah.

Wakiwa wazee Watu wawili, wakiwa ni Watu wazima, lakini wakiwa Nyumbani kwako. Mwenyezi Mungu anasema: *'indaka*, wakiwa Nyumbani kwako. Siyo Nyumbani kwa kulelewa wazee. Au sio kama tunavyofanya wengi wetu sisi. Mtu yuko Dar es Salam, na Baba yake yuko kijijini kwao.

Sasa ndiyo anakwenda kumtizama mara moja kwa miezi mitatu au sita, anajiona kamfanyia wema, siyo hivyo. Mwenyezi Mungu anasema: ***"Imma yablughanna 'indakal kibara"***, akiwa Mtu mzima kwako Nyumbani kwako.

Ukitoka Baba, ukirudi Baba, kama vile ulivyokuwa mdogo vile. Ukimuita Baba Baba na hapa vilevile. ***'Indaka***, Nyumbani kwako, usimuache Mtwara, Pemba na Unguja

ukamtumia Pesa. Mzee mwisho wa mwezi huo, nakutumia poka. Atasema ahsante, hana la kufanya.

Lakini fadhili za kweli kweli khasa, ni wewe ukae naye.

Ndugu Waislamu, haya ni maneno nimeona niyaseme kwa Kiarabu kwa sababu ndiyo yana ladha yake halisi.

Baba, ndiyo mpenzi wa kwanza wa kila mtoto wa kike. Na Baba ndio *starring*, shujaa wa kwanza wa kila mtoto wa kiume. Kila mtoto anasema nikiwa mkubwa nitataka kukaa kama Baba yangu. Hivi ndivyo ilivyokuwa Baba.

Tumboni kwake, ukuta unakuja, mvua kubwa, ukuta akauona unaanguka anauona ukuta ule unaanguka, Nyumba za zamani hizi, yule mzee akaruka kuwakinga Watoto wake. Ule ukuta ukaja kuangukia juu yake mgongoni, na ukuta ulikuwa wa mawe. Ukamgonga gonga na ukamchuna chuna mgongo. Akaumia kiasi, lakini Watoto wamesitirika.

Watoto wakawa wakubwa baada ya muda, Watoto washakuwa wakubwa. Kijana yule wa kiume akaoa. Baada ya mwaka mmoja wa kike naye akaolewa. Baada ya kuoa na kuolewa Watu wawili hawa; Mzee yule akaanza kuumwa.

Akaumwa taabani, na akapelekwa India katika miaka ya 2,000. Ilikuwa ni India, Akatazamwa na akaambiwa figo zimefeli. Anatakiwa abadilishwe figo huyu mtu. Ikapigwa simu kwa Mwanawe wa Kiume wa kwanza akaulizwa. Akasema, **Hattaa Astashiiru Zawjati**, siwezi kwenda kutoa figo mpaka nimshauri mke wangu kwanza.

Subhaanallaah.

Haya, akamshauri Mkewe, ambaye akamwambia, *'Mume wangu tungali kwanza tuna mtoto mmoja, ukitoa figo ikibakia moja Siku hizi kuna maradhi utakuja kufa haraka'*. Kijana yule akamwambia Baba yake, Mzee naomba unisamehe na hivi na hivi, akakataa.

Ikapigwa simu kwa mtoto wa kike. Baba yako anaumwa, hali iko hivi, na anahitaji figo. Mtoto wa kike naye akasema **Hattaa Astashiiru Zawjii...**

Anasubiri **Malakul Mawt** aje atoe roho yake, hakuna wa kumsaidia. Si mtoto wa kiume, wala wa kike, wala yeyote mwingine. Kila mmoja *akatanaaza*, Mimi kadha, na Mimi kadha, nimshauri fulani.

Kasahau kwamba huyu mzee ndiye ambaye alihangaika kuwatafutia Watoto wake, hakuwa na Mtu wa kumshauri. Aliruka katika kuwasitiri Watoto wake, hakutafuta

ushauri kwamba labda Mimi nitakufa. Labda nitagongwa nitavunjika mgongo, labda, hakuna hakuna wa kumshauri.

Na hii ndiyo hali yetu sote Ndugu zangu tuliyokuwa nao. Unapotaka Watoto wako kuwasitiri humshauri mtu, unajitosa Mia juu ya Mia. Kwa ajili ya Mwanangu, hapana, lazima itakuwa hivi.

Na leo mzee amelala katika kitanda anahitaji Figo, Watoto watatu wote kila mmoja anasema hapana, hapana, hapana.

Ndugu zangu, nimalize kwa Hadith Sahih ya *Mtume Salallahu Alayhi wa Salam* anasema, **"Raghima Anfu Rajulin"**, ameamamia, amepotea Mtu ambaye kwamba, **"Adraka Waalidayhi"**, amewapata hai wazee wake wawili au mmoja wapo Mtume kasema, kisha asiingie Peponi kwa ajili yao.

Kwa namna hii, huyu atakwenda Peponi huyu? Aslan abadan hendi. Na aswali, afunge, afanye kila kitu, lakini amri ya pili Mwenyezi Mungu kasema baada ya kumwabudu Yeye, ni kutiwa wazee wawili.

Wengi tunamsahau Baba, na tambua kwamba leo hii ukimkumbuka Baba yako. Na hata kama kafariki, Mwenyezi Mungu kaashiria **"Waqur Rabbirhamhumaa kamaa Rabbayaanii saghiiraa"**, warehemu wazee wangu.

Na *Rasul Allah Salallahu 'Alayhi wa Salama* kasema, Subhaanallaah, muda hautoshi; lakini *In-shaa Allah*, baada ya Salah hapa nitakuja toa kisa kingine kama hiki. Ili kuonyesha namna gani jambo hili lilivyokuwa kubwa mbele ya Mtume *Salallahu 'Alayhi Wa Salama*, na mbele ya Masahaba.

MAMBO MATATU YATAKAYOKUPA FURAHA KATIKA MAISHA YAKO



Ndugu Waislamu, baada ya kumshukuru Mwenyezi Mungu Jalla wa 'Alaa. Kumtakia Rehma na Neema. Sala na Salamu. Mtume wa mwisho. Nabii Muhammad Salallahu 'Alayhi Wa Salama.

Nakuusieni katika kadhia nzima ya kumcha Mwenyezi Mungu, kama ambavyo nimetangulia kuiusia Nafsi yangu juu ya jambo hili adhiimu.

Kisha leo Khutbah yetu ni kuzingatia mambo gani ambayo Rasul Allah Salallahu A'alayhi wa Salama ametueleza ya kumfanya kila mmoja katika sisi roho yake, *irtaah*, roho yake istarehe, roho yake itulie.

Sote tumekengeuka, Dunia inatupeleka mashariki magharibi, Asubuhi, jioni, mchana na Usiku mbio kila saa. Tunakusanya na kukusanya, mpaka tunatoka roho bado Nafsi haijaridhika.

Kama Allah alivyosema:

﴿الْهَٰكُمُ التَّكَاثُرُ ﴿١﴾ حَتَّىٰ زُرْتُمُ الْمَقَابِرَ﴾

"Alhaakumut Takaadhur. Hatta Zurtumul Maqaabir", (Surat Takathur 102:01)

kumekushikeni wingi sana kukusanya. **Attakaathur, Al-Ikthaaru Fii kulli Shay-in. Fil Maal, wal Awlaadi, Wazzaujaati.** Wingi wa kila kitu, tunakusanya tu.

Imekuwa ni Watu ambao hatutosheki katika Dunia hii. Na mwingine akasema Mwanadamu hakuna cha kumtoshia isipokuwa mchanga atakapokutiliwa juu yake atakapokuwa katika mwana wa ndani, hapo ndipo atakapotosheka.

Lakini sisi ni Waislamu. Tuna Manhaj, tuna Kitabu, na tuna Mtume. Mwenyezi Mungu ametutumia Mtume huyu ili kutufundisha. Ametueleza Rasul Allah Salallahu A'alayhi wa Salama katika maneno yake ya busara, Hadith ambayo inapatikana katika Sahih nyingi.

Hadith hii Rasul Allah Salallahu 'Alayhi wa Salama anaeleza nguzo za furaha, yaani wewe kama Muislamu wa kweli msikilize Mtume anakwambia nguzo za furaha. Haya mambo ukiwa nayo tena, wewe lala na ukorome. Nguzo ni tatu Mtume kasema.

Rasul Allah Salallahu 'Alayhi wa Salama akasema, **"Man Asbaha Minkum Aaminan fii Sirdihii, Mu'aafan Fii Jasadihii, 'Indahuu Qutu Yawmihii"**, mambo matatu, yeyote miongoni mwenu atakayeamka Asubuhi hali ya kuwa, **"Aaminan Fii Sirdihii"**, Mtaani kwake pana amani.

Hakuna maandamano, hakuna Vurugu, Mjini kwake kuna utulivu, hakuna vurugu, hakuna Mpige Mpige, hakuna Mshike Mshike, hakuna chinja chinja, hakuna kula kula, nchi yake ina amani, hakuna Vita.

"Man asbaha Minkum Aaminan Fii Sirdihii", yule ambaye kwamba ataamka hali ya kuwa kaaminika katika mtaa wake, nchi yake, na eneo lake.

Jambo la kwanza ni amani. Amani katika mji wako, amani katika Nyumba yako, amani katika mtaa wako, na amani katika nchi yako nzima. Jambo la kwanza ukilipata ni hili. Hii ni moja katika nguzo ya ufalme wa Dunia.

Pili, Rasul Allah Salallahu 'Alayhi wa Salama akasema: **"Mu'aafan Fii Jasadihii"**, hali ya kuwa kiwiliwili chake kizima. Kaamka Asubuhi, hakulala kwa vidonge, wala hakuamka kwa sindano.

Kaamka mzima kabisa, kanywa chai hakufanya kichefuchefu, na wala hakutapika. Kala kashiba na katoka kaenda kazini. Huyu ni mzima. Hii ni nguzo ya pili. Nguzo ya kwanza ni amani. Nguzo ya pili ni uzima wa kiwiliwili.

Rasul Allah Salallahu 'Alayhi wa Salama akasema katika nguzo ya tatu: **"Indahuu Quutu Yawmihii"**, ana chakula cha kukila Siku moja. **Sma' Kalaamu Rasuuli, w Sallu 'Alan Nabiyy.**

Ana chakula cha kukila Siku moja, sisi tuna mafriji na mafriza. Tuna vyakula vya kuvila wiki nzima, bali mwezi mzima. Aliyekuwa na kidogo, basi Siku tatu, huyo ndiyo ana kidogo.

Kuna akiba ya samaki, kuna akiba ya nyama, kuna Mboga zimewekwa pembeni, kuna ndizi zimekuwa pahala fulani. Kuna kila kitu cha kuweza ku *survive* Mtu Siku tatu nne mpaka wiki nzima, wengine na kuendelea.

Mtume Salallahu 'Alayhi wa Salama; haya hakuyasema, hii ni ziada. Mtume anakwambia: **"Lahuu Quutu yawmihii"**, ana chakula cha kukila Siku yake hiyo moja.

Basi Mtu akiwa katika hali kama hii. **"Faka Annamaa Hiizat Lahuu ad Dun-yaa Bihadha afiirihaa"**, Mtu kama huyu, ni kama Mtu ambaye kasukumwa, kapewa na Mwenyezi Mungu Dunia nzima na mapambo yake yote yaliyomo.

Laa ilaha illa Allahu.

Mwenye amani anakuja Msikitini na anarudi. Mwenye afya anainama, anainuka na anasali. Ana chakula, akitoka hapa anajua anakwenda kula, pesa anazo na au chakula kipo.

Rasul Allah Salallahu A'alayhi wa Salama anasema, huyu kapewa ufalme wa Dunia hii. Anatakiwa roho yake iwe **Tuuma-aninaani** kabisa, iwe imetulia, kwa sababu yale yote yaliyokuwa baada ya hapa ni ziada, ambayo Siku ya Qiyamah utakuja kuulizwa.

Chako ni kile ulichokula, ukavaa na ukakitumia, kikamalizika, ndicho chako. Chochote kilichobakia ni ziada. Ambacho Siku ya Qiyamah itakuwa ni masala makubwa mbele ya Mwenyezi Mungu.

(ثُمَّ لَتُسْأَلُنَّ يَوْمَئِذٍ عَنِ النَّعِيمِ)

"Thumma Latus-alunna Yawmaidhin AA'anin Na'iim".

Hadith hii ameipokea Imam Tirmidhi katika namba 2,346. Kadhalika hivyo katika Sahihil Jaami'i namba 6,042. Kadhalika katika Al-Jaami-'is Swaghiir ya Albaaniy namba 8,036. Ni Hadith ambayo haina shaka ndani yake, kwamba tunahangaika Duniani kwa mambo mengi yatupeleka mbio kumbe mambo yanayotakiwa ni mepesi mno, mambo matatu tu. Ukiyapata haya ushasalimika na Dunia na yote yaliyokuwemo, lala ukorome.

Alyawm, Yuumuk, Bukrah 'Aala Allaah, leo ni yako wewe, umeshalala vizuri, umeshinda vizuri, umeswali, ni mzima. Ndugu zangu, kuna Watu wako Hospitali wanalala kwa vidonge. Kuna wengine wanaamka kwa kushituliwa, kwa kupigwa jeki, yaani kwa sindano.

Bali kuna mwingine, unamkuta kakaa kitako, Mguu umetundikwa juu kama Bwana mkubwa, bwanyenye fulani hivi, Mguu umenyanyuka juu. Siyo furaha ile, ule Mguu maana yake umevunjwa na umetiwa chuma pale, umening'inizwa vile, umetundikwa.

Mwingine yuko katika chumba cha ICU Watu wanaulizana vipi leo kafungua macho, angalau kageuza sura hivi? Mwingine yuko katika theatre, mwingine muda huu yuko katika mabao ya Hospitali ana mafaili amekaa nayo mkononi anasubiri zamu yake, aende kwa daktari ili ikasomwe X-ray yake. Sisi tuko Msikitini , wewe ni mzima huna wasiwasi wowote.

Mwingine saa hii kalazwa, anatiwa katika MRI, mashine ya kuchunguza mwili wake, wapi kuna tatizo, mbona anaumwa sana huyu. Kila Siku analalamika anaumwa, na hajajua kuna tatizo gani. Keshalipa laki tano na kitu, anatiwa katika MRI saa hizi. Wewe uko Msikitini.

Mwingine ana kila kitu Dunia hii, ana pesa za kuweza kununua majumba kadha wa kadha. Ana pesa za kuweza kulisha Watu mpaka mia moja, lakini Mwenyezi Mungu kampa maradhi; sasa daktari anamwambia asiguse sukari kabisa, kwa hivyo ndizi mbivu kwake yeye hawezi kula tena, kalimati kwake haramu, muwa kwake hawezi kula tena, mambo yote ya sukari kwake anaambiwa asiguse kabisa. Pamoja na mapesa yake yote hawezi kula.

Wewe Ndugu yangu ukitoka nje hapo, unapiga juisi ya Miwa, tena unamwambia hasa, nichanganyie na Limao, tia na Tangawizi. Unakunywa na unakwenda Mbweu, huna wasiwasi wowote. Ndugu yangu hiyo ni neema, Siku ya Qiyamah utaulizwa.

Na katika neema ya kwanza ambazo Rasul Allah Salallahu 'Alayhi wa Salama kasema Mtu ataulizwa ni, **"Alam Nuswahhih Laka Badana"**, hatujakupa kiwiliwili chenye Siha? Mtu atajibu: 'ah nilikuwa nacho, lakini mambo yalikuwa mengi'.

Mambo ni matatu. Tunashika moja tu leo. Siha ya kiwiliwili ni neema ambayo kwamba wengi wanayo, lakini hawaioni. Ndiyo Mtume akasema katika Hadith Sahih: **"Ni'mataani Maqbuuhun Fiihimaa Kathiirun Mina Nnas"**, kuna neema mbili Watu wengi wanazo, lakini hawazioni.

Hawahisi kama wana neema. Wanaona ni kama kawaida tu.

Mtume akasema, **"As-Sihhah wa Al Faragha"**, la kwanza kabisa ni Siha. Mtu kuwa ni mzima. Kuwa yeye anaweza akaingia hoteli na akaagiza supu, akasema nitilie serwa. Hajaambiwa usile mafuta, hajaambiwa usile nyama, na wala hajaambiwa usile chumvi.

Kuna mwingine anaitamani ile, lakini hawezi kula, kwa sababu ina chumvi, hawezi kula. Kuna mwingine anaitamani ile, lakini kaambiwa wewe una *cholesterol*, usiguse kabisa mambo ya nyama, hawezi kula nyama, na hawezi kula mafuta kabisa kabisa.

Siha ni neema kubwa sana. Wanasema Waarabu, **As-Sihhatun Taajun fii Ruusi As-Sihhaau. Laa Yaraahu illaal Mardhaa**. Siha ni taji, kama taji la kifalme, limo katika kichwa cha yule mwenye afya. Hakuna anayeona taji lile isipokuwa ni Mtu aliyeumwa.

Aliyekwisha kupigwa sasa, Macho hayaoni vizuri sasa, anataka aangalie mbele haoni, anasema niletee Miwani yangu, huyu sasa ndio anajua umuhimu wa Macho.

Mwingine anataka kukaa hawezi mpaka ashike ukuta, huku analalamika kwa maumivu, utafikiri kafinywa. Yote hiyo ni kwa sababu anataka kukaa. Yule sasa keshapunguzwa kitu kongo, na ndiye ayejua thamani ya siha.

Mwingine kanyang'anywa ladha ya Chakula, anakula kama Mnyama. Haoni Chumvi, wala Sukari, na wala kingine. Analazimishwa na Watoto wake au na Mke wake kula; kwa sababu asipokula atakufa. Lakini Nafsi yake mwenyewe anaona dhiki, kwa maana haoni hata ladha ya chakula.

Lakini wewe Ndugu yangu, Mwenyezi Mungu *Subhaanahu wa Ta'ala* amekupa neema hii, ni lazima umshukuru Mungu. Hili ni katika jambo ambalo wengi tumeghafilika nalo. Tunadhania neema ni Magari. Neema ni Wanawake. Neema ni Majumba, Mapesa, Maduka, na kadhalika.

Ndugu yangu yote utakuwa nayo hayo, lakini kama huna afya, wallaahi utaona dhiki na Dunia utaiona chungu.

Karibuni hivi, nilienda Hospitali kumuangalia Rafiki yangu, nilisoma naye pamoja, ni Sheikh mkubwa, hapana haja ya kumtaja. Amelazwa, yuko taabani Hospitali, ninakwenda anageuza kichwa kwa taabu Maskini. Namwambia sheikh **Stannaa**, tulia tulia, vipi hali? Naongea na Mke wake ananiambia hapo unapooni Sheikh tumeshauza mpaka Nyumba tayari, kwa kumtibu Mume wangu.

Angalia ile Nyumba ambayo wameichuma kwa miaka yote. Anafanya kazi Asubuhi na Jioni anajenga, ili aweze kuja kustarehe katika Nyumba ile. Kanza kuumwa, na baada ya mwaka mmoja tu, uza uza uza. Kapelekwa India, kapelekwa kwingine, kila kitu kimeporomoka, kisa ni Afya imeondoka.

Yale yote aliyokuwa akiyatafuta, na aliyoyakusanya hayakumfaidia kitu, ilipoondoka Afya. Haikumfaa Nyumba yake, maana yake ndiyo ilibidi aiuze; mali yake yote imekwenda, Nyumba imekwenda, Watoto wamekuwa na dhiki, Mishahara inaondoka, mpaka mkopo, mpaka kwa kusaidiwa. Nini? Afya imeondoka.

Idhan, Waislamu tunatakiwa tuzinduke, tunapokuwa na Afya, kabla hatujaanza kuumwa.

Imekuja katika Hadith ya Abdallah ibn Abbas, Radhi Allahu 'Anhumaa, kwamba Rasul Allah Salallahu A'alayhi wa Salama amesema, **"Ightanim Khamsan Qabla Khamsin"**, *take advantage*, kimbilia mambo matano kabla ya matano.

Kimbilia uyafanyie kazi leo. Unaweza leo uko vizuri unaweza yale mambo kuyafanyia kazi kabla hayajaondoka. Mambo haya ni *just a matter of time* yanakwenda kwa wakati, wakati ukipita khabari imekwisha.

Rasul Allah Salallahu A'alayhi wa Salama anakwambia, yafanyie kazi kabla hayajaondoka.

Mtume kisha akaanza kuyataja mambo yale, akasema jambo la kwanza, **"Hayaataka Qabla Mawtika"**, wewe sasa hivi u hai, wengine washakufa, wengine wako Makaburini wanatamani wangekuwa hai wakafanya mambo mema, hawawezi tena. Kwao yamekwisha, na wewe uhai. Chukua *advantage* ya uhai wako, fanya *'amali* ambazo kwamba, ukifa zitakusaidia. Hili ni jambo la kwanza.

Jambo la pili, Mtume akasema, **"Wafaraaghaka Qabla Shughulika"**, leo una nafasi, unarudi Nyumbani mapema pengine saa mbili au saa tatu. Chukua nafasi ya kulala mapema, ili uamke Usiku umuabudu Mwenyezi Mungu wako.

Wacha mambo ya kipuuzi, mambo ya kukaa mabarazani kupoteza muda. Wacha mambo ya kukaa katika Kochi kuangalia mipira ya Ulaya, sijui EPL, sijui La Liga, acha haya mambo, chukua muda huu kumuabudu Mwenyezi Mungu. Utakuja kuujutia muda huu, na utakuja kutamani mambo yamekwisha wakati huo.

Jambo la tatu Rasul Allah Salallahu 'Alayhi wa Salama akasema: **"Wa Shabaabaka Qabla Haramika"**, sasa wewe ni kijana. Una nguvu, unakwenda huku na kule. Kuna Watu wanatamani waje Msikitini alfajiri, adhana anaisikia, yuko vizuri sana.

Anaweza kutia Udhu, lakini kuja hawezi kwa sababu hana Mtu wa kumshika mkono kumleta. Hawezi tena mpaka apate Mtu amshike Mkono, pekee yake hawezi, na anatamani kuja. Mtu analia, 'Ah Mimi imefika pahala leo nasikia adhana siwezi kwenda Msikitini, naswali Nyumbani kama Mwanamke'.

Anatamani aje Msikitini lakini, **Aanal awaan**, mambo yamekwisha. Kaishiwa, hana namna kabisa, na nguvu zimeondoka. Hili ni jambo la nne.

Jambo la tano, ambalo ni **Mahallu Ash Shaahid**, Mtume akasema, **"Wa Sihhataka Qabla Saqamika"**, chukua nafasi ya kufanyia kazi mwili wako wakati mzima.

Leo unaweza, unakuja Msikitini, ukitaka kukaa hapa unakaa, na ukitaka kukaa pale unakaa. Mwingine hawezi, ni mpaka atafute ukuta ndiyo akalie; na mwingine apewe kiti akalie. Wewe yale huna, wewe waweza kaa katikati, waweza kaa mbele, popote pale, mgongo mzima kabisa huna wasiwasi huo.

Bali mwingine hawezi kunja Miguu, Watu wanarukuu, na ilihali yeye anaashiria tu. Wewe miguu yako ni mizuri kabisa. Unaweza kukunja Mguu, na unaweza kupiga acrobatic, unaweza kusujudu, mwenzio hawezi.

Tumia wakati wako: **Sihhatika Qabla Maradhika**, chukua wakati wako, kufanyia kazi siha yako kabla ya maradhi yako. Katika mambo ambayo Rasul Allah Salallahu A'alayhi wa Salama alituusia na akayafanyia kazi mwenyewe.

Hadith zimekuja kwa kutuusia, kwa kuwausia Masahaba. Hadith zimekuja kwa kuwausia wageni. Hadith zimekuja kwa kufanya kazi yeye mwenyewe.

Al-Imam Jazariy anasema kwamba, Rasul Allah Salallahu A'alayhi wa Salama kwa Siku moja alikuwa akimuomba mwenyezi mungu afya takriban mara 50. Huyu ni Mtume wa Mwenyezi Mungu. akimuomba Mwenyezi Mungu afya, **"Allahumma Inni As-aluka Al 'Afwa wal 'Aafiyah, Wa Al Mu'aafatad Daaimaa"**. kwa Siku moja takriban karibu mara 50.

Haya, rudi kwako Mimi na wewe sasa. Huna khabari kabisa, unaona kama jambo la kawaida kwako wewe.

Bali *Rasul Allah Salallahu A'alayhi wa Salama* alikuwa akimuomba Mwenyezi Mungu afya tangu anapoamka alfajiri, **"Allahumma inni As-alukal 'Afwa wa Al 'aAfiyah wa Al Mu'aafata fid Diin wad Dun-yaa"**. Haakadhaa, anapoamka alfajiri.

Anapoingia ndani ya Salah, na katika Dua za kufungua Salah, pia akiomba afya. Vilevile anapokuwa katika katika *Jalsatul istiraaha* baina ya *Sijdatayn*, **"Rabbi Ighfrlii wa Arhamnii"**, inakuja nini, **wa-'aafinii"**, na unipe afya.

Bali Rasul Allah Salallahu A'alayhi wa Salama hata katika *alqunuuti*, tunajua, **"Allahumma hdinaa fiiman hadayta, wa-'aafinaa, au wa-'aafinii"**, unipe na afya. Haakadhaa. Rasul Allah Salallahu A'alayhi wa Salama hakuacha nafasi hata moja, ila alikuwa akimuomba Mwenyezi Mungu afya; kwa sababu ndilo jambo ambalo ni kubwa mno.

Rasul Allah Salallahu A'alayhi wa Salama alikuwa akimuomba Mwenyezi Mungu afya kwa jumla. lakini wakati mwingine akiomba afya kwa kila kitu kimoja.

Anasema katika Hadith Sahih, kwamba Mtume akisema, **"Allahumma 'Aafinii fii Badanii"**, Mwenyezi Mungu nipe afya katika kiwiliwili changu, **"Wa-'aafinii fii sam'ii"**, unipe afya katika masikio yangu, **"Wa-'Aafinii fii Basarii"**, nipe afya katika macho yangu, **"Laa ilaaha Illa Anta"**.

Anaomba afya kwa kila kiungo kimoja.

Mmoja katika Maimam anasema hivi, ukitaka kujua neema ya afya, walau kidole, *tasawwar* kama Mwenyezi Mungu atakuondolea kidole cha gumba hichi. Ni kwa vipi utaweza kushika kitu. Vidole vinne vilivyobaki haviwezi kushika kitu, ni kidole cha gumba ndicho kinafanya *balance* ya vitu. Kikiondolewa hichi, utakuwa ni kilema, ambaye utapata taabu katika maisha yako.

Bali mmoja akasema, na ukitaka kujua faida ya macho tu, achilia mbali viungo vingine, macho tu, subiri panapozimwa taa ghafla. Uko Nyumbani kwako, na pengine chumbani kwako, au ukumbini.

Sasa taa imezimika ghafla, na wataka kwenda kuchukua chaja. Nyumba umejenga mwenyewe, na fanicha umetia mwenyewe. Unaijua juu chini, unaiona hata kama ukifumba macho. Lakini wallaahi, kukizimwa taa utakwenda kujigonga na meza. Mara unajigonga na kiti. Mara umejigonga na kiambaza.

Nyumba yako ile ile, lakini kwa sababu macho yamefumba au hayana mwangaza wa kuona. Hapo ndipo utakapojua umuhimu wa macho.

Mwenyezi Mungu anasema katika Surat An Nahl:

﴿وَإِنْ تَعُدُّوا نِعْمَةَ اللَّهِ لَا تُحْصُوهَا ۚ إِنَّ اللَّهَ لَعَفُورٌ رَحِيمٌ﴾

Wa-in taAAuddoo niAAamata Allahi la tuhsooha inna Allaha laghafoorun raheemun. (Surat An Nahl 16:18)

Tafsiri: Na kama Mtazihesabu neema za Allah basi hamtoweza kuzihesabu, kwa hakika Allah Ni Mwenye Usamehevu Mkubwa sana na ni mwenye Huruma nyingi sana.

Na kama mtazihesabu kutaka kuzijua neema za Mwenyezi Mungu hamuwezi kuzikusanya. ***Ni'mata***, Mwenyezi Mungu kasema neema, ni neema moja, hakusema ***Ni'am***.

Subhaanallaah.

Ukitaka kujua neema ya Macho tu pekee yake, kwa hakika huwezi kuimaliza. Rudi katika Qur-an ni kitu kikubwa mno. Siyo kila Mtu anaweza kufahamu.

"Wain Ta-'Udduu Ni'mata Allaahi la Tuhsuaha", siyo ***Ni'am***, siyo ***Jam'u***, ni ***mufrad***. Neema moja tu, neema ya miguu ukitaka kuijua neema ya miguu, huwezi kuikusanya na ukaishukuru inavyotakiwa. Sikwambii kwa neema ya kiwiliwili kizima.

Subhaanallaah.

Waislamu twatakiwa tuzinduke kwa sababu unaposhukuru ndipo Allah Jalla wa 'Alaa anapokuzidishia.

﴿وَإِذْ تَأَذَّنَ رَبُّكُمْ لَئِنْ شَكَرْتُمْ لَأَزِيدَنَّكُمْ ۖ وَلَئِنْ كَفَرْتُمْ إِنَّ عَذَابِي لَشَدِيدٌ﴾

Wa-idh Taadhdhana Rabbukum La-in Shakartum Laazeedannakum Wala-in Kafartum Inna AAadhabe Lashadeedun (Surat Ibrahim 14:07)

Tafsir: Na kisha anakutangazia Mola wako kusema kua Kama Mtanishukuru basi Nikuzidishieni zaidi, lakini kama mkikufuru basi Adhabu yake ni Kubwa sana.

"Wain Shakartum la-Aziidannakum", na kama mtashukuru nitakuzidishieni. Ina maana hiyo Neema uliyokuwa nayo ya afya kwa sasa ukamshukuru Mwenyezi Mungu na kila saa ukajua umuhimu wake; Wa Allaahi Mwenyezi Mungu atakuzidishia.

Ndugu Waislamu, ufalme wa Dunia unapatikana katika mambo matatu kwa mujibu wa maneno na mafundisho ya Mtume wetu, *Salallahu 'Alayhi wa Salama*. Mambo hayo ukiyapata mshukuru Mwenyezi Mungu sana, na Mwenyezi Mungu atuzidishie.

Amani katika nchi yetu, Siha katika viwiliwili vyetu, na riziki ya halali kwa Siku moja tu, ya pili anaijua Mwenyezi Mungu.

Mtume wa Mwenyezi Mungu. Katika kuonyesha umuhimu wa afya. Alikuwa mpaka akifika Makaburini, anaomba Dua na kuwaombea Mwenyezi Mungu awape afya, mpaka wale Maiti. Afya ya maiti maana yake ni kupewa mambo yaliyokuwa mazuri huko Siku ya Qiyamah.

Kadhalika katika Dua za alfajiri na Asubuhi. Mtume alikuwa akisoma, ***"Allahumma inni as-alukal 'afwa..."***, kama tulivyosema mwanzo. Akiamka tu katika Dua za kwanza, akiomba ni hii.

Na akiingia Makaburini:

السَّلَامُ عَلَيْكُمْ أَهْلَ الدِّيَارِ مِنَ الْمُؤْمِنِينَ وَالْمُسْلِمِينَ وَإِنَّا إِن شَاءَ اللَّهُ بِكُمْ
لَاحِقُونَ نَسْأَلُ اللَّهَ لَنَا وَلَكُمْ الْعَافِيَةَ

***Assalamu alaikum ahlad diyar, minal-mu'mineena walmuslimeena,
wa 'innaa 'in shaa' Allahu bikum laahiqoona as'alullaaha lanaa wa
lakumul- 'aafiyata.***

Kwamba ninamuomba Mwenyezi Mungu kwetu sisi na kwenu nyinyi akupeni afya.

Bali Rasul Allah Salallahu A'alayhi wa Salama alikuwa akichukua *advantage* wageni wanakuja kutoka Yaman, wanakuja kutoka Sham, wanakuja kutoka katika Nchi mbalimbali za Kiislamu. wanakuja kumuona Rasul Allah Salallahu 'Alayhi wa Salama katika mji wa Madinah.

Katika mambo ya muhimu kabisa aliyokuwa akiwafundisha, ni namna ya kuomba afya.

Naam. Imekuja katika Hadith ya Anas bin Malik anasema, Mtu mmoja alikuja kwa Rasul Allah Salallahu A'alayhi wa Salama akamwambia, ***"Yaa Rasul Allah Ayyi Du'aai Afdhal?"***, nifundishe Dua iliyokuwa nzuri, natoka mbali.

Watu wanasafiri wiki mbili nzima, wanasafiri mwezi mzima, wanakuja kumuona Mtume wa Mwenyezi Mungu. Leo unaambiwa kwenda Hijja Siku tatu tu, kwako inakuwa ni *issue*; mara taacha Biashara, itakuwa kadhaa itakuwa kadha.

Watu wakiondoka mwezi mzima, wanakwenda kumuona Mtume wa Mwenyezi Mungu. Basi huyu Bwana anasema, nifundishe Dua iliyokuwa bora, Dua ambayo ni **Afdhal, bora**

Angalia jawabu la Rasul Allah Salallahu A'alayhi wa Salama kwa Mtu kama huyu. Anasema, **"S-ali Allaah Al 'Afwa Wa Al 'Aafiyah Fii Dun-yaa Wal Aakhirah"**, muombe Mwenyezi Mungu akafanyie mambo kwa wepesi wepesi, na akupe afya Duniani na akhera.

Yule Bwana akaona, ah mbona jambo dogo, **"Fa-Ataah ul Ghadi"**, Siku ya pili akaja tena, **"yaa Rasuulallaah"**, ewe Rasul Allah Salallahu A'alayhi wa Salama nifundishe Dua nitakayosoma, iliyokuwa bora kuliko zote.

Akamwambia tena vilevile, **S-ali Allaah Al 'Afwa Wa Al 'Aafiyah Fii Dun-yaa Wal Aakhirah"**, Dua bora, muombe Mwenyezi Mungu akupe wepesi wa mambo na akupe afya, na mara ya tatu vilevile. Kuonyesha umuhimu wa jambo kama hili yaani kwa kusema:

اللَّهُمَّ إِنِّي أَسْأَلُكَ الْعَفْوَ وَالْعَافِيَةَ فِي الدُّنْيَا وَالْآخِرَةِ.

Mwisho akamwambia ukipewa mambo haya, mambo yakawa mepesi, na ukapewa afya, **"Faqad aflahta"**, wewe ushafanikiwa. Hii ni Hadith ya Imam Bukhari katika Adabul Mufrad.

Kadhalika Rasul Allah Salallahu A'alayhi wa Salama alikuwa Watu wakija kusilimu, Mtu akisilimu tu jambo la kwanza katika mambo ambayo anamfundisha kama anavyosema, Abii Maalikul Ashja'i, kwamba Mtume alikuwa akimfundisha akimwambia, sema, "

Omba mambo haya manne: **"Allahumma Ghfirlii"**, Mwenyezi Mungu nisamehe, **"wa Arhamnii"**, unione huruma, **"wa Hdinii"**, uniongoze. Lakini katika yote haya, **"wa-Aafinii"**, na unipe afya. **"Warzuqnii"**, na unipe riziki.

Tumalize kwa wasia ambao Rasul Allah Salallahu A'alayhi wa Salama alimuusia 'Ami yake aliyekuwa mpenzi, Abbas ibnal Muttalib. Ni katika 'Ami yake; aliyekuwa akimpenda sana Bwana huyu. Kwa kuwa wengi walitangulia, na yeye akabakia.

Abbas aja kwa Mtume anamwambia, **"Yaa Rasuulallaah 'Allimnii Shay-an As-Alu Allaha Bihii"**, nimekuja leo mwanangu, ewe Mtume wa Mwenyezi Mungu. Nifundishe jambo ambalo Mimi nitakuwa ninakaa la kipekee namuomba Mwenyezi Mungu.

Subhaanallaah. 'Ami ya Mtume sio Mtu mdogo kwa Mtume wa Mwenyezi Mungu. 'Ami yake, damu yake, ni Mtu aliyesimama maqaamu ya Baba yake. Anampa kitu adhimu kabisa, ambacho kwamba ni kitu *very expensive*. Anampa Mtu kama huyu.

Akamwambia hivi: **"Yaa 'Amii, yaa Abbaas, S-ali Allaah Al 'Aafiyah"**, muombe Mwenyezi Mungu akupe afya.

Subhaanallaah.

Thumma makathtu thalaatha, anasema Al-Abbas *Radhi Allahu Anhu* kisha nikakaa Siku tatu. Siku ya kwanza nasikiliza, nikasikiliza Siku ya pili, na ya tatu. Nikaenda tena kwa Rasul Allah Salallahu 'Alayhi wa Salama nikamwambia, *"yaa Rasuulallaah"*, ewe Rasul Allah Salallahu A'alayhi wa Salama nifundishe kitu niombe kwa Mwenyezi Mungu.

Mtume akamwambia tena, **"Yaa 'Abbaas, ya 'Ammi Rasuulillaahi"**, kwa mapenzi, ewe Abbas, ewe 'ami yake Mtume, yaani anamwambia kwa mapenzi makubwa kabisa. Ewe Abbas, ewe 'Ami yake Mtume, **"S-ali Allah Al 'Aafiyah Fi Ad Dun-yaa wa Al Aakhirah"**; muombe Mwenyezi Mungu akupe afya Duniani na akhera.

Mtu mmoja katika Masahaba alikuwa anaumwa, akawa kakonda kama kikuku, kakonda sana. Rasul Allah Salallahu A'alayhi wa Salama anakuja akamuona, akamuuliza ah huyu Bwana vipi wewe si ulikuwa na afya yako ilikuwa vizuri?

Akamwambia ndiyo, ilikuwa vizuri sana. Akamuuliza mbona umekuwa hivi, taabani namna hii? Akamwambia, ndiyo naumwa. Akamwambia, wewe hakuna kitu unamwomba Mwenyezi Mungu? Akamwambia, namuomba Mwenyezi Mungu.

Mtume akashituka, akamuuliza, unamuomba nini? Akajibu namuomba Mwenyezi Mungu kama kuna adhabu ataniadhibisha nikifa, bora anipe kabisa Duniani hapa, maanake nipate kabisa kila kitu.

Mtume akamwambia hapana, **"Innaka Laa Tuti'tuhuu"**, *you cannot take it*, huwezi kuvumilia adhabu ya Mwenyezi Mungu.

Sema: **"Allahumma Aatinii Fi Ad Dun-yaa Hasanah, Wa Fi Al Aakhirati Hasanah, Wa Qinii 'Adhaaban Nnar"**, omba afya.

Al-Imam Qataadah Ibn Diama Al Sadusi, ambae ni mwanafunzi wa Masahaba Radhi Allahu Anhum, Mufasssirul Qur-an, kasema, maana ya *Al Hasanati Fi Ad Dun-yaa*, unaposema:

﴿رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ﴾

Rabbana Atina Fee Al Ddunya Hasanatan Wafee al-Akhirati Hasanatan Waqina AAadhaba alnnari

Dua hii maana ya kwanza kabisa, ***Al Hasanati Fi Ad Dun-yaa***, maana yake ni kwamba ni imani na afya. Ndiyo mambo mazuri katika Dunia, pale unapoomba Dua hii.

Na Mtume katika Hadith nyingine akasema kwamba, hakuna kitu kikubwa alichopewa Mwanadamu baada ya imani isipokuwa ni afya. Akasema: ***"Ba'dal Yaqiin", Al 'Aafiyah"***, baada ya Yakini ni afya.

Ushakuwa Muislamu, ni kitu gani chengine kikubwa utapewa? Utapata kwenda Makkah, utapata mali, utapata wake wazuri, utapata nini kitu kikubwa zaidi baada ya kwisha kuwa Muislamu? Hakuna kitu kama afya.

Kwa hivyo, Ndugu zangu, nakuusieni kama ninavyoiousia Nafsi yangu mwenyewe tutumie muda maalumu na nafasi maalumu kila dakika kumshukuru Mwenyezi Mungu kwa afya aliyotupa.

Isije ikakutoka hii, na ukitaka kujua hakika ya hii, kila Siku tunaambiwa hapa, nenda Ocean Road, utakuta Watu. Mtu anatembea na mfuko usidhani mna maziwa mle. Mle hamna maziwa, hamna juisi, wala hamna ice cream, ule ni mfuko wa kukujolea, anatembea nao.

Fikiria hali kama ile, ukimsaidia yule maanake ni kwamba Mwenyezi Mungu naye anakubadilishia, anakupa hali iliyokuwa nzuri, usije ukafika kama vile. Moja katika namna ya kumshukuru Mwenyezi Mungu, kwa neema alizokupa ni kuwasaidia wale ambao Mwenyezi Mungu amewanyima hizo neema.

Yaani wewe kutaka kwenda msalani unatoa utupu wako, na unakwenda msalani. Lakini nenda ukaone kule Hospitali, Mtu ana kidonda, na kukiangalia kile kidonda huwezi. Mtu kavimba kwenye shavu pamekuwa pekundu; Mtu katoboka sehemu mpaka ndani ya mwili unaona. Nendeni Ocean Road mtaona.

Si mambo ya kuhadithiwa; na hii ni Sunnah ambayo Waislamu tumeiacha.

Moja katika Sunnah ni kutembelea wagonjwa. Leo hii Mtu haendi Hospitali mpaka aumwe Mtu wake, tena wa karibu. Mtu wake wa karibu sana, ndiyo anakwenda Hospitali.

Panga Siku moja, amka alfajiri, nenda kule, na *Wa Allaahi* utarudi umekuwa Mcha Mungu. Utapata Mau'idha ambayo hujapata kuyapata, hata ukiambiwa Khutbah 50, huwezi kuyapata Mawaidha kama yale. Kwa sababu umekwenda kuona hali iliyokuwa; hii ni katika Sunnah zilizotupita.

MSIDHULUMU NAFSI ZENU KATIKA MIEZI HII MINNE MITUKUFU



Ndugu Waislamu, baada ya kumshukuru Mwenyezi Mungu Jalla wa 'Alaa. Kumtakia Rehma na Neema. Sala na Salamu. Mtume wa mwisho Nabii Muhammad Salallahu 'Alayhi Wa Salama.

Nakuusieni katika kadhia nzima ya kumcha Mwenyezi Mungu; kama ambavyo nimetangulia kuiusia nafsi yangu, juu ya jambo hili adhiimu.

Na kisha tuzingatie kwamba tunaishi katika Mwezi Mtukufu, Mwezi wa Rajab. Mwezi ambao ni miongoni mwa miezi mitukufu. Kama alivyoyabainisha haya Mtume wetu Salallahu 'Alayhi wa Salama aliposema katika Hadith ya Imam Bukhari na Muslim kwamba, ***"Kwa Hakika zama zimerudi kama ilivyokuwa mwanzo, Mwenyezi Mungu ameumba mwaka mzima una miezi 12, na katika miezi 12 hii kuna miezi minne mitukufu"***.

Kisha Rasul Allah Salallahu 'Alayhi wa Salama akaitaja Miezi hii akasema, *Dhul Qaadah, Dhul Hijja, Muharram, wa Rajab Mudharr. Dhul Qaadah* Mwezi wa Mfungo Pili. Dhul Hijja Mwezi wa mfungo tatu. Na Muharram kama mnavyoujua. Na huu Mwezi tuliokuwa nao wa Rajab.

Idhan, sisi kama Waumini, sisi kama Waislamu. Sisi ni Waumini ambao ni Waislamu wa kuufuata Uislamu. Na kufuata mwenendo na mafundisho ya Mtume wetu Salallahu 'Alayhi Wa Salama.

Je, ni nini twatakiwa tufanye? Tumeghafilika kukuelezeni, mtusamehe; lakini hatujachelewa, kwa sababu bado Mwezi upo.

Je, ni nini twatakiwa tufanye? Watu wamekuwa hairaan, kuna wengine wanasema msifunge haifai kufunga, wengine kadhaa, wanasema mambo mengi katika Mwezi huu ambayo kwamba hayafai Muislamu kuyasema.

Tayyib, Turudi katika Qur-an tukufu katika aya ya 36, Surat Tawba, au Suratul Baraa, katika Surah hii Allah anasema kwamba,

(إِنَّ عِدَّةَ الشُّهُورِ عِنْدَ اللَّهِ اثْنَا عَشَرَ شَهْرًا فِي كِتَابِ اللَّهِ يَوْمَ خَلَقَ السَّمَاوَاتِ وَالْأَرْضَ مِنْهَا أَرْبَعَةٌ حُرْمٌ ذَلِكَ الدِّينُ الْقَيِّمُ فَلَا تَظْلِمُوا فِيهِنَّ أَنْفُسَكُمْ وَقَاتِلُوا الْمُشْرِكِينَ كَافَّةً كَمَا يُقَاتِلُونَكُمْ كَافَّةً وَاعْلَمُوا أَنَّ اللَّهَ مَعَ الْمُتَّقِينَ)

Inna AAiddata Alshshuhoori AAinda Allahi Ithna AAashara Shahrān Fee Kitābi Allahi Yawma Khalāqa Alssamawāti Wa al-Ardha Minha arbaAAatun Hurumun Dhalika Ald Deenu Al Qayyimu Falā Tadhlimoo Feehinna Anfusakum Waqatiloo Almushrikeena kaffatan Kama Yuqatiloonaikum Kaffatan WaiAAlamoo Anna Allaha maAAa Almuttaqeena

Mwenyezi Mungu anatuambia kwa uwazi kabisa, kua kaumba miezi 12 na katika Miezi 12 hii akatia ndani yake miezi minne mitukufu.

Miezi minne mitukufu hii Ndugu zangu, aliyeiumba ndiye aliyeitukuza. Si kama Mwezi wa Kidunia, Mwezi wa wapendanao Februari. Mwezi wa skuli zimefungwa, Disemba Mwezi wa kwenda *sports* Watu wa michezo, Mwezi sijui wa ligi kuu kuanza.

Huu ni Mwezi kautukuza aliyeuumba. **Wain Dalla Shay-in**, na kama kuna kitu kikubwa chajulisha kwetu. Ni kule Mwenyezi Mungu kututanabahisha, waja wangu nyie, Mimi nimeumba miezi mitukufu.

Sasa, ni nini tufanye sisi? Turudi katika maelezo, Qur-an inasema wazi kabisa aya hii imesema kila kitu, na haikuacha kitu.

Watu wasibabaike, wengine wanaofunga, wanaambiwa msifunge, na wengine wanaofanya hivi, wanakatazwa msifanye hivi. Wanaambiwa kwa sababu Mwezi huu *Rasul Allah Salallahu 'Alayhi wa Salama* hajafanya takhsiis ya kila kitu.

Lakini rudi aya yasemaje, Allah anasema: **"Falaa Tadhlimuu Fihinna Anfusakum"**, msidhulumu nafsi zenu katika miezi hii minne.

Chukua kipande hiki tu, na tutasimama hapa katika Khutbah yetu ya leo, **"Falaa Tadhlimuu Fihinna Anfusakum"**

Nini maana ya dhuluma? Dhuluma maana yake ni, **Wadh-'u Shay-in Fi Ghayri Mahallihi**, kuchukua kitu kukieka pahala ambapo si pake; umekidhulumu.

Na tukiangalia maelekezo ya Salaf Saalih wameelekeza nini katika utukufu wa Mwezi huu. Ile Mwenyezi Mungu kutwambia kwamba Miezi minne Mitukufu, basi ni iwe basi tu, hakuna sababu yoyote?

Sababu ipo. Ni kwamba kama alivyosema al Imam Ibn Rajab *Al-Hanbaliyy Rahmatu Allaahi 'alayhi*. Amesema kwamba mambo ya Ibada yanazidishwa/yananasibishwa katika namna tatu, kuna **Sharaful Makaan**, kuna **Sharafuz Zamaan**, na kuna **Sharafudh Dhawaati**.

Sharaful makaan ni kama Mtu katoka hapa kaenda Makkah. Katika viwanja vya Makkah pale akifika pale, hawezi kusema kwamba ah Mimi kule Tanzania nilikuwa nikisoma kwa Siku nusu juzuu, hapa ninasoma hivyo hivyo, si kweli.

Atazidisha kweli kweli, kwa sababu yuko pahala patukufu.

Hawezi kusema kwamba kule Tanzania nilikuwa nikiswali **Qabliyyah** na **Baadiyyah** tu. Nilikuwa siswali witri, nilikuwa siswali tahiyah, na nilikuwa siswali sunnatil wUdhuui, sasa hapa nafanya vilevile, hapana. Atafanya juhudi kubwa zaidi kwa sababu yupo pahala patukufu. **Sharaful Makaan**.

Na haya yamethibiti katika Hadith nyingi za *Rasul Allah Salallahu 'Alayhi wa Salama* aliposema kwamba, pale Makkah ni patukufu, Salah yake ni kama Salah 100,000 na zaidi. Pale Madinah ni patukufu, Salah yake ni kama 10,000 na zaidi. *Ha kadhaa*, katika Hadith ya Mtume *Salallahu 'Alayhi Wa Salama*; hiyo ni **Sharaful Makaan**.

Wahunaaka Sharafuz Zamaan, wa Hunaaka Sharafu Adh Dhawaati.

Sharafu Adh Dhawaati ni Watu Watukufu. Ambao Mwenyezi Mungu kawaweka Duniani iwe ni rehema kwa Watu wengine. Mwenyezi Mungu mwenyewe kawaficha hatuwajui, anawajua mwenyewe wapenzi wake na mawalii wake.

Na kuna hii **Sharafuz Zamaan**, utukufu wa wakati ambao sisi tunaishi nao sasa.

Muislamu ni lazima ujue, utanabahi kwamba wewe sasa hivi unaishi katika kipindi kikubwa mno ambapo Mwenyezi Mungu kakitukuza. Wakasema kwamba katika kipindi hichi amali zinazofanywa na waja wa Mwenyezi Mungu zinazidishwa mara nyingi Thawabu zake.

Kwa sababu ni kipindi kitukufu.

Kadhalika, wakasema kwamba na baya analolifanya katika Mwezi kama huu. Unakuwa ubaya wake mkubwa sana, Kwa sababu umefanya baya katika miezi Mtukufu.

Idhan, kwa khabari ya kufunga, hakuna hata mmoja anayepinga kwamba kufunga si katika amali njema. Kusoma Qur-an, hakuna apingaye kama si katika amali njema. Vilevile na kutoa Sadaqah. Ile Mwenyezi Mungu kuwa katuachia uhuru kabisa akasema: **"Falaa Tadhlimuu Fiihinna Anfusakum"**.

Ile **'Amal;** imekuwa ni Mutlaq. **I'mal,** chochote cha heri wewe tenda, almuhimu ni kwamba usidhulumu nafsi yako.

Turudi katika maana ya dhulma; dhulma ni nini? Katika miezi hii, dhulma maana yake ni kwamba kuna jambo baya usilifanye, wengi wanajua hivyo. Nafsi yako usidhulumu, maana yake usidhulumu mtu, usichukue haki yake, hii ni namna ya kwanza. Kwamba acha mabaya, **Kabaair,** kuna mambo ya maasi makubwa makubwa yaache yale.

Kadhalika, kuna mambo ya mazoea, yaache, kwa sababu upo katika miezi mitukufu. Ni kama ambavyo mmekwenda Makkah, ukakaa kule unasubiri Ibada ya Hijja. Lakini kwa sababu uko pahala patukufu, ukawa wasoma Qur-an unaswali Sunnah, wamswalia Mtume wafanya kila Ibada, kwa sababu uko pahala patukufu.

Na sasa Ndugu zangu tumo katika zama, katika nyakati tukufu lazima ubadilike ufanye amali njema.

Hatukuambiwa ni amali zipi. Na hiyo ni rehema kwetu. Ile kuwa hukuambiwa kwamba fungeni, ni rehema kwako. Kwa sababu wengine ni wagonjwa hawawezi kufunga, watoe Sadaqah. Wengine ni maskini, hawawezi kutoa Sadaqah, wasome Qur-an. Wengine hawajui kusoma Qur-an, wafanye amali njema za kheri za kila namna.

Mwenyezi Mungu Jalla wa 'Alaa ametwambia, **"Falaa Tadhlimuu Fiihinna Anfusakum"**. Na katika Mwezi huu, kudhulumu nafsi kuna namna mbili: ya kwanza ni kuacha Mabaya, ya pili ni Kuacha kutenda mema.

Kuacha kutenda mema katika Mwezi huu ni kwamba nafsi yako unaidhulumu. Tutataja baadhi ya mambo ambayo wengi wetu wanadhania kwamba hii si katika dhulma, ili Watu watanabahi.

Humu Msikitini au katika Dunia yetu, katika Uislamu tuko wengi ambao tunaozidhulumu nafsi zetu, na tena bila kutambua.

Dhulma kwa Mwenyezi Mungu, Siku ya Qiyamah iko namna tatu. Kuna dhulma ambayo kwamba Mwenyezi Mungu haisamehe **Aslan Abadan,** nayo ni **Ash-shirku Bi Allaah.** Mtu kama atakufa hali ya kuwa mshirikina, **"Inna Allaha Laa Yaghfiru an Yushraka bihi"**.

Hii ni wazi kabisa, dhulma ambayo Mwenyezi Mungu haisamehe.

Na kuna dhulma nyingine Mwenyezi Mungu haijali, anaitazama tu, kama katika Siku hizi nafsi yako ukaidhulumu. Usisome Qur-an, usifunge, usilete nyiradi, usiswali Sunnah, nafsi yako unaidhulumu mwenyewe. Mwenyezi Mungu anakuachia mwenyewe.

Na kuna dhulma ambayo Jalla wa 'Alaa anaiacha, waja wahukumiane, yaani ***Adh-Dhulmu Bayna 'ibaadi Allaahi***. Mimi nimekudhulumu wewe, wewe umemdhulumu yule, na yule kamdhulumu yule. Hii Mwenyezi Mungu atuachia sisi wenyewe, baina yetu.

Na hii ni ***Mahallish Shaahid***, ndiyo pointi muhimu, kila mmoja achukue leo. Dhulma *Anwaa'i*, ni namna hizi, lakini wengi hatufahamu. Labda tutoe mifano ili Mtu akiondoka ajue kwamba duh kumbe hata ile ni dhulma, Mimi nilikuwa sijui. Nitatoa mifano kiasi ya sita hivi labda, au saba.

Mfano wa kwanza, ***I'tidaaul Insaanu 'Alal Aakhar***, Mtu kumfanyia uadui Mwanadamu mwenziwe. ***Biqatlihii***, akamuua, kama yale yanayoendelea kule katika Yamani, yanayoendelea huko katika sehemu ambazo Waislamu wanauwawa, Watu wanadhulumiwa wanauwawa. Ule ni uadui. Ile ni dhulma ya wazi kabisa.

Au ***Dharbihii***, au Mtu akampiga mwenziwe, anamuonea kwa sababu yeye ana nguvu. Au ***Shatmihii*** au ni Mtu kamtukana matusi ya nguoni. Au ***La'anihii***, au kamlaani na kamuombea Dua mbaya, au ***Iidhaaihii***, au kamuudhi.

Zote Ndugu zangu hizi ni dhulma. Na Siku ya Qiyamah zitakwenda kulipwa kwa aliyedhulumiwa. ***Haadha Huwal Awwal***.

Ath-thaani, Man Akhadha Maalal Insaani, mwenye kuchukua haki ya nduguye, mali yake kachukua. Au ***Tasabbaba Fii Akhdhi Maali Lahuu***, au kasababisha mali yake yule nduguye ichukuliwe. Hapo kamdhulumu, na Siku ya Qiyamah atakwenda kusimamishwa mbele ya Mwenyezi Mungu amlipe dhulma yake.

Tatu, *man 'aaba insaanan*; ni Mtu mwenye kumuaibisha mwenziwe. Kamuaibisha, ni binadamu mwenziwe, wala si lazima awe Muislamu, la la la. Hapa ni lazima Watu wafahamu vizuri. Si lazima awe Muislamu, dhulma ni haramu kwa kila mtu.

Bali dhulma ni haramu mpaka kwa Mwenyezi Mungu mwenyewe. Ni kama ilivyokuja katika Hadiithil Quds, kwamba Mwenyezi Mungu amejiharamishia kUdhulumu.

Wajua kuna mambo mengine Mwenyezi Mungu katuharamishia sisi lakini yeye anayafanya; kwa mfano, ni kiburi. Kiburi kuwa nacho wewe ni haramu. Kuwa yule Mtu mwenye kiburi, ni haramu.

Lakini kwa Mwenyezi Mungu kiburi kwake ni sifa. ***Wa Al Kibriyaa Li Rabbinaa Siifatun Lahuu***, na kiburi kwa Mwenyezi Mungu ni sifa yake. Lakini sisi kuwa na kiburi ni haramu.

Na kuna sifa nyingine, Allah Jalla wa 'Alaa katwambia siye tuwe nazo, na Yeye anazo vilevile. Kwa mfano, kuwa na huruma. Kuwaonea huruma waja wa Mwenyezi Mungu. Mtu kuwa na imani. Mwenyezi Mungu ana sifa kwamba, ni ***Arrahmaan ur Rahiim***. Na Rasul Allah Salallahu 'Alayhi wa Salama akasema: ***"Arraahimuuna Yarhamuhumur Rahman, Irhamuu Man Fi Al Ardhi Yarhamkum Man Fi Samaa"***.

Mtume anatuhimiza tuwe na huruma, hali ya kuwa huruma ni katika sifa za Mwenyezi Mungu.

Lakini, kuna sifa nyingine kama ilivyoelezwa katika Hadith al Quds kua, Mwenyezi Mungu kajihamishia Yeye kwanza: ***"Inna Allaha Harrama Dhulmah 'Alaa Nafsihi"***. Akasema, ***"Yaa 'Ibaadii Inni Harramtudh Dhulma 'alaa Nafsi, Waja-A'altuhu Baynakum Muharramaa"***, Enyi waja wangu, Mimi nimejiharamishia kumdhulumu mtu, kudhulumu mja yeyote; na nimeifanya dhulma baina yenu haramun.

Angalia ule ubaya wa kudhulumu. Kwa hiyo, ***Man 'aaba Insaanun***; Mtu ambaye kakaa pahala, na akaanza kusema usimuone vile yule hana chochote, Dhaalimu yule ana kitu kadha. Ndugu yangu Siku ya Qiyamah utakwenda kulipa.

Au ***Tahmahuu Bi Al Fuhshi***, au akamtuhumu kwa mabaya. ***Al Fuhshi*** ni Mabaya ***aw Fusuuqi*** au Uasi. Usimuone vile yule ana Mwanamke pahala kadha, ana hivi, na anafanya vile.

Wewe Bwana wee. Wewe ndiye Malaika wa kuandika Mabaya na Mema? Wewe ndiye umetumwa hivyo? Wewe ndiye umepewa kalamu nyekundu ya kutia *Right* na *Wrong*? Wewe ndiye refa wa kupiga kifirimbi akizidi mtu? Kwa hiyo hii ni dhulma.

Namna ya nne, ***Man Ghaazala Fataata Liakhihi Al Muslimah*** Mtu ambaye anamtaka mtoto wa nduguye Muislamu. Mtoto, maana yake mtoto wa Mtu yeye amtaka kinyume na sheria. Maana yake hataki kumuoja, akawa mtoto yule anamtaka kwa Zinaa.

Au ghayril Muslim au hata Mtoto wa asiyekuwa Muislamu. ***Au Waqaa-'a fii Fahishati Ma-'ahaa***, au na akazini naye kabisa. Huwa kamdhulumu Baba wa kijana yule na Mama yake. Siku ya Qiyamah atakwenda kujibu, na ajitayarishe kabisa kuanzia sasa.

Tano: ***Man Mana-'a Wusuuli Haqqi Liayyi Insaani***, Mtu mwenye kuzuia haki isimfikie mwenye haki yake. Kwa mfano Mtu kapanda Mahakamani na kutoa ushahidi

wa uwongo. Au ukaitwa pahala akaambiwa pale unaonaje hapa, na akasema vile ambavyo ndivyo sivyo. Au yeye ni kadhi au yeye ni hakimu au kadhaa. Akawa ni yeye ndiye sababu ya Mtu yule kukosa haki yake, atakwenda kulipa Siku ya Qiyamah.

Sita, **Mani Stadhalla Mansibahu**, mwenye kutumia cheo chake, uwezo wake, na nguvu zake; akatumia nguvu zake, **Fii Idhlaalin Nnasi**, katika kuwadhalilisha Watu. 'We nenda we, pumbavu we, we kadha, we kadha, hii yote ni **Fii Idhlaalin Nnasi**, Au **Iidhaaihim**, au kuwaudhi, Siku ya Qiyamah atakwenda kulipa mbele ya Mwenyezi Mungu.

Mwenyezi Mungu kamtukiza Mwanadamu ,

﴿وَلَقَدْ كَرَّمْنَا بَنِي آدَمَ﴾

"Walaqad Karramnaa Banii Adama", kwa hakika tumeWatukiza wanaadamu. Wewe ni nani unakuja kumdharau binadamu mwenzi? Utakuja kulipa mbele ya Mwenyezi Mungu. Hii ni sita.

Saba, ambayo ni ya mfano wa mwisho, **Manistanfada Quwwata 'Aamilihi**, mwenye kutumia nguvu za Wafanyakazi wake. Kamfanyisha kazi Mtu Mwezi mzima, na haya yanatutokea wengi katika majumba yetu Ndugu zangu Waislamu.

Anafanyishwa Dada wa kazi ndani, **Khaddaamah**. Anafanya kazi kwa Mwezi mzima, kisha anaambiwa pesa ninakuwekea. Mwezi wa pili nakuwekea, Mwezi wa tatu, pesa zikiwa nyingi anaona nyingi kumpa. Anaanza kumsumbua, anaanza kumdhulumu, na anamfanyia taabu. Haki yake anafanya kama anampa sadaka. Basi Siku ya Qiyamah atakwenda kulipa.

Ndiyo maana Salaf Saalih wakasema, miongoni mwao Sufyani Ath-Thawry, **Rahmatu Allaah 'alayhi** akasema, **La an Talqa Allaha Ta'ala Bisab'iina Dhamban**, ni bora kukutana na Mwenyezi Mungu na Madhambi 70, kuliko kukutana na Mwenyezi Mungu una haki, jambo moja ambalo liko baina yako wewe na Nduguyo.

Yaani una haki ya nduguyo, ile haki moja ni mbaya kuliko Madhambi 70 mbele ya Mwenyezi Mungu. Hii ni kwa sababu, Mwenyezi Mungu kajisifu kwamba, Mimi nasamehe Madhambi. Lakini hakuna Mwanadamu aliyejisifu, Mimi jamani ninasamehe, niudhini tu, hakuna.

Kwa hiyo, **Definitely** Siku ya Qiyamah atakwambia nirudishie Mimi haki yangu uliyonidhulumu. Ulimdhulumu.

Imam Al Shafii *Rahmatu Allah 'alayhi*, anasema, ***Bi-isa Zadu Ila Al Ma'aadi***, kwa hakika, ni bidhaa, ni zawadi mbaya sana Siku ya Qiyamah Mtu kwenda nayo. ***Al-Adawaanu 'Ala Al 'Ibaadi*** kuwa na Uadui na Waja wenziwe. Hii ni bidhaa mbaya mno mbele ya Mwenyezi Mungu.

Mmoja katika Watu wema alikuwa anasafiri akamwambia Mamake, Mama niusie basi Mimi ndio nakwenda safari. Yule Mama akamwambia Mwanangu tahadhari sana usije ukabeba ugomvi na nduguyo mbele ya Mwenyezi Mungu.

Tahadhari sana, chungu sana usibebe ugomvi na nduguyo mbele ya Mwenyezi Mungu.

Anasema usibebe, maanake ni kwamba hapa Duniani lazima tutagongana, ndiyo binadamu tulivyoumbwa, tutagongana tu, lakini yamalize mapema, ***Min Qabli An Yakuna La Diinara Ealaa Dirhamaa***, kabla Siku haijafika hiyo ambayo hujui ni lini. Pengine yaweza kuwa ni kesho, wewe huna khabari.

Sasa, nini ametwambia Mtume wetu katika mambo kama haya? Alimwambia Muadh bin Jabal *Radhi Allahu 'Anhu* wakati Muadh anatumwa ende Yaman ili akaeneze Dini. Katika wasia ambao Rasul Allah Salallahu 'Alayhi wa Salama alimpa mwanafunzi wake mpenzi kabisa, huyo ni Muadh. Ambapo kuna Siku alimwambia khasa, ***"Yaa Mu'aadh Innii Uhibbuk"***, Muadh Mimi nakupenda.

Mwanafunzi mpenzi kabisa wa Bwana Mtume *Salallahu 'Alayhi Wa Salama*, anapewa wasia ambao Ndugu zangu tuuchukueni sisi tuufanyie kazi.

Kasema nini? Kamwambia, unakwenda huko utakutana na Watu wakristo manaswara utakutana nao huko. ***"Wattaqii Da'watal Madhluum"***, Muadh nakuonya, ogopa sana Dua ya Mtu mwenye kudhulumiwa.

Kwa nini? ***"Fainnahuu Laysa Baynahaa wa Bayna Allahi Hijaab"***, Dua ya mwenye kudhulumiwa hakuna kizuizi baina ya Dua hiyo na Mwenyezi Mungu. Ogopa sana Muadh. Huu ndiyo wasia, na tuuchukue Ndugu zangu.

Katika Hadith nyingine Anas Ibn Malik *Radhi Allahu Anhu*, ambayo ameipokea Imam Ahmad bin Hanbal rahmatullaah 'alayhi amesema kwamba, *Rasul Allah Salallahu 'Alayhi wa Salama* amesema, ***"Ittaqii Da'atal Madhluum"***, iogope sana Dua ya Mtu mwenye kudhulumiwa, ***"Wa Inkaana Kaafiraa"***, hata kama Mtu yule ni Kafiri.

Hapo sasa, wengi tuna tabia hii kwamba, ah mshenzi, mla nguruwe chukua tu, chukua chukua tu, ah washenzi hawa. Ah hawa wala nguruwe chukua chukua tu Bwana.

Ndugu yangu, Mtume wako anakwambia, ***"Wa In kaana Kaafiraa"***, hata kama ni Kafiri. ***"Fa Innahuu Laysa Baynahuu wa Bayna Allaahi Hijaab"***.

Hadith ya tatu, Rasul Allah Salallahu 'Alayhi wa Salama kasema, ***Thalaathatun laa Turaddu Lahumud Da'awah***", na katika Watu watatu hao ambao Dua yao hairudishwi, Mtume akasema, ***"Wa Da'Watul Madhluum"***, na Dua ya Mtu aliyedhulumiwa.

"Yarfa'uhallahu Fawqa Al 'amaami", Mwenyezi Mungu anainyanyua juu ya Mbingu zote saba. ***"Wayaftahu Lahaa Abwaabas Samaa"***, anafungua milango ya Mbingu, ***"Wayaquulu Rabbi Jalla wa 'Alaa"***, Mwenyezi Mungu kisha anasema, ***"Wa'izzatii Wajalaalii, La-ansurannaka Walau Ba'da hiin"***. Naapa kwa utukufu wangu, nitakunusuru hata kama baada ya muda mchache, nitakunusuru tu.

Allah Akbar.

Katika Hadith nyingine **Rasul Allah Salallahu 'Alayhi wa Salama** anasema, ***"Da'Watul Madhluum Mustajaabah Wainkaana Faajira"***, hata kama Mtu yule ni 'aaswi. Haswali, na pengine anauza pombe. Mtume kasema, ***"Fafujuuruhuu 'alaa Nafsihii"***, uasi wake ni juu yake Nafsi yake mwenyewe; wewe hayakuhusu, hujaambiwa umdhulumu.

Kule kumdhulumu, wewe watafuta kesi na Mwenyezi Mungu Jalla wa 'Alaa.

Sasa tuangalie kwa haraka haraka. Mbona wanaonekana Watu waliodhulumu Ulimwenguni wengi tu na mbona wanapeta tu. Wako freshi kabisa na majumba yao na magari yao na kila kitu; hawana wasiwasi wowote.

Mbona wanaonekana wako vizuri tu; na unasema Dua inakubaliwa?

Naam. Allah anasema nini?

﴿وَلَا تَحْسَبَنَّ اللَّهَ غَافِلًا عَمَّا يَعْمَلُ الظَّالِمُونَ إِنَّمَا يُؤَخِّرُهُمْ لِيَوْمٍ تَشْخَصُ فِيهِ الْأَبْصَارُ﴾

Wala Tahsabanna Allaha Ghafilan AAamma yaAAamalu Al Dhdhalimoona innama Yu-akhkhiruhum Liyawmin Tashkhasu Feehi al-Absaru (Surat Ibrahim 14:42)

Wala hata Siku moja usije ukafikiria kwamba Mwenyezi Mungu kaghafilika na wanayoyafanya Watu wabaya.

"Innamaa Yuakhkhiruhum", hakika Allah anawapa muda, **"Liyaumin"**, ifike Siku ambayo kwamba, **"Tashkhasu Fiihil Absaar"**, macho yakodoke kwa adhabu ya Siku hiyo.

Kwa hiyo, hata Siku moja usije ukafanya makosa ya kudhania kwamba: 'ah lakini mbona Watu wanapata?' Hawapati Ndugu zangu, ni kwamba, hao wanapatikana.

Ndugu Waislamu, tumo katika Mwezi wa Rajab. Kwa nini tunapeana maneno kama haya makali makali. Katika Mwezi kama huu.

Hii ni kwa sababu, hivi ndivyo Mwenyezi Mungu alivyotaka Ndugu zangu. Hapa hatishwi Mtu maana wengine wataondoka hapa, na fikra kwamba, anatutisha anatutisha. Akutishe nani Ndugu yangu, na ilhali hivi ndivyo Mwenyezi Mungu alivyoagiza.

﴿وَأَنْذِرِ النَّاسَ يَوْمَ يَأْتِيهِمُ الْعَذَابُ فَيَقُولُ الَّذِينَ ظَلَمُوا رَبَّنَا أَخِّرْنَا إِلَى أَجَلٍ قَرِيبٍ نَجِبْ دَعْوَتَكَ وَتَتَّبِعِ الرُّسُلَ أَوَلَمْ تَكُونُوا أَقْسَمْتُمْ مِّن قَبْلُ مَا لَكُم مِّن زَوَالٍ﴾

Waandhiri Alnnasa Yawma Ya/teehimu alAAadhabu Fayaqoolu Alladheena Dhalamoo Rabbana Akhkhirna ila Ajalin Qareebin Nujib daAAawataka WanattabiAAi Alrrusula Awa Lam Takoono Aqsamtum Min Qablu ma Lakum Min Zawalin(Surat Ibrahim 14:44)

"Wa Andhirin Naasa Yawma ya-atihimul 'Adhaab", waonye Watu kabla hiyo Siku haikufika, na waambie kabisa. ***"Fayaquululladhiina dhalamuu"***, Siku hiyo atakuja kusema yule aliyedhulumu, ***"Rabbanaa Akh-khirnaa ilaa ajalin qariib, nujib da'wataka Wanattabi'ir Rusul"***, atasema, Mwenyezi Mungu tupe muda kidogo, ili tupate kufuata mambo Mema.

Wataulizwa: ***"Awal Takuunuu Akhsamtum Min Qablu Maalakum Min Zawaal"***, si mliambiwa nyinyi, mkaona kwamba mtakaa milele kule. ***"Wasakantum Fii Masaakini Alladhiina Dhalamuu Anfusahum"***, na mkakaa katika sehemu ambazo walikuwa wanakaa Watu madhalimu mkaka nao pamoja.

"Wasakantum Fii Masaakina Ladhiina Dhalamuu Anfusahum, Watabayyana Lakum Kayfa Fa-'alnaa Bihim", na tumekubainishieni, tukakuonesheni nini mwisho wao ulikuwa. ***"Wadharabna Lakumul Amthaal"***, na tukakupigieni mifano mingi.

Fulani imekuwa hivi, ni nani kafa hivi. Angalieni, hakuna Mtu kutishwa ni ukweli anaoambiwa mtu.

Mwezi huu Mwenyezi Mungu anatutaka nyoyo zetu tuzisafishe ni kama Mtu ambaye kwamba labda nipige mfano Mtu ambaye kwamba anakuja Msikitini nusu saa kabla ya salah kama leo Ijumaa kaja saa tano.

Basi atakwenda kule Msalani atafanya haja zake, atatoka kule na atatia Udhu. Atakuja katika kitako, ataswali **Tahiyya** atasoma Qur-an. Moyo wake umekuwa *well prepared*, umekuwa na **Sti'daadi** ya hali ya juu kabisa, kusubiri Imam atasema nini, tajifundisha nini. Huyu ni namna ya kwanza.

Namna ya pili, ni Mtu ambaye kwamba anakuja muda kama huu wa Khutbah. Na akija kutoka kule sasa, anakimbilia brrrr mpaka kule Birikanini kunakotiliwa Udhu, akifika kule anatia Udhu kwa haraka haraka.

Pengine huku panakimiwa sasa, ni kwamba utacheka wewe.

Mguu mmoja wa Suruali kakunja, mmoja kakunjua. Yote hiyo ni haraka. Kanzu au shati kakunja Mkono, kama anakwenda kupigana karate. Na Kofia kaidengua juu, utafikiri Mtu anataka kunyoa Kipara na pengine Saa kavua iko Mkononi. Huku kunakimiwa na anakuja mbio mbio. Akiwa ni Mtu ambaye hana matayarisho.

Akija akisimama hapa, zile Nguo alizozikunja wakati anatia Udhu, anaanza kuzikunja kwa taratibu. Ati yeye anajiona mjanja, anakunjua Nguo zake kwa taratibu huku akiendelea kusali, hivi ndivyo anavyokuwa.

Hana **isti'daadi**, Moyo unampiga, hajui kinachosemwa wala kilichokwenda, Salah yake yote ile bure bileshe kwa sababu Moyo haupo.

Ndiyo hivi namna ambavyo kwamba, wale ambao hawakuchunga nyoyo zao katika Mwezi huu, wanaingia katika Mwezi wa Shaaban na Ramadhan. Ramadhan ikifika kumi la pili tu, Moyo umeshachoka tayari taabani, kwa sababu hauna *preparation* Moyo ule. Haukutayarishwa katika Mwezi wa Rajab.

Mwenyezi Mungu anatutaka katika Mwezi wa Rajab tusafishe nyoyo zetu na dhulma hizi tunazoishi nazo.

Mwisho, nitoe kisa maarufu ambacho amekitaja Imam Nawawi katika *Riyaadh as Salihin* katika Hadith Sahih kabisa, kwamba Sa'ad Ibn Abii Waqas *Radhi Allahu 'Anhu* alikuwa ni kiongozi katika mji wa Kufa. Wakati wa uongozi wa Sayyidina Umar *Radhi Allahu 'Anhu*. Sayyidina Umar *Radhi Allahu 'Anhu* akamuweka kule ili awe ni kiongozi.

Basi Watu wa mji ule, wabaya kama mnavyowajua, wakaanza maneno maneno. Wakamsakama kwa maneno, mpaka maneno yale yakafika kwa Sayyidina Umar *Radhi Allahu 'Anhu* katika mji wa Madinah.

Sayyidina Umar *Radhi Allahu 'Anhu*. akamuita, Sa'ad, eshi, mbona kuna maneno kadha na kadha; nasikia mpaka kuswali wewe hujui kuswali.

Yaani Watu walivyokuwa wabaya, wanamtuhumu mpaka Sahaba wa Mtume, mwanafunzi wa Mtume, wanamtuhumu kwamba hajui kuswali. Sa'ad *Radhi Allahu 'Anhu*. aliambiwa mpaka kuswali hajui.

Sa'ad *Radhi Allahu 'Anhu*. akasema wa Allahi Mimi sijafanya chochote. Nawaswalisha kama Mtume alivyokuwa akisalisha. Rakaa mbili za kwanza nafanya ndefu, na Rakaa za pili nafanya fupi. Ni kama hivi, ndivyo alivyosema.

Sayyidina Umar *Radhi Allahu 'Anhu*. alikuwa ni mwanafunzi wa Bwana Mtume *Salallahu 'Alayhi wa Salama*. Alikuwa ni Mtu mwenye *Khibra*. Alikuwa si Mtu wa kupelekewa maneno, akayachukua kama yalivyo, hapana.

Alisema, **sanandhuru**, tutaangalia, kama Allah alivyosema:

﴿يَا أَيُّهَا الَّذِينَ آمَنُوا إِن جَاءَكُمْ فَاسِقٌ بِنَبَأٍ فَتَبَيَّنُوا أَن تُصِيبُوا قَوْمًا بِجَهَالَةٍ فَتُصْحَبُوا عَلَىٰ مَا فَعَلْتُمْ نَادِمِينَ﴾

Ya Ayyuha Alladheena Amanoo In Jaakum Fasiqun Binaba-in Fatabayyanoo an Tuseebo Qawman Bijahlatin Fatusbihoo AAala Ma FaAAaltum Nadimeena(Surat Al Hujurat 46:9)

Habari zikiwajieni juu ya Mtu kadha kadhaa, mwambie aliyekuja, subiri kwanza, tutachunguza, tutajua ukweli uko wapi, hivi ndivyo inavyotakiwa.

Kiongozi usikamate maneno moja kwa moja.

Mwenyezi Mungu anasema, utakuja kujuta baadaye: ***"Fatusabihuu 'Alaa Maa Fa-'Altum Naadimiin"***, mtakuja kujuta.

Basi Sayyidina Umar *Radhi Allahu 'Anhu* akamwambia Sa'ad *Radhi Allahu 'Anhu*, nenda Mimi nakujua nenda lakini nitachunguza. Akatuma Watu kule, yasemekana akamtuma Muhammad Ibn Maslama *Radhi Allahu 'Anhu*. na wengine. Wakaenda katika mji wa Kufah; wakaingia mji ule, wkapita misikitini. Zamani msikiti ndio kilikuwa ni kitu kikubwa kabisa.

Kila msikiti wanauliza, jamani nyie vipi na kiongozi wenu hapa. Wanasema kiongozi wetu ni kadha kadha. Jamani ni vipi kuhusu kiongozi wenu, Watu wanasema. Wote wanamsifu kwa kheri.

Mpaka wakafika katika msikiti ambao kwamba unaitwa msikiti wa Banii Sa'ad. Wakafika hapo, kwa bakhti wakafika, katika riwaya wakafika wakamkuta anayesalisha ndiye mwenyewe, mtuhumiwa mwenyewe.

Baada ya kuswalisha wale wa Mabwana wakasogea mbele kule, wakamwambia jambo la kwanza kabisa, 'wa Allaahi umetukumbusha Mtume, Sa'ad *Radhi Allahu 'Anhu* umetukumbusha Mtume, hivi ndivyo alivyokuwa anasalisha, leo unaambiwa Sa'ad hujui kusalisha?

Wakamwambia basi hamna neno. Jamani nyie hapa Msikitini tunauliza, kiongozi wenu huyu yukoje na nyinyi? Muamala wake ukoje? Wote wakasema vizuri.

Lakini Mtu mmoja aliinuka akasema, ***Innas Sa'ada Laa Yasiiru Bissariyya, Walaa Yaqsimu Bissawiyya Walaa Ya'dilu bi Al Qadhiyya***, huyu kiongozi wetu ana matatizo matatu, kwanza anaamrisha Watu waende vitani yeye haendi; analala Nyumbani kwake na Mke wake. Pili hana uadilifu katika kuhukumu, hajui kuhukumu huyu kiongozi wetu, na hata akigawa hajui kugawa.

Naam makosa matatu, na Sa'ad *Radhi Allahu 'Anhu* mwenyewe yuko palepale pembeni.

Basi Sa'ad *Radhi Allahu 'Anhu* akaulizwa, je, unasemaje juu ya mambo haya matatu?

Sa'ad akasema, Mimi sisemi kitu, na Mimi naomba Dua tatu, ndiyo itakuwa jawabu langu. Jawabu langu ni Dua tatu. Akasema, ***Amma Wallaahi La-ad'uwanna Thalaatha***, Mimi nitaomba Dua tatu.

Allahumma Inkaana 'Aabduka Haadhaa Kadhiba, yaa Allah, kama mja wako huyu muongo ananizulia Mimi. ***Qaama Riyaa-an Wasum-'a***, kasimama ili apate kusifiwa aonekane yeye mjuaji wa kusema. Basi: ***Fa-ati Al 'Umrah***, nakuomba Mwenyezi Mungu umpe umri mrefu. Hili ni jambo la kwanza.

Jambo la pili, ***Wa Ati Al Faqrah***, nakuomba umpe umaskini. Na jambo la tatu, ***wa A'ridhhul Fitnah***, umpitishe katika mitihani.

Basi, naam, alieipokea Hadith hii aliyeipokea anasema hivi. Nimemuona huyu Bwana aliishi mpaka miaka 100 na kitu. Mpaka kope zinafunika macho yake, kwa zilivyokuwa nzito. Yaani magozi ya kope yanafunika macho, na anapita mitaani. Akiwaona Watoto Wanawake wadogo wadogo anawashika shika, na Watu wanamzomea.

Halafu anaulizwa, mzee wewe ni Mtu mzima, mbona unafanya hivi?

Anasema, ***Maadha Af-'alu Waqad Asaabatnii Da'atu Sa'ad***, nitafanya nini Mimi na Dua ya Sa'ad imenikumba.

Alimdhulumu, na huu ndiyo ubaya wa kudhulumu.

Kaishi mpaka hajiwezi, anajikongoja, lakini anakaa vichochoroni wakipita Watoto wadogo anawashikashika; na Watu wanamzomea pale. Halafu Watu wazima wanamuita, 'Bwana we mbona imekuwa hivi, imekuwaje? Asema siyo Mimi Ndugu yangu, najizuia, lakini Dua ya mwenye kudhulumiwa imenikumba Mimi.

Kwa hiyo Ndugu zangu, tunaishi katika Mwezi ambao kwamba ni Mtukufu. Mwenyezi Mungu maagizo yake makubwa kabisa: **"*Falaa Tadhlimuu Fihinna Anfusakum*".**

Idhan kuanzia sasa, wanaosoma Qur-an na wasome. wanaofunga na wafunge. wanaotoa Sadaqah na watoe Sadaqah. Wanaoswali Usiku na waswali Usiku.

Mwezi huu Mtu autayarishe moyo wake, ili asije akafika katika Ramadhan akajuta.

UTUKUFU NA UBORA WA MWEZI RAJAB NA MIEZI MINNE MITUKUFU



Ndugu Waislamu, baada ya kumshukuru Mwenyezi Mungu Jalla wa 'Alaa. Kumtakia Rehma na Neema. Sala na Salamu. Mtume wa mwisho Nabii Muhammad *Salallahu 'Alayhi Wa Salama*.

Nakuusieni katika kadhia nzima ya kumcha Mwenyezi Mungu, kama ambavyo nimetangulia kuiusia nafsi yangu, juu ya jambo hili adhiimu.

Na kisha tuzingatie kwamba, katika maisha tunayoishi, kuna mambo mawili makubwa Mwenyezi Mungu ametuwekea katika Qur-an, kwamba tuyazingatie.

Mambo haya kwa kila mwenye akili. Anatakiwa na aliyemuumba. Mwenyezi Mungu *Subhaanahu Wa Ta'ala* anamtaka kila mmoja wetu azingatie mambo mawili haya, ili aweze kufanikiwa.

Mambo haya akasema katika Qur-an, Suratil Israa, aya ya 12,

﴿وَجَعَلْنَا اللَّيْلَ وَالنَّهَارَ آيَتَيْنِ فَمَحَوْنَا آيَةَ اللَّيْلِ وَجَعَلْنَا آيَةَ النَّهَارِ مُبْصِرَةً
لِتَبْتَغُوا فَضْلًا مِّن رَّبِّكُمْ وَلِتَعْلَمُوا عَدَدَ السِّنِينَ وَالْحِسَابَ وَكُلَّ شَيْءٍ
فَصَّلَّنَّاهُ تَفْصِيلًا﴾

WajaAAalna Allayla wa Alnnahara Ayatayni Famahawna Ayata Allayli wajaAAalna Ayata Alnnahari Mubsiratan Litabtaghoo Fadhlān min Rabbikum walitaAAalamoo AAadada Alssineena Wa Alhisaba wakulla Shay-in Fassalnahu Tafseelan (Surat Al Isra 17:12)

Kisha akasema, madhumuni ya kwamba unakuja Mchana, na kisha unakuja Usiku. Haitakiwi Muislamu kuishi kama Mnyama. Unalala umeshiba, unaamka na njaa. Unatafuta chakulaunakula, na kisha unalala tena, hapana; watakiwa uzingatie.

Ndiyo maana akasema kwamba, ***"Inna Fii Dhaalika La Ayah"***, hakika katika mambo haya mawili Usiku na mchana, kwenda Siku moja baada ya moja, kuna mazingatio kwa Watu wenye akili.

Madhumuni makubwa ni kwamba, ***"Litabtaghu Fadhlān Min Rabbikum"***, ili sisi Waumini tutafute fadhila za Mwenyezi Mungu wetu, katika Usiku na mchana.

Ndugu zangu umri wetu katika Dunia hii ni mfupi sana. Kwa sababu ya ufupi huu, Mwenyezi Mungu ametuwekea vitu maalumu, tukivipata tutakuwa tumepata thawabu nyingi sana. Kuliko wale walioishi miaka 900, miaka 1,000, na zaidi ya 2,000. Sisi tutakuwa tunapata mambo mengi sana zaidi.

Ndiyo maana Rasul Allah Salallahu A'alayhi wa Salama akatwambia, ***"If-'alul Khayra Dihrikum"***, fanyeni kheri katika Siku mnazoishi katika ulimwengu wenu, ***"Wata-'Aridhuu Nafahaati Rahmat Allahi"***, na mtafute vitu Mwenyezi Mungu alivyokupeni.

Nafahaati ni *privileges*, ni vitu ambavyo ukikipata umefanikiwa, Mtume Salallahu 'Alayhi anatwambia. Kuna vitu, Mungu katuwekea unatakiwa uvitafute, na ukisadifu kukipata ushafanikiwa. ***"Fainnalillaahi Nafahaati Min Rahmatihii"***, Mwenyezi Mungu katika Dunia hii ana *privilege*, ana vitu maalumu ametuwekea rehema zake maksudi. ***"Yuziidu birahmatihi man yashaa-u"***, Mwenyezi Mungu humpa amtakaye mambo kama haya, ***"min 'ibaadihii"***, katika waja wake.

Rasul Allah Salallahu 'Alayhi wa Salama akasema, ***"Was-Alullaha"***, muombeni Mwenyezi Mungu, ***"An Yastura 'Auraatikum wa an Yu-umina Rau'aatikum"***. *Alhadiith, Rawahu Tabraniy, wa Hassanahu Al Albani*, kama ilivyokuja.

Ndugu zangu, tumo katika Mwezi Mtukufu wa Rajab. Rajab ni miongoni mwa Miezi Mitukufu. Bali ni miongoni mwa Mwezi ambao kwamba, hata jina lake, Rajab maana yake ni kitu kitukufu, ndiyo Rajab.

Mwezi ambao umepata bahati ya kutukuzwa, **Filjaahi Allah wa Fil Islaam**. Umetukuzwa Mwezi huu tangu *Rasul Allah Salallahu 'Alayhi wa Salama* hakuzaliwa, ukatukuzwa na waliokuwa wakiishi wakati huo.

Ilikuwa katika Mwezi kama huu, Watu wanaacha kila mambo mabaya. Hata ikitokea Mtu kampiga Mtu, kamuua watasema, Ah ah wacheni kwanza, subirini Mwezi Mtukufu umalizike. Mwezi huu tuliokuwa nao, ni Mwezi Rajab.

Ni Mwezi miongoni mwa Miezi Mitukufu. Bali ni Mwezi ambao kwamba, umeitwa Rajab Mudhdharr, kwa sababu ya lile kabila ambalo kwamba lilikuwa likiutukuza sana Mwezi huu. Mwenyezi Mungu jambo hili akalinyanyua na kulitukuza.

Na akasema hasa:

﴿إِنَّ عِدَّةَ الشُّهُورِ عِنْدَ اللَّهِ اثْنَا عَشَرَ شَهْرًا فِي كِتَابِ اللَّهِ يَوْمَ خَلَقَ السَّمَاوَاتِ وَالْأَرْضَ مِنْهَا أَرْبَعَةٌ حُرْمٌ ذَلِكَ الدِّينُ الْقَيِّمُ فَلَا تَظْلِمُوا فِيهِنَّ أَنْفُسَكُمْ وَقَاتِلُوا الْمُشْرِكِينَ كَافَّةً كَمَا يُقَاتِلُونَكُمْ كَافَّةً وَاعْلَمُوا أَنَّ اللَّهَ مَعَ الْمُتَّقِينَ﴾

Inna AAiddata alshshuhoori AAinda Allahi ithna AAashara shahran fee kitabi Allahi yawma khalaqa alssamawati waal-ardha minha arbaAAatun hurumun dhalika alddeenu alqayyimu fala tadhlimoo feehinna anfusakum waqatiloo almushrikeena kaffatan kama yuqatiloonaikum kaffatan waiAAalamoo anna Allaha maAAa almuttaqeena (Surat At Tawbah 9:36)

"Inna 'Iddatash Shuhuuri 'In-da Allaha Ithnaa 'ashara shahran", hakika miezi kwa mwaka mzima, tangu Mungu kaiumba ni miezi 12. Katika miezi 12 hii kuna miezi minne, **"Arba-'atun Hurum"**, ni miezi minne mitukufu.

Rasul Allah Salallahu 'Alayhi wa Salama akaja kuibainisha miezi hii, akataja kwamba, Dhul Qaadah, Dhul Hijja, Muharram wa Rajab. Akaitaja Rasul Allah Salallahu A'alayhi wa Salama miezi mitukufu. Kwamba ni Mfungo Pili, Mfungo Tatu, Mfungo Nne, na Mwezi huu wa Rajab.

Yatakiwa Muislamu katika Mwezi huu ajifunge afanye jambo moja kubwa ambalo analijua yeye na Mungu wake tu, huenda hilo likamtoa. Maimam wakasema kwamba jambo lolote la kheri utakalolifanya katika Mwezi huu, litakuwa ni bora mno, kwa sababu Mungu kautukuza.

Mwenyezi Mungu amechukua nafasi ya kufanya *Takhsiis* kwamba, **"Minhaaarba-'atun hurum". "Wallahu Yakhlugu Maa Yashaa-u Wayakhtaar"**, Mwenyezi Mungu anaumba akitakacho na kisha anateua, kukinyanyua.

Amewaumba Wanadamu wote, kisha akamteua Mtume Muhammad Salallahu 'Alayhi wa Salama kuwa ni kiongozi mkubwa wa Mitume wote. Akaumba miji yote Dunia nzima, kisha akaiteua Makkah kuwa ni sehemu haram, akaweka *Al-Ka'bah* pale, Nyumba yake.

Akaumba mwaka mzima, na kisha ndani yake akauteua Mwezi Mtukufu wa Ramadhan. Akasema katika Mwezi huu, Mimi ninashusha kitabu changu Qur-an, na vitabu vingine. **"Yakhlugu Maa Yashaa-u Wayakhtaar". "Laa Yus-alu 'Ammay Yaf-'alu"**, Mwenyezi Mungu haulizwi kwa nini ukafanya hivi. Haulizwi. Kabisa.

Kwa hiyo, Muislamu unatakiwa uzinduke kwamba, Mwenyezi Mungu amenipa Mimi fursa ambayo kwamba huenda isijirudie tena. Fursa ambayo Watu wengi waliitamani, lakini wameshafariki. Fursa yenyewe ni kuishi katika miezi mitukufu ambayo Mwenyezi Mungu ameiumba.

Mwenyezi Mungu anasema, anayetukuza vitu ambavyo Mungu amevitukuza, huo ni uchamungu. **"Waman Yu'adh Dhimu Sha'aaira Allaah"**, na yule ambaye anatukuza kitu ambacho Mwenyezi Mungu kakitukuza.

Yaani Mwenyezi Mungu keshasema kwamba huu ni Mwezi Mtukufu. Wewe ukasema kwamba, alaa na Mimi nitafanya mambo matukufu ndani yake. Basi Mwenyezi Mungu anasema, **"Fainnahaa Min Taqwal Quluub"**, huo ni Uchamungu.

Kwamba ile *Choice*, ule uchaguzi wa Mwenyezi Mungu. Wewe umeukubali na kuufanyia kazi. Huo ndiyo uchamungu, kama Mwenyezi Mungu anavyosema katika Qur-an Tukufu.

Kadhalika, utukufu una namna tatu, kuna **Sharafuz Zamaan, Sharaful Makaan wa Washarafudh Dhawaati.**

Kuna kitu kinatukuzwa, ni kwa sababu ya pahala. Kama vile Makkah, pametukuzwa kwa sababu pale ni *haram*. Madinah imetukuzwa na kadhalika Baytul Maqdis imetukuzwa. Kwa sababu ni sehemu Mwenyezi Mungu kazitukuza.

Ukiswa Makkah Salah yako moja ni kama sala laki moja katika msikiti mwingine. Naam, hivi ndivyo ilivyo, *Rasul Allah Salallahu 'Alayhi wa Salama* kasema hivi, kwa sababu, pale ni pahala patukufu.

Kadhalika, kuna viumbe vitukufu, Mwenyezi Mungu kavitukuza, kama Jibril. Ambaye ni mkubwa wa Malaika wote. Mwenyezi Mungu katika Qur-an akamsifu, **"Allamahuu Shadiidul Quwaa, Dhuu Mirratin Fastawaa"**.

Na kama Mitume, Mwenyezi Mungu kaWatukuza.

Kadhalika, kuna zama/nyakati, Mwenyezi Mungu kaziteuwa na akazitukuza. Mojawapo Ndugu yangu ni huu Mwezi wa Rajab; Mwenyezi Mungu kautukuza. Na tumebakhtika mwaka huu, katika Mwezi wa Rajab tuna Ijumaa tano. Alhamdulillah.

Mwenyezi Mungu atuwafikishe ili tuzipate hizo Ijumaa tano. Tena Ijumaa ambazo ni Siku tukufu, ndani ya Mwezi Mtukufu. Tufanye mambo yaliyokuwa matukufu kwa uwezo wake Allah subhaanahu wata'ala.

Khutbah yetu Ndugu zangu tutaeleza mambo ambayo kwamba ni **Mustahibbah**. Mambo ambayo yamependekezwa na maulamaa, **Ahlul 'Ilmi** wamependekeza. Kwamba katika Siku kama hizi, jaribu kukimbilia mambo haya, ili upate kufanikiwa.

Mambo ambayo kwamba ni mepesi ukiyaona. Lakini magumu kwa sababu ya Dunia, na kutokuelewa.

Mpaka ikafika pahala Rasul Allah Salallahu A'alayhi wa Salama akasema, **"Allahumma Baarik lanaa Fii Rajab wa Sha'baan Waballighnaa Ramadhan"**, Mwenyezi Mungu tufikishe katika Mwezi kama huu, utubarikie.

Na baraka zinakuja kwa sababu ya kufuata yale ambayo Mwenyezi Mungu ameyaamrisha na kuyaridhia.

Maimam wamesema mengi kuhusu Mwezi huu wa Rajab. Mmojawapo, ni Sheikh Abubakar al-Warraq al-Balhiy, anasema kwamba, **Shahru Rajab, Shahru Lizzar-i**, Mwezi wa Rajab ni Mwezi wa kupanda mazao.

Washa'baan Shahrus Saqyi Lizzar-i, na Mwezi ujao wa Shaaban, ni Mwezi wa kutilia maji vile ambavyo tumevipanda. **Wa Ramadhan, Shahru Haswaadi Lizzar-i**, na Ramadhan ni Mwezi wa kuja kuvuna.

Nini maana yake? Maana yake ni kwamba. Unapotaka kusimama Qiyaamullayl katika Ramadhan, ni lazima uanze kufanya kheri sasa. Uburuge kile kiwanja chako shamba lako uliburuge, na upande mimea kuanzia sasa.

Wengi tunaghafulika, tunakuja kuzuka katika Ramadhan. Mnazuka tu, na Mimi nataka kusimama **Qiyaamullayl**. Huwezi. Unajikuta Siku mbili umechoka, na unaachilia mbali. Hiyo Ramadhan vilevile, unajikuta Siku mbili umechoka, unaachilia mbali, kwa sababu hukuwa na matayarisho, **Al-Isti'daad**.

Mwenyezi Mungu anatwambia mapema katika Qur-an, kwamba fanyeni matayarisho, **"Wa A'idduu"**, fanyeni matayarisho kiasi mtakachoweza, kwa sababu ya mambo makubwa yanayokuja mbele yake.

Mwezi huu ukifanya jambo jema, Mwenyezi Mungu anakulipa mara nyingi zaidi, kwa sababu Mwenyezi Mungu kautukuza Mwezi huu. Kadhalika, ukifanya jambo baya, vilevile Mwenyezi Mungu anakulipa zaidi mabaya, kwa sababu Mwenyezi Mungu Mwezi huu kautukuza.

Tayyib, Mambo ya kufanya tuzungumze matatu au manne, basi, kwa sababu ya muda. Sisi Ndugu zangu, mwaka mzima umepita, tunafanya mambo mengi machafu, tunakosea kwa makusudi au kwa bahati mbaya.

Ndiyo maana, mmoja katika salaf swaalih akasema, **Jadiirun Biman Sawwada Sahiifatahu Bidh Dhunuubi an Yubayyidhahaa Bittawbati Fii Haadhash Shahr**, yatakiwa, ni jambo la kuingia akilini mwa Mtu mwenye akili, ambaye kwamba kaishi mwaka mzima huu kakosea, kamsukuma huyu, kamdhulumu huyu, kamsengenya huyu, kafanya bahati mbaya hivi, kachukua hivi; kitabu chake cha 'amali kimeingia madoa mengi meusi.

Anatakiwa hapa ajifunge katika Mwezi huu, ambao Mwenyezi Mungu kautukuza, na alete toba.

Wabiman Dhayya-'a 'Umrahuu Fil Bitaalati, na yule ambaye kwamba kapoteza umri wake katika mambo ya kidunia. **An Yakhtarina Fiihi**, ajitahidi katika Mwezi huu achume, **Maa Baqiya Minal 'Umri**, kiasi ambacho Mwenyezi Mungu amembakisha umri wake katika Dunia hii.

Ndugu zangu, **Awwalan**, jambo la kwanza ni **At Tawbah**. Tunatakiwa kila mmoja katika sisi ajifunge kwa kuleta toba. Watu wengi wanakosea, wanadhania kwamba Toba imewekwa kwa Watu wabaya, hapana Ndugu zangu.

Toba imewekwa kwa Waumini. Ndiyo maana Allah Jalla wa 'Alaa alipotaka Watu Watubu aliposema,

﴿يَا أَيُّهَا الَّذِينَ آمَنُوا تَوْبُوا إِلَى اللَّهِ تَوْبَةً نَّصُوحًا﴾

Ya Ayyuha Alladheena Amanoo Tooboo Ila Allahi Tawbatan Nasooahan (Surat At Tahrir 66:8)

Maa Qaala, Ayyuhal Mudhnibuun, Wala Ya Ayyuh al Kaafiruun, Walaa Ya Ayyuh al Munaafiquun, la.

"Yaa ayyuhalladhiina amanuu", enyi mlioamini leteni toba. Dalili kwamba toba atakiwa kila mmoja katika sisi kuleta toba, kwa sababu kila mmoja katika sisi, ni mwenye kukosea.

"Kullu bnaadama khattaa", Rasul Allah Salallahu 'Alayhi wa Salama anasema, kila mmoja katika nyinyi ni mwenye kufanya makosa. Na mzuri katika wenye kufanya makosa, ni yule ambaye analeta toba.

Ndugu zangu, hii ni fursa adhimu. Kila mmoja katika sisi akae pembeni, pengine chumbani kwake, pengine pale kazini kwake, alie na Mungu wake. Huu ni Mwezi ambao Mungu kautukuza. Ukifanya 'amali ambayo Mwenyezi Mungu anaipenda, ni jambo kubwa sana.

"Wa Allahu yuhibbut tawwaabuun", Mwenyezi Mungu anawapenda wale ambao wanaleta toba.

Kwa hivyo, jambo la kwanza Ndugu zangu, ni kwamba, tujifunge katika kufanya toba katika Mwezi huu. Jambo ambalo wengi tunakuwa tunajisahau, na ndiyo maana tunakumbushana.

Akasema tena katika Surat An Nur

﴿وَتُوبُوا إِلَى اللَّهِ جَمِيعاً أَيُّهَا الْمُؤْمِنُونَ لَعَلَّكُمْ تُفْلِحُونَ﴾

Watooboo ila Allahi jameeAAan ayyuha almu/minoona laAAallakum tuflihoona (Surat An Nur 24:31)

Mush ayyuhal Mudhnibuun, Ayyuhal Kaafiruun, Ayyuhal Munaafiquun, laa.

Tubuni nyote kwa Mwenyezi Mungu, Enyi Waumini.

Mwenyezi Mungu anasema na Mimi na wewe unayesema umeamini; unaambiwa lete Toba.

Kwa hiyo, Toba si kwa maana kwamba ni kwa ajili ya jitu lenye Madhambi mengi, hapana. Mimi na wewe tunaambiwa tutubu kwa Mwenyezi Mungu, **La AAallakum Tuflihoona** ili tuweze kufanikiwa.

Thaaniya, na jambo la pili Ndugu zangu, katika mambo ambayo anatakiwa Mtu ayafanye katika Mwezi huu wa Rajab. Nalo ni **Dhikran Kathiiran**. Ni kumtaja Mwenyezi Mungu kwa wingi. Ni jambo ambalo Mwenyezi Mungu ameliweka katika Qur-an na ameliamrisha, akasema, **"Ya Ayyuha Alladhiina Amanuu"**, enyi mlioamini.

Angalia, ***Al Khitaabu lil Muuminiina, Ya Ayyuha Alladhiina Aamanuu Dhikurul Allaha Dhikran Kathiiran***", enyi mlioamini mtajeni Mwenyezi Mungu kwa wingi.

Salah ya adhuhuri ina Rakaa 4, hukuambiwa uswali kwa wingi. Kwamba uswali Rakaa 8, 12, au 20; hapana, ni Rakaa 4 tu. Salah ya maghrib ina Rakaa 3, na umeambiwa uswali Rakaa 3 tu. Hisabu ya Zakah, ina hesabu maalumu, ambayo ni *Rub'u U'ushr*.

Mwezi wa Ramadhan ni Siku 29 au 30. Hijja ni Siku maalumu.

Isipokuwa Ibada ya dhikri, Mwenyezi Mungu anatutaka tufanye dhikiri kwa wingi ambao kwamba hauna ukomo wake. Lete dhikri kwa wingi ambao kwamba hauna mfano wake. Mpaka Mwenyezi Mungu ambaye ni Tajiri. Aone kwamba, huyu kafanya kwa wingi.

Kipindi chake ndicho hiki sasa, Ndugu zangu tunakumbushana.

Na imekuja kama rawaa Al Imam Tirmidhi min hadiith Abdillah Ibn Masoud *Radhi Allahu 'Anhu qaala*.

Kuna Mtu mmoja alikwenda kwa Mtume akasema, ***"Ya Rasul Allaah"***, ewe Mtume wa Mwenyezi Mungu, ***"Innash Sharaa'iy al Islaam Qad Kathurat 'Alayya"***, mambo yamekuwa mengi, mara naambiwa kuna Salah, mara huku kuna Zakah, mara kuna Sadaqah, mara sijui kuna fitri, mambo yananichanganya yamekuwa mengi, leo unaambiwa hivi, kesho hivi.

"Fa Akhbirni Bishay-in Atathabbat Bihii", sasa Mtume nakuomba, niambie kitu, nipe kitu kizuri kimoja tu nikifanyie kazi, nipate kufanikiwa. Mambo yamenichanganya.

Rasul Allah Salallahu 'Alayhi wa Salama akamwambia, ***"Laa Yazaalu Lisaanuka Ratban Min Dhikri Allah"***, ulimi wako usikauke kwa kumtaja Mwenyezi Mungu.

Subhaanallaah.

Kila Siku na kila saa, ***Subhaanah Allah, Alhamd Lillaah, Wala Ilaha Illa Allahu Wallahu Akbar. Wakadhaalika***. Hizi ndizo *Rasul Allah Salallahu 'Alayhi wa Salama* kamuusia Mtu ambaye kwamba anasema, mambo yanamchanganya, akaomba apewe kitu akifanye ili afanikiwe.

Rasul Allah Salallahu 'Alayhi wa Salama kampa siri kama hiyo.

Na katika dhikri kubwa kabisa, ***Wainna Min Afdhalidh Dhikri 'Alal Itlaaq Tilaawat Kitabah Allaah, au Quraanil Kariim***, hakika dhikri iliyokuwa kubwa kuliko zote ni kitabu cha Mwenyezi Mungu Qur-an Tukufu.

Mwenyezi Mungu katika Qur-an Tukufu ametaja mambo mengi ambayo ni faida za kusoma Qur-an. Muda ni mchache. Hatuna muda wa kusema sana. Lakini Watu wengi wanasema kwamba, Mimi Sikumaliza msahafu, Mimi najua Juzuu moja, naam, soma hiyo hiyo juzuu moja.

Mtu mmoja alisikikana na *Rasul Allah Salallahu A'alayhi wa Salama* akisoma ***Qul Huwallahu tu***, ndiyo anayojua, kucha nzima. Mtu mwingine akasema kwamba huyu Bwana anasoma ***Qul Huwa Allahu tu***, yaani kama kaidharau hivi.

Rasul Allah Salallahu 'Alayhi wa Salama akasema, hiyo ni thuluthi ya Qur-an. Akisoma tatu ni kama msahafu mzima.

Kwa hiyo, kama huwezi kusoma ***Al-Baqarah au Al-Imraan au Al-An'aam au At Tawba*** au Nisaai, ambayo ni masura makubwa makubwa. Shikamana na zile unazojiweza. Soma ***Tabbat Yadaa***, ukimaliza ***Tabbat Yadaa*** soma ***Idhaa Jaa-a***, ni hivyo hivyo, Rasul Allah Salallahu 'Alayhi wa Salama katunyanyua.

Mwingine akaonekana anasoma ***Qul Yaa Ayyuha Al Kaafiruuna***, na yeye yeye hiyo ndiyo anayojua. Rasul Allah Salallahu 'Alayhi wa Salama akasema naam, soma, hiyo ni ***Rub'u Al Qur-an***. Hiyo ni *quarter* ya Qur-an, ni robo ya Qur-an; soma hivyo hivyo.

Rasul Allah Salallahu A'alayhi wa Salama anatutia hima katika Qur-an kwa kile unachokijua.

Kadhalika, *Rasul Allah Salallahu 'Alayhi wa Salama* akasema, ***"Igrau Al Qur-aan"***, isomeni Qur-an, ***"Fainnahuu Ya-Atii Yawmal Qiyaamati Shafii'an li As-haabih"***, Siku ya Qiyamah kutakuwa hakuna wakili wa kumkodi, wakili atakuwa ni Qur-an ambayo ulikuwa ukiisoma, kwa kiasi utakachoweza.

Si lazima sote tuwe mahaafidh wa Qur-an, hapana. Si lazima sote tuwe Maimam, si lazima sote tuwe wasomaji wa tajweed, hapana. Kila mmoja katika sisi asome kile Mwenyezi Mungu ambacho amempa, amemjaalia.

Kwa hivyo Ndugu zangu, haya mawili tumeyataja kwanza, tutakuja kumaliza mawili mengine katika Khutbah ya pili.

Ndugu Waislamu, jambo la tatu Ndugu zangu, tunalousiana ni Saumu.

Watu wenye kuweza, na wajitahidi kufunga. Afunge Mtu Siku ya Alkhamis na Jumatatu katika Mwezi huu. Ajipinde azipate, asizikose, ili fursa isimpite. Asiwe kama maiti, hapana. Lazima Mtu awe hai, aitikie wito wa Mwenyezi Mungu aliyemwambia, ***"Minhaa Arba-'atun Hurum"***, katika hiyo miezi 12, kuna miezi 4 mitukufu.

Saumu ya Mwezi 13, 14, na 15 afunge Siku hizi; au afunge zaidi ya hapo.

Anaweza Mtu kuona kwamba, lakini mbona hatukuambiwa, na Mtume hajafunga.

Naam. Lakini, je, Saumu si katika amali njema? Bali wamesema Maimam kwamba, Jumhuurul Fuqahaa, kwamba kufunga ni jambo zuri katika Mwezi huu.

Kama alivyosema Al-Imam Abu Hanifa, Al-Imam Malik na Al-Imam Shafi'i kwamba ni Sunnah kufunga katika Mwezi kama huu. Imam Ahmad bin Hanbal *Rahmatu Allaah 'alayhi* akasema kwamba, **Yukrahu**, inakirihisha Mtu kufunga Mwezi huu mzima wa Rajab. Hili ni jambo linakirihika.

Lakini akasema Al-Imam Ibn Qudaamah katika *Al-Mughni*, **Wayukrahu Ifraadu Rajaba bi Saumin**, kinachokirihisha nikwamba, Mtu hajafunga katika Mwezi Jumaadal Uula, Jumaada Thaani, wala hajafunga Mwezi wowote, anasubiri Rajab ndiyo anakuja kufunga. Hili ndilo linalokatazwa, kuukusudia Mwezi huu kwa kufunga, inakatazwa.

Ama kwa sababu Allah kasema Mwezi Mtukufu na Mimi nafunga, hivyo ndivyo inavyotakiwa. Kwa sababu *Rasul Allah Salallahu A'alayhi wa Salama* alimwambia mmoja katika Masahaba wake akiitwa al-Dhahiriyya *Radhi Allahu Anhu* akamwambia ami yake, **"Sum Minhunna Watruk"**, Funga katika Miezi Mitukufu na kisha uwache.

Ndiyo Mwezi huu, Rajab ni katika miezi mitukufu.

Mtume kasema katika Hadith yake kwamba, funga katika Miezi mitukufu Hadithi ya Abi Daud wal Bayhaqiy. *Rasul Allah Salallahu A'alayhi wa Salama* kasema, **"Sum Minal Hurum watruk"**, funga katika Miezi Mitukufu na uache.

Kwa hiyo, kinachotakiwa hasa ni Watu wafunge.

Bali katika dalili nyingine ni kwamba. Imekuja katika Hadith ya Usamah Ibn Zaid *Radhi Allahu Anhu*, ambayo yeye amesema, alimuuliza Mtume wa Mwenyezi Mungu, **"Yaa Rasul Allaah Lam Araka Tasuuma Shahrana Mina Shuhuuri Maa Tasuumu min Sha'baan"**, mbona Sikuoni Mtume unafunga sana kama unavyofunga katika Mwezi wa Shaaban.

Rasul Allah Salallahu A'alayhi wa Salama alikuwa akifunga sana Mwezi wa Shaaban. Maana yake ni kwamba, katika Shaaban Mtume akifunga sana.

Jawabu la Rasul Allah Salallahu A'alayhi wa Salama lilikuwa, **"Dhaaka Shahrana"**, huo ni Mwezi ambao kwamba, **"Yaghfulun Naasa Anhu"** Mwezi ambao kwamba Watu wengi wanaghafulika, **"Bayna Rajab wa Ramadhan"**, Mwezi ulio katikati ya Rajab na Ramadhan.

Maana yake ni kwamba, Watu wengi Masahaba, walikuwa dalili kwamba wakifunga Rajab na wakifunga Ramadhan, katika Shaaban wakighafilika. Hii ni dalili kwamba walikuwa wakifunga Mwezi wa Rajab.

Ndugu zangu, wakati umekwenda, lakini mambo yalikuwa yawe matano tumetaja matatu tu kwa sababu ya wakati nitaongeza moja lakini sitolisherehesha, nalo ni Sadaqah.

Sadaqah ni moja katika mambo makubwa mno Mtu kuyafanya.

Mwenyezi Mungu anasema kuhusu Sadaqah:

﴿إِنْ تُبْدُوا الصَّدَقَاتِ فَنِعِمَّا هِيَ وَإِنْ تُخْفُوهَا وَتُؤْتُوهَا الْفُقَرَاءَ فَهُوَ خَيْرٌ لَّكُمْ وَيُكَفِّرُ عَنْكُمْ مِنْ سَيِّئَاتِكُمْ وَاللَّهُ بِمَا تَعْمَلُونَ خَبِيرٌ﴾

In Tubdoo Alssadaqati FaniAAimma Hiya wa-in Tukhfooha Watu/tooha al Fuqaraa Fahuwa Khayrun Lakum Wayukaffiru AAankum Min Sayyi-atikum waAllahu Bima taAAamaloona Khabeerun(Surat Al Baqara 2:271)

Sadaqah mkitoa kwa waziwazi ni bora kwenu. ***"Wa-in Tukhfooha Watu/tooha alfuqaraa Fahuwa Khayrun lakum*** Lakini mkificha na kuwapa Masikini hua ni Bora kwenu. Allah atakusameheni baadhi ya Dhambi zenu na Allah ni mwenye kujua juu ya kila mnachokifanya

Mwenyezi Mungu anasema, kwa namna yoyote mtakayotoa, ni bora kwenu,

Kwa hiyo, Sadaqah ni moja katika mambo ambayo kwamba Rasul Allah Salallahu 'Alayhi wa Salama anasema Siku ya Qiyamah itakuja kumfunika yule ambaye anaitoa. Katika Hadith, ***"Sab-'atun Yudhilluhumu Allaah Yawma laa Dhillu..., Waminhum, Rajulun Tasaddaqa"***, Mtu ambaye kwamba katoa Sadaqah kwa siri, hakuna Mtu anayejua.

Dalili kwamba, Sadaqah ni katika mambo makubwa kabisa.

Rasul Allah Salallahu 'Alayhi wa Salama akasema katika Hadith nyingine, ***"Kullu Umrin fii Dhilli Sadaqatihii"***, Siku ya Qiyamah kutakuwa na Jua kali, na kila Mtu atakuwa hana pa kujificha isipokuwa Mtu ambaye alikuwa na tabia ya kutoa. Huyu atakuwa chini ya kivuli cha Sadaqah yake; Sadaqah itakuwa ni Mwamvuli kwa aliyetoa.

Kwa hiyo, ninakuusieni sana mambo haya manne, tushikamane nayo.

Bali, nimalize kwamba, Sadaqah ni jambo ambalo kwamba ni la kipekee. Watakaloliona Watu wabaya, kwamba, 'loh Mimi kama nitarudishwa, jambo la kwanza nitakwenda kutoa Sadaqah'.

"Rabbi Irji'uun", Mwenyezi Mungu nirudishe, ukimirudisha, **"Fa-Asaddaqah"**, jambo la kwanza nitakwenda Mimi kutoa Sadaqah.

Hajasema nitakwenda kufunga, (si kama haifai), lakini Sadaqah ndilo jambo la kwanza ambalo yule aliyekufa anaona kwamba litakwenda kumsaidia Duniani atakaporudi.

Kwa hiyo, Ndugu yangu usisubiri ukafa, usisubiri ukasema **yaa laytanii**, **"La-'Allii a-'Amalu saalihan Fiima Taraktu"**, hapana. Mwenyezi Mungu atakwambia, **"Kallaa Innahaa Kalimah"**, ni maneno tu hayo unasema.

Wakati wako ni sasa. Wakati wako ni sasa. **"Fastabiqu Al Khayraat"**, kimbilieni mambo ya kheri.

Tafuta masikini, tafuta wagonjwa, kila Siku wanatangazwa hapa, tia nia kwamba yaa Allah, Mimi katika Mwezi Mtukufu huu, hii Sadaqah ninajitangulizia.

Basi wallaahi utakuja kuyakuta Siku ya Qiyamah mbele ya Mwenyezi Mungu Jalla wa 'Alaa.

MAZINGATIO YALIYOPO KWENYE KISA CHA ISRAA NA MIIRAJ



Ndugu Waislamu baada ya kumshukuru Mwenyezi Mungu Jalla wa 'Alaa. Kumtakia Sala na Salamu. Rehma na Neema. Mtume wa mwisho, Nabii *Muhammad Salallahu 'Alayhi Wa Salama*.

Nakuusieni katika kadhia nzima ya kumcha Mwenyezi Mungu, kama ambavyo nimetangulia kuiusia nafsi yangu juu ya jambo hili adhiimu.

Na kisha ninakutakeni tuzingatie maneno yake Mwenyezi Mungu Jalla wa 'Alaa. Kitabu ambacho kwamba Allah amekiteremsha na kisha akakisifu kwa kusema, **"Kitaabun Anzalnaahu"**, kitabu tumekiteremsha hichi. Makusudio yake, **"Liyaddabbaruu Aayaatih"**, ili Waumini wazingatie aya zake.

Madhumuni makubwa ya Qur-an wazingatie aya, na kisha wazifuate.

Katika Qur-an tukufu kuna visa vingi vya Mitume na Watu wema. Mwenyezi Mungu Jalla wa 'Alaa ameeleza mathalan kisa cha Nabii Adam. Tangu Kabla ya kuumbwa kwake, wakati wa kuumbwa, baada ya kuumbwa, na mtihamu alioupata.

Akieleza kisa cha Nabii Nuhu, namna gani aliamiliana na Watu wake kwa muda mrefu sana. Na kisha, wakampinga waliompinga; na wakamfuata waliomfuata. Ambao ni wachache. Akieleza kisa cha Nabii Idris, akieleza kisa cha Nabii Mussa, Nabii Issa, na wengineo.

Na mwisho katika maelezo yake Allah Jalla wa 'Alaa, mara nyingi anamwambia Mtume wetu kumuusia,

﴿وَكُلًّا نَقُصُّ عَلَيْكَ مِنْ أَنْبَاءِ الرُّسُلِ مَا نُثَبِّتُ بِهِ فُؤَادَكَ وَجَاءَكَ فِي هَذِهِ الْحَقُّ وَمَوْعِظَةٌ وَذِكْرَى لِلْمُؤْمِنِينَ﴾

**Wakullan Naquṣṣu AAalayka min Anba-i Alrrusuli Ma Nuthabbitu Bihi Fu-
adaka Wajaaka Fee Hadhihi Alhaqu WamawAAidhatun Wadhikra
Lilmu/mineena (Surat Hud 11:120)**

"Wakullan", na kila Muhammad tunapokueleza habari za Mitume, madhumuni ni kukupata ithibati ya moyo wako. **Wakullan Naquṣṣu AAalayka Min Anba-i Al
Rusuli Ma Nuthabbitu Bihi Fu-adaka** ", ili Kifua chako kiwe na ithibati ya maneno ya Mwenyezi Mungu.

Kwa hiyo, madhumuni ya visa sio Watu wasikilize na wacheke. Au Watu wasikilize waseme, huyu Firaun alikuwa ni mbaya kweli kweli, Abuu Lahab alikuwa hivi, siyo maana yake.

Madhumuni ni kwamba, kinapotajwa kisa cha mmoja kati ya Watu ambao Allah ameamua kuwaelezea katika Qur-an. Wewe na Mimi tupate 'Ibrah, tupate maelekezo, na tupate kuthibitisha vifua vyetu. Kwamba yale ni maneno ya Mwenyezi Mungu Jalla wa 'Alaa.

Na mfano mzuri ni pale Allah alipoamua kusema kisa cha Nabii Yusuf 'Alayhi wa 'Alaa *Nabiyyina Salatu wa Salamu*. Mwanzo kabisa alisema,

﴿نَحْنُ نَقُصُّ عَلَيْكَ أَحْسَنَ الْقَصَصِ﴾

Nahnu Naquṣṣu AAalayka Ahšana Al Qaṣaṣi (Surat Yusuf 12:03), sisi Tunakuhadithia kisa kizuri sana.

Wafi'lan, ni kizuri sana.

Lakini, aya ya mwisho kabisa, aya ya 111, mwisho wa Surah. Mwenyezi Mungu Subhaanahu wa Ta'ala anamueleza Bwana Mtume Muhammad Salallahu 'Alayhi Wa Salama, ya kwamba haya yote tuliyokueleza, madhumuni ni kwamba ujifunze na ujue yaliyowapata na yaliyowakuta Mitume waliokuwa kabla yako wewe.

﴿لَقَدْ كَانَ فِي قَصَصِهِمْ عِبْرَةً لِّأُولَى الْأَلْبَابِ مَا كَانَ حَدِيثًا يُفْتَرَى وَلَكِن تَصْدِيقَ الَّذِي بَيْنَ يَدَيْهِ وَتَفْصِيلَ كُلِّ شَيْءٍ وَهُدًى وَرَحْمَةً لِّقَوْمٍ يُؤْمِنُونَ﴾

Laqad Kana Fee Qasasihim AAibratun li-olee Al-Albabi Ma Kana Hadeethan Yuftara Walakin Tasdeeqa Alladhee Bayna Yadayhi Watafseela Kulli Shay-in Wahudan Warahmatan Liqawmin Yu/minoona(Surat Yusuf 12:111)

"Laqad Kana Fii Qasasihim", hakika katika kutaja visa vya Watu hawa, mitume, manabii na Watu wengineo. ***"Ibrah"***, kuna mazingatio, lakini kwa Watu wenye akili.

Wako wengine akihadithiwa, anaona kama hadithi ya Chinua Achebe. Anaona kama hadithi ile ya paukwa pakawa. Aona kama hadithi ya kuhadithiwa na babu yake. Hapati ***'ibrah.***

Sasa, Mwenyezi Mungu Jalla wa 'Alaa. Anatueleza sisi ummah, kisa cha Mtume wetu, ina maana hapa sasa, kila mmoja wetu awe *attention*, kwa sababu anaelezewa kisa cha Mtume wake mwenyewe. Siyo Mussa wala Isa wala Nuhu, waliopita mwanzo, hapana, ni huyu Mtume Salallahu 'Alayhi Wa Salama.

Allah akasema,

﴿سُبْحَانَ الَّذِي أَسْرَى بِعَبْدِهِ لَيْلًا مِّنَ الْمَسْجِدِ الْحَرَامِ إِلَى الْمَسْجِدِ الْأَقْصَى الَّذِي بَارَكْنَا حَوْلَهُ لِنُرِيَهُ مِنْ آيَاتِنَا إِنَّهُ هُوَ السَّمِيعُ الْبَصِيرُ﴾

Subhanah Alladhee Asra biAAabdihi Laylan Mina Al Masjidi Alharami Ila Almasjidi Al-aqsa Alladhee Barakna Hawlahu Linuriyahu Min Ayatina Innahu Huwa AlssameeAAu albaseeru(Surat Al Isra 17:01)

"Subhanah Alladhii Asra", kwa hakika ametukuka yule ambaye kwamba amempeleka, (Mtume hakwenda mwenyewe, kapelekwa). **"Bi'abdhii"**, amempeleka mja wake, ametukuka.

Na Surah hii utakuta imetanguliwa na Surah nyingine, zinaanza na **Alhamdu Lillaahi Ladhii**. na mbele kuna **"Alhamdu Lillaahi Ladhii"**. Surat Kahfi na Surah nyingine kama hizi.

Lakini Allah alipotaja kisa, alipotaja khabari hii, alianza na neno, **" Subhanah "**, ametukuka. Kwa nini kaanza hivyo? Kwa sababu ni jambo kubwa, la ajabu mno ambalo Mwenyezi Mungu ameamua kulitaja.

Na ndiyo maana ameanza na neno **" Subhanah "**. Na ni ada ya Waarabu katika kila jambo la ajabu, husema **Subhanah**

Wakasema wenye kujua, **"Likulli U'juubatin, Subhanah Allah"**, katika kila ajabu, mtukuze Mwenyezi Mungu.

Na ndio maana unaona hata katika kisa cha Nabii Issa bin Maryam 'alayhimussalam, mwisho kula anasema:

﴿ ذَٰلِكَ عِيسَى ابْنُ مَرْيَمَ قَوْلَ الْحَقِّ الَّذِي فِيهِ يَمْتَرُونَ ﴾

Dhalika AAeesa Ibnu Maryama Qawla Alhaqqi Alladhee Feehi Yamtaroon
(Surat Maryam 19:34)

Thumma Qaala, "Subhaanah".

﴿ مَا كَانَ لِلَّهِ أَنْ يَتَّخِذَ مِنْ وَلَدٍ سُبْحَانَهُ إِذَا قَضَىٰ أَمْرًا فَإِنَّمَا يَقُولُ لَهُ كُنْ فَيَكُونُ ﴾

Ma Kana Lillaahi an Yattakhidha Min Waladin Subhanahu Idha Qada Amran Fa-Innama Yaqoolu Lahu Kun Fayakoonu(Surat Maryam 19:35)

Jambo la ajabu Mwanamke kuzaa bila ya Mume; ni jambo la ajabu Mtoto kuzaliwa bila ya Baba. **Subhaanah**. Kwa hivyo, katika kila jambo la ajabu, Allah alisema **Subhaanah**.

Na alipotaja katika safari ya Israa na Mi'raaj ambayo tunaieleza katika Mwezi huu. Kwa sababu, ndiyo Mwezi ambao kwamba katika **Aqwaal** zenye uhakika zaidi ni kwamba

safari ile ilikuwa katika Mwezi huu wa Rajab. Na ndiyo maana tunataja kisa kama hiki. Zipo ikhtilafu, hatukatai, lakini hii ni Qur-an imeeleza.

Wakati gani, si muhimu kabisa, muhimu ni nini kimeelezwa. Kila mmoja katika sisi lazima ajue jambo hili kwa sababu ni Qur-an. Akiwa Mtu hajui safari ya Israa na Mi'raaj maana yake hajui Qur-an Surah nzima imekuja,

(سُبْحَانَ الَّذِي أَسْرَى بِعَبْدِهِ)

Subhanah Alladhee Asra biAAabdihi amempeleka mja wake.

Na Allah Jalla wa 'Alaa ameamua kutumia, **"Bi'Abdihii"**, angesema **Bi Rasuulihii**, au **Bi Nabiyyihi**, angesema. Lakini kasema, **"Bi'Abdihii"**, Mja wangu, Mtumwa, **'Abdi** ni Mtumwa.

"Bi'abdihii", kampeleka Mtumwa wake, kwa nini? Ili nyinyi Wanadamu Waislamu wa karne hii. Ambao wameshapita katika mambo mengi, hapo baadaye wakaona kwamba kuna Mtume ambaye kwamba kwa sababu kapaishwa juu na Mwenyezi Mungu. Wafuasi wake wakamuita mungu, badala ya kuwa ni mja.

Sasa, Mwenyezi Mungu anatuambia sisi kwamba huyu Mtume, "Mimi nimempeleka Baytil Maqdis na nikampeleka Mbinguni, lakini bado yeye ni Mtume". **Fama-'al Israa, Wama-'al Mi'raaji, Fainnahuu 'Abdu Lillaahi. 'Ibrah** kubwa sana.

Subhanah Alladhee Asra biAAabdihi ni Mja wake.

Mwenyezi Mungu anatwambia katika Qur-an kwamba, tukamnyanyua Nabii Issa angani akapelekwa Mbinguni; wafuasi wake wakawa *hairaan* wamechanganyikiwa, wakaona kwamba haiwezekani Mtu kufanya kitu kama hiki, lazima atakuwa Mungu.

Sasa sisi Mwenyezi Mungu anatwambia mapema kabisa, **Subhanah Alladhee Asra biAAabdihi**, kwa Mja wake. Kisha akasema, **"Laylan"**, katika Kiarabu, Laylan inaambiwa ni **Nakira. Laylan**, imekuja **Fatahateni** kule mwisho, ni **Nakira**. Yaani inajulishwa kwamba **Kaana Juz-un Yasiiran Minallayli**, ilikuwa ni sehemu ndogo ya Usiku.

Sehemu ndogo sana ya Usiku. Kapelekwa kwa mwendo ambao kwamba hauna mfano wake. Ule mwendo aliopolekwa hauna mfano wake. Leo hii, akichukua Mtu bastola akipiga au bunduki, ule mwendo wake, *The Fastest Bullet* ni 1,000 km/h, kama hivyo vinakwenda.

Nimenukuu hili Watu wasije wakaenda waka google wakasema uongo 1,000 meters per second ile Bullet inakwenda. Na ukisikia risasi imelia paa, basi ishampata mtu, kule kulia ndio kumpata mtu. Sasa hii ni 1,000 m/s. *Light* inasafiri kwa mwendo wa 300,000 km/s. Ile *bullet* ni elfu moja tu, risasi, hii ni 3,000 km/s, huu Mwangaza, ukiwasha swichi tu *pap* ishawaka.

Sasa unaambiwa huyo Buraqi mwenyewe anavyokwenda, pale anapoona, ndio kishafika.

Subhaana Allaah.

Ile spidi haifikiriki kwa akili ya kibinadamu. Hizi zote ni mchezo mtupu spidi hizi. Buraqu pale anapoona ndiyo kishafika.

Na kwa nini Mwenyezi Mungu akatuwekea, narudia tena, hili neno "**Bi'abdihi**", mja wake, kwa sababu Rasul Allah Salallahu 'Alayhi wa Salama ana mambo matatu tofauti.

Hii ni faida nimeipata nataka na nyie muipate. Mtume alitoka katika **Samaud Dun-yaa**, akaenda katika **Samaul 'ulyaa**, tena akaenda **Samaul a'laa**. Hizi ni sehemu tatu kabisa.

Alitoka Makkah mpaka Baytil Maqdis, hii ni **Samaud Dun-yaa**. Baytul Maqdis mpaka Mbinguni, **Sidratul Muntahaa**, ni **Samaul 'Ulyaa**. Na kisha akatoka **Sidratul Muntahaa**, **Ilaa Maa Fawqahaa**, mpaka huko juu zaidi anakokujua Mwenyezi Mungu mwenyewe, inaitwa ni **Samaul a'laa**.

Ajabu ni kwamba Rasul Allah Salallahu 'Alayhi wa Salama ana hali tatu kama ambavyo tumezitaja hapa, ana sehemu tatu alipokwenda.

Hali ya kwanza Rasul Allah Salallahu 'Alayhi wa Salama ni **Basharun Mithlanaa**, kama sisi Binadamu. Anaambiwa Rasul Allah Salallahu 'Alayhi wa Salama atwambie:

﴿قُلْ إِنَّمَا أَنَا بَشَرٌ مِّثْلُكُمْ﴾

Qul innama Ana Basharun Mithlukum (Surat Al Kahf 18:110)

"Qul Innamaa Ana Basharun Mithlukum", waambie Mimi ni kiumbe kama nyinyi.

Rasul Allah Salallahu 'Alayhi wa Salama ni kiumbe. Ukimfinya anaumia, ukimpiga anaumia, ukimkasirisha anakasirika, na ukimtukana hapendi. Ana *feelings* kama sisi, ni kiumbe. Na ndiyo maana Allah akasema, waambie, **"Qul Innamaa Ana Basharun Mithlukum"**.

Hii ni hali ya kwanza ya Mtume Salallahu 'Alayhi Wa Salama, yeye ni kiumbe kama sisi. Na ndio maana akaletewa mnyama apande kutoka pale Makkah mpaka Baytul Maqdis.

Kwa nini Mwenyezi Mungu asimnyanyue tu kama Nabii Issa mpaka kule? Anatumfundisha sisi Allah Jalla wa 'Alaa, kwamba, **Khudhil Asbaaba**, mambo yenu Waislamu chukueni sababu.

Unataka kwenda wapi? Nataka kwenda Kibaha, kapande gari, usiwe mjinga ukasema Mimi nitatembea tu. Utakufa na ushamba wako, tafuta gari upande. **Khudhil asbaaba**. Unataka kwenda wapi? Nataka kwenda Makkah. Haya nenda kama utafika. Lazima utafute sababu, tafuta pasipoti tafuta kadha hizi ni sababu.

Mwenyezi Mungu angeweza kumchukua Bwana Mtume akamnyanyua kama Nabii Issa, kisha akamdondosha paap **Baytul Maqdis**. Lakini akamletea Mnyama, ni dalili kwamba sisi Watu tuchukue sababu. Usikae tu kwamba Mungu atanipa Mungu ataleta, Mimi Mcha Mungu, hapana. Chukua sababu, Qur-an inatumfundisha hivi.

Katika Suratil Kahfi, Allah anasema, **"Fa atba-'a sababa"**, tumempa kila kitu mja yule, lakini pamoja na yale akawa anafuata sababu za kimaumbile.

Kwa hiyo, katolewa hapa *Rasul Allah Salallahu 'Alayhi wa Salama* kama ni binadamu wa kawaida mpaka Baytul Maqdis. Alipofika pale, ikabidi apande juu sasa; kupanda juu kwenda Mbinguni huko mpaka Mbingu ya saba huwezi kupanda tu, kama Mimi na wewe.

Na ndio maana Wanasayansi wanachukua Gesi maalumu, kwa sababu kila ukipanda juu, hewa yetu inakuwa hakuna tena kule.

Ikabidi Bwana *Mtume Salallahu 'Alayhi Wa Salama*, atafutiwe namna ambayo ataweza kupumua ili aweze ku *survive* kule. Ndiyo pale alipokuja kupasuliwa kifua chake na Jibril Nyumbani kwake; akasafishwa, akatiwa vitu maalumu vya kuweza ku *survive*.

Hapa sasa anapotoka katika Mbingu ya kwanza kwenda juu, Mtume anakuwa ni katika hali ya *Ruuhaaniyyah*. Malaika ni viumbe **Ruuhaaniyyah**. Malaika ni viumbe Ruuhaaniyyah. Hawana *Jism*, Miili kwani ni Muambile ya **Ruuhaaniyyah, Spiritually**. tu, Mtume pale alikuwa katika hali kama ile. Ili aweze ku *survive* katika hali ya kule, kifua chake kisije kikapasuka.

Akafika **Sidratul Muntahaa**, kufika kule baada ya kuona ya kuyaona akaenda zaidi ya hapo. Jibril akasema hapana, Mimi siwezi kwenda huko. Ikawa lile umbile ambalo la kiMalaika hawezi tena kutangulia kule, ile **Ruuhaaniyyah** haimtoshi kwenda juu pale.

Sasa *Rasul Allah Salallahu 'Alayhi wa Salama* pale akawa ni *Jabaruutiyyah*. Na ile *Ruuhaaniyyah*, hali ya kinuru ile, Mtume anayo. Kama Allah alivyosema:

(قَدْ جَاءَكُمْ مِنَ اللَّهِ نُورٌ وَكِتَابٌ مُبِينٌ)

Qad Jaakum Min Allahi Nooran wa Kitaabun Mubeen. (Surat Al Ma'idah 5:15)

Nuran hapa ni Bwana Mtume.

"Qad Jaa-akum Mina Allahi Nuran", imekujieni kutoka kwa Mwenyezi Mungu, Nuru. ***"Wakitaabun Mubiin"***, na kitabu cha Qur-an kilichowazi. Kwa hiyo, pale Mtume alikuwa katika hali kama hii. Baada ya hapa sasa tena, huko juu ambako ni mwenyewe Mwenyezi Mungu anajua.

Maulamaa wanasema, *Rasul Allah Salallahu 'Alayhi wa Salama* akapanda katika hali ambayo ni ***Jabaruutiyyah***. Hali ambayo Mwenyezi Mungu alimpa katika kipindi kama kile.

Tayyib ,Na ndiyo maana akasema mshairi mmoja, Ahmad Shawq, akasema, ***Hattaa Balaghta Samaa-u laa Yutaaru Lahaa, 'alaa Janaahin Walaa Yas-'aa 'alaa Qadamin, Waqiila Kullu Nabiyyin I-nda Ratbatihii, Wayaa Muhammad Haadhihi Al 'Arshu Fastalim.***

Subhaanallaah.

Anasema, ***Hattaa Balaghta Samaa-u Laa Yutaaru Lahaa***, mpaka ukafika katika Mbingu ambayo kwamba hawezi kuruka kule kiumbe wa kawaida isipokuwa Malaika. Kule kiumbe wa kawaida hatoweza hata Siku moja. Hakuna namna ya kuruka kule sehemu kama ile.

'Alaa Janaahin, kwa kukimbia Mbingu. ***Walaa Yas-'aa 'Alaa Qadamin***, wala hawezi Mtu kutembea kule kwa miguu, haiwezekani kabisa. ***Waqiila***, na pakasemwa, ***Kullu Nabiyyin***, kila nabii, ***'I-nda Ratbatihii***, ana cheo chake maalumu mbele ya Mwenyezi Mungu.

Wa yaa Muhammad, na ewe Muhammad, ***Haadhal 'Arshu Fastalim***, hapa sasa akapelekwa mpaka mbele katika arshi ya Mwenyezi Mungu, akaambiwa sasa hapa salimia.

Kisa ni kirefu tumezungumza robo ya aya, ***Subhaanah Alladhii Asraa Bi'Abdihii***, mpaka hapa tu. ***Al-ibtidaa, Mina, Yadullu Ibtidaa Mina Al Masjid, ilaa, Intihaau***

Ilal Masjid, Rihlatun Baynal Masjidayn. Safari hii ni baina ya Misikiti miwili, toka Msikiti mpaka Misikiti.

Ni kwa nini? Inakufahamisha kwamba Msikiti, katika Misikiti, katika nguzo za misikiti, ndani ya misikiti, ndiko kunakopatikana malezi mazuri na Pepo inapatikana humo. Na ndiyo maana safari ile ikaanzia Msikitini , na ikaishia Msikitini .

Haikuanzia Airport wala haikuanzia katika kituo cha treni, na wala haikuanzia bandarini.

Imeanzia Msikitini mpaka Msikitini. Mwenyezi Mungu Jalla wa 'Alaa angeweza kumchukua *Rasul Allah Salallahu 'Alayhi wa Salama* pahala popote pale, lakini kamchukua Msikitini kwa malengo maalumu, Msikitini mpaka Msikitini.

Kisha tuguse kidogo muda umekwisha, safari ya pili ni safari ya Mi'raaji toka *Bayt ul Maqdis* mpaka Mbinguni. Nayo vilevile, lazima Waislamu mambo haya wayaamini wayafahamu wayajue, wayafuatilie, Muislamu atakiwa kujua hasa khabari kama hii. Masahaba zaidi ya 20 wameeleza kisa hiki **Mutawaatiran**, Hadith Nyingi sana zenye kufuatana na zenye kukubalika.

Qur-an imeeleza, na hiki kisa cha Mi'raaji kimo katika *Wannajmi*, pale Mwenyezi Mungu alivyosema,

﴿وَالنَّجْمِ إِذَا هَوَىٰ ﴿١﴾ مَا ضَلَّ صَاحِبُكُمْ وَمَا غَوَىٰ ﴿٢﴾ وَمَا يَنْطِقُ عَنِ
الْهَوَىٰ ﴿٣﴾ إِنْ هُوَ إِلَّا وَحْيٌ يُوحَىٰ ﴿٤﴾ عَلَّمَهُ شَدِيدُ الْقُوَىٰ ﴿٥﴾ ذُو مِرَّةٍ
فَأَسْتَوَىٰ ﴿٦﴾ وَهُوَ بِالْأُفُقِ الْأَعْلَىٰ ﴿٧﴾ ثُمَّ دَنَا فَتَدَلَّىٰ ﴿٨﴾ فَكَانَ قَابَ قَوْسَيْنِ
أَوْ أَدْنَىٰ ﴿٩﴾ فَأَوْحَىٰ إِلَىٰ عَبْدِهِ مَا أَوْحَىٰ ﴿١٠﴾ مَا كَذَبَ الْفُؤَادُ مَا رَأَىٰ ﴿١١﴾
أَفَتُمَارُونَهُ عَلَىٰ مَا يَرَىٰ ﴿١٢﴾ وَلَقَدْ رَآهُ نَزْلَةً أُخْرَىٰ ﴿١٣﴾ عِنْدَ سِدْرَةِ
الْمُنْتَهَىٰ ﴿١٤﴾ عِنْدَهَا جَنَّةُ الْمَأْوَىٰ ﴿١٥﴾ إِذْ يَغْشَى السِّدْرَةَ مَا يَغْشَىٰ ﴿١٦﴾ مَا
زَاغَ الْبَصَرُ وَمَا طَغَىٰ ﴿١٧﴾ لَقَدْ رَأَىٰ مِنْ آيَاتِ رَبِّهِ الْكُبْرَىٰ ﴿١٨﴾﴾

Wa Al Nnajmi Idha Hawa, Ma Dhalla Sahibukum wama Ghawa, Wa ma Yantiqu 'Aani Al Hawa, In Huwa Illa Wahyun Yuuha, 'Aallamahu shadiidu Ul Quwa, Dhuu Mirratin Faistawaa, Wahuwa Bi Al Ufuqi Al A a'laa, Thumma Dana Fatadalla, Fakana Qaaba Qawsayni au Adna, Fa-awhaa Ila A'abdihi Ma Awha, Ma Kadhaba Al Fuadu Ma Raa, Afatumaruunahu 'Alaa Ma Yara, Walaqad Ra-aahu Nazlatan Ukhra, 'Ain-da Sidrati Al Muntaha, 'Ain-daha

Jannat Al Ma/waa, Idh Yaghsha Al Sidrata Ma Yaghsha, Ma Zagha Al Basaru Wama Taghaa, Laqad Ra-aa Min Aayati Rabbihi Al Kubra".(Surat An Najm 53:01-18)

Subhaanallaah. Sadaqallahu Al Adhiim.

Kule katika safari ya Israa, ***Subhana***, Mwenyezi Mungu kaeleza lengo mwisho wa ile aya. ***"Linuriyahuu min aayaatina"***, ili tumuonyeshe aya zetu kubwa. Na huku katika safari ya Mi'raaji, kataja vilevile, ***"Laqad Ra-aa Min Aayaati Rabbihi Al Kubra."***

Mwenyezi Mungu anasema, ili Mtume Muhammad aje aone katika dalili za Mwenyezi Mungu wake, kubwa kubwa. Si kitu kidogo, ni kubwa kubwa. Muislamu upate tashwishi, upate hamu, ndo zipi hizi, zimeelezwa vipi, kitu gani mpaka Mungu mwenyewe anasema ni kikubwa.

Lazima upate hamu na tashwishi ya kutaka kujua. Ndiyo ufuatilie, uje kusikiliza, na ujue haya mambo yamekwendaje. Mpaka yakaambiwa ni makubwa mbele ya Mwenyezi Mungu.

Na Mwenyezi Mungu alimchukua *Rasul Allah Salallahu 'Alayhi wa Salama* akamfanyia *Physical Education* ili ampeleke, akaone *Physically*. Hii ni Pepo. Huu ni moto. Huyu ni kadha. Na huyu ni kadha.

Na akamkusanyia *Delegation*, kundi maalumu la Mitume wampokee katika kila pale anapokwenda. Mitume wote wakakusanywa akawaswalisha, baada ya hapo akaenda, haakadhaa.

In-shaa Allah haya tutakuja kuyaeleza kwa kirefu kesho.

KUJIANDAA NA MWEZI WA RAMADHAN



Ndugu Waislamu, baada ya kumshukuru Mwenyezi Mungu Jalla wa 'Alaa. Kumtakia Rehma na Neema. Sala na Salamu. Mtume wa mwisho, Nabii Muhammad *Salallahu 'Alayhi Wa Salama*.

Nakuusieni katika kadhia nzima ya kumcha Mwenyezi Mungu, kama ambavyo nimetangulia kuiusia nafsi yangu juu ya jambo hili adhiimu.

Na kisha tuzingatie kwamba, tunaishi katika Mwezi wa Shaban. Mwezi ambao kwa kila dalili. Ni Mwezi wa matayarisho. Kuingia Mwezi Mtukufu wa Ramadhan.

Mwezi ambao katika Hadith, riwaya zilizokuwa Sahih alikuwa Bwana Mtume *Salallahu 'Alayhi wa Salama*; akifunga sana katika Mwezi huu. Mpaka akasema kwamba, "***Dhaaka Shahrin***", huo ni Mwezi ambao kwamba Watu wameghafilika nao, *Bayna Rajab wa Ramadhan*.

Ni Mwezi ambao Watu wameghafilika nao, Mwezi wa Shaban. Na ni Mwezi ambao amali zinapaishwa Mbinguni. Na Mtume akasema, "**Na Mimi ninapenda amali zangu zipaishwe hali ya kuwa nimefunga**".

Na ikawa yeye Bwana Mtume *Salallahu 'Alayhi wa Salama*, Mwezi kama huu. Riwaya zinasema kwamba, alikuwa akifunga sana Mwezi huu sana kabisa.

Kitendo hichi cha Mwezi huu wa Shaaban cha Bwana Mtume, ***In Dalla 'alaa shay-in, Yadullu 'ala Isti'daad***, ikiwa kinajulisha jambo kubwa kabisa, kitendo hichi chaonyesha, *Al isti'daad*, matayarisho ya kuupokea Mwezi Mtukufu wa Ramadhan. Huu ni Mwezi ambao yeye mwenyewe *Rasul Allah Salallahu 'Alayhi wa Salama* alikuwa akiwabashiria *Masahaba Radhi Allahu Anhum* mema katika Mwezi huu.

Umekujieni Mwezi ambao una mambo kadhaa, una mambo kadhaa, akiusifia Bwana Mtume kwa Masahaba, Mwezi kama huu. Na ni jambo la kawaida kwamba, kwa kila yule ambaye kwamba anatarajia kupata jambo kubwa. Basi bila shaka, anakuwa na matayarisho makubwa mno.

Na ndiyo maana, tunaona hata wanafunzi wa Mashule wanapokuwa na Mitihani. Wanaingia *camp*, wanakwenda pahala wanajichimbia, wanakaa kwa Mwenzao mmoja. Au wanakaa Skuli, ama Shule, au wanakaa pahala fulani.

Wanakaa wanasoma Usiku na Mchana.

Watoto wale, mpaka ukifika mtihani, wanakuwa wamekonda kwelikweli, kwa sababu ya kutaka kufaulu mtihani kama ule. Na huyu aliyejitayarisha, ana mawili pamoja na kujitayarisha kwake. Anaweza akapasi, na anaweza akafeli.

Seuze yule ambaye hakujitayarisha kabisa, ni vipi itakuwa *Maswiiri* yake? Vipi itakuwa *Muntahaa*, vipi utakuwa mwisho wake? Itakuwa ni Mtu wa kufeli tu. Tunaona *system* za mpira kabla ya ligi kuanza, kunakuwa na matayarisho makubwa sana.

Watu wanasafiri wanakwenda - kama hapa kwetu Dar es Salam Tanzania - Uganda, wanakwenda Kenya, wanakwenda Nigeria, wanakwenda Cameroon, wanakwenda kutafuta wachezaji wazuri.

Wanafanya matayarisho kwa kuwasajili wachezaji ili waje katika ligi.

Ligi ikianza, Watu washinde na wanajisifu kabisa kwamba sisi tumefanya usajili mzuri. Tumekuwa na matayarisho mazuri sisi. Na haya kama hayatoshi, wanaingia kambini Siku kadhaa, wanakaa kambini kule. Matayarisho.

Bali, hata kwa timu ya Taifa, tunashuhudia mara kadhaa wa kadhaa katika mashindano makubwa. Kama ni mashindano ya East Africa au mashindano ya Afrika au mashindano gani. Timu ile inaingia kambini, na zinatumika kule, mamilioni ya pesa.

Yanatumika kwa sababu ya wale Watu wawe vizuri. Wamewekwa kambini, mamilioni ya pesa za walipakodi zatumika kule. Wanalishwa Asubuhi, Mchana, na Jioni; ili wapate washinde katika mashindano yale.

Na wanakwenda, mawili wanaweza wakashinda *hadafu* likapatikana, lengo likafikiwa, na wanaweza wasipate lengo, lakini matayarisho walikuwa nayo wakarudi.

Hata katika hali ya kawaida, wafanyabiashara vilevile, wana matayarisho makubwa sana. Katika kipindi kama hichi, walioagiza Tende ziko tayari wanasubiri Ramadhan ifike waanze kuuza. Walioagiza sijui kitu gani, wanaojenga mabanda yao, wanaofanya nini, wamachinga, kila Mtu katika kipindi hichi ana matayarisho kwa ajili ya Mwezi wa Ramadhan.

Haulaai Tullaabu Ad Dun-yaa, hao ni Watu ambao wenye kuitaka Dunia, Ndugu zangu.

Sasa, ***Fakayfa Nahnu***, ni vipi sisi ambao kwamba tunaitaka Akhera. *Kayfa* itakuwa matayarisho yetu. Ikiwa hao *Talaban* Watu ambao wanaitaka Dunia, na wanapoteza Mamilioni ya mapesa katika matayarisho ya jambo lile. Wanaingia kambini Mwezi mzima au miezi miwili, wanalishwa kama Kuku wa Nyama, au kama Kuku wa Mayai.

Wanalishwa mavyakula chungu nzima ya Vitamini, Protini na kila kitu. Ili wawe fiti kabisa, wakiingia katika mashindano washinde, na lile lengo lipatikane. Hali ya kuwa hii ni Dunia. Wakishakupata lengo, wamepata lile kombe, haya ndio nini baada ya pale, tumeshinda hongera. ***Thumma Maadhaa, Khalas*** khabari imekwisha.

Mimi na wewe Ndugu yangu, unaitaka akhera una matayarisho gani?

Akhera Ndugu yangu, ni bidhaa ya Mwenyezi Mungu. Na inasema kwamba, ***"Alaa Inna Sil'atar Rahmaani Ghaaliyaa"***, elewa kwamba bidhaa ya Mwenyezi Mungu ni ghali. Haipatikani hivi hivi tu.

Wengi tunafeli katika Ramadhan, kwa sababu hatuna matayarisho. Wengi sana tunafeli. Tunaingia katika Ramadhan na machafu yetu. Na tunatoka na machafu yetu.

Na wako miongoni mwetu walifunga Ramadhan, pengine Mtu sasa hivi ana miaka 50, kesha funga Ramadhan 40 katika maisha yake au 35 katika maisha yake kesha funga.

Lakini, hali yake iko vilevile anaingia na Dhambi zake. Anatoka na Dhambi zake. Anaingia na Riba yake. Atoka na Riba yake. Anaingia na Shirki yake. Anatoka na Shirki yake. Anaingia na Hiqdi. Anatoka na Hiqdi.

Ramadhan baada ya Ramadhan, mpaka anakufa, lakini lengo kwa hakika halipatikani.

Mtu mwenye akili anakaa chini anajiuliza, hivi ni kwa nini? Tunakosea wapi sisi, kwa nini tunafeli? Wewe piga picha, ***Ta-Ammal***, yaani weka fikira fulani hivi.

Mtoto wako anafanya mtihani wa *Form Four*. Kafanya mwaka wa kwanza kafeli. Ukafanya magube, ukampatia tena kwa mara ya pili katika *Government*, akafanya tena mtihani. Hiyo ni katika *Government school*, skuli ya serikali akafeli.

Unamhamisha, unampeleka pengine, unampeleka *private*, anafanya kwa mara ya tatu, anafeli. Mwisho unasema kwamba, ah Mimi siwezi kupoteza pesa zangu bure Bwana. Huyu mchezo ni mwingi Bwana, huna lolote mama. Pesa nyingi nimepoteza, Mimi Sikubali kabisa.

Nenda VETA ukajifundishe magari huko au fani kadha kadha, Mimi nimechoka. Mara ngapi unafanya mtihani, Mimi nalipa mapesa bure bure tu.

Kumbuka Ndugu yangu, we mara ngapi waingia katika Mwezi wa Mwenyezi Mungu. Mwezi wa Ramadhan. Na Mwenyezi Mungu Jalla wa 'Alaa anakupa *Privilege*, anakupa kitu *Thamiini*, anakupa uhai katika pahala ambapo kwamba Watu wengi walitamani wawepo, hawapo tena.

Ramadhan ya mwaka jana tulikaa na Masheikh. Tukafikiria Ramadhan ya safari hii, tufanye nini kwa ajili ya msikiti wa Mtoro, ili Waumini wapate lengo la Ramadhan.

Tukasema, tutaweka Madaaris kama kawaida iliyo miaka iliyopita. Na tutaweka sana sana Tafsiri ya Qur-an, na tukawaambia baadhi ya Masheikh zetu.

Lakini, wako wapi masheikh zetu? Ramadhan haikufika, Sheikhunaa Suleiman Amrani Kilemile yuko wapi? Ameshafariki tangu miezi sita iliyopita, yuko wapi? Sheikh Sungusungu, Sheikh nani, wako wapi? Wamefariki.

Walikitamani nao waipate Ramadhan, wapate mambo makubwa, ambayo Allah Jalla wa 'Alaa amewataka ummati wake wapate. Na kubwa zaidi ni kwamba, uwe Mcha Mungu. Hii ni kwa sababu, huwezi kuingia Peponi bila kuwa Mcha Mungu.

Ile Pepo imetayarishwa kwa ajili ya wachamungu, **"U'iddat Li Muttaqiina"**.

Ndiyo maana Allah katuletea Mwezi wa Ramadhan. Akasema kwamba:

﴿يَا أَيُّهَا الَّذِينَ آمَنُوا كُتِبَ عَلَيْكُمُ الصِّيَامُ كَمَا كُتِبَ عَلَى الَّذِينَ مِنْ قَبْلِكُمْ لَعَلَّكُمْ تَتَّقُونَ﴾

"Kutiba 'Alaykum Al Siyaamu Kamaa Kutiba 'Ala Alladhiina Min Qablikum La'allakum Tattaquuna".(Sura Al Baqara 2:183)

Hesh hadafi, "La'allakum Tattaquuna", ili muwe wachamungu; ndilo lengo la Ramadhan. Sasa wewe jiangalie, umeshafunga Ramadhan ngapi?

Mpaka leo, bado uko katika zinaa. Mpaka leo, bado uko katika chuki. Mpaka leo, bado umo katika riba. Mpaka leo, bado unadharau Salah. Mpaka leo, bado una matatizo 101. Na Ramadhan zote ushapita wewe, nyingi sana.

Ndiyo maana katika Qur-an, Allah Jalla wa 'Alaa, anawaelezea Watu wa namna mbili. Anasema kwamba kuna **Hizbu Allaah, "Ulaaika hizbu Allaah, Alaa Inna Hizba Allaahi humu Ul Muflihuuna"**, kuna kundi la Mwenyezi Mungu kundi hilo ndilo ambalo litafanikiwa.

Na kuna kundi lingine **Hizbush Shaytaan**, hilo ni kundi ambalo litafeli.

Sasa, ukijiona kila ukiingia katika Ramadhan baada ya muda unatoka mle vilevile, jitilie shaka, kwa sababu Mwenyezi Mungu anawambia wazi,

﴿وَلَقَدْ أَضَلَّ مِنْكُمْ جِبِلًّا كَثِيرًا أَفَلَمْ تَكُونُوا تَعْقِلُونَ﴾

Walaqad Adhalla Minkum Jibillan Kathiiran Afalam Takuunu Ta'qiluuna.(Surat Yasin 36:62)

Huyu Sheitani Kesha wapoteza Watu wengi kabla yenu na nyinyi mnakwenda katika mwendo huo huo

"Afalam Takuunuu Ta'qiluun", nyie hamna akili? Hamtumii akili zenu? Mtu mwenye akili, anaangalia hapa nimejikwaa, sipiti tena njia hii, napita njia ile kule. Hapa kuna tatizo naliepuka.

Sasa Ndugu zangu, lazima tuwe na matayarisho kwa ajili ya Ramadhan. Bila hivi, tutakuwa tunafeli kila mwaka. Na Siku ya Qiyamah, Mwenyezi Mungu atatusuta, atatwambia, **"Awalam Nu-'ammirukum Maa Tadhakkaru Fiihi Man Tadhakkara"**, Mimi sijakupeni nyie umri mrefu.

Mkaishi katika Ramadhan moja baada ya moja, kama Mtu mwenye Akili angekumbuka.

"Wajaa-akumun Nadhiir", akakujieni Mtume akakuleteeni kitabu akakufundisheni kila kitu. Kwa nini mnafele? Sasa tusiwaonee Watoto, wamefele *form four* au darasa la saba, na sisi Watu wazima tujiangalie. Kwa nini, tunafeli kila Ramadhan ikiingia hatubadiliki, kwa nini?

Ikiwa tunashindwa kupata jawabu, ndiyo pale aliposema katika Yasin, Allah, **"Afalam Takuunu Ta'qiluun"**, hamuwi nyinyi wenye akili? Mnaingia kama mbuzi na kutoka kama mbuzi?

Wema waliotangulia, *Salafu Saalih*, miongoni mwa waliofahamu ni wao. Na ndio maana al Imam Ma-a'llii ibnul Fadhl akasema kwamba, **Kaanuu**, walikuwa Salaf Saalih, **Yad-'Auna Allaha**, wanamuomba Mwenyezi Mungu, **An Yuballighahum Ramadhan sittatu ash-Hurin Qablahu**, miezi sita mizima wanamuomba Mwenyezi Mungu. Yaa Allah nifikishe Ramadhan, **Allahumma Ballighnii Ramadhan**, Miezi sita kabla ya Ramadhan.

Achilia leo, Mwezi mmoja kabla huu tushachelewa. Wao walikuwa miezi 6 mizima kabla ya Ramadhan wanamuomba Allah Awafikishe Ramadhan. Na wakiingia katika Ramadhan na ikamalizika. **Yad-'uuna Allaha An Yataqabbalahu**, wanamuomba Allah awakubalie katika Ramadhan yale waliyoyafanya.

Hawa Watu walikuwa wa ajabu sana, salafu swaalih. Walikuwa wanaishi maisha yao **Kulluhum Ramadhan**, akili yao yote iko katika Ramadhan.

Kwa nini? Kwa sababu ni Mwezi ambao Allah kautukuza na Mwezi ambao jambo lake dogo linakuwa kubwa. Fadhila nyingi sana zimo katika Mwezi ule. Khabari zake ni kubwa. Kutwa nzima Mtu anafunga, akidondoka pale na Saumu yake, kishapata *Khusnul khaatimah*, Peponi.

Ramadhan ukadondoka saa kama hizi na una Saumu yako, ah **Anta minal faaiziin**, labda uwe na matatizo mengine mengine. Labda shirki na mambo ya ajabu ajabu. Lakini kwa hakika utakuwa umekufa na **Khusnul Khaatimah**. Umekufa na mwisho mwema. Wewe ni Mtu wa kutabiriwa Pepo unakuwa.

Lakini kufa leo hapa, hakuna nini wala nini. Leo ni Ijumaa ya kawaida tu, leo Ijumaa ya kawaida tu. Kwa hiyo, walikuwa hivi Watu waliokuwa wema. Tuwaige nao na sisi. Usimtarajie Mtu kama huyu ambaye kwamba alikuwa ameishi yake yote anaishi kwa kuitaka Ramadhan. Na kwa kumuomba Mwenyezi Mungu.

Usidhanie kwamba ataingia katika Ramadhan halafu aende kufanya mambo ya mchezo mchezo hivi. Akaangalia TV mara akacheze mpira Usiku katika uwanja wa Kikwete. Mara sijui akale *Ice Cream* pale, sijui mara aende wapi, hapana. Anakuwa *very serious*, kwa sababu anajua, hizi ni Siku, "**Ayyamum Ma'duudaati**", ni Siku za kuhesabika.

Ikikupita, haiji tena ile. Allah ndiye amjalie tena. Mwenyezi Mungu anajua kama utaipata tena ya mwakani lakini ikikupita imetoka. Wanakuwa *very very serious*.

Imam Malik anasomesha kitabu chake al-Muwatta mwaka mzima ikiingia Ramadhan anaachilia mbali Hadith za Rasul Allah Salallahu 'Alayhi wa Salama anajikita katika Qur'an sasa.

Mchana, Usiku **Tilaawatan, Tafsiran**, na kila kitu. Anajua ni nini maana ya Ramadhan.

Ukijiona Ndugu yangu Mwezi wako uliopita wa Rajab na Mwezi huu wa Shaban. Mambo yako ni vilevile. Huna mabadiliko yoyote, na mpaka Ramadhan, jililie shaka. Isijekuwa wale walioambiwa: "**Afalam Takuunuu Ta'qiluun**", hamna akili, basi hamfikirii hamtanabahi, hamuangalii? Hamjui kama miaka inapita na iko Siku utakufa na utaulizwa?

Na ubaya uko mmoja, kila ambaye ameingia katika Ramadhan na ikatoka hajasamehewa. Jibril anasema katika Hadith Sahih kabisa kwamba Mtu huyu kala hasara: "**Raghima Anfu Rajulin Jaa-at-hu Ramadhan Thumman Salafa Walam Yughfaru Lahu**", Ameangamia. Dua ya Jibril, aliyeitikia Dua ni Bwana Mtume Salallahu 'Alayhi Wa Salama.

Kwamba ameangamia Mtu ambaye kwamba Ramadhan imemkuta akaingia katika Ramadhan na ikamalizika; kisha akatoka vilevile bila kusamehewa Madhambi yake, huyu kaangamia.

Na dalili ya kufanikiwa ni ipi? Dalili ya kufanikiwa ni **Al Imstiraaru Bitaa'ati Ba'da Ramadhan**, ni kuendelea Mtu na kumcha Mwenyezi Mungu baada ya Ramadhan.

Zile Salah za Sunnah, uwe unaswali katika Mwezi mwingine, Mwezi wa Shawwal. Saumu zile Alkhamis na Jumatatu, uwe unaendelea kufunga. Mama na Watoto Nyumbani ulikuwa ukimtunza kila kitu, uendeleo vilevile. Sigireti uliacha katika Ramadhan, sigireti

usivute tena, na bangi halikadhalika. Maana sisemi kwamba Watu wavute bangi, tuko na unga, hatari yakhe

"Wa Alladhiina Jaahaduu Fiinaa Lanahdiyyanahum Subulanaa", na wale ambao kwamba wamejitahidi waka struggle katika kupita katika njia yetu, wakaacha mambo ambayo Allah anayachukia wakaingia vizuri, **"Lanahdiyyanahum Subulanaa"**, tutawaongoza katika njia zetu. Kwa maana kwamba, hata Siku moja hawezi kuteleza.

Ukijiona yale ya Ramadhan iliyopita miezi 11 imepita yote, hakuna hata moja ulilolirudia lile, jitilie shaka Ndugu yangu.

Na hili ndilo lengo la Khutbah yetu ya leo. Tunatanabahishana kabisa Mwezi wa Shaaban umeingia. Kila mmoja kuanzia sasa ajitayarisha, ajipinde kwa sababu anataka jambo kubwa la Mwenyezi Mungu, ataka Pepo.

Pepo haipatikani hivi hivi tu, kila mmoja ajiangalie, Qur-an anasoma vipi, Salah anasali vipi, Salah zake zikoje, mambo yake yanakwenda vipi, muamala wako ukoje, marafiki zake wakoje, nani sijui mke wake Watoto wake muamala kila kitu ajiangalie upya.

Kwa nini? Anakwenda katika jambo kubwa, ni kama mwanafunzi anakwenda kufanya mtihani wa *form 6* au Mtu wa *University*. Sasa anajipinda kwa mtihani ule; na wewe jipinde Ndugu yangu.

Innaka laa Tadrii, you never know, huwezi kujua, *wala 'allahaa*, na pengine Ramadhan hii, ***An Takuuna Aakhiru Ramadhanuka au Fii Hayaatika***, yawezekana Ramadhan hii Ndugu yangu, ukafunga na ikawa ndiyo ya mwisho.

Ikakukuta Ramadhan, umefunga ikamalizika ukarudi katika uchafu uchafu, na mambo ya ***Kijaahil*** ya kawaida yale.

Mwenyezi Mungu akachukua roho yake, na ukaenda mbele ya Mwenyezi Mungu una Ramadhan 50, 60 umezifunga; lakini zote bure bileshe.

Ndugu zangu Waislamu, kinachotakiwa ni kujitayarisha. Kwa nini kujitayarisha? Kwa sababu Muislamu jambo la kwanza kabisa katika matayarisho anatakiwa atie nia sasa hivi, kwamba Mwenyezi Mungu kama utanipa umri katika Ramadhan hii, basi wallaahi darasa hapa Mtoro Mimi sibanduki, katika Busati la Mtoro Mimi nitakuwa sibanduki hapa, kujifundisha ahkaami, sheria na mambo ya dini yangu.

Na pengine nitataka Mtu anisomeshe Qur-an, Mimi sijui *Ahkaamil Qur-an*. Na pengine nitataka Mtu anisomeshe Tafsiri na pengine na pengine unajipanga.

Na kama nilikuwa nikiacha ***Salatut Taraawih***, basi safari hii Mimi najipinda Yaa Allah unijalie unipe uwezo nisimamie zote nizimalize. Hakuna Mwezi 15 kuacha kitu, nakwenda na Ramadhan mpaka mwisho.

Hii nia yataka utie sasa hivi.

Yaa Allah kama utanipa umri nikafika katika Ramadhan nakusudia kusoma khitma za Qur-an labda tano au nne au tatu. Kwa kila Siku 10 Mimi nimalize khitma moja. Yaa Allah wewe ndiye mwenye kuweza, wallaahi hakuna kubwa kwa Mwenyezi Mungu, hakuna kubwa kabisa.

Na uzuri wa Muislamu ni kwamba anapotia nia jambo la kheri jambo lile akalifanya anapata mara mbili. Na jambo lile asipolifanya Mwenyezi Mungu anamwandikia kama kalifanya.

"Waman Yakhruj fii Baytihi", Mwenyezi Mungu anasema katika Qur-an na yule ambaye kwamba anatoka Nyumbani kwake anakwenda *kuhajir* kwa ajili ya Mwenyezi Mungu. ***"Thumma Yudrikuh Al Mawt"***, na kisha akafa hakufika lengo alilolikusudia. ***"Faqad Waqa-'a Ajruhuu 'Ala Allaahi"***, huyu malipo yake atayakuta kwa Mwenyezi Mungu.

Yaa Allah, uzuri ulioje wa Muislamu. Yule ambaye kwamba anatia nia kweli kweli ya mambo ya kheri. Mambo yale ya kheri asiyakute asiyafanye kesho, kesho kutwa au mtondogoo akafariki au akaumwa, akalazwa kitandani au Hospitali. Mwenyezi Mungu anasema nampa, ***Faqad Waqa-'a Ajruhuu 'Ala Allaahi"***, namlipa malipo yake vilevile kama alivyofanya.

Nini Ndugu yangu kinakushinda kujitayarisha kwa jambo la kwanza, nia kabisa. ***"Faqad Waqa-'a Ajruhuu 'Ala Allaahi"***, ataukuta ujira wake mbele ya Mwenyezi Mungu.

Hakuna kitu kikubwa kama nia. Nia ndiyo inafanya kila kitu. Lakini nia yako iendane na vitendo. Usitie nia ambayo kwamba iko kinyume na nature yako. Na tia nia ya kuruka angani, wewe una wazimu, we Malaika?

Utie nia mambo ambayo kwamba yanayoendana na sura yako. Natia nia Mimi safari hii kua nitasoma Qur-an Juzuu zote 30, na Juzuu 'Ammah yenyewe huijui, wewe vipi?

Tia nia kulingana na hali yako inavyokwenda. Kwamba Mimi hapa Mimi nitakwenda pamoja na tarawehe mpaka 30 hakuna kulala wala nini. Qiyaamullayl Mimi nipo pamoja Msikitini, haya mambo unayaweza.

Na *Rasul Allah Salallahu 'Alayhi wa Salama* kasema ya kwamba, Mtu ambaye kwamba, ***"Man Sa-ala Allaha Shahaadah"***, Mtu ambaye kwamba anamuomba Mwenyezi

Mungu amfishe hali ya kuwa Shahidi, Mtu ambaye kwamba anamuomba Allah amfishe amtoe Roho hali ya kuwa akiwa ni shahidi. Basi naam, lakini Mtume *Salallahu 'Alayhi wa Salama* akasema, **"Bisidqin"**, lazima awe mkweli, atapata **"Manaazila Shuhadaa"**, atapata malipo na utukufu wa wale ambao ni Mashahidi, ataupata.

Na haya yametokea katika ulimwengu. Wengi wameomba, Sheikh Abdulhamid Kishk *Rahmatu Allaahi 'Alayhi* alikuwa kila katika Salah akiomba yaa Allah nifishe Mimi nikiwa katika Sijdah. *Wafi'lan*, kafa katika Siku kama ya leo Ijumaa, anajitayarisha kwenda kukhutubia Ijumaa anasali Rakaa mbili *Lillaahi Ta'ala* Nyumbani kwake, palepale kaganda kafariki. Kamuomba Allah, na Allah kampa.

Sayyidina Umar Ibn Khattab *Radhi Allahu 'Anhu*, alikuwa katika mji wa Madinah. Vita vilikuwa Iran vita, vilikuwa Iraq na vita vilikuwa sehemu mbalimbali. Yeye alikuwa Madinah, *ni Amir ul Muuminiina*. Akawa anasema, Yaa Allah, nakuomba unifishe Mimi nikiwa shahidi.

Jamaa wakamshangaa, Amiiril Muuminiina unaomba ushahidi na hali ya kuwa upo Madinah. Hapa Madinah hakuna vita. Lakini *Amir Ul Muuminiina* alikuwa ni mkweli, nakuomba Mwenyezi Mungu nifishe nikiwa shahidi. Wanamshangaa wale, wataka ushahidi nenda vitani, unaomba ushahidi uko Madinah katika pahala pa amani.

Wallaahi hakuna kubwa kwa Mwenyezi Mungu. Mwenyezi Mungu alimletea ushahidi palepale, akaja kuuwawa, na zaidi katika Mihrabu ya Mtume Salallahu 'Alayhi Wa Salama.

Kwa hiyo, **"Man Sa-ala Allaha"**, Yule ambaye kwamba atamuomba Mwenyezi Mungu jambo, lakini kwa kwelikweli khasa, Mwenyezi Mungu atampa.

Jambo la kwanza Ndugu zangu, tujitayarisha kwa kutia nia kuanzia sasa kwamba Allah Mimi kama utanipa umri katika Ramadhan basi wallaahi nitafanya kitu kadhaa ambacho sijakifanya. Nitafanya hivi, nitalisha maskini, nitafuturisha Mimi, nitafanya kitu kadhaa au nitakuwa nasimamia labda Msikiti au chuo au Madaarisi au nikasema Mimi amali ya kheri ambayo inakuelekea wewe mwenyewe.

Isiwe Mtu Maskini kama Mimi. Ukasema Mimi natia nia safari hii nitakuwa nitalisha msikiti mzima wa Manyema. Wewe vipi Bwana wewe, unatia nia ya uongo Bwana. Sema neno linalokuelekea, sema Mimi nitaswali ***Qiyaamu Al Layl*** kuanzia sasa niunganishe na Ramadhan, naam hilo linakuelekea.

Mwenyezi Mungu akakikutoa roho kesho unaandikiwa, kama umetekeleza. Lakini iwe ni **"Bisidqin"**, kwa ukweli, siyo uongo uongo. ***Haadhal Awwal***.

Wath thaanii, ntoa **Muudhaji**, ntoa mifano tu ya **Al Isti'daad Listiqbaalu Ramadhan**, ya pili Ndugu yangu jitayarishe kwa tawba.

Kuanzia sasa, lete toba kwa Mwenyezi Mungu. Lete sulhu na Mungu wako. Miezi 11 ni mingi. Imepita hapa, na Watu tumevuruga katika miezi hii 11. Uvurugaji ni mkubwa; wacha mchezo Bwana. Watu wamevuruga sana miezi 11 hii. Kama kuna Mtu atahesabu zile zinaa alozini, basi kuna Mtu katika miezi 11 hii, tangu Mfungo wa Mosi, keshazini mara 30 mwingine 40, na mwingine 25. Hapa katikati kavuruga sana.

Au kama Mtu atahesabiwa riba aliyokula katika kazi yake, hiyo haisemekiki. Au aliokaa pahala katika maskani akaanza kusenganya Watu, Subhaanah Allaah; utasema huyu Mtu wa Motoni, namna anavyosenganya Watu.

Mwingine, tuna mambo mengi sisi Wanadamu, twamkosea Allah, lazima kila nukta tulete toba na khasa katika kipindi kama hiki. Lete sulhu kabisa na Mwenyezi Mungu.

Wengine wanadhania tukisema sala la toba tunakusudia ni wale wasioswali, au wanywa pombe, hapana. Tunakusudia Mimi na wewe Ndugu yangu. Ndiyo maana Allah anasema,

﴿يَا أَيُّهَا الَّذِينَ آمَنُوا تَوْبُوا إِلَى اللَّهِ تَوْبَةً نَّصُوحًا﴾

Yaa Ayyuha Alladhiina Amanuu, Tuubuu Ila Allahi Tawbatan Nasuuhan (Surat At Tahrir 66:8)

Enyi mliaoamini (nakusudiwa Mimi, wewe na yule, tuliaoamini). Kwa hiyo, Mtu asiye akaona kwamba Mimi sina makosa. Kwani wewe ni ma'suumu?

Kwa hiyo, jambo la kwanza kabisa ni Toba.

Rasul Allah Salallahu A'alayhi wa Salama ambaye Mwenyezi Mungu alimwambia,

﴿إِنَّا فَتَحْنَا لَكَ فَتْحًا مُّبِينًا﴾

﴿لِيَغْفِرَ لَكَ اللَّهُ مَا تَقَدَّمَ مِنْ ذَنْبِكَ وَمَا تَأَخَّرَ وَيُتِمَّ نِعْمَتَهُ عَلَيْكَ وَيَهْدِيَكَ صِرَاطًا مُسْتَقِيمًا﴾

"Innaa Fatahnaa Laka Fat-han Mubiinaa, Liyaghfira Laka Allahu Maa Taqaddama Min Dhambika wamaa Ta-akhkhara", (Surat Al Fat-h 48:1-2)

Ili Mwenyezi Mungu akusamehe Dhambi zako zilizotangulia na zilizokuwa bado.

Rasul Allah Salallahu 'Alayhi wa Salama kasamehewa; lakini pamoja na hayo anasema, **"Ayyuhan Naasu Tuubuu ila Allaahi Wastaghfiruu iIlayhi, Fainnii Atuubuu Ila Allaahi Wa-Astaghfiru Ilayhi Fii Yawmin Akthara Min Sab-'iina Marrah"** katika Hadith nyingine, **"Miata Marra"**, enyi Watu leteni toba kwa Mwenyezi Mungu na **Istighfaar**. Mimi Mtume, naleta toba kwa Siku moja zaidi ya mara 70.

Jamani huyu ni Mtume, si Abdallah. Huyu ni Mtume. Huyu siyo Abdallah, mara kakusengenya mara kakusukuma na mara kafanya kadhaa. Huyu ni Mtume kasamehewa Dhambi zake. Asema analeta toba kwa Siku zaidi ya mara 70. Na katika riwaya nyingine ni mara 100.

Sasa jifikirie Mimi Abdallah, wewe Ally na yule nani, tulete mara ngapi? Mimi nadhani, labda tulete mara Milioni moja kwa Siku. Astaghfirullaah mara Milioni labda. Hii ni nukta ya pili.

Nimalize kwa nukta ya tatu. **Namuudhaj**, ni mifano tu ya namna ya matayarisho ya Ramadhan. Nukta ya tatu Ndugu zangu, **Islaahu Ma' Ibaadillaah**, jitahidi kuleta sulhu na nduguzo.

Kwa sababu wewe unaishi na Ndugu zako. Una Rafiki yako, na una mpenzi wako. Una mfanyakazi mwenzio, na una jirani yako. Mmesukumana, na mmekwaruzana, ule ndiyo ubinadamu. Mwenyezi Mungu hakutuumba sisi Malaika, katuumba sisi Wanadamu, ili tukosee atusamehe.

Sasa, Ndugu yako akikukosea, jambo la kwanza kabisa uwe mwepesi kabisa wa kumsamehe. Hapo ndipo unaingia katika Ramadhan, unasema Mwenyezi Mungu Mimi wale wote walionikosea nimewasamehe. Na Mimi ninaomba msamaha wako Allah.

Rasul Allah Salallahu 'Alayhi wa Salama kasema, **Laa Yahillu Limu-uminin An Yahjura Akhaahu Fawqa Thalaathati Ayyaam"**, ni haramu, haifai kwa Muislamu kumnunia, kumhama nduguye, zaidi ya Siku tatu.

Ni kwa nini Mtume asiseme Siku moja? Ni kwa nini asiseme haramu kabisa? Ni kwa nini asiseme Siku mbili?

Kwa sababu anajua sisi ni Wanadamu. Kule kukosana kupo, kakusumbua mwenzio, kakusema, kakutukana, na kakufanya hivi.

Mwambie, Bwana umenidhulumu, na mnazungumza pale. Siku ya kwanza, Siku ya pili, na Siku ya tatu, salam alaykum Bwana. Alhamdulillah, na hapo khabar imekwisha.

Nyie ni binadamu; hivi ndivyo *Rasul Allah Salallahu 'Alayhi wa Salama* alivyofanya. Sisi siyo Malaika, sisi ni Wanadamu.

Mtu na mama yake alomzaa watafika pahala watapishana Kiswahili. Mtu na Baba yake. Mtu na pacha mwenzie wanakosana Kiswahili. Kwa sababu ni Wanadamu. Lakini kule kukorofishana, kakukosea kweli kweli khasa, mfuate, Bwana kuna kitu kadhaa kadhaa, si sawa, Mimi sijafurahi kabisa. Nisamehe Ndugu yangu, Mimi nimekosea.

Basi Mwenyezi Mungu akusamehe, anisamehe na Mimi, khalas. Kwa Mungu nyie safi safina.

Lakini ikiwa yale mambo kwamba, Mimi hapana, Mimi hapana, Mimi hapana. Mtume katika Hadith nyingine kasema, "Siku ya Alkhamis wanasamehewa na katika *Nisf Shaaban* wanasamehewa Watu makosa yao isipokuwa Watu wawili tu.

Hao ni Watu gani? *Mushaa'in*, Watu ambao kwamba yeye na nduguye hawasemi, hawatazamani, hawaulizani na wamenuniana. Watu hawa hawasamehewi. Mpaka zile Dua zinazoombwa kwa jumla kama:

﴿وَالَّذِينَ جَاءُوا مِنْ بَعْدِهِمْ يَقُولُونَ رَبَّنَا اغْفِرْ لَنَا وَلِإِخْوَانِنَا الَّذِينَ سَبَقُونَا بِالْإِيمَانِ وَلَا تَجْعَلْ فِي قُلُوبِنَا غِلًّا لِلَّذِينَ آمَنُوا رَبَّنَا إِنَّكَ رَءُوفٌ رَحِيمٌ﴾

Walladheena Jaoo Min BaAAadihim Yaqooloona Rabbana Ighfir Lana Wali-Ikhwana Allatheena Sabaqoona Bil-eemani Wala TajAAal Fee Quloobina Ghillan Lillatheena Amanoo Rabbana Innaka Raoofun Raheem(Surat Hashr 59:10)

Basi wao hawazipati kabisa.

Hii ni kwa sababu wameshindwa kusameheana wao, vipi Mungu atawasamehe.

Kwa hiyo Ndugu zangu, nakuusieni kumcha Mwenyezi Mungu, na tuwe na *al isti'daad* kama tunavyoona sisi tumejitayarisha kwa ajili ya Ramadhani. In-shaa Allah Ramadhan hii tuwe kila mmoja awe *hudhuuri* sana kwa ajili ya Mwenyezi Mungu, awe *lillaahi*, yeye awe kwa ajili ya Mungu.

Aseme safari hii Mimi ni kwa ajili ya Mungu. Kama ni darasa kama sijui ni kitu gani. Kama ni mashindano ya Qur-an. Kama kitakachokuwa, Mimi ni *lillaahi*. Nataka Mimi kubadilika; huwezi kujua lini Mwenyezi Mungu atachukua roho yake, hujui.

Na ukiangalia hata nyuma, unaona kuna mazulia mapya yale. Maana yake ni nini? Yale ni matayarisho kwa ajili yetu sisi, ili Watu Watulie wamche Mwenyezi Mungu.

EID UL FITR 1446H/2025M



Enyi Ndugu Waislamu, baada ya kumshukuru Mwenyezi Mungu Jalla wa 'Alaa. Kumtakia Rehma na Neema. Sala na Salamu. Mtume wa mwisho. Nabii Muhammad *Salallahu 'Alayhi Wa Salama*.

Nakuusieni katika kadhia nzima ya kumcha Mwenyezi Mungu kama ambavyo nimetangulia kuisia nafsi yangu juu ya jambo hili adhiimu.

Na kisha tuzingatie kwamba tumo katika Siku iliyokuwa tukufu. Siku ambayo ni ya ajabu mno. Sisi Waislamu, ***Kaanal Iftaar Bi Al Amsi Haraaman, wa As-bahal Yawm, Siyaaman Haraaman.*** Kwa Waislamu, kwetu sisi ni kumwambia Mwenyezi Mungu, ***Sami'naa wa Atwa'naa.***

Jana ilikuwa ni Mwezi 29 Ramadhan. Ilikuwa kula Mchana ni jambo la haramu. Leo Mwezi mosi Shawwal, kufunga ni jambo la haramu.

Jana ilikuwa Mwezi 29 Ramadhan, ilikuwa ni fardhi Mtu kufunga. Na leo ni Mwezi Mosi Shawwal, inakaribia kuwa fardhi Mtu kula na kutokufunga. Na ni haramu Siku ya leo kufunga.

Hii ni ajabu ya Uislamu. Mwenyezi Mungu Dini hii ameiweka kwa wepesi mno. Kiasi kwamba inaendana na maumbile ya viumbe wake aliyowaumba.

Khutbah yetu ya leo Ndugu zangu, tutazungumza Hadith moja tu ya Mtume wa *Mwenyezi Mungu Salallahu Alayhi wa Salama*. Hadith ambayo imepokelewa na Maimam wawili wakubwa.

Rawal imaamaanil Jaliilan Muhammad Ibn Ismail Al-Bukhariyu wa Muslim Ibn Al Hajjaaji Hushayriyyu, *Radhi Allahu 'Anhumaa, 'An Abii Hurayrah Radhi Allahu 'Anhu* Qaal. ***"Lis-saaimi Farhataan, Farhat Yafrahu Humaa Idhaa Aftara fariha, wa Idhaa laqiya rabbahuu fariha bisawmihi"***.

Hadith ya Imam Bukhari nambari 1,904 na Imam Muslim nambari 1,151. Hadith ni fupi. Maneno ya Rasul Allah Salallahu 'Alayhi wa Salama ni ***Kalimaatun Muujaza, Mabniyyul Ma'na.***

Hadith ni moja tu tutaitazama In-shaa Allah, lakini ina faida kedekede, ina faida nyingi mno. Maneno haya ya Mtume wa Mwenyezi Mungu.

Maneno machache ya kuhesabika lakini maana yake itatutosha kuondoka hapa kila mmoja moyo wake umefurahika anamshukuru Mwenyezi Mungu kwa yale yaliyotokea; na anamdhania Mwenyezi Mungu mema atamlipa hapa Duniani mpaka kesho akhera.

Katika Hadith hii *Rasul Allah Salallahu A'alayhi wa Salama* anatueleza kwamba. Kila aliyefunga ana furaha namna mbili, furaha ya kwanza wakati wa magharibi anapofungua kinywa akanywa Maji ya Baridi akanywa Juisi yake au akanywa Kahawa, akala Tende na kisha akaftar katika chakula Mwenyezi Mungu alichomjalila. Hii ni furaha ya kwanza.

Furaha ya pili ni furaha ambayo Muislamu atakuja kuipata Siku ambayo atakutana na Mwenyezi Mungu, Katika Siku ya Qiyamah.

Na kutokana na Hadith hii tunapata faida takriban tano, ambazo ndizo nukta zetu za leo, ni nukta tano. Kwa nini *Rasul Allah Salallahu A'alayhi wa Salama* aliposema kwamba kila aliyefunga ana faida mbili, moja hapa Duniani na moja akhera.

Tutazieleza kwa mujibu wa Kitabu na Sunnah. Tutaeleza faida tano, ambazo zinatokana na hizi furaha mbili za Mtume wa Mwenyezi Mungu.

Faida ya kwanza ambayo Muislamu anaipata, furaha ambayo Mtume Mwenyezi Mungu ameisema. Mwenyezi Mungu anatuashiria katika Qur-an kwamba,

﴿قُلْ بِفَضْلِ اللَّهِ وَبِرَحْمَتِهِ فَبِذَلِكَ فَلْيَفْرَحُوا هُوَ خَيْرٌ مِّمَّا يَجْمَعُونَ﴾

Qul bifadli Allahi wabirahmatihi fabidhalika falyafrahoo huwa khayrun mimma yajmaAoon(Surat Yunus 11:58)

Muhammad waambie, kwa fadhila za Mwenyezi Mungu alizowapa (fadhila za kutujalia afya, uzima na kuidiriki Ramadhan), na rehema zake (za kutufanya Waislamu tukamjua Mungu na uwezo wake na huruma za kutufanya tukamuabudu), hayo ndio mambo Muislamu anatakiwa ayafurahie.

"Fabidhaalika Falyafrahuu", hayo ndio mambo ya kufurahiwa na Muislamu.

Furaha hizi Mtume kazieleza katika namna mbili, lakini ulamaa wakazichambua wakasema kwamba ziko namna tano ambazo In-shaa Allah tutataja moja baada ya moja ili kila mmoja afahamu.

Awwalan, Yafrahus Saimuuna Liannahum Ataa'ul Allaha wa Rasuulah.

Kwanza, wanafurahi waliofunga, kwa sababu kule kufunga wameingia katika kundi la kumtii Mwenyezi Mungu na Mtumewe. Kwanza anafurahi kila aliyefunga kwa sababu

kule kufunga kumemfanya kuingia katika kundi ambalo wanaambiwa wamemtii Mwenyezi Mungu.

Mwenyezi Mungu kawaambia, **"Yaa Ayyuha Alladhiina Aamanuu Kutiba 'Alaykumu Siyamu"**, mmefaridhishiwa kufunga. Na kwa agizo hili, Mwezi umeandama, Waislamu hao wanafunga. Hii ni dalili kwamba, Waislamu hawa wanamtii Mwenyezi Mungu.

Na nini ujira au ni nini malipo ya Mtu ambaye kwamba anamtii Mwenyezi Mungu kwani Mwenyezi Mungu anasema,

﴿مَنْ يُطِيعِ الرَّسُولَ فَقَدْ أَطَاعَ اللَّهَ وَمَنْ تَوَلَّىٰ فَمَا أَرْسَلْنَاكَ عَلَيْهِمْ حَفِظًا﴾

Man yutiAAi Arrasoola Faqad ataAAa Allaha waman Tawalla Fama Arsalnaka AAalayhim Hafeedha(Surat An Nisaa 4:80)

Atakaemtii Rasul basi kwa hakika atakua ni mwenye Kumtii Allah, na mwenye kumpa mgongo basi kwa hakika hatukukutuma wewe isipokua ni Muangalizi Tu juu yao.

Na akasema tena

﴿وَمَنْ يُطِيعِ اللَّهَ وَالرَّسُولَ فَأُولَٰئِكَ مَعَ الَّذِينَ أَنْعَمَ اللَّهُ عَلَيْهِمْ مِنَ النَّبِيِّينَ وَالصِّدِّيقِينَ وَالشُّهَدَاءِ وَالصَّالِحِينَ وَحَسُنَ أُولَٰئِكَ رَفِيقًا﴾

Waman yutiAAi Allaha Wa Arrasoola Faola-ika maAAa Alladheena anAAama Allahu AAalayhim Mina Annabiyyeena Wassiddeegeena Washshuhada-i Wassaliheena Wahasuna ola-ika rafeeqa(Surat An Nisaa 4:69)

Waman yutiAAi Allaha Wa Arrasoola yule ambaye anamtii Mwenyezi Mungu na Mtume wake *Salallahu Allahi wa Salama*, **Faola-ika maAAa Alladheena** Mtu kama huyu au Watu hao watakuwa pamoja na Watu ambao kwamba. **anAAama Allahu AAalayhim** Mwenyezi Mungu kawaneemesha, **Mina An Nabiyyeena** miongoni mwa mitume, **Wassiddeegeena** na wasema kweli, **Washshuhada-i** na Mashahidi waliokufa katika Jihadi, **Wassaliheena** na Watu wema.

Kisha Mwenyezi Mungu anafunga, **Wahasuna Ula-ika Rafeeqa** na hao kwa hakika ndilo kundi lililokuwa bora zaidi.

Kila aliyefunga anaingia hapa, kamtii Mwenyezi Mungu katika jambo kama hili.

"Dhaalika Al Fadhlu Mina Allah", kwa hakika hizo ni fadhila kutoka kwa Mwenyezi Mungu.

Si ujanja wako. Wangapi wameanza kufunga Ramadhan katikati wamefariki? Wangapi wamefunga mpaka katikati, baadaye wamefariki? Wangapi tumewazika jana?

Kwa hiyo, siyo ujanja, **"Dhaalika Al Fadhlu Mina Allah",** hizo ni fadhila za Mwenyezi Mungu ametupa. Tumshukuru Mwenyezi Mungu tumeingia katika kundi ambalo kwamba Mwenyezi Mungu amewajaalia wamtii na wapate furaha kama hii ambayo tumeisema.

Kadhalika, imekuja Hadith kwamba, mmoja katika Masahaba ambae ni Thawban *Radhi Allahu Anhu* kama Alivyosema *Mujaddid Ad Din* Imam Fakhr Ad Din Al Razi, hivyo Thawban *Radhi Allahu Anhu* alikuwa na wasiwasi kwamba, **'Ewe Mtume wa Mwenyezi Mungu, Mimi nitakapofariki sijui kama nitakwenda Peponi. Lakini kama nitakwenda Peponi pia, wewe Mtume utakuwa mbali, itakuwa Sikuoni na Mimi shauku yangu ni kuwa na wewe'.**

Sikiliza jawabu la *Rasul Allah Salallahu 'Alayhi wa Salama* alilomwambia Sahaba Wake huyo Thawban *Radhi Allahu Anhu*, ambapo *Rasul Allah Salallahu A'alayhi wa Salama* kwanza alimnyamazia, hakumjibu mpaka Mwenyezi Mungu alipomshushia aya tuliyoisoma.

Ni aya ambayo Mwenyezi Mungu anamwambia Mtume amjibu kwamba, yule ambaye anawapenda Watu atakuwa pamoja nao. Kwa hiyo, kila Mtu ambaye kwamba amemtii Mwenyezi Mungu katika Ramadhan akafunga ajibashirie furaha ya kwanza ameingia katika kundi la Watu ambao wamemtii Mwenyezi Mungu.

Mwenyezi Mungu anasema,

﴿يُصْلِحْ لَكُمْ أَعْمَالَكُمْ وَيَغْفِرْ لَكُمْ ذُنُوبَكُمْ ۗ وَمَنْ يُطِيعِ اللَّهَ وَرَسُولَهُ فَقَدْ فَازَ فَوْزًا عَظِيمًا﴾

Yuslih lakum aAamalakum wayaghfir lakum Dhunoobakum waman yutiAAi Allaha wa Arrasoolahu Faqad Faza Fawzan AAadheeman(Surat Al Ahzab 33:71)

Atakuongozeni katika kufanya Mema na atakusameheni Dhambi zenu na yeyote yule atakaemtii Allah na Mtume wake (*Salallahu Alayhi wa Salam*) basi kwa hakika ni mwenye kupata mafanikio Makubwa sana

Waman yutiAAi Allaha Wa Arrasoolahu ", wale ambao wanamtii Mwenyezi Mungu na Mtume wake. **Faqad Faza Fawzan AAadheeman** hakika hao wamefaulu kufaulu kulikokuwa kukubwa sana. Hii ni furaha ya kwanza.

Thaaniya ayyuhal ikh-wa, anafurahi Muislamu katika faida anazopata kufurahi, **Liana Humu Tasafuu Bi Sifaati Al Muttaqiina**, kwa sababu kule kufunga tunatarajia kwamba Muislamu huyu anasifika na sifa za uchamungu.

Na hayo ndiyo maagizo ya Mwenyezi Mungu aliposema, **"La A'allakum Tattaquuna"**, mmefaradhishiwa kufunga ili muwe wachamungu.

Alhamdulillah tumefunga, kwa hiyo tunatarajia Mwenyezi Mungu atuingize katika kundi la wacha Mungu. Kwa sababu yeye anatuahidi kwamba atakayefunga atapata sifa hiyo ya Uchamungu. Na hakika Peponi, hataingia isipokuwa aliyekuwa ni Mcha Mungu.

Ndiyo maana Allah anatwambia,

﴿يَا أَيُّهَا الَّذِينَ آمَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنتُمْ مُسْلِمُونَ﴾

Ya Ayyuha Alladheena amanoo ittaqoo Allaha Haqqa Tuqatihi wala Tamootunna illa Waantum Muslimoon (Surat Al Imran 3:102)

Ya ayyuha Alladheena Amanoo Ittaqoo Allaha Haqqa Tuqatihi - Enyi mliaoamini, mcheni Mwenyezi Mungu ipasavyo, kisha akasema, **"Wala Tamuutunna Illa wa Antum Muslimuuna"**, Msikubali kufa mpaka muwe hali ya kwamba katika njia ya Uislamu.

Dalili nyingine kwamba aliyefunga, Mwenyezi Mungu atamfanyia maisha yake mepesi, Mwenyezi Mungu anasema,

﴿وَمَنْ يَتَّقِ اللَّهَ يَجْعَلْ لَهُ مَخْرَجًا﴾

Waman Yattaqi Allaha YajAAal Lahu Makhrajan, (Surat At Talaq 65:2)

Kila tatizo linalokujia umepata maradhi umeumwa, Mwenyezi Mungu atamleta kiumbe anayemtaka yeye mwenyewe akusaidie na upone.

Umepata matatizo, sijui huna *school fees*, Mwenyezi Mungu atamtuma Mtu aje akulipie, ili mwanao asome. Umepata matatizo, sijui umeangukiwa, kwa vyovyote utakavyokuwa, maadhali ulifunga kweli kweli, Mwenyezi Mungu, anakuahidi katika kila tatizo atakutoa. Siyo hivyo tu,

﴿وَيَرْزُقْهُ مِنْ حَيْثُ لَا يَحْتَسِبُ﴾

Wayarzuqhu Min Haythu La Yahtasibu (Surat At Talaq 65:3)

Na Mwenyezi Mungu atakupa riziki yako, katika namna ambayo kwamba hujaitarajia. Kwa hiyo, aliyefunga kweli kweli khasa, Siku ya leo ajibashirie mambo mazuri mazuri.

La pili ni kwamba Mwenyezi Mungu anamuingiza katika kundi la Watu ambao kwamba ni wachamungu.

Hii ni faida ya pili ambayo Mwenyezi Mungu anatuelezea.

Na Qur-an nzima inaeleza mambo mema kwa wachamungu.

﴿إِنَّ لِلْمُتَّقِينَ مَفَازًا﴾

Inna Lmuttaqeena Mafaza (Surat An Naba 78:31)

﴿إِنَّ الْمُتَّقِينَ فِي جَنَّاتٍ وَنَعِيمٍ﴾

Inna almuttaqeena fee jannatin WanaAAeem (Surat At Turi 52:17)

Mambo mazuri mazuri yote watayapata wale ambao kwamba wamefunga katika Ramadhan kweli kweli, na leo wamekula Eid au wanakula Eid. Na Mwenyezi Mungu Watu kama hawa anawasema katika Qur-an.

Katika nukta ya tatu twende, maana yake muda ni mchache.

Nukta ya tatu Ndugu zangu, katika mambo ambayo furaha yetu leo ya kufunga na kufungua katika Siku ya Eid ni kwamba, **Yafrahu Saaimuuna**, wanafurahi waliofunga, **Liannahum Qaamuu Ramadhan**, kwa sababu katika Ramadhan walisimama wakaswali.

Na hakuna kizuri kama kusimama katika Ramadhan.

Imekuja Hadith Sahih Rasul Allah Salallahu 'Alayhi wa Salama anasema kwamba, "**Man Qaama Ramadhan Imaanan Wahtisaaba**, yule ambaye kwamba katika Ramadhan alifunga na kisha akasimama akaswali, Mwenyezi Mungu humfutia Dhambi zake.

Bali Mtu afanye hesabu ndogo tu, wale ambao walikuwa Msikitini wanasali Taraweh, kila Siku Rakaa 20, fikiria 20 mara 30, ni 600. Hizi ni Rakaa 600, umezipata katika Mwezi mmoja, si jambo dogo hilo.

Hilo ni jambo kubwa sana kwa Mwenyezi Mungu. Haiwezekani mja ikawa kila Siku anasali Rakaa 20 na tatu za witri. 3 mara 30 ni 90.

Katika Ramadhan Mtu kaswali, achilia mbali *Tahiyyatu Al Masjid*, achilia mbali *Sunnatul Wudhuui*, achilia mbali sijui kaswali dhuhaa, achilia mbali kasali *Qabliyyah* na *Baadiyyah*, hizi ziache.

Tunazungumza zile ambazo kwamba ni za Ramadhan tu. Ambayo ndiyo Taraweh, na witri. Anapata Rakaa 690 kwa Mwezi mzima wa Ramadhan.

Rasul Allah Salallahu A'alayhi wa Salama alimpa wasia mmoja katika wapenzi wake, akamwambia unataka kuwa na Mimi Peponi. Jibidiishe kuswali Sunnah kwa wingi. Alhamdulillah, Ramadhan imekuja tumezipata Sunnah nyingi, Rakaa 690 kwa Mwezi mzima.

Na wale ambao kwamba wakasema kwamba Mimi nane zinanitosha. Ni kweli zimewatosha kwa kuwa wametoka. Lakini kwa hakika, wamekula hasara. Kwa sababu wamesali Rakaa 240 tu (8 mara 30 ni 240 tu).

Hata nusu ya 690 hawajafika, kama Mtu angekuwa anajua, Ramadhan angesali sio 20, angeswali 31, Rakaa 20 za Taraweh na Rakaa 11 za Witri. Maana yake Usiku 8 na Witri 3, yote haya angeyapata.

Na ndiyo maana Salaf Saalih walikuwa wakiswali Rakaa nyingi, 200, 300, 400, wakati wa Usiku. Sisi, Rakaa 20, Mtu anainuka na kukung'uta kanzu anaona kwamba keshafanya Sunnah kubwa.

Na *Rasul Allah Salallahu 'Alayhi wa Salama* amesema, **"Salatul Layli Mathnaa Mathnaa Mathnaa"**, Salah ya Usiku ni mbili, mbili; haina kikomo na kuendelea.

Nukta ya tatu Ndugu zangu, kila ambaye kwamba amesimama akasali katika Mwezi kama huu. Amshukuru Mwenyezi Mungu amemuingiza katika Watu ambao kwamba wanamsabihi sana Mwenyezi Mungu.

Na wao ndio ambao kwamba, Mwenyezi Mungu anawataja katika Surat Al Furqaan alipoanza,

﴿وَعِبَادُ الرَّحْمَنِ الَّذِينَ يَمْشُونَ عَلَى الْأَرْضِ هَوْنًا وَإِذَا خَاطَبَهُمُ
الْجَاهِلُونَ قَالُوا سَلَامًا﴾

WaAAibadu Alrrahmani Alladheena Yamshoona AAala al-Ardhi Hawnan wa-Idha Khatabahumu Aljahiloona Qaloo Salaman (Surat Al Furqan 25:53)

Mwisho akasema,

﴿وَالَّذِينَ يَبِيتُونَ لِرَبِّهِمْ سُجَّدًا وَقِيَامًا﴾

" Wa Alladheena Yabeetoona Lirabbihim Sujjadan Waqiyaman (Surat Al Furqan 25:54)

Na wale ambao kwamba wanakesha Usiku, wanaunapitisha Usiku, sehemu ya Usiku kwa Mwenyezi Mungu wanasujudu, wanaarukuu, wanasimama.

Maana yake ni kwamba wanasali katika Usiku. Hili, Alhamdulillah tumelipata katika Mwezi wa Ramadhan. Wao ni Watu ambao kwamba Mwenyezi Mungu amewasifu katika Qur-an, akasema tena,

﴿تَتَجَافَىٰ جُنُوبُهُمْ عَنِ الْمَضَاجِعِ يَدْعُونَ رَبَّهُمْ خَوْفًا وَطَمَعًا وَمِمَّا رَزَقْنَاهُمْ يُنفِقُونَ﴾

Tatajafa Junoobuhum AAani AlmadajiAAi yadAAoona Rabbahum Khawfan watamaAAan Wamimma Razaqnahum Yunfiqoona(Surat As Sajda 32:16)

Wanaepukana na Vitanda vyao, wanaondoka katika Vitanda vyao. Wanafanya nini, hawa wanakwenda kwa Mwenyezi Mungu kumuomba hali ya kuwa wanamuogopa na wanamtamania.

Hakika hakuna malipo isipokuwa Pepo, kama *Rasul Allah Salallahu A'alayhi wa Salama* alivyotubashiria katika jambo kama hili.

Hiini nukta ya tatu Ndugu zangu, tutakwenda haraka haraka.

Nukta ya nne, kwa nini tunatakiwa tufurahi Siku ya leo, nukta ya nne kwa sababu, ***Lianna Saaimiina***, kwa sababu waliofunga, ***Wa Saluu Arhaamahum***, wamepata sababu ya kuunga udugu na jamaa zao.

Ni jambo lisilofichikana kwamba katika Ramadhan, kila mmoja alikuwa na huruma na uchamungu. Akisikia fulani ana dhiki kadhaa mpelekeeni hiki. Mpaka wengine wanaingia Msikitini na box la tende, kila anayemkuta anampa, anampa, anampa.

Haya katika miezi ya kawaida huyapati. Wakati wa Mwezi wa Ramadhan, Mwenyezi Mungu, nyoyo amezitia wepesi na ulaini; kiasi ambacho kwamba kila mmoja anamtamania mwenziwe, apate kabla ya yeye.

Wako waliokuwa wakileta Uji, wako waliokuwa wakileta Maji, wako wengine wakileta Futari nzima, wengine Kachori, na wengine Sambusa. Haya ni dalili ya kwamba kila mmoja anamtakia mwenzie apate kheri.

Wameunga udugu, na ni jambo ambalo *Rasul Allah Salallahu A'alayhi wa Salama* katika mambo ya kwanza kabisa aliyowaambia Watu wa Madinah, **"Wasil ul Arhaama"**.

Aliwaambia, **"Yaa Ayyuha Nnaasu Afshu Salam"**, Enyi Watu, Enezeni salamu, **"Wa at'imut Ta'aam"**. Na mwisho akasema katika aliyoyasema, kwamba, na ungeni Udugu.

Haya yamepatikana katika Ramadhan; na ni dalili kwamba Mwenyezi Mungu ametupa mema. Bali Qur-an inasema:

﴿وَالَّذِينَ يَصِلُونَ مَا أَمَرَ اللَّهُ بِهِ أَنْ يُوصَلَ وَيَخْشَوْنَ رَبَّهُمْ وَيَخَافُونَ
سُوءَ الْحِسَابِ﴾

Waalladheena Yasiloona Ma Amara Allahu Bihi an Yoosala Wayakhshawna Rabbahum Wayakhafoona Soo-a Alhisabi. (Surat Ar Radd 13:21)

Na wale ambao kwamba wanaunga Udugu, wanaunga yale ambayo kwamba Mwenyezi Mungu amewaambia wayaunge.

Ni miongoni mwa kujuana na kutakiana kheri na kupeana vitu vizuri vizuri. Watu hawa ni Watu wa Peponi kama Qur-an inavyosema katika Surat Ra'd aya ya 23.

﴿جَنَّاتُ عَدْنٍ يَدْخُلُونَهَا وَمَنْ صَلَحَ مِنْ آبَائِهِمْ وَأَزْوَاجِهِمْ وَذُرِّيَّاتِهِمْ
وَالْمَلَائِكَةُ يَدْخُلُونَ عَلَيْهِمْ مِنْ كُلِّ بَابٍ﴾

Jannatu AAadnin Yadkhuloonaha Waman Salaha Min Aba-ihim Waazwajihim Wadhurriyyatihim Waalmala-ikatu Yadkhuloona AAalayhim Min kulli Babin(Surat Ar Radd 13:23)

Peponi wataingia Pamoja na waliofanya nao Mema Miongoni mwa Mababa zao, na Wake zao, na Watoto wao na Malaika Wataingia Kuwawakaribisha katika kila Milango.

Ndugu zangu hizi ni faida nne ambazo tumezitaja. *Rasul Allah Salallahu A'alayhi wa Salama* ametuelekeza tufurahi kwa namna hizo.

Bali kuunga udugu, ***Wasilatul Arhaam, Wa Husunul Khulq***, na tabia njema ni jambo ambalo *Rasul Allah Salallahu 'Alayhi wa Salama* kasema kwamba, ***"Ya-Amurud Diyaar"***, ndiyo mambo ambayo yanaimarisha miji.

Katika Watu ambao kwamba wana huruma na wenzao. Mji ule unakuwa na *barkah* za Mwenyezi Mungu.

"Wayaziiduna Fi Al A'maar", na Mtu ambaye kwamba anawaonea huruma Watu wake, jamaa zake, Ndugu zake, Rafiki zake, wafanyakazi wake, *Rasul Allah Salallahu 'Alayhi wa Salama* kasema, Mwenyezi Mungu anamzidishia umri kwa sababu hiyo. Haya tumeyapata katika Ramadhan, Alhamdulillah, na tunatakiwa tushukuru.

Nukta ya tano Ndugu zangu, kwa nini tunashukuru, ni kwa sababu ya nukta tano.

Nukta ya tano ni kwamba, ***Yafrahu Saimuuna Liannahum Dakhalul Basma A'alaa Afwaajil Masaakiin***, wanafurahi waliofunga leo, kwa sababu wao wamekuwa ni sababu ya kuingiza furaha katika vifua na nyoyo za omba omba, nyoyo za Masikini, Nyoyo za Watu ambao kwamba hawana kitu.

Wako namna mbili: kuna wale ambao kwamba wanaomba na wale wanaojizuia kuomba pamoja na ugumu wa hali wanayopitia.

Ama kwa wale wanaomba, hawa ambao wanaitwa ombaomba, wako majiani. Huyu hata ukimpa milioni moja, dakika mbili anaomba tena. Huyu siye anayetajwa, huyu anaomba kwa sababu yeye ni ombaomba. Kazi yake ni *professional beggar*; siyo huyu.

Anatajwa Mtu ambaye kwamba ana shida, hana kitu na pengine haombi. Mpaka akiomba, imekuwa hana jinsi anaweza akafa na njaa, hajapata kitu ndiyo anaomba. Huyu ukimpa, kwa hakika umesababisha moyo wake kukunjuka.

Siku ya Qiyamah Mwenyezi Mungu naye ataukunjua Moyo wako.

Rasul Allah Salallahu 'Alayhi wa Salama kasema katika Hadith yake ni kwamba, yule ambaye kwamba, ***"Man Yassara Mu'sirin"***, ambaye kwamba anamfungulia, akamfanyia wepesi Muislamu mwenzake Duniani, Siku ya Qiyamah Mwenyezi Mungu naye vilevile atamfungulia na atamfanyia wepesi katika mambo yake.

Kadhalika wale ambao hawana, walitakiwa Siku ya leo wasihangaike na kuomba. Wapewe Zakatul Fitr, Watulie Majumbani mwao, wapike waftari na Ndugu zao wamuabudu Mwenyezi Mungu wao. Lakini **'Alal Asaa Wa Al Safish Shadiid**, utakuta Watu njiani wamekaa *Yaa Allah* nipe nipe nipe; hii kwa hakika ni katika tabia mbaya.

Rasul Allah Salallahu A'alayhi wa Salama kakemea akasema kwamba Watu hawataacha kuomba mpaka Siku ya Qiyamah watafufuliwa hali ya kua nyuso zao hazina nyama hata kidogo, kwa sababu ya kuomba.

Muislamu ni haramu kuomba ikiwa anacho cha kukila. Haramu kuomba ikiwa anacho cha kukila, ni jambo baya mno linachukiza katika Uislamu.

Walipatikana Maimam, miongoni mwa Maimam, ambao kwamba walikuwa wakubwa. Walikuwa wanasomesha wanafunzi wengi, lakini walikuwa maskini Wanajizua kuomba mpaka mmoja akaja akaonekana Siku moja Usiku Msikitini anasafisha vyoo.

Wanafunzi wake, wakamwambia Maalim haifai namna hii. Akasema hapana, na khofu nisije nikafanya kazi mbaya zaidi ya hii. Kazi mbaya ni ipi, ni ya kuomba.

Bora usafishe vyoo, bora usafishe barabara, bora uhangaiki na jua kali. Ulipwe kwa jasho lako. Kuliko kunyoosha mkono, nipe, nipe, nipe.

Idhan, Ndugu zangu, haya mambo matano, tumeyachambua katika Hadith hii ya Mtume wa Mwenyezi Mungu, ambayo alisema kwamba kila anayefunga ana furaha kubwa. Na sote tumefunga Alhamdulillah, tusije bishana *Rasul Allah Salallahu A'alayhi wa Salama* ametueleza haya.

Ndugu Waislamu, leo katika nukta ya tano na ya mwisho. Tunafurahi kwa sababu, Mwenyezi Mungu ametubashiria mambo mengi mema na mazuri. Mambo ambayo hatukudhani kama tungeyapata.

Watu wengi walikuwa wanadhania kwamba ni ngumu Mtu kujizua na maasi. Lakini kumbe ni nyepesi.

Ramadhan imekuja, Watu mchana kutwa walikuwa wanafunga, hawafanyi mambo ya maasi, hakuna zinaa mchana, hakuna dhulma Mchana, kumbe inawezekana sana. Mtu kufanya mambo mema, katika Mchana wa kila Siku.

Watu walikuwa wanadhani ni ngumu mno kusali Sunnah. Kumbe ni nyepesi. Ramadhan imekuja tukiswali Sunnah hapa Rakaa sio mbili nne wala sita, Rakaa 20, 23 na mpaka zaidi ya hapo. Kumbe ni nyepesi.

Watu wanadhani kwamba ni ngumu kusoma Qur-an. Hapana, Ramadhan imekuja imetuwekea wazi kwamba ni nyepesi Mtu anayesoma Qur-an Siku tatu akamaliza msahafu. Siku sita au wiki au hata Siku 10, msahafu akamaliza, kumbe ni nyepesi.

Watu walikuwa wanadhani kwamba kusoma nyiradi ni jambo gumu, ni dhiki. Mtu anaona taabu, na mara baada tu ya salamu anatoka mbio Msikitini, hana nafasi ya kumsabihi Mwenyezi Mungu. Ramadhan imekuja tunasoma nyiradi **mutawalia** hapa, Yaa Allah, Yaa Allah zinakwenda kila Siku, dakika 20 mpaka Nusu Saa tunamsabihi Mwenyezi Mungu tu, na kufanya Tahliil.

Kumbe inawezekana. Ramadhan imekuja kufungua na kutuonesha kwamba nyinyi Waislamu mmeumbwa kwa ajili ya kumuabudu Mwenyezi Mungu. Watu walikuwa wanadhani kwamba kutoa ni jambo gumu. Ramadhan imekuja, na Watu wanatoa. Kumbe inawezekana kutoa katika mali yako.

Watu waliokuwa wanadhani kwamba kutoa ni kwa ajili ya Matajiri tu. Akisikia Zakah, anafikiria Milionea, hapana; hata yule ambaye ana Milioni 15 au 20 anatakiwa atoe Zakah kumbe inawezekana. Ramadhan imekuja na wewe vilevile umepata nafasi ya kutoa.

Watu walikuwa wanadhani kwamba kuacha mambo mabaya ni ngumu, hapana. Ramadhan imekuja, tumeacha mambo mazuri, kwa mfano mambo ya kula wali mchana, ni jambo la halali. Lakini, Mtu kaliacha kwa sababu ya kumtii Mwenyezi Mungu. Kumbe inawezekana jambo kama hili kufanya.

Ramadhan imekuja kutufunza kwamba, yale yote mnayoyaona magumu, kwa hakika ni mepesi. Na zaidi imekuja kurudisha mapenzi baina ya familia katika Ramadhan.

Na ndiyo maana tangu zamani, enzi ya wazee zetu, ilikuwa Ramadhan Watu walikuwa wanaalikana na kupelekeana vyakula kila pahala, peleka hiki kwa jirani, na kadhalika, ili kuonyesha ukaribu na huruma zilizokuwepo.

Hii ni Nukta ya tano.

Na Ndugu zangu kama umeswali, umefunga Ramadhan, na ukamaliza. Siku ya leo ni Siku ya kumshukuru Mwenyezi Mungu. Kwa sababu, Mwenyezi Mungu anatwambia kwamba,

﴿لَئِنْ شَكَرْتُمْ لَأَزِيدَنَّكُمْ﴾

La-in Shakartum Laazeedannakum (Surat Ibrahim 14:07)

*Tafsir: **Kama Mtanishukuru basi Nitakuzidishieni zaidi,***

Mangapi tumeyapata ndani ya Ramadhan? Ramadhan tumesimama katika kila Siku, mshukuru Mungu ili akuzidishie. Ramadhan tumesoma Qur-an kila Siku, mshukuru Mungu, ili akuzidishie.

Ramadhan tumesoma Nyiradi kila Siku, mshukuru Mungu ili akuzidishie. " ***La-in Shakartum Laazeedannakum***

Al-Imam Ibrahim Ibn Adham alikuwa ni mmoja katika wacha Mungu wakubwa kabisa. Na alikuwa na Mwalimu wake akiitwa Imam Shaqiiq Al Balkhi.

Imam Shaqiiqil Balkhi alimuuliza mwanafunzi wake, ***Maa TaA'udduuna Fiikum Shukr,*** hivyo nyinyi kwenu huko Balkhi mnakotoka, unadhania nini maana ya kushukuru?

Akamwambia kushukuru ni Mtu umepata kitu, umepata labda Pesa, umepata Nyumba labda, unashukuru Alhamdulillah.

Al-Imam Shaqiiq akamwambia hapana, hiyo kule kwetu ni shukran ya hali ya Mbwa.

Akashtuka Imam Ibrahim, hiyo ni shukurani ya hali ya Mbwa? Akamwambia naam. Kwa nini?

Kwa sababu, Mbwa ukimpa Mfupa wa Nyama anafurahi. Anatikisa Mkia, kafurahi, anakaa na anakula. Na kama hujampa anakaa anasubiri.

Sasa, ikiwa Mwanadamu naye akipewa anafurahi halafu anatulia tu, anafanana na yule Mbwa.

Akamwambia, Imam nifundishe Mimi sijafahamu, nini maana ya kushukuru.

Akamwambia kushukuru ni kwamba, ukiona Mwenyezi Mungu kakupa riziki na kakupa manufaa katika Dunia hii. Jione wewe ile siyo uhodari wako, siyo ujanja wako na kuanzia hapo utoe kwa wale ambao wanatakiwa kupewa.

Huko ndiko kushukuru, ukipata usijione Mjanja ukadhani kwamba wewe ndie hodari, hapana, rudi kwa Mwenyezi Mungu. Kwamba, Mwenyezi Mungu amenipa hichi, ndicho nilichokipata hiki, ili na Mimi niwarudishie wale ambao Mwenyezi Mungu ameniambia niwape. Hiyo ndio maana ya kushukuru.

Imekuja katika ***Aathaar*** ya kwamba, Abu Said Al Khudri *Radhi Allahu Anhu* mmoja katika Masahaba wa *Mtume Salallahu 'Alayhi wa Salama*. Siku ya Eid kama ya leo, alimuona Mwanawe amevaa Nguo siyo mpya, kaka Maskini kajikunyata.

Akamwambia ewe mwanangu wee, mbona umekaa mnyonge mnyonge? Mbona uko hivyo? Baba akamwambia kijana wake, ***Laqad Nadhartu Ilaa Jamii' Sibyaan***, nimeangalia vijana wote wa mjini.

Fawajadtuhum Jamii' Yalbasuuna Thiyaaban Jadiida, Nikawaona wote wamevaa nguo mpya na wamefurahi. ***Wal hulalu***, na wamejipamba, ***Alfaakhira*** kwa mapambo mazuri. ***Wa A'ala Wujuuhihim Farhat Al I'id***, na huku Nyuso zao zinang'ara kwa kufurahi.

Thumma Nadhartu Ilayka, kisha nikakuangalia, ***Fawajadtu Thiyaabaka Qadiimatun Baliya***, Nikaona Nguo zako zimechakaa za zamani. ***Fakhashiitu an Yunkasiru Qalbaka***, basi nikakuonea huruma Mwanangu utakuwa mnyonge Siku ya Eid.

Kijana akasema, ***Laa Tahzan Ya Abii***, Baba yangu usihuzunike, Mimi niko vizuri.

Akasema hivi, ***Laysal 'iidu Liman Labisal Jadiid, Walaakinnal I'iida Liman Khaafal Wa I'iid. Laysal 'iidu Liman Yahsudun Naasa, 'ala Maa Tanfadhili. Walaakinnal 'iida Liman Khaafal Yawmal Wa'iid, Wasa-alal Maziid. Wainnamaa yankasiru Qalbahuu Man 'asaa Mawlaahu, Wattaba-'a Hawaahu, wa 'aqqa ummahuu wa Abaahu, Wadhahaba ila Nnaasi Sharafuhu Wahayaahu.***

Allah Akbar.

Kijana anamwambia Babake, Baba usiwe na wasiwasi. Mimi sioni kama ndio Sikukuu Mtu kuvaa nguo mpya. Mimi naona Sikukuu, ni Mtu kumtii Mwenyezi Mungu ndiyo Sikukuu. Yule Mtu yuko katika ***T'aa*** ya Mwenyezi Mungu, ndiyo Sikukuu yenyewe.

Kuwatii Wazee wake, ndiyo Sikukuu yenyewe, kuangalia Ndugu zako, ndiyo Sikukuu yenyewe. Siyo kuvaa Nguo mpya tu, hili ni jambo dogo. Ni jambo la nje, hii ni mapambo tu. Lakini Sikukuu iko moyoni kwa kila mtu.

Abu Said ***Radhi Allahu Anhu*** anasema kwamba, nikafurahi sana Mwanangu yule nikamkumbatia nikamwambia, ***Ni'mal 'Awnu***, Ah Mwanangu umekuwa msaada mkubwa kwangu kunisaidia katika kumcha Mwenyezi Mungu.

Ni'mal 'awnu ya bunayya, mwanangu umekuwa ni neema kubwa kwangu katika kunisaidia kumcha Mwenyezi Mungu.

Kwa hiyo Ndugu zangu, Eid sio leo tu, ***Kulli Yawmin***, kila Siku ambayo kwamba Mwenyezi Mungu hujamuasi hiyo kwako ni Eid.

Tumalize, tunapotoka hapa Ndugu zangu, turudi katika familia zetu. Tule na Ndugu zetu tuangalie jamaa zetu na kila yule ambaye kwamba unamuona hana mpe, na yule ambaye kwamba yeye hakupi, huyo ndiye mpe.

Anayekupa unaweza kumpa, lakini asiye kupa huyo ndio umpe.

Waswahili wanasema kwamba kumpa asiyekupa hukutoa umeweka. Kumpa anayekupa hukumpa umelipa. Maana yeye kila Siku anakupa, kwa hiyo ukimpa ni kama unalipa.

Lakini kumpa khasa, mpe yule ambaye kwamba yeye hakupi, anakunyima. Hapo ndipo utakapokuwa wewe umetoa kikweli kweli, vile ambavyo inatakiwa.

TULIKUWA TUNAYAJUA LAKINI HATUKUYAFANYIA KAZI



Ndugu Waislamu, baada ya kumshukuru Mwenyezi Mungu Jalla wa 'Alaa. Kumtakia Sala na Salamu. Rehema na neema. Mtume wa mwisho. Nabii *Muhammad Salallahu 'Alayhi Wa Salama*.

Nakuusieni katika kadhia nzima ya kumcha Mwenyezi Mungu, kama ambavyo nimeusia nafsi yangu juu ya jambo hili adhimu.

Na kisha tuzingatie kwamba, tumo katika Mwezi wa Mfungo Pili. Mwezi ambao unafuata baada ya Mwezi wa *Shawwal*. Na Mwezi wa *Shawwal* ni Mwezi uliofuata baada ya Ramadhan.

Kama kuna jambo kubwa ambalo tunatakiwa tulikumbuke na tushikamane nalo. Ni yale mafundisho ambayo tulikuwa tukiyapata katika Mwezi mzima wa Ramadhan.

Watu waligharimika, wako waliotoa pesa nyingi sana; Waislamu wanufaike. Wako waliotoa wakati wao, kutwa nzima, kucha nzima, ili Waislamu wajifundishe. Wako waliotoa kila walichonacho katika Ramadhan, ili Watu wanufaike. Ramadhan iwe ni Mwezi ulioleta faida na natija katika ummah wa Kiislamu.

Ni jambo la kusikitisha sana. Kuona kwamba, hata Shawwal haikumalizika na kuingia Mfungo Pili. Tayari Watu wameshasahau mafundisho yote ya Mwezi wa Ramadhan.

Hi ni **'Aibun Thumma 'Aibun, Thumma 'Aarun**. Ni jambo ambalo halielekei kwa Muislamu. **"Wain Dalla 'alaa Shay-in"**, na jambo hili lilikuwa kuna jambo kubwa

lenye kujulisha ni kuonyesha kwamba Saumu zetu hazikuwa **Lillaahi Ta'ala**. Bali zilikuwa ni Saumu za maonyesho, na kujidai mbele ya Mwenyezi Mungu.

Leo tutaelezana kisa kimoja, ni kisa ambacho kinapatikana katika kitabu cha Al Hafidh Imam Ibn Rajab al-Hanbaliyy, Rahimahullaah.

Imam Ibn Rajab al-Hanbaliyy, anaeleza katika mambo ambayo yametokea katika wakati wa zamani. Ambapo ni kua kuna Mtu Mwema mmoja ambae alikua na kijana wake ambae alifariki, na Kijana wake huyo alikua ni Mtu mwema pia.

Hivyo alipolala Usiku Bwana huyu aliefiliwa na Kijana wake, basi akaota kana kwamba anazungumza na kijana wake. Na kisha akamuuliza, ewe kijana wangu, **"Yaa Bunayya Kayfa Haaluka, Ma-'a Liqaai Allaah"**, vipi hali yako pamoja na mkutano wa Mwenyezi Mungu Jalla wa 'Alaa.

Kijana huyu akajibu maneno ambayo kwamba ni yenye kuhitajia kuzingatiwa na sisi sote ambao tumehudhuria leo.

Akasema, **"Yaa Abataa, Qadimnaa 'Alaa Amrin 'Adhiim, Waqad Nunnaa na-'alam Walaa Na-'mal. Wallaah Latasbiihatun Waahidah, Au Rak-'atun Waahidah fii Sahiifati 'Amalii Ahabbu Ilayya Minad Dun-yaa Wa Maa Fiihaa."**

Subhaanallaah.

"Yaa Abataa", Ewe Baba yangu, **"Qadimnaa 'Alaa Amrin 'Adhiim"**, huku tumekutana na mambo makubwa mno, hayaelezeki.

Ndiyo yale ambayo Allah alivyosema katika **Surat An Nabaa 78:1-2**,

(عَمَّ يَتَسَاءَلُونَ ﴿١﴾ عَنِ النَّبَاِ الْعَظِيمِ ﴿٢﴾)

"Amma Yatasaa-aluuna", kisha akasema, **"A'n Ninnabail 'Adhiim"**, ndiyo ile.

"Qadimnaa 'alaa Amrin 'Adhiim", hapa mambo ya huku Baba yangu ninakuambia ni makubwa mno. **"Waqad Kunnaa na-A'alam"**, mambo haya tulikuwa tunayajua tangu Duniani; lakini, **"Walaa Na-'mal"**, na hatukuwa tukiyafanyia kazi.

Kisha akasema, naapa, **"Latasbiihatun Waahidatun"**, Baba wee, tasbihi moja, ukasema subhaanallaah, **"Au Rak-'atun Waahidatun"**, au Rakaa moja Mtu akaswali, akasema **"Fii Sahiifati A'amalii"**, ikitiwa katika kitabu changu cha mambo mema, **"Ahabbu ilayya"**, kwangu Mimi inakuwa ni bora zaidi kuliko Dunia nzima na vilivyomo.

Latasbiihatun, Ndugu yangu **Ta-ammal**, fikiria vizuri, tasbihi moja, subhaanallaah, au takbiratun, Allah Akbar, au Alhamdulillaah moja tu, ni bora kuliko Dunia nzima na vilivyomo. Utayapata haya katika **Lataaiful Ma-'aarif**, ukurasa wa 328.

Huyu kijana alisema maneno makubwa sana, yafaa kila mmoja katika sisi ayazingatie.

Wengi hawafahamu ni nini maana ya, **"Kunnaa Na-'Alam Walaa Na-'mal"**; Tulikuwa Tukiyajua, lakini hatukuyafanya.

Maneno haya yanawafikiana kabisa na maneno ya Bwana Mtume **Salallahu 'Alayhi wa Salama**. Katika Hadith Sahih ambayo ameipokea na kuisimulia na kuiandika Al-Imam Tabraany katika kitabu chake; na kadhalika katika Sahih Jaami'i, namba 3,518.

'An Abii Hurayrata Radhi Allahu 'Anhu, ya kwamba, Siku moja **"Marran Nabiyyi Salallahu 'Alayhi Wa Salama"**, Siku moja Mtume alikuwa anatembea katika viunga vya Madinah, na akapita katika makaburi.

Akapita kaburi moja, **"Dufina Hadiithan"**, ni muda mfupi, sio muda mrefu limefukiwa. Yaani, yule maiti labda kafukiwa saa nne Asubuhi hivi, au saa tano; analiona lile kaburi Bwana Mtume **Salallahu 'Alayhi Wa Salama**.

Alipoliona kaburi lile Bwana Mtume akasema: **"Raka-'ataani Khafiifataani"**, Rakaa mbili nyepesi, **"Mimmaa Tahqiruuna Watanaffaluuna"**, zile ambazo nyie mnazidharau na mnazona tabu kuziswali, na mnaona kitu chepesi kabisa.

Haya sasa ni maneno ya Mtume. Achilia mbali maneno ya yule Kijana, haya ni maneno ya Mtume **Salallahu 'Alayhi wa Salama**. **Wa Al hadiith fii Sahih Jaami'i**.

Anasema hivi Bwana Mtume, ni baada ya kuona kaburi jipya limefukuliwa kiasi ya masaa mawili au matatu labda hivi, udongo bado mbichi. Mtume anaonyesha katika kaburi, anasema: **Raka-'ataani Khafiifataani"**, Rakaa mbili nyepesi.

Labda kama kabla ya Alfajiri vile ukasoma **Qul Yaa Ayyuh Al Kaafiruun**, au **Qul huwa Allahu**, ni nyepesi kabisa. Ambazo nyinyi mnazichukia. **"Yaziiduhumaa Haadha Fii 'Amalihi"**, zingemzidishia huyu aliyekufa hapa katika amali yake, **"Ahabbu Ilayhi Min Baqiyyati Dun-yaahu"**, ni bora kwa huyu, kuliko Dunia nzima iliyobaki kwenu.

Subhaanallaah.

Ndugu yangu fikiria, wewe ambaye unaswali, na baada ya kuswali Imam akitoa salamu unakung'uta kanzu yako na kutoka nje. **Rasul Allah Salallahu A'alayhi wa Salama** anakwambia, Rakaa mbili za huyu aliyefariki ni bora kuliko Dunia na vilivyomo.

Kunna Na-'Alam Walaa Na-A'mal"; Tulikuwa Tukiyaajua, lakini hatukuyafanya.

Ndiyo maana Allah anasema Watu watakapokufa,

﴿حَتَّىٰ إِذَا جَاءَ أَحَدَهُمُ الْمَوْتُ قَالَ رَبِّ ارْجِعُونِ﴾

Hatta Idha Jaa Ahadahumu Almawtu Qala Rabbi IrjiAAoon (Surat Al Muuminun 23:88)

Atakapokufa mja, ndipo sasa atakapojua umuhimu wa Rakaa mbili zile, akasema Mwenyezi Mungu naomba nirudishe katika Dunia. ***"La-'allii A-'amalu Saalihan Fiima Taraktu"***, nikatende matendo mema katika yale niliyoyaacha.

Allah anasema, ***"Kallaa"***, upuuzi mtupu, uongo mtupu, ***"Innahaa Kalimah"***, hayo ni maneno, ***"Huwa Qaailuha"***, anasema tu.

Na ukitaka kujua uhakika wa maneno haya ya Allah Jalla wa 'Alaa, angalia baada ya salamu, nani atasimama afanye Rakaa mbili au Rakaa nne; na hizi ni Sunnah zipo.

Nani atafanya hivi, hakuna hata mmoja, au watakuwa ni ***Aqalli Minal Qaliil***, kila mmoja anatoka kwenda kuitafuta Dunia yake. Na huku Mtume *Salallahu 'Alayhi Wa Salama*; anakwambia, Rakaa mbili ni bora kuliko Dunia.

Allah anakwambia, ***"Innahaa Kalimah"***, ni maneno tu hayo, ***"Huwa Qaailuhaa"***, anasema tu. Kisha Mwenyezi Mungu Jalla wa 'Alaa anarudi tena katika Surat al-An-'aam ya 28 inasema hivi,

﴿وَلَوْ رُدُّوا لَعَادُوا لِمَا نُهُوا عَنْهُ وَإِنَّهُمْ لَكَاذِبُونَ﴾

"Walau Rudduu, La-'aaduu Limaa Nuhuu 'anhu, Wainnahum Lakaadhibuun".

Subhaanallaah.

Walau, hii ni ***Kalimatu At Tamannii. Sadaqa Allah***, amesema kweli Mwenyezi Mungu.

Huyo anayeomba kwamba arudishwe Duniani aje afanye mambo mema ambayo kayaacha; ***"Walau rudduu"***, Mwenyezi Mungu aliyetuumba anatumia vizuri sana. Anasema hivi *bisaraah*, hana kigugumizi, hana kipopotezi, na hana chochote anasema wazi kabisa.

Hawa, "**Walau Rudduu**", kama watarudishwa, "**La-'Aduu Limaa Nuhuu 'Anhu**", watakwenda kufanya mambo yaleyale waliyokatazwa. "**Wainnahum Lakaadhibuun**", hakika wao ni waongo kabisa.

Subhaanallaah.

Kunnaa na-'alam walaa na-'mal"; Tulikuwa Tukiyajua, lakini hatukuyafanya.

Tunajua ya kwamba: "**Idhaa Qulnaa Subhaanallah Wabi Hamdihii miatu marra**", kwamba Mtu atakaposema, ***Subhaanah Allah wa Bihamdihii*** mara 100. "**Tughfaru Lanaa Dhunuubanaa wa in Kaanat Mithla Zabad il Bahr.**"

Dhambi zinasamehewa na Allah hata zikiwa nyingi za kama mapovu ya bahari. Mwenyezi Mungu anasamehe Dhambi hizo; kama utakaa chini ukasema, *Subhaanallaah Alhamdu Lillaah* mara 100. *Rasul Allah Salallahu A'alayhi wa Salama* anakupa gerentii kwamba, Mwenyezi Mungu atakufutia Dhambi zako, hata kama ziko wingi wa namna gani.

Lakini ni nani anafanya hivi. "**Faman minnaa ya-'amal?**", ni nani anatenda hivi?

Kila mmoja katika sisi, Imam akitoa salamu, tayari akili yake inampiga haraka sana, apate kutoka Msikitini . Hata hizi thelathini na tatu kwake ni ngumu; sikwambii mara 100. ***Kunnaa Na-'alam Walaa Na-'mal***"; ***Tulikuwa Tukiyajua, lakini hatukuyafanya.***

Kunnaa Na-'alam Maadha? Tulikuwa tunajua nini yaa Allah? ***Kunnaa na-'alam***, kwamba tulikuwa tunajua, "**Lain Amshiya Fii Haajati Akhii**", *Rasul Allah Salallahu 'Alayhi wa Salama* kasema, kama nitakwenda kwa Ndugu yangu Muislamu mwenzangu, kwa shida yake kumsaidia. "**Ahabbu ilayya Min an Ya-'atakif fii Masjid Haadhash Shahra**", ni bora kwangu kuliko kukaa Msikitini hapa, nikaleta Tasbihi, *Subhaanah Allaah* kadhaa nikaleta.

Lakini kwenda kwa Ndugu yangu, ana jambo lake, ana shida yake, kaniita nikamsaidie. Kwangu ni bora kuliko kukaa itikaf Msikitini. Huyu ni Mtume wa Mwenyezi Mungu, anayesema maneno haya.

Akasema tena katika Hadith nyingine, Hadith ya Imam Daud, "**Man Kaana Fii Haajati Akhihi**", yule ambaye kwamba yumo katika jambo la kumsaidia nduguye, "**Kaanallahu fii Haajatihi**", na Mwenyezi Mungu naye atamsaidia katika jambo lake.

Naam. Ni nani leo inamshughulisha shida ya mwenziwe? Nani ana hamu walau kumsikiliza jambo lake mwenziwe? Kila mmoja *hairaan*, kashughulika na mambo ambayo kwamba yako ***Ba'iidi*** na mwenziwe.

Kumbe Mtume anakwambia ukiwa na jambo la mwenzi ukaliendea ukalifanyia kazi; Mwenyezi Mungu nawe atakuja katika jambo lako alifanyie kazi. Haya ni maneno ya Mtume *Salallahu 'Alayhi Wa Salama*.

Alhamdulillah tumeyajua sasa: ***Al-aana Na-'Alam, Fahal Na-A'mal?*** Tumeshajua, je, tutayafanyia kazi maneno haya ya Bwana Mtume *Salallahu 'Alayhi Wa Salama*? Ili, isije ikawa kama yule mjakazi aliyefariki, tukaja tukajuta kwamba, yaa laitii Mimi ningekuwa hai.

Nukta ya tatu Ndugu zangu, ***Kunnaa Na-'alam Maadha? Kunnaa Na-'Alam Anna Raka-'atay Dhuhaa Tujzi Thalaathatu wa Sittuuna Sadaqah***. Tunajua ya kwamba, Rakaa mbili za ***Sunnat Dhuhaa*** inayoswaliwa saa tatu Asubuhi mpaka saa nne hivi, Rakaa mbili au nne unavyoweza mwenyewe. Zile Rakaa ni kama Mtu uliyetoa Sadaqah ya viungo vyako vyote mwilini, 360.

Imekuja Hadith ya Mtume *Salallahu 'Alayhi Wa Salama*, imekuja Hadith Sahih kabisa, ambayo ni maarufu ya kwamba. Kila Mwanadamu akiamka, anapambanukiwa na viungo vyake 360. Mtume anakwambia, kwa viungo hivyo, kila kimoja kitolee Sadaqah. Toa shilingi 360, au toa shilingi 3,600, au toa 36,000, au toa shilingi 360,000, au toa shilingi 3,600,000, wa haakadhaa.

Unatoa sadaka hii kwa ajili ya viungo vyako vyote mwilini. Lakini kama huna; Mtume *Salallahu 'Alayhi Wa Salama*, kakuambia Raka-'atay Dhuhaa, Rakaa mbili za Dhuhaa zinatoshwa kwako wewe.

Ni kweli tumefahamu, lakini ni nani kaswali Dhuhaa leo? ***Al-aana Na-'alam, Waman 'Aamila? Nani katenda?***

Tukija kutoka roho tutajuta na tutasema maneno yaleyale. ***Kunnaa Na-'alam walaa na-'mal***"; Tulikuwa Tukiyajua, lakini hatukuyafanya.

Naam, tunajua ya kwamba, ***"Anna Man Saama Yawman"***, Mtu atakayefunga Siku moja, ***Fiisabiilillaah***, katika jambo la Mwenyezi Mungu, yaani ni Sunnah hiyo, siyo Fardhi. Kafunga Sunnah Siku moja, ***"Baa-'ad Allahu"***, Mwenyezi Mungu ataeupusha uso wake, ***"Sab-'iina Khariifan Mina Naari"***, Mwenyezi Mungu anautenganisha uso wake miaka 70, kutokana na Moto.

Akifunga Mtu Siku moja *Lillaahi*, hii *Lillaahi* ina maana kubwa sana. Maana yake ni kwamba, umefunga usimsengenye Mtu; umefunga usimchukie Mtu; umefunga usimuangalie kwa Jicho baya; umefunga usidhulumu; umefunga usikae pahala pabaya.

Umefunga, umo katika Ibada ya Mwenyezi Mungu, basi na usilete maasi ya kuharibu Saumu yako. Saumu kama hii ukifunga, na kwa Watu wa leo ni ngumu mno.

Kwa sababu ukifunga, ukitoka nje hapa, utakutana na Wanawake wamekaa Uchi. Utapiga simu, utapokea pesa, utatuma pesa, utakwenda kufanya riba katika benki, ngumu sana.

Labda ufunge, kisha ukae Nyumbani kwako kimya mpaka Magharibi, hakuna wa kukusemesha; Mimi nimefunga leo, kama alivyosema bibi Maryamu.

Saumu kama hii ikisihi. Mtume anakwambia, Mwenyezi Mungu anauepusha uso wako na moto wa Jahannam kwa umbali wa miaka 70.

Fikiria, fikiria: **Al-aana na-'alam**, sasa twajua, **Fahal na-A'mal**, je, tutafanya? Kama hatukufanya, tutakuja kujuta na kusema yale maneno ya kijana. **Kunnaa Aa-'alam Malaa na-A'mal**"; Tulikuwa Tukiyajua, lakini hatukuyafanya.

Kunnaa Na-A'alam Maadha, tulikuwa tunajua nini?

Ndugu zangu Waislamu, **"Kunnaa Na na-'alam Anna Man 'aada Mariidhaa"**, tulikuwa tunajua kwamba Mtu ambaye kwamba anatoka Mguu mosi, Mguu pili anaenda kumtazama Mgonjwa. **"Tabi'ahuu Sab-'iina Alfa Malakin"**, wanamfuata nyuma yake, Malaika 70,000. Malaika hawa, **"Yastaghfiru lahuu lillaahi"**, wanamuomba msamaha kwa Mwenyezi Mungu.

Yule Mtu aliyetoka hapa, anakwenda labda Kings Hospital, au anakwenda Regency au anakwenda Muhimbili; kila hatua anayopita, Malaika 70,000 wako pembeni yake wanamuomba, **Allahumma Ghfirlahuu, Allahumma Rhamhuu**, wa haakadhaa, wanafanya hivi.

Walaakin, Man Minnaa Zaara Akhaahu? Man minnaa zaara Mariidhaa? Ni nani katika sisi anakwenda kumtazama Ndugu yake? Nani anaemtembelea Mgonjwa? Ni nani katika sisi?

Kwa hiyo, tunajua lakini hatufanyi.

Kunnaa na-'alam, Tunajua Ndugu zangu: **Anna Man Tawadha-a**, kwamba atakayetia Udhu Nyumbani kwake, **Fa-ahasanal wudhuu, Thumma kharaja ilal Masjid, Laa Yukhrijuhuu Illa Salah, Lam Yakhtu Khat-watan, illaa Rufiya-'at Lahuu Bihaa Darajah, Wahumtiyat Bihaa Khataaya.**

Tunajua fika kwamba *Rasul Allah Salallahu 'Alayhi wa Salama* kasema, Atakayetia Udhu Nyumbani kwake (siyo Msikitini); akatoka hatua moja hatua mbili anakuja Msikitini, kila hatua anafutiwa Dhambi zake na ananyanyuliwa daraja kwa Mwenyezi Mungu.

Tunajua hili, lakini ni nani anafanya? Ni nani afanyae? Kila mmoja anatoka, anafanya mambo yake, mpaka wakati wa Salah ndiyo anaingia chooni, kisha anatia Udhu; au kwenye Udhu anatia Udhu, sasa anakuja kusali. Sasa ndio aingia katika Ibada.

Kumbe kulingana na mafundisho ya *Mtume Salallahu Alayhi wa Salama*, ni kua Ibada ianze tangu Nyumbani kwako; Asubuhi umetia Udhu ukiwa Nyumbani. Haakadhaa, unakuwa umehifadhiwa na Malaika, na kadhalika waombewa Dua. Haya ndiyo mafundisho ya Mtume *Salallahu 'Alayhi Wa Salama*.

Kunnaa na-'alam walaa na-'mal, tulikuwa twajua. lakini hatukutenda.

Ndugu zetu wangapi leo wagonjwa, wako Mahospitalini, ni nani anaeenda kuwaangalia? Ni wachache mno. Tutakuja kutoka katika Dunia, na tutajuta na kusema, ***Kunnaa Na-'alam Walaa Na-'mal***.

Na-'alam Maadha Yaa Allah? Kunnaa na-'Alam Anna Man Salla 'alaa Janaazah, tulikuwa twajua kwamba Mtu ambaye kwamba ataswalia Jeneza la nduguye Muislamu, ***Watabi-'ahaa Hattaa Tudfanu***, na akasindikiza Jeneza Mazikoni mpaka akafika Makaburini, na akazika. ***Anna Lahuu Qiiraatwayni Minal Ujur***, anapata mambo mawili yanaitwa ***Qiiraatayni*** kwa Kiarabu. Kwa Kiswahili, Mtume Salallahu A'layhi wa Salam kasema ni Thawabu za kuoa Sadaka ya pande la Dhahabu yenye ukubwa kama Mlima Uhud, mfano wake. ***Wal Qiiraatu ka Al Jabal Uhud***.

Hiyo moja ya kuhudhuria katika Salah ya Jeneza ni kama Jabal Uhud. Na ya pili ya kwenda Makaburini, kama Jabal Uhud; unapata mara mbili haya.

Laakin, Man Minnaa, ni nani katika sisi, ina *mstrike*, na kupita katika akili yake kwamba ngoja niende katika Maziko? Hendi mpaka Mtu amjue; na huyo anayemjua anaweza akaenda akazika, Msikitini akaondoka, au akajipeleka aonekane akaondoka.

Hatuna habari kabisa, na haya ni mambo ambayo *Rasul Allah Salallahu 'Alayhi wa Salama* kayataja.

Ndugu zangu tutakuja kuondoka Duniani na kuuma vidole, ***Yaa Laytanaa***, Ya Laiti! ewe Mwenyezi Mungu kwa nini usinirudishe? Na Allah aliyekuumba anasema wazi kabisa, ***"Walau Rudduu La-'aadduu Limaa Nuhuu 'anhu"***, uongo huu, akirudishwa huyu atakuwa anafanya mambo yale yale.

Atakwenda kushughulika na Biashara zake. Atakwenda kushughulika na mambo yake, Nyumba yake, Wanawake zake, Dunia yake, kazi yake, na mambo yake mengine. Hana habari kabisa na haya ambayo *Rasul Allah Salallahu A'alayhi wa Salama* ameyasema. ***Kunnaa Na-'alam Walaa Na-'mal'***; Tulikuwa Tukiyajua, lakini hatukuyafanya.

Kunnaa Na-'alam Maadha yaa Allah? Tulikuwa sisi twajua nini Mwenyezi Mungu?

Anasema tena, ***Kunnaa Na-'alam***, tunajua kwamba, ***Anna Man Banaa Lillaahi Masjidan***, yule ambaye kwamba atajenga Msikiti kwa ajili ya Allah. Hata kama mdogo mfano wa Nyumba ya Ndege. *Rasul Allah Salallahu A'alayhi wa Salama* katoa mfano, yule Ndege ana kijijumba kidogo hivi, anakijenga kwa Miba na Vijiti.

Basi ukajenga Msikiti mdogo kama vile. *Subhaana Allah*; kama vile. Mwenyezi Mungu vilevile anakujengea Nyumba Peponi. Haakadhaa.

Wala usiseme kwamba Mimi sina uwezo huo, hapana, kunapita mchango hapa unaambiwa, mchango huu wa msikiti kadha, upo pahala kadha, ukichangia tofali mbili tu, au Shilingi 10,000/- tu au elfu tano tu; nawe una sehemu yako.

﴿وَأَصْبِرْ فَإِنَّ اللَّهَ لَا يُضِيعُ أَجْرَ الْمُحْسِنِينَ﴾

Waisbir Fa-inna Allaha la YudeeAAu Ajra AlMuhsineena(Surat Hud 11:115)

Na kua na Subira kwani kwa Hakika Allah hata Siku moja, hapotezi ujira wa Mwenye kufanya Mema

Lakini, kila mmoja pakitangazwa mchango wa Msikiti, anakung'uta Kanzu yake, huyo anaondoka, kana kwamba ile haimhusu. Akijifariji kwamba yale ni mambo ya Matajiri. Yale ni mambo ya Watu maalumu. Eti yeye hayuko katika hao.

Kunna Na-'Alam Walaa Na-A'mal'; Tulikuwa Tukiyajua, lakini hatukuyafanya.

Kunnaa Na-'alam Maadha Yaa Allah? Tulikuwa tunajua nini Mwenyezi Mungu, ***ukhbirunaa***, tueleze, tujue.

Kunnaa Na-'Aalam Anna As-Yaa'ii Alaa Al Armalah, tulikuwa twajua kwamba Mtu ambaye kwamba anatoka Nyumbani kwake anakwenda kwa mjane. ***Alaa Al Armalah wa Al Masakiini*** anakwenda kwa Mjane na Watoto wa Mjane yule. Ambao ni Maskini. Anakwenda kuwatazama na kuwapa kitu. Ujira wake ***Ka Al Mujahid Fii Sabiili Allaah*** kama Mtu ambaye kwamba kapigana Jihadi katika njia ya Mwenyezi Mungu.

Subhaanallaah. Wajane wangapi tunawajua, kinamama wangapi wamefiliwa, wanaadhirika mpaka wengine inafika inabidi Mtu auze utupu wake ili apate kupata riziki yake. Watu hawana habari, ummah umeghafilika, na hakuna anayemtazama wala kumuuliza.

Kumbe ukitoka Mguu mosi, Mguu pili, unakwenda kwa mjane yule kumsaidia hata shilingi 5,000/-. Ile nia yako kwa sababu *Rasul Allah Salallahu 'Alayhi wa Salama* kasema, ile kutia nia tu, tayari unaandikiwa thawabu. Sikwambii kutenda, ukampelekea 5,000/- au 10,000/-, wewe ni kama Mtu aliyepigana jihadi.

Vilevile Ndugu zangu natoa *Tanbihi*, haya ninayoyasema, yote haya ni katika ***Ahadith as Sahihah***. Na atakaye tutamueleza Hadith moja baada ya moja, kwa sababu tumeziandika. Kwa mfano, kama hii imo katika ***Muttafaqun 'Alayhi***. Hadith ya Abuu Hurayrah *Radhi Allahu Anhu*. Hivyo Asitie Mtu shaka, yako wapi haya? Laa yote yamesihi haya Ndugu yangu. ***Kunna Na-'Alam Walaa Na-A'mal***"; Tulikuwa Tukiyajua, lakini hatukuyafanya.

Kunnaa na-'Aalam Maadha yaa Allah? Ee Mwenyezi Mungu tueleze tulikuwa tukijua nini sisi mpaka hatukutenda leo imekuwa habari kama hii. ***Wakunnaa Na-'Aalam***, na tulikuwa tunajua: ***Anna Man Qara-a Harfan Fii Kitaabi Allaah***, yule ambaye kwamba atasoma harufi moja katika kitabu cha Mwenyezi Mungu.

Falahuu Hasanah, Wal Hasanatu Bi'ashri Amthaalihaa, Basi Juu yake ni kupata thawabu moja, na moja yake inazidishika mpaka mara kumi mithili yake. Tena akasema katika sehemu nyingine, ***"Wallahu Yudhaa'ifu Liman Yashaa-u"***, na Mwenyezi Mungu humzidishia amtakaye.

Hii ni Hadith maarufu ya Imam Tirmidhi, aliyoisimulia Abdallah Ibn Masud *Radhi Allahu Anhu*, iko wazi kabisa, kua ukikamata Msahafu ukasoma Qur-an, kila herufi moja unaandikiwa thawabu 10. Hebu kisia ukasoma ***Al Fatiha***, ukasoma ***Ar Rahman***, kisia ***Al-Maidah***, kisia ukasoma ***Al Baqarah***, vipi Thawabu zake?

Lakini tumeshughulika na kusoma meseji za simu. Kusoma magrupu ya whatsapp, na kusoma twitter, na kusoma instagram, na kuhangaika katika google. Huku na kule kutwa nzima.

Hata Siku moja au mara moja kukamata Msahafu kwako imekuwa ni *issue*.

Umo unahangaika tu Mtu mzima, Baba zima, unashughulishwa na Simu tu. Huyu kanijibu, huyu hajanijibu, mbona hajanijibu na ime *Deliver* mbona hajasoma, hii kaiona mbona, hajaiona simu yangu mbovu, hii imejaa, ***Kayfa yaa Akhii?***

Rasul Allah Salallahu 'Alayhi wa Salama anakwambia, **Man Qara-a Harfan Fii Kitaabi Allaah**, atakayesoma herufi moja, herufi moja, Kutoka katika Kitabu cha Allah, Mwenyezi Mungu anapima kwa Herufi sio kwa aya wala kwa surah Ndugu zangu, **Man Qara-a Harfan**.

Tanabbah! Ukisoma **Bismi Allahi Rahmani Rahiim**, hizi ni herufi 17 una Thawabu 170.

Kunna Na-'Alam Walaa Na-A'mal Tulikuwa Tukiyajua, lakini hatukuyafanya.

Kunnaa na-'alam maadha yaa Allah? Kunnaa na-A'alam "Anna Al Hajjal Mabruur Laysa Lahuul Jazaa-a Illal Jannah. Waman Hajja Waraja-'a Falam Yafsuq, walaa Yarfuth, Raja-'a Kayawmi Waladat-hu Ummuhu". Tulikuwa tunajua kabisa kwamba Hija ya kweli kweli iliyofanikiwa Mtu anapata Thawabu za kumuingiza Peponi, anasamehewa Dhambi zake zote anarudi kama alivyozaliwa na Mama yake.

Lakini nani ana himma na Hijja? Leo Hijja imetelekezwa Hija imetupwa Hija Imam juzi anasema hapa analia anasikitika nafasi zipo. Wallaahi sipendi kusema lakini juzi nimekwenda pahala, katika nchi nyingine nikaambiwa kabisa kwamba hapa Watu wanaweka *booking* katika Hijja miaka miwili kabla wenzetu hawa.

Ile *quota*, ile sehemu yao ni ndogo Waislamu hawatoshi. Wanaweka oda miaka miwili kabla, anaandikisha jina lake, hadi mwaka wa tatu ndio anaambiwa zamu yako imefika. Hapa nafasi ziko bwerere, zipo zimejaa chungu nzima na Maimamu kila Siku wanakaa, Mihadhara inafanyika kila kitu kinatendeka, Watu wanahimizwa wakahiji, lakini, **Man Minnaa Ya-A'mal? Qad na-'Aalam Wa Maa Laa na-A'mal**, Ni nani mingoni mwetu anaefanya, Tunajua lakini hatufanyi Ndugu zangu.

Halafu Mtu anakaa na mapesa yake. Anakuja kufariki, halafu anakuja Mtu wake anauliza, sasa nimuhijie, maana ni Baba yangu kafariki?

Kwani mwenyewe alikuwa na kazi gani? Huyo Baba yako ukamuhijie alikuwa na kazi gani? Alishughulika na Biashara, akamuacha Mungu, ndiyo ukweli.

Ndugu zangu, **Kunna Na-A'alam Walaa Na-'Amal**. Ni suali kubwa sana *yalayti* kama tutakaa chini na kulizingatia, tulikuwa tunajua, lakini hatukufanya.

Kunna Na-'Aalam Maadha Yaa Allah? Tulikuwa twajua nini ee Mwenyezi Mungu?

Kunna na-'Aalam Anna Sharaful Muumin Qiyaamu Bi Al Layl. Tulikuwa tunajua kwamba, utukufu wa Muislamu haupatikani kwa kuwa kiongozi mkubwa. Haupatikani

kwa kuvaa vizuri. Haupatikani kwa kujua kusema. Haupatikani kwa kufanya kadhaa, laa.

Utukufu wa Muislamu unapatikana kwa sababu ya kisimamo chake mbele ya Mwenyezi Mungu Usiku, siyo mchana. Haya ni maneno, ni wasia wa Jibril kwa Mwanafunzi wake, Mtume Muhammad Salallahu 'Alayhi wa Salama, alipomwambia:

"Yaa Muhammad", katika Hadith maarufu, ***Ish Maa Shi-ita Fainnaka Mayyitun, Wa-'Mal Maa Shi-ita Fainnaka Majziyyun Bihi***", Ishi kama utakavyoishi lakini Mwisho wake wewe ni Maiti, Na Fanya utakavyofanya lakini utalipwa juu ya kila ulichokifanya, na kisha mwisho akamwambia, ***"Wa-'alam"***, Na Fahamu Ewe Muhammad kua, ***"Anna Sharaful Muumin Qiyaamuhu Bi Al Layl"***, hakika ya Utukufu wa Muislamu ni katika kusimama kwake katika Usiku.

Man Minnaa Qad Qaama Mundhu Ramadhan, ni nani katika sisi kasimama hata Siku moja tangu imekwisha Ramadhan hapa? Kumaliza Taraweh, Tukamaliza ***Qiyaamullayl***, mkesha wa ***Sab-'a Wa'ishriina*** hapa. Nani miongoni mwetu ambae imemtokea hata Siku moja kupotea njia hivi, akasimama? Hakuna..na kama wapo ***Illa Man Rahimallaah***, ni wachache mno.

Lakini wengi katika sisi ndio wale tunavizia, leo vipi, leo ni fainali leo. Leo ni Liverpool. Usiku ule hakuna kulala. Liverpool na Real Madrid leo. *Never walk alone* leo, *you have to be with someone*, ukakae katika TV uangalie kipute kile kinapigwa pale. Golikipa Allison sijui, kuna nani na nani.

Sasa unapenda pale, unakwenda huku na huku. Baba zima unahengeuka utafikiri ni Mtu ambaye kapanda shetani au labda ana wazimu hivi, katika kioo. Kiasi ya kua kama Mtu atatokea pembeni, na akakutizama na kukuona, basi atajiuliza kua huyu Mtu ana wazimu nini?

Hana wazimu yule, bali kapandwa na Shetani wa mpira. Saa tano Usiku pale, kenda hivi, mara kenda hivi, na dakika 45 zimekwisha. Bwana anainuka atafuta soda au maji ya baridi anarudi haraka sana, maana asije akapitwa.

Ee Yaa Rabbi Inna Haadha Lahuwa Al Balaaul Mubiin. Huu ni mtihani mkubwa. Mtihani ambao Mwenyezi Mungu katupa katika ummah huu, ni mpira. Anakwenda anakaa na kuangalia mpira.

Na Ramadhan alikuwa akija hapa saa 2:30, kila muda anaangalia saa, na kujiuliza dah hajamaliza tu? Huyu mtoto anasoma kidogo kidogo, mwambie azidishe spidi. Huyu anasoma kidogo kidogo, Mimi naswali Rakaa 8 maana hizi ni Sunnah. ***Kalaamul Kathiiru Jiddan***.

Lakini katika mpira, Bwana mkubwa kakaa chini, na pengine kasimama anamtazama. Pengine katika game ile ni fainali kuna extra time, anakaa pale dakika 120 anaangalia hivi, hapepesi. Na kama kuna penalti ndo kabisa. Na ukikaa pembeni, anaweza kukupiga kisugudi au ngumi, kwa sababu ya ile kwenda ngoe zake zile.

Eee yaa haadha.

Wengine sasa kwa ujinga wenyewe. Ni kwamba, kukesha wamekesha, na kufungwa wamefungwa, kapata nini. Si afadhali angesimama dakika 45 zile, au nusu saa, akasema kwa Mwenyezi Mungu. Dakika 90 zile akaswali, na akapata walau Usiku mmoja mbele ya Mwenyezi Mungu.

Mtume wa Mungu anakwambia, Rakaa mbili ni bora kuliko Dunia, ungesimama ingekuwaje? **Kunna Na-'alam Walaa Na-'mal;** Tulikuwa Tukiyajua, lakini hatukuyafanya.

Kunna Na-'alam Maadha yaa Allah? Tulikuwa tunajua nini ewe Mwenyezi Mungu, tujulishe, tujue?

Kunnaa Na-'alam Annas saa-'ah, Laa Rayba Fiihaa, Aatiyah, tulikuwa tunajua kua Qiyamah kinakuja hakuna mchezo, Qiyamah kinakuja, Mimi nitakufa wewe utakufa, na mwingine atakufa, tunajua hivi.

Na Mwenyezi Mungu katwambia mapema kabisa:

(يَا أَيُّهَا النَّاسُ اتَّقُوا رَبَّكُمُ وَاخْشَوْا يَوْمًا)

"Yaa Ayyuhas Naasu Itaquu Rabbakum Wakhshau Yawman",(Surat Luqman 31:33)

Enyi Watu muogopeni Mola wenu, na iogopeni Siku.

Hakuna utetezi wa kwamba sijajua jambo hili, kwamba iko Siku Mimi nitakufa.

Wako wapi Masheikh zetu hapa, **Ayna Shaikhuna Qaasim Ibn Jumaa, Ayna Shaikhuna Zubayr Ibn Yahya,** wako wapi masheikh zetu. Wakawapo waadhini wetu, na wao wameondoka hapa, bado sisi tupu.

Mwenyezi Mungu anatwambia, Siku hiyo iogope sio mchezo. Mwenyezi Mungu jambo analijua anakwambia kweli, hafichi, lakini Wa Allaahi hakuna anayejali. Watu wanajiendea tu, kama Ng'ombe ambao wamekata kamba.

Kunna Na-'alam Walaa Na-'Amal"; Tulikuwa Tukiyajua, lakini hatukuyafanya.

Kunnaa Na-'alam Maadha ya Allah? Tulikuwa twajua nini Mwenyezi Mungu tufahamishe.

Kunnaa nadfanul Mawta tulikuwa tunazika Maiti kila Siku; kila Siku tunazika, na pengine tunaingia kaburini kabisa unamuona Mtu yule kafariki. Na huku Mwenyezi Mungu anakwambia

﴿يَا أَيُّهَا الَّذِينَ آمَنُوا اتَّقُوا اللَّهَ وَانْتَظِرْ نَفْسَ مَا قَدَّمْتُمْ لِغَدٍ﴾

"Yaa Ayyuha Alladhiina Amanu Ittaqu Allaha Wa Al Tandhur Nafsun Maa Qaddamati Lighadin", (Surat Hashr 59:18)

Enyi Mlioamini mcheni Allah na ziangalieni Nafsi zenu zimetanguliza nini ajili ya Siku inayofuata.

Tunarudi kule, ukitoka tu, ukiingia tu mbele pale kidogo Regency pale, ushasahau kabisa kama yule kafukiwa. Na unaanza kuleta habari za siasa, habari za sensa, habari za mipira, na kadhalika.

Allah anakwambia, **Wa Al Tandhur, be careful**, angalia vizuri usije ukasema hujaambiwa, usije ukasema ulikuwa hujui, usije ukasema, **"Innaa Kunna 'an Haadhaa Ghaafilin"**, tumeghafilika. Laa.

Na-A'alam Walaa Na-A'mal.

Siku moja, mmoja katika Maimam aliyekuwa akiitwa Al-Hasan Al Basri *Rahimahu Allah*, alikwenda mazikoni akasimama na kijana mmoja wa kisasa, kwa wakati huo. Kwa sasa hivi, ni hawa vijana wetu ambao kakata nywele kama Yahudi. Kashusha Suruali nusu makalio, kama anafanya Biashara. Na Suruali yake inambana utafikiri mpanda Farasi wa Resi; na huku akitembea kidogo Watu wote anawaona wajinga, yeye ndiye hodari. Kijana kama huyu.

Kafika pale Mazikoni, kazikwa yule maiti kamaliza, kisha Imam Al-Hasan Al Basri akamuuliza yule kijana, ambaye alikua amekaa pembeni yake kwa kusema kwamba: **'Taraa**, unaonaje, **Maa Ummiyyatu Haadha Al Mayyiti**, huyu maiti aliyezikwa hapa unadhani anatamani nini? Kijana akasema: **An Ya-'uuda irad Dun-yaa**, huyu anatamani arudi Duniani. **Liyatuuba**, ili apate kutubu, **Wa Yuslih uz Zaad**, na apate kutafuta zawadi kwa ajili ya aendako,' kafahamu Kijana.

Sikiliza maneno ya Al-Hasanil Basriyy Rahimahu Allah, aliyomwambia kijana huyo, aalimwambia kua: **'Qad Faatahu, Falaa Yafuutuka**, huyo yashampita, huyu harudi

tena huyu, kwake yamekwisha, yashakwisha. Lakini, *Anta*, wewe una nafasi ya kurudi mwanangu.'

Wewe unatoka sasa Kisutu, unarudi mitaani huko, wewe ndio nenda ukatubu wewe, na ukafanye mambo yako mema. Wewe ukarekebishe mambo yako, na kichwa chako panki ulokata ukarekebishe wewe, ndio kazi yako wewe.

Kunnaa Na-A'alam Walaa Na-'mal'; Tulikuwa Tukiyajua, lakini hatukuyafanya

Mambo ni mengi.

Kunnaa na-'alam, pointi ya 14 tulikuwa twajua, ***Anna Man Zaara Akhallahu fii Qaryat il Ukhraa***, atakayetoka akaenda kwa nduguye kumtazama. Una Nduguyo labda anakaa Manzese labda, anakaa Sinza labda, na labda anakaa Ubungo. Ukatoka Mguu mosi, Mguu pili unakwenda kumtazama. Basi Mwenyezi Mungu Jalla wa 'Alaa anakushushia Malaika na kuja kukwambia. (Sasa hivi ndio hashuki kukwambia wewe kwa sababu mchafu).

Watu waliokuwa wema, Malaika aliwashukia akamuuliza: ***Ayna Tadh-habu***, waenda wapi? Akasema, nakwenda kwa Ndugu yangu. Akamuuliza waenda kufanya nini? Akajibu nakwenda kumtazama. Akamuuliza, je, kuna manufaa yoyote, je, unamdai labda . Akajibu, hapana, basi tu, ni Ndugu yangu katika Dini, katika Imani ninampenda Ndugu yangu.

Basi akasema kwamba, ***Ana Al Malaku***, Mimi ni Malaika. Mwenyezi Mungu amenituma kuja kukwambia kwamba, Mwenyezi Mungu anakupenda nawe, kama umpendavyo nduguyo.

Nani anakwenda kumtazama Ndugu yake leo, ni nani? Sana sana, anatumia *message*. ***Kunna Na-'alam Walaa na-A'mal'***; Tulikuwa Tukiyajua, lakini hatukuyafanya.

Nimalize na nukta muhimu sana ya 15.

Kunnaa Na-A'alam Anna, Man Qaala Laa Ilaaha Illa Allahu Wahdahuu Laa Shariika Lahuu, Lahu Al Mulku Walahu Al Hamdu Wahuwa A'ala Kulli Shay - in Qadiir, fii Yawmin Miata Marran, atakayesema maneno haya mara 100 kwa Siku, Mtume anakwambia katika Hadith ya Abu Hurayrah ***Radhi Allahu Anhu***, Imam Muslim katika Hadith nambari 3,263 na kadhalika al-Bukhari kaitaja vilevile Hadith Muttafaqun 'alayhi.

Rasul Allah Salallahu 'Alayhi wa Salama asema, atakayesema maneno haya mara 100, basi ***Kaanat Lahuu 'Adla 'Ashri Riqaab***, ni kama Mtu aliyetoa huru Watumwa 10, ya kwanza. ***Wakutiba Lahuu Miata Hasanah***, na akaandikiwa thawabu 100,

Wamuhyiati 'anhu Miatu Sayyiah, na akafutiwa Dhambi zake 100. **Wakaanat Lahuu Hidhar Minash Shaytaan Yawmaa**, na anakuwa na kinga ya sheitani Siku nzima ile.

Laa Ilaaha Ila Allahu Wahdahuu Laa Shariika Lahuu Lahul Mulku walahu Al hamdu Wahuwa A'laa Kulli Shay-in Qadiir, ukisema mara 100 baada ya Salat Al Fajr, Mtume Salallahu Aalayhi wa Salam anakwambia kua, Siku nzima unakuwa na kinga dhidi ya Sheitani.

Sasa tunahangaika kila Mtu kapanda mashetani, wako waliorogwa, waliopata vijicho, waliopata 'ayni; na kadha wa kadhaa. Kumbe dawa tunazo maskini, dawa tunazo. *Rasul Allah Salallahu 'Alayhi wa Salama* hakuacha kitu, kila kitu katueleza.

Kunna Na-'Alam Walaa Na-A'mal.

Ndugu zangu, nukta ni nyingi. Hii ni *summarisation* ya Busati la Mtoro, yale yote yaliyofundishwa katika Mwezi mzima ule.

Twatakiwa turudi, kwa sababu kila tulilojua kama hatukulifanyia kazi litakuja kuwa ni hoja Siku ya Qiyamah. Elimu yote uliyokuwa nayo ikiwa hujaifanyia kazi, Siku ya Qiyamah itakuwa ni hoja kwako.

Al-'ilmu Hujjatun Laka au 'Alayka. Elimu, kujua jambo ni hoja kwako au juu yako.

Hoja kwako, kwa maana kwamba itakuja kukutetea Siku ya Qiyamah. Huyu kafahamu na akaswali. Kafahamu na akatoa. Kafahamu na akafunga. Kafahamu na akasamehe. Kafahamu na akaomba. Kafahamu na akasoma Qur-an. Hii inakuwa ni hoja juu kwako.

Na kama hujatekeleza, **Sayakuuna Hujjatun 'Alayka**, itakuwa ni hoja dhidi yako.

Mwenyezi Mungu atusaidie.

FADHILA NA UTUKUFU WA SIKU YA ARAFAH



Ndugu Waislamu, tumo katika miezi mitukufu, bali tumo katika Siku tukufu, bali tumo katika Siku maalumu; leo ni Siku ya Arafah.

Ndugu zetu ambao wamejaaliwa na kubarikiwa na Mwenyezi Mungu Jalla wa 'Alaa. Wapo muda huu, wanakwenda katika viwanja vya Arafah, kwenda kutekeleza nguzo kuu ya Hijja, ambayo ni Arafah.

Kama alivyosema Bwana Mtume Salallahu 'Alayhi Wa Salama; "**Alhajju 'Arafah**", Hijja ni Arafah.

Akamaanisha kwamba, atakayekosa leo, asisimame pale kuanzia mchana, **Ba'adaz zawaal** akakosa kwa namna moja au nyingine. Ikiwa Udhuru wa kisheria au si wa kisheria, hakusimama pale, hana Hijja.

Itamlazimu kurudi katika mji wake, kujipanga na kwenda kutekeleza Hijja katika mwaka mwingine atakaojaliwa.

Na mwaka huu, Mwenyezi Mungu Jalla wa 'Alaa ametubariki kwa kutupa neema kubwa. Kwa kutuwekea kupatikana kwa Sikukuu mbili katika wakati mmoja.

Kwa sababu, Siku ya Ijumaa ni Sikukuu ya wiki nzima kwa Waislamu kama ilivyokuja katika Hadith ya Bwana Mtume Salallahu 'Alayhi wa Salama. Na kadhalika, Siku ya Arafah vilevile ni Sikukuu katika Sikukuu zetu Waislamu.

Siku hizi mbili zimekutana, ni kushabihisha kama vile ambavyo alihiji na akasimama Arafah Mtukufu wa daraja, Mtume Muhammad *Salallahu 'Alayhi wa Salama*. Ilikuwa ni Siku ya Ijumaa. Ilikuwa ni Mwezi tisa kwa mwandamo wa Saudi Arabia. Ilikuwa ni Siku ya Arafah.

Siku kama hii, Rasul Allah Salallahu 'Alayhi wa Salama alisimama katika viwanja vya Arafah. Na baadaye akatoa ile Khutbah yake maarufu na maalumu iliyojulikana kama **Khutbat ul Wadaa'i**, Khutbah ya kuaga.

Na ndani yake akaeleza mambo mengi sana. Ambayo ni ujumbe mzito kwa Ummah mpaka hii leo tunautumikia.

Siku hii ya Arafah, ni Siku tukufu. Na Khutbah yetu ya leo tutaangalia walau *Muujazah*, walau *summary*, kwa kifupi tu. Faida za Siku hii, au umuhimu wa Siku ya Arafah. Namna gani au utukufu wa Siku ya Arafah.

Vipi Mwenyezi Mungu Jalla wa 'Alaa amezungumza. Vipi Rasul Allah Salallahu 'Alayhi wa Salama ameieleza. Na vipi Maimam, **Salaf Saalih, Asw-Sahaabah, Wattaabi'iina, Wattaabi'it Taabi'ina** namna gani wameifanyia kazi wakatekeleza amri ya Mwenyezi Mungu katika Siku kama hii ya leo.

Na kisha utaona namna gani sisi Watu wa leo kwa sababu ya upungufu wa imani zetu. Imekuwa ni Siku za kukhitilafiana na kujibizana na mijadala na kadhalika. Sivyo vile ilivyokuwa kwao ambao Siku ya leo walikuwa wakijipinda kutwa nzima.

Na ilivyokuwa imeandamana na Ijumaa. Basi tangu muda huu mpaka **Ba'Ad Al Asr**, Maimam wakikaa pembeni wakimuomba Mwenyezi Mungu, kwa sababu ni Siku ya Dua, kama tutakavyoona. Jana ilikuwa ni **Attarwiyah**. Leo mahujaji muda huu wanaelekea katika viwanja hivi vya Arafah.

Miongoni mwa sababu za kuitwa Siku hii, kuwa ni Siku ya Arafah, ziko nyingi.

Al-'Ulamaa Al-Ajillaa wameelezea sababu nyingi, lakini tutaja mbili, kwa sababu ya umuhimu wa wakati, kwani lazima tuchunge wakati.

Sababu moja zinazosemekana, ni kwamba Siku ya leo imeitwa Arafah, kwa sababu ya vile viwanja. Pale, Jibril Alayhis Salam, ambaye ni Mwalimu wa mitume. Alipomchukua Nabii Ibrahim mara ya kwanza kabisa, kwenda kumuonyesha hapa ndio Minah utafanya kitu kadhaa, hapa Muzdalifah utafanya kitu kadhaa, na hapa ni Arafah.

Na kila anapoelekezwa Nabii Ibrahim, anasema *A'ariftu*, kwa Kiarabu maana yake nimeelewa. *A-'arifta*, umefahamu? *'Ariftu*, nimeelewa. Pale pakaitwa jina hilo. *Qiiil*.

Waminhum man yaquulu, Watu wengine wanasema pale pameitwa Arafah, kwa sababu Nabii Adam 'Alayhis Salam, alipoteremshwa na Bibi Hawwaa, walitupwa katika ardhi, sehemu tofauti. Mmoja Jiddah na mmoja sehemu ya India.

Wakaanza kutafutana mpaka wakafika pale wakakutana, **Idhan fa-'arafa Aadamu Hawwaa**, Nabii Adam akamtambua Mkewe Bibi Hawwaa, na Bibi Hawwaa akamtambua Nabii Adam. Kwa hivyo, wakaonana na wakatambuana, pakaitwa Arafah.

Waqiil, na vilevile kuna kauli nyingine ya kwamba, pamesemwa Arafah kwa sababu ni pahala palipoinuka. Sehemu imeinuka juu, na Waarabu sehemu iliyoinuka juu wanaiita arafah. Kama ilivyokuja katika Qur-an Tukufu, **As-haab ul A'raaf**, Mwenyezi Mungu anaeleza katika Qur-an Tukufu.

Idhan, Khutbah yetu inazungumzia, **Fadhlu Yawmi 'Arafah**, fadhila za Siku hii ya Arafah na ina umuhimu gani. Muislamu ni muhimu sana kujua hili jambo, ili apate kulipa hadhi yake.

Wengi wanadharau kwa kutokujua. Tangu Mwezi mosi tumezungumza, wako waliodharau wakaona kwamba hizi si ni Siku tu hizi. Hapana, si Siku tu, hizi ni Siku maalumu. Mwenyezi Mungu anasema katika Qur-an,

﴿وَيَذْكُرُوا اسْمَ اللَّهِ فِي أَيَّامٍ مَّعْلُومَاتٍ﴾

Wayadhkuru usma Allaha fii Ayyaamin Ma'luumaati", (Surat Al Hajj 22:28)

Ndio siku hizi

Kwa hiyo, Ibada zikafanywa, wapo waliofunga, na zipo Hadith na yapo maneno ya Masahaba, as-salaf saalih. Wengine wakafunga bali wengine wakaona kwamba, ah kwani huku kufunga si Sunnah tu, kama yalivyo maneno yetu wengi tunavyosema si Sunnah tu. Ni kweli ni Sunnah tu unavyosema wewe.

Lakini Sunnah ni nini? Ni mwendo wa Mtume wako *Salallahu Alayhi wa Salam*. Waswahili husema kwamba, Mtu asiyekujua hakuthamini. Wengi hatujui uzito na utukufu wa Siku hii ya Arafah. Siku hii Ndugu zangu, kama tulivyotangulia kusema, Arafah ni Siku tukufu.

Kwamba, kwanza ni Siku ambayo imo katika Miezi mitukufu. Ile miezi mitukufu, ndani yake imo Siku ya Arafah.

Pili, ni Siku ambayo iko katika Siku 10 tukufu, ambazo Allah ameziapia, aliposema,

(وَالْفَجْرِ ﴿١٠﴾ وَلَيَالٍ عَشْرٍ)

"Wal Fajr Walayalin AAashrin (Surat Al Fajr 89:1-2)

Ameziapia.

Tatu, ni Siku miongoni mwa Siku *special*, maalumu, *Ayyaamun al-ma'luumaati*, kama Qur-an inavyosema, "*Liyash-haduu Manaafi'a lahum*", Waumini waende wakashuhudie mambo yao, manufaa yao. "*Wayadhkurusal Allah*", na wamtaje Mwenyezi Mungu, "*fii ayyaamin ma'luumaati*", katika Siku maalumu.

Sasa, unaona Muislamu namna gani Mwenyezi Mungu Jalla wa 'Alaa, alivyozikusanya *fadhwaail* katika Siku kama hii ya Arafah. Kadhalika, ni Siku ambayo Mwenyezi Mungu ameziapia aliposema, "***Wal Fajr Walayalin AAashrin***".

Na maulamaa wanasema kwamba, Siku 10 hizi ambazo katika Surah hii zimetajwa, Siku hii mojawapo ipo ndani yake.

Kadhalika, leo ndio Siku ambayo Siku ya Arafah ndio Siku ambayo dini imekamilika, dini imekamilika. Uislamu ni kitu ndani ya box lake, ni kitu kilichokamilika. Mwenyezi Mungu Jalla wa 'Alaa alimfunulia wahyi Rasul Allah Salallahu 'Alayhi wa Salama tangu mwanzo.

Akimpa wahyi taratibu, taratibu, mpaka mwisho imefika Siku akamwambia,

﴿الْيَوْمَ أَكْمَلْتُ لَكُمْ دِينَكُمْ﴾

"Al-yawma Akmaltu Lakum Diinakum", leo nimekukamilishieni Dini yenu. **Idhan Yawmun, Al-Yawmu Arafah, Yawmu Kamaal ud Diin**, ni Siku ambayo dini imekamilika.

Si hivyo tu, ni Siku ambayo neema, Uislamu ni neema Ndugu zangu. Aliyekuwa Muislamu amshukuru Mwenyezi Mungu amepewa neema nzuri sana ambayo wengine hawana.

Kuna Watu wanaabudu Ng'ombe, kuna Watu wanakunywa mkojo wa Ng'ombe, kuna Watu wanakula Najisi, kuna Watu wanaabudu Utupu, kuna Watu wanaabudu Moto, kuna Watu wanaabudu Masanamu, kuna Watu wanaabudu *Cross*, Msalaba, mambo ambayo kwamba hayaingii Akilini.

Mwanadamu kitu unakichonga mwenyewe, halafu unakiabudu, lakini Uislamu ni dini ya kimaumbile. Mtu ukishakuwa Muislamu, mshukuru Mwenyezi Mungu sana.

Sasa hii neem, leo ndiyo Siku iliyotimia,

﴿الْيَوْمَ أَكْمَلْتُ لَكُمْ دِينَكُمْ وَأَتِمَمْتُ عَلَيْكُمْ نِعْمَتِي﴾

Al-Yawma Akmaltu Lakum Diinakum, wa Atmamtu A'Alaykum Ni'matii",
(*Surat Al Maidah 5:3*)

Na leo nikatimiza neema zangu kwenu.

Na ni Siku ya **Ridhaa, Yawmur Ridhaa**. Siku ambayo Mwenyezi Mungu ameturidhia Waislamu na dini yetu.

﴿وَرَضِيتُ لَكُمُ الْإِسْلَامَ دِينًا﴾

"Waradhiitu lakumul Islama Dinaa". (*Surat Al Maaidah 5:3*) Na nikakuridhieni kwamba Uislamu ndio dini yenu.

Hii ni Siku Ndugu zangu kubwa mno, ambayo haina mfano wake. Kiasi kwamba mmoja katika Mayahudi alikwenda kwa Sayyidina Umar *Radhi Allahu Anhu*, akamwambia kuna aya imeteremka kwenu, kama ingeteremka kwetu aya ile, basi tungefanya Sikukuu.

Akamuuliza ni aya gani hiyo? Yahudi akamwambia,

﴿حُرِّمَتْ عَلَيْكُمُ الْمَيْتَةُ وَالْدَّمُ وَلَحْمُ الْخِنْزِيرِ وَمَا أُهْلَ لِغَيْرِ اللَّهِ بِهِ وَالْمُنْخَنِقَةُ وَالْمَوْقُوذَةُ وَالْمُتَرَدِّيَةُ وَالنَّطِيحَةُ وَمَا أَكَلَ السَّبُعُ إِلَّا مَا ذَكَّيْتُمْ وَمَا ذُبِحَ عَلَى النُّصُبِ وَأَنْ تَسْتَقْسِمُوا بِالْأَزْلَامِ ذَلِكَمْ فِسْقٌ الْيَوْمَ يَبْسُ الَّذِينَ كَفَرُوا مِنْ دِينِكُمْ فَلَا تَخْشَوْهُمْ وَاخْشَوْنِ الْيَوْمَ أَكْمَلْتُ لَكُمْ دِينَكُمْ وَأَتِمَمْتُ عَلَيْكُمْ نِعْمَتِي وَرَضِيْتُ لَكُمُ الْإِسْلَامَ دِينًا فَمَنِ اضْطُرَّ فِي مَخْمَصَةٍ غَيْرِ مُتَجَانِفٍ لِإِثْمٍ فَإِنَّ اللَّهَ غَفُورٌ رَحِيمٌ﴾

Hurrimat AAalaykumu Almaytatu Waalddamu Walahmu Alkhinzeeri Wama Uhilla Lighayri Allahi Bihi Waalmunkhaniqatu Waalmawqoothatu Waalmutaraddiyatu Waalnnateehatu Wama Akala AlssabuAAu Illa Ma Dhakkaytum Wama Dhubiha AAala Alnnusubi Waan Tastaqsimoo Bial-azlami Dhalikum Fisqun Alyawma ya-isa Alladheena Kafaroo Min Deenikum Fala Takhshawhum Waikhshawni Alyawma Akmaltu Lakum Deenakum Waatmamtum AAalaykum niAAamatee Waradeetu lakumu al-islama Deenan Famani Idturra Fee Makhmasatin Ghayra Mutajanifin Li-idhmin Fa-inna Allaha Ghafoorun Raheemun (Surat Al Maidah 5:3)

Umar Radhi Allahu Anhu akasema, sisi tunajua, '**Arifnaa**, na tunajua imeshuka wapi. Tunajua pia imeshuka kwa nani, pahala gani, wakati gani, na Siku gani tunatambua. Tunajua na tunatambua uzito wake.

Kule kujua uzito na umuhimu Muislamu; na ndiyo maana tukasema tunazungumza **Fadhaail yaumi 'arafah**, fadhila za Siku hii ya Arafah.

Kwa sababu, ujue, kisha utambue, hapo ndipo utapojua na utaweza kutekeleza ile neema ambayo Mwenyezi Mungu amekupa.

Kadhalika, hii **Yawmu 'Arafah**, ni miongoni mwa **Ayyaamut Tashriiq**, kama ilivyokuja katika Hadith ya Imam Tirmidhi, aliposema, Rasul Allah Salallahu 'Alayhi wa Salama amesema, "**Yawmu 'Arafah wa Yawmun Nahri wa Ayyaamut Tashriiq 'Idunaa Ahlal Islaam**", hizi zote ni Eid, ni Sikukuu kwetu sisi Waislamu.

Yaani Rasul Allah Salallahu 'Alayhi wa Salama ameijumlisha pamoja na zile Siku za **Ayyaamut Tashriiq**, siyo **Ayyaamut Tashriiq** yenyewe lakini ameijumlisha pamoja nazo.

Kadhalika Siku hii, kama tulivyosema mwanzo, ndiyo nguzo ya Hijja, **Ruknu al-Hajj**, ndio nguzo yenyewe hii. Aliyekuwa leo amekosa kwenda kusimama pale, pengine kaumwa ghafla, pengine kapata matatizo yoyote yale, gari imechelewa na kadha wa kadha, basi inabidi aje arudie tena Hijja yake. Hakuna kutoa kafara wala chochote.

Kadhalika, Siku ya leo ni Siku ambayo kwamba Mwenyezi Mungu Jalla wa 'Alaa anatoka na kuwaambia Malaika wake, wanasema **Yawmu Mubahalal**.

Anasema, waangalieni ummati wangu, Watu wamejazana pale. Na safari hii naskia ni kiasi ya Watu milioni mbili na laki tano. Miaka iliyopita walifika mpaka milioni tatu na laki tano. Safari hii ni milioni mbili na laki tano, inasemekana hivi.

Idadi kwa sababu ya maradhi na kadhalika imepungua.

Lakini pamoja na haya, Mwenyezi Mungu, anawaambia Malaika waja wangu mmewaona? Malaika wanajibu, tumewaona, naam naam.

Mwenyezi Mungu Jalla wa 'Alaa anawatambia Malaika. **Undhuruu Ilaa A'ibaadii, Jaauunii**, angalia Waja Wangu hawa wamekuja, **Shu'ban Hubahum**, wamekuja hali ya kuwa miguu chini, katika hali ya udhaifu katika kutaka msamaha wa Mwenyezi Mungu.

Na hii Ndugu zangu vilevile, katika umuhimu wake ni Siku ya kuachwa huru Watu kutoka Motoni, kuliko Siku zote zingine.

Ziko Siku katika Ramadhan, na katika Siku nyingine, lakini hii ndiyo Siku kubwa. Kama Rasul Allah Salallahu 'Alayhi wa Salama alivyosema katika Hadith ya Imam Muslim akisema, **"Maa Min Yawmin"**, hakuna miongoni mwa Siku, **"Akthara min an Yu'tiqallahu Fiihi A'abdan Minan Naari"**, Siku ambayo Mwenyezi Mungu anawaacha Watu wengi sana kutokana na moto. **"Min Yawmi 'Arafah"**, kuliko Siku ya Arafah.

Subhaanallaah. Leo kuna Watu ambao, kwa mambo yao kwa matendo yao, Mwenyezi Mungu anawasamehe. Pamoja na kuwa hawa walifanya makosa ikabidi waingie motoni, leo Mwenyezi Mungu ana *override*, anageuza, anawasamehe Watu kama wale.

Na Hadith hii unapoitizama, unakuta kwamba leo vilevile katika fadhila zake Siku hii, ni Siku ya Dua. **Yawmu Ad Du'aa**, ni Siku ambayo kwamba Dua zinakubalika.

Kama ilivyokuja katika Hadith ya Imam Malik, Rasul Allah Salallahu 'Alayhi wa Salama kasema, **"Afdhal ud Du'aa"**, Dua iliyokuwa bora kabisa, **"Du'aa Yawmi 'Arafah"**, ni Dua ya Siku ya Arafah.

Kisha akasema, **"Wa Afdhwalu Maa Qultu"**, na lililo bora ninalolisema, **"Ana Wa Nabiyyuuna Min Qablii"**, Mimi na Mitume waliotangulia kabla yangu Mimi, Nabii Adam, Ibrahim, Mussa, Issa.

Maneno bora waliyosema ni,

لَا إِلَهَ إِلَّا اللَّهُ وَحْدَهُ لَا شَرِيكَ لَهُ، لَهُ الْمُلْكُ، وَلَهُ الْحَمْدُ، وَهُوَ عَلَى كُلِّ شَيْءٍ قَدِيرٌ

"Laa Ilaaha Illa Allahu Wahdahuu La Shariika Lahuu".

Ukiangalia maneno kama haya, hapa hujaomba kitu sheikh. Hizi ni sifa. Hii ni Tawhidi ya kumpwekesha Mwenyezi Mungu.

"Laa Ilaaha Illa Allahu", hapana mola ila wewe Allah, **"Wahdahuu"**, yeye pekee Mwenyezi Mungu, **"Laa Shariika Lahuu"**, unavua ushirikina na kila kitu.

Haya ndiyo maneno bora, maneno haya Ndugu zangu, kila mmoja ayakamate na kama anaweza akae pahala pembeni peke yake anarudia, **"Laa Ilaaha Illa Allahu Wahdahuu Laa Shariika Lahuu"**, **"Laa Ilaaha Illa Allahu Wahdahuu La Shariika Lahuu"**, mpaka Magharibi. Hivi ndivyo walivyofanya waliopita katika sisi.

Ndiyo maana Rasul Allah Salallahu 'Alayhi wa Salama akasema kwamba, maneno yaliyokuwa bora ni haya. Ambayo Mimi nimeyasema.

Anasema Bwana Mtume, na waliotangulia kabla ya Mimi, ni maneno haya. **Laa Ilaaha Illa Allahu Wahdahuu Laa Shariika Lahuu"**,

Na dhahiri ya Hadith ni kwamba wanaosamehewa ni wale walioko pale mbele ya Mwenyezi Mungu Jalla wa 'Alaa. Walioko pale katika uwanja ule. Lakini, Hadith ni **Umuum**. Inaenea kwa wote ambao waliokuwa wanaomba na wanaoombewa.

Wale wanaoomba wako pale watakwenda pale mchana huu, na wale wanaoombewa kama Mimi, wewe na mwingine, kuna Mtu anakuombea, basi Hadith inaingia jumla jumla vilevile.

Sote Mwenyezi Mungu Jalla wa 'Alaa hachagui, kwamba huyu kaja huyu hakuja, hapana. Allah Jalla wa 'Alaa, anawaingiza wote katika kukubaliwa Dua katika Siku hii ya leo.

Ndiyo maana, miongoni mwa Salaf Saalih, wema waliopita kabla yetu, Maimam, Siku ya leo walikuwa wengine wakifunga maduka wakiacha kazi.

Kama kuna mtu, kalifanya jambo baya katika Siku mbili tatu zilizopita au Mwezi miezi miwili, leo ndio Siku analia na Mwenyezi Mungu Jalla wa 'Alaa. Kama kuna Mtu pahala kakosea, leo ndiyo Siku anarudi kwa Mungu wake, kwa kuwa leo ndiyo Siku kubwa ya kukubaliwa Dua kama Hadith iliyopita tulivyosema.

Ndugu Waislamu, tulivyoumbwa sisi hapo kabla tuliumbwa sote na Mwenyezi Mungu. Kisha akatutoa katika migongo ya Baba zetu akatuweka katika uwanja mmoja, uwanja wa Arafah.

Na kisha akatuuliza, **"Alastu Birabbikum"**, Mimi si Mungu wenu? Kila mmoja aliyeumbwa, kila kiumbe akajibu, **"Balaa"**, ninashuhudia kwamba wewe ni Mungu wangu. Ilikuwa ni Siku kama hii. Na ilikuwa ni pahala katika uwanja ule. Ndiyo sisi sote tulikiri kwa Mwenyezi Mungu.

Anaweza Mtu akasema, 'ah mbona Mimi Sikumbuki?' Kwani unakumbuka Siku uliyoanza kuvishwa nepi? Maana hiyo Siku kuna Watu wanakumbuka, wewe unakumbuka Siku hiyo?

Unakumbuka Siku uliyoanza kuota meno? Unakumbuka Siku uliyotahiriwa? Wewe unakumbuka Siku ambayo umeanza kupewa kinyonyo, Mama akasema maziwa yanamuumiza, mpeni Kinyonyo? Hukumbuki. Mwenyezi Mungu ndiye anakumbuka.

Anasema katika Qur-an Tukufu ya kwamba,

﴿وَإِذْ أَخَذَ رَبُّكَ مِنْ بَنِي آدَمَ مِنْ ظُهُورِهِمْ ذُرِّيَّتَهُمْ وَأَشْهَدَهُمْ عَلَى أَنْفُسِهِمْ أَلَسْتُ بِرَبِّكُمْ قَالُوا بَلَى شَهِدْنَا أَنْ تَقُولُوا يَوْمَ الْقِيَامَةِ إِنَّا كُنَّا عَنْ هَذَا غَافِلِينَ﴾

Wa-idh Akhadha Rabbuka Min Banee Adama Min Dhuhoorihim Dhurriyyatahum Waashhadahum AAala Anfusihim Alastu Birabbikum Qaloo Bala Shahidna an Taqooloo Yawma Alqiyamati Inna Kunna AAan Hadha Ghafilina. (Surah Al-A'raf, 7:172)

Tafsir: Na kumbuka wakati Mola wako, alipowatoa Watoto wa Adam (Bani Adam) katika sehemu za siri za wazee wao, wakiwa katika hali ya mbegu na akawashuhudisha katika Nafsi zao kwa kusema 'Jee mimi si Mola wenu?', nao wakajibu, 'Naam tunakushuhudia', hivyo msije mkasema katika siku ya Malipo kua, 'Tulikua tumeghafilika'.

Hivyo sisi tulichukua ahadi kwa Mwenyezi Mungu kwamba tutamwabudu, toka katika migongo ya Baba zetu. Alipouliza: **"Alastu Birabbikum, Qaalu Balaa, Shahidnaa"**, tunashuhudia.

Akasema, **"An Taquuluu Yawmal Qiyaamah"**, Siku ya Qiyamah nyinyi msije mkasema, **"Innaa Kunnaa 'an Haadha Ghaafilin"**, eh Mimi nimeghafilika juu ya hili, Mimi nilisema hivi? Usije ukasema hivi kabisa.

"Au Taquuluu" au mkasema, **"Innamaa Ashraka Asbaaunaa"**, au mkasema kwamba sisi tumewakuta wazee wetu wanaabudu masanamu Bwana, wanakushirikisha na tumewafuata.

Kwa hivyo, hakuna *excuse* kwamba ilikuwa umekosea, tangu mapema ulichukua ahadi kwa Mwenyezi Mungu katika uwanja huu wa Arafah. Kadhalika Siku ya leo Ndugu zangu, ni Siku ambayo Sheitani anakuwa mdogo sana.

Sheitani anampoteza Mwanadamu tangu mwanzo wa mwaka. Tangu Muharram anampoteza Mtu, mara Mtu kazini, Mtu kaiba, mara kadhulumu, mara kamsengenya Mtu, mara kampiga Mtu, mara kafanya uadui na Mtu yule kule.

Mwanadamu kila Siku anakosea, na ndivyo tulivyoubwa sisi. Tumeumbwa tukosee, lakini ukishakosea, taka msamaha. Kukosea ni lazima. Kuutaka msamaha ni khiyari yako.

Kwa hiyo, ilivyokuwa tunakosea, Mwenyezi Mungu Jalla wa 'Alaa akaweka Siku hii ya leo. Ni Siku ya kusamehe Madhambi yote, kwa kile aliyetaka msamaha.

Na Rasul Allah Salallahu 'Alayhi wa Salama anasema kwamba, leo ni Siku ambayo kwamba Sheitani anakuwa dhalili. **"Maa ru-yash Shaytaan yauman"**, hakuna hata Siku moja Sheitani anaonekana, **"Huwa Fiihi Asgharu"**, kwamba anakuwa mdogo.

"Walaa Adh-haru Walaa Ahqaru", Wala hawi Mnyonge wala hawi Dhalili. **"Walaa Adhyabu Fii yaumi 'Arafah"**, kuliko Siku hii ya Arafah.

"Wamaa Dhaaka Illaa Limuraa Minat Tamathur Rahmah", na hafanyi hivi Sheitani. Isipokuwa kwa kuona namna gani Mwenyezi Mungu anateremsha rehima kwa Waumini.

Watu kila wakitaka **Istighfaar**, wanasamehewa. Allah anateremsha rehima utafikiri mvua za masika. **"Watajaawuzi Allaahi A'anidh Dhunuubi Il Idhaam"**, Mwenyezi Mungu anayapitisha, anafumba macho, anasamehe makosa makubwa makubwa katika Siku hii ya leo.

Kwa hiyo, Siku hii Sheitani anasema, **"Yaa Wailaa"**, ole wangu Mimi, mwaka mzima nawashughulisha hawa. Yule kazini mara sita, yule kaiba, na yule kadha kadha. Na leo Mwenyezi Mungu anamsamehe mara moja. Aah nimefanya kazi ya bure.

Ndiyo Siku hii ya leo, Sheitani analia na kujuta kwa yale ambayo ameyafanya.

Na Siku ya Arafah, **Hunna Mahal Sh Shaahid**, sisi tuna khitilafu zetu, asije Mtu akasema kwamba, 'kasema Kesho, kasema leo'. Laa. Hiyo ni kwako wewe. Mimi nazungumzia **Fadhaailu Yawmi 'Arafah**, utukufu wa Siku ya Arafah.

Ukisema kesho umesema wewe, na ukisema leo, umesema wewe.

Kwa sababu, hapa si pahala pa kuzungumzia **Ikhtilaful Ummah**, hapa ni pahala pa **Al-hadu Wal-Irshaad**, pa kuamrisha Watu mambo mema, pa kuwaongoza. Si pahala pa kuzungumza hapa mambo ya hili ndilo, hili silo, kwa nini na kuleta dalili, si pahala hapa.

Na ukiuliza, sasa msimamo wako wewe vipi Abdallah Al-Mundhir unasemaje wewe, kesho au leo? Nakwambia, msimamo wangu Mimi unavyoniona nimesimama juu ya Mimbar, ndiyo msimamo wangu, hakuna asiyeona hapa, ndio msimamo wangu, wako wewe si utajua mwenyewe.

Ukitaka kesho ukiambiwa na Sheikh wako funga kesho. Umefata leo umeambiwa na Sheikh wako funga leo. Lakini ujue kwamba, Siku ya Qiyamah utaulizwa kwa kila ulilolifanya. Na utasema kwamba, Mimi yaa Allah nilifunga Siku hii ya Mwezi Tisa wa Saudia kwa sababu niliona TV Watu wamesimama Ndani ya Tv.

Mimi Ibada yangu nilichukua katika TV, Channel Qanatis Sunnah au Qanati Al Qur-an niliona kule, ndio nimechukua. Mwingine atasema, Mimi nilifundishwa na Sheikh wangu fulani bin fulani, Yaa Allah. Murabbii, ash Shaykhii ndio kanifundisha hivi.

Khalas. Dini ni nyepesi kabisa. Dini lifuate lile ambalo roho yako inatulia, maanake Watu wamekaa masikio wazi kabisa. Tumsikilize atasema nini, kesho au leo, sisemi ng'o. Msimamo ni ule mnaouona, nimesimama katika Mimbar.

Hapa si pahala pa kuleta ikhtilafu Msikitini, kwamba yule kadhaa yule kadhaa, hapana. Hapa ni pahala pa kuunganisha Ummah na pa kuwafanya Watu wawe wamoja.

Siku ya Arafah, **Rasul Allah Salallahu 'Alayhi wa Salama** aliunganisha Ummah, akafanya Watu wawe wamoja. Si Siku aliyofarikisha Ummah, kama tunavyoyaona katika Siku yetu ya leo.

Nadhani nimeeleweka wazi kabisa, kwa hivyo waliofunga leo, na wafunge Siku ya Qiyamah watasema, Mimi Yaa Allah dalili yangu ilikuwa ni TV. Dalili yangu ilikuwa ni Simu. Dalili yangu ilikuwa ni WhatsApp.

Dalili yangu ilikuwa atasema nilichukua elimu huku, na mwingine atasema Mimi nilichukua elimu pahala kadha, kila Mtu atasema, kila Mtu ataulizwa.

Ibada ni kitu **Tawqiifiyya**, Ibada si ya kuchukua pahala popote pale Ndugu zangu. Aangalie Mtu anachukua wapi na anachukua kwa dalili gani.

Tayyib. Ndugu zangu. Leo ni Siku ambayo kwamba Watu wanasamehewa Dhambi zao nyingi sana.

Siku moja, mmoja katika Watu wema, Alfudhailu Ibn 'Iyaadh Rahimahu Allah, aliyekuwa katika Siku kama ya leo pale katika Arafah, akatoka hivi akaona Watu chungu nzima mwisho haoni; yale Macho yako hayawezi kuona mwisho.

Subhaanah Allah. Akawaambia katika wale waliokuwa karibu naye, wale wanafunzi wake: Mnaonaje, **Ara-aytum** kwani nyie mnaonaje, **Ara-aytum Lau Anna Hawlaai Saaruu Ilaa Rajulin**, mnaonaje kwamba Watu wote hawa, Watu labda milioni mbili na laki tano wakenda kwa Mtu mmoja labda pengine wewe wakaja kwako wamekuja Nyumbani Watu Milioni mbili na Laki tano.

Kisha, **Fas-Aaluhu Daaniqa** wakakuomba kitu kidogo sana. **Daaniqa** yaani thuluthi dirham, ni labda pengine shilingi elfu moja tu wamekuja Watu milioni mbili na nusu kwako wanakuomba shilingi elfu moja.

Anasema Alfudhwailu, **Akaana Yarudduhum**, je, atawakatalia? Hukatalii, Watu wakija 10 ni sawa wanataka shilingi 1000/- utawapa haraka haraka, kwa sababu elfu moja ni *nothing*, si kitu.

Na wale wanafunzi wake wakasema, **Qaluu Laa wa Allaah**, hawezi kuwakatalia, atawapa.

Qaala, Al Imam akasema, **wa Allaah**, naapa, **Lil Maghfirati 'in-da Allaah**, msamaha wa Mwenyezi Mungu katika Siku ya leo, **Ahwanu Min Ijaaba**, uko karibu zaidi kuwasamehe kuwajibu wanaomuomba, **Min Ijaabati Rajulin Bidaaniqi**, kuliko Mtu mmoja kuombwa shilingi elfu moja na Watu milioni mbili kuwapa.

Basi pia ngumu hiyo, kwa sababu atachukua muda atiyeye mfukoni pengine atoe shilingi 10,000/-, ahesabu elfu moja moja, ndiyo ampe moja. Mwenyezi Mungu ni *kun fayakuunu*.

Ndugu zangu, nakuusieni sana Siku ya leo, Watu wazidi kumcha Mwenyezi Mungu.

Na wale ambao tutafunga au tunafunga au tunaendelea kufunga kesho vilevile. Ufunge hali ya kuwa nafsi yako **imettuma-aniina** kabisa, kwamba hii ni Siku miongoni mwa masiku tukufu na Mimi nafunga, Mwenyezi Mungu atanilipa. *Haakadhaa*.

UTUKUFU WA MWEZI WA MUHARRAM



Ndugu Waislamu, leo ni Mwezi tatu. Katika Mwezi wa Muharram. Mwezi ambao ni Mwezi wa kwanza katika kalenda ya Kiislamu.

Ni Mwezi ambao ni miongoni mwa miezi mitukufu. Na ndiyo Mwezi ambao Mtume wa Mwenyezi Mungu, *Salallahu 'Alayhi wa Salama* amesema katika Hadith maarufu ya kwamba, **"Afdhalu Siyaam BaA'da Ramadhan"**, Saumu iliyokuwa bora baada ya Mwezi wa Ramadhan ni Saumu ya katika Mwezi huu wa Muharram.

Hii ni Hadith Sahih kabisa, haina shaka ndani yake.

Mmoja katika **Kibaarit Taabi'ina**, wakubwa katika Mataabi'ina, ambaye alisilimu wakati bado *Rasul Allah Salallahu 'Alayhi wa Salama* yuhai, na akawahi kutoa Zakah. Wakati walipokuja Watu kutumwa na bado *Rasul Allah Salallahu 'Alayhi wa Salama* kuja kukusanya Zakah akiitwa, Abu Uthman Nahd *Radhi Allahu Anhu*.

Abu Uthmaan aliishi kwao, akawa hakuwahi kwenda Madinah kuonana na bado *Rasul Allah Salallahu 'Alayhi wa Salama* Pamoja na kwamba, alisilimu mwanzo kabisa, katika wakati wa bado *Rasul Allah Salallahu 'Alayhi wa Salama*. Hata alipokuja kuhajir, alipokuja kuhama kwenda Madinah, akakuta tayari *Rasul Allah Salallahu 'Alayhi wa Salama* ameshafariki na Sayyidina Abubakar *Radhi Allahu 'Anhu pia* ameshafariki, na sasa ni utawala wa Sayyidina Umar Ibn Khattab *Radhi Allahu 'Anhu*. Akaishi nao Masahaba, akasoma kutoka kwao, mambo mengi sana.

Yeye hahisabiwi kwamba ni Sahaba, kwa sababu hakumuona *Rasul Allah Salallahu 'Alayhi wa Salama*. Pamoja na kwamba alisilimu wakati *Rasul Allah Salallahu 'Alayhi wa Salama* akiwa hai; kwa sababu Sahaba wa *Rasul Allah Salallahu 'Alayhi wa Salama* hua ni Mtu ambae amemuona *Rasul Allah Salallahu 'Alayhi wa Salam* kwa macho yake na kisha akamuamini na Kumfuata Katika Dini ya Haki. hivi ndivyo wanavyosema ahlul 'ilmi. Hivyo kama ikiwa Mtu alimuona *Rasul Allah Salallahu 'Alayhi wa Salama* lakini hakumuamini na hivyo akasilimu baada ya kufariki *Rasul Allah Salallahu 'Alayhi wa*

Salama basi Mtu huyu hua haheesabiki kua ni Sahaba wa *Rasul Allah Salallahu 'Alayhi wa Salama*, na vile vile kwa yule ambaye alimuamini lakini hakuwahi kumuona hua si Sahaba.

Maadha Yaquulu Abu Uthmaan, anasema kwamba, Mimi nimekutana na Masahaba wa Mtume wengi sana. Ukiachilia mbali wawili, watatu waliokufa wakati wa ukhalifa wa Sayyidina Abubakar *Radhi Allahu 'Anhu*.

Anasema kwamba, ***Kanu Yu'adh-dhimuuna Thalaatha 'Asharaati***, walikuwa Masahaba wa *Rasul Allah Salallahu 'Alayhi wa Salama* wanayatukuza makumi matatu.

Anasema, Abu Uthmaan, ***Kanu Yu'adh-dhimuuna Thalaatha 'Asharaati***, walikuwa wanayatukuza makumi matatu, yaani Siku 10 tatu, mara tatu, walikuwa wanatukuza.

Al-'Ashrul Uwalu Fii Dhul Hijja anasema Siku 10 katika Mwezi wa Mfungo Tatu, kama tulivyoona katika Mwezi uliopita. Kadhalika akasema, ***Al-'Ashrul Aw Aakhiri Min Ramadhan***, Siku kumi za mwisho katika Mwezi wa Ramadhan, kama zilivyokuja Hadith nyingi kuja kuthibitisha hili.

Na kadhalika, ***Al-'Ashrul Awalu Mina Al Muharram***, Siku 10 za mwanzo katika Mwezi huu wa Muharram. Siku hizi ambazo sisi tumo, leo ni Mwezi tatu. Siku hizi Masahaba wa *Rasul Allah Salallahu 'Alayhi wa Salama* walikuwa wakizitukuza Siku hizi.

Kwa hiyo, na *Rasul Allah Salallahu 'Alayhi wa Salama* akaja akapiga msumari kusema kwamba, Saumu iliyokuwa bora baada ya Ramadhan ni Saumu katika Siku 10 hizi. Ni Saumu katika Mwezi huu wa Muharram; ndiyo Saumu iliyokuwa bora kabisa.

Lakini Ndugu zangu, ***Alal Asaa Wa Al Asafish Shadiid***, katika jambo la kusikitisha na la kuhuzunisha mno. Ni kuona Waislamu wanaishi katika ardhi kama kwamba hawajui *Rasul Allah Salallahu 'Alayhi wa Salama* kasema nini.

Kama kwamba hawajui Mwenyezi Mungu ni nini kasema. Kama kwamba hawajui maisha yanakwenda, kama kwamba hawajui wao ndio Allah aliwaambia,

(يَا أَيُّهَا الَّذِينَ آمَنُوا اتَّقُوا اللَّهَ وَلْتَنْتَرْزُ نَفْسٌ مَّا قَدَّمَتْ لِغَدٍ)

"Yaa Ayyuha Alladhiina Amanu Itaqu Allaha wal Tandhur Nafsun Ma Qaddamati Lighadin" (Surat Hashr 59:18)

"Ittaqu Allaha", muogopeni Mwenyezi Mungu, ***"Wal Tandhur Nafsun Ma Qaddamati Lighad"***, na kila mmoja wenu, kila nafsi, aangalie nini amejitangulizia kesho yake, kila mmoja aangalie.

Haya ndiyo maagizo ya Mwenyezi Mungu, **"Wattaqu Allaha"**, na katika kuangalia kwako, muogope Mungu, kwa maana kwamba usijidanganye, ukajipa wema uliokuwa huna.

Mwanadamu ana tabia ya kujitilia *right* katika pahala pa *wrong*, ana tabia ya kujitukuza kama Allah alivyokataza, **"Falaa Tuzakkuu Anfusakum"**, wacheni kujitakasa nafsi zenu, **"Huwa aA'lamu bimani Taqaa"**, yeye Allah Jalla wa 'Alaa ndiye anayejua ni nani Mcha Mungu.

Lakini akaamrisha, wanasema ahlul 'ilmi mafuqahaa, kwamba aya hii ndio aya khasa na iliyokuwa dhabiti kabisa **Adaqq** katika kuonyesha umuhimu wa Mwanadamu kuihesabu Nafsi yake.

Ile, **"Wal Tandhur Nafsun"**, maana yake pale, **Ay Tuhaasib, Haasibu Nafsaka**, nafsi yako ihesabu kama alivyokuja kuyaeleza wazi haya Sayyidina Umar Radhi Allahu 'Anhu aliposema kwamba, **Haasibu Anfusakum Qabla an Tuhaasabuu**, hebu nyie Wanadamu Waislamu zihesabuni nafsi zenu kabla hamkuhesabiwa. **Fainnahuu Ahwanu ilaykum**, kwani kufanya hivyo ni wepesi kwenu, utaweza kujirekebisha.

Kila mmoja katika sisi atakubaliana na Mimi kwamba juzi tu tulikuwa katika Ramadhan. Juzi tu hapa tulikuwa katika Busati la Mtoro, juzi tu hapa tulikuwa katika Taraweh, juzi tu kila mmoja kufumba na kufumbua Ramadhan imemalizika.

Umekuja Mfungo Mosi umemalizika, umekuja Mfungo Pili umemalizika, umekuja Mfungo Tatu umekwisha, na sasa tuko Mfungo Nne. Siku zinakwenda kama kitu gani sijui. Na kwenda kwa Siku nyingi. Tambua kwamba ni kama anavyosema Hassan Al Basriy, **Ya Bna Aadam Anta Ayyaamun**, ewe Mwanadamu, wewe ni Masiku.

Kullamaa Marra 'Alaika Yawmun, kila Siku moja ikipotea, *marra* ni kwamba sehemu ya kiwiliwili chako imeondoka Duniani, imekwenda kaburini. **Wakullu Yaumin Marra 'Alayka Qudumun Liqadamika min Ba'dhwil Qabr**, kila Siku moja inapokwenda, tambua kwamba Mwenyezi Mungu anaukurubisha Mguu wako kwenda katika kaburi.

Kwa maana kwamba, unakaribia kufa, haya ndiyo mambo ya kuzingatia. Haya ndiyo mambo ya Watu wenye akili kuanza kujitizama, Mimi nilikuwaje mwaka jana, nilifanya nini. Mwezi uliopita nimefanya kitu gani, je, Mimi nilitoa Sadaqah? Je, nilitoa Zakah? Je, Nilimtazama maskini? Je, Nilimtazama yatima? Je, Nilimtazama mjane? Je, nilizini? Je, Nililawiti Mimi? Je, Nilidhulumu? Je, Nilifanya kitu gani? Je, Nilimkata Mama yangu?

﴿يَا أَيُّهَا الَّذِينَ آمَنُوا اتَّقُوا اللَّهَ وَلْتَنْظُرْ نَفْسٌ مَّا قَدَّمَتْ لِغَدٍ﴾

"Yaa Ayyuha Alladhiina Amanu Ittaqu Allaha wal Tandhur Nafsun ma Qaddamati Lighadin"(Surat Hashr 59:18)

Na Nafsi, aangalie kila Mtu kesho ametanguliza nini. Ikiwa tunakwenda hivi kama Ng'ombe. Itakuwa sisi hatuna tofauti na wanyama.

Walaabudda likullin minnaa wa-afatun, lazima katika kila mmoja wetu awe na nukta maalumu. Anakaa anajiangalia, wiki iliyopita Mimi nimesoma kiasi gani katika Qur-an.

Labda nimesoma Suratul Baqarah na Aali Imraan. Nimepata ndani ya wiki moja, juzuu mbili au tatu. Wiki hii sasa ninaweka kiwango fulani nipate, walau juzuu 5. Huyu ndiye Mtu mwenye akili. Ndiyo maana Allah akasema,

﴿وَلْتَنْظُرْ نَفْسٌ مَّا قَدَّمَتْ لِغَدٍ﴾

Wal Tandhur Nafsun Ma Qaddamati Lighadin", (Surat Hashr 59:18)

Na ukifanya hivyo, **"Wattaqu Allaha"**, Muogope Mungu, usijidanganye mwenyewe, na ujue kwamba Mwenyezi Mungu anajua kila unachokifanya.

﴿لَا يَسْتَوِي أَصْحَابُ النَّارِ وَأَصْحَابُ الْجَنَّةِ أَصْحَابُ الْجَنَّةِ هُمُ الْفَائِزُونَ﴾

La Yastawee As-habu Al Nnari Wa As-habu Al Jannati As-habu Al Jannati Humu Al Fa-izoona", (Surat Hashr 59:18)

Hawawezi kuwa sawa Watu wa Peponi na motoni.

Maneno haya, Allah kayataja baada ya muhasaba, kukuonyesha kwamba hapa Duniani utatumia wakati wako ama kujipeleka Peponi ama kujipeleka motoni. *The choice is yours. Al-ikhtiyaaru 'indaka.* Amua mwenyewe, wakati ni wako.

Pumzi unazo, Mdomo unao, miguu unayo, uamuzi unao bado, na macho unayo.

Kuna Watu wamenyanganywa macho na Allah Jalla wa 'Alaa, wanatamani walau wafungue msahafu aweze angalau kuona Suratul Furqaan, ikoje ikoje. Anasikia tu,

﴿بَارَكَ الَّذِي بِيَدِهِ الْمُلْكُ وَهُوَ عَلَى كُلِّ شَيْءٍ قَدِيرٌ﴾

Tabaraka Aladhee Biyadihi al Mulku Wa huwa AAala Kulli Shay-in Qadeerun(Surat Al Mulk 67:01)

Anatamani, naye aone walau maneno ya Mwenyezi Mungu hawezi maskini, keshaondoshewa macho. Wewe una macho mazima, unakwenda kaa chini ya TV na unaangalia mpira. Yaani, wewe ni Mtu wa Dunia tu, mipira, siasa, michezo, basi.

Macho yako unayashibisha *laghwun* na *lahwun*. Utakwenda kumwambia nini Mwenyezi Mungu Siku ya Qiyamah atakapokuuliza. Akili unayo waangalie wangapi huku, wengi wendawazimu wanahangaika, wanakula majaani wanalala nje, wanafanya kula uchafu kila kitu, wale hawana akili.

Wewe, Mungu kakupa akili, wangapi hawana uwezo wanatamani waoe, wewe Mungu kakupa uwezo, je, umeoa?

Neema ambazo Mwenyezi Mungu kakupa, jiangalie unazitumiaje neema hizi katika kipindi kama hiki. Ambacho Allah Jalla wa 'Alaa kakupa *privilege*. Sisi Watu wa ummah huu. Ni Watu ambao umri wetu ni mchache. Ni kama Rasul Allah Salallahu 'Alayhi wa Salama alivyosema katika Hadith Sahih.

Kwamba umri wetu sisi, ***"A-'amaaru Ummatii Ma bayna Sittiina wa Sab'iina"***, Mtume kasema, umri wa ummati wangu, kati ya 60 na 70. Au ukifika hapa tena, ***wa Aqallu***, na wachache wanaofika hivyo wengi wanakufa kabla ya hapa.

Sasa Mwenyezi Mungu akatuwekea *advantages* akatuwekea *privileges*, akatuwekea vitu maalumu. Siku 10 hizo Muharram, ukifunga hapo, ni Saumu bora kabisa. Ukisoma Quran hapo umeula.

Siku 10 Dhul Hijja hizo, hapo ukifanya jambo wewe, ni kama umehiji. Siku ya Ijumaa hiyo. Mwenyezi Mungu katuwekea vitu lakini kwa wenye akili.

Kuna Watu wajinga, wanaishi kama Wanyama. Yeye haoni chochote, na ndiyo kwanza utamkuta kakaa pahala masaa matatu mazima au manne, vipi napoteza muda yakhe. Hivi unajua ukisema 'ninapoteza muda', ni kwamba unapoteza umri wako, unapoteza nafasi ya kufanyia kazi Pepo.

Wakati wako ndiyo maisha yako Ndugu yangu Muislamu. Kila wakati ukipita, maana yake ni kwamba, maisha yako yanapotea. Na utambue kwamba, Siku zinakwenda haraka, mara jana, juzi Ramadhan imekwisha, hii ni dalili kwamba Qiyamah kinakaribia.

Imekuja katika Hadith Sahih ambayo anasema Abuu Hurayrah *Radhi Allahu 'Anhu*, Hadith ya Imam Ahmad Ibn Hanbal *Rahmatullaah 'alayhi* anasema, kwamba, ***"Laa***

Taquumus Saa-'ah", hakitosimama Qiyamah, **"Hattaa Yataqaarabaz Zamaan"**, mpaka nyakati zikaribiane, (kama sasa ilivyokuwa).

Mtume akasema, **"Fatakuuna Sanatu Kash-shahri"**, mwaka utakuwa ni kama Mwezi tu. **"Wash-shahrikal jumu'ah"**, na Mwezi ni kama wiki. **"Wal Jumu'ah Kal Yaum"**, na wiki, ni kama Siku moja tu. **"Walyaum"**, na Siku moja ni kwamba ni kama **"Kathira Fissa'qah"**, kuchukua majani makavu ukayatia moto, mara moja yanawaka, habari imekwisha, ndivyo zama zinavyokwenda.

Wafi'lan, na hizi ndizo zama zetu sisi. Ukiamka, Siku imekwisha. Imekuwa wakati hauna Baraka. Unakwenda mbio, haraka haraka.

Sasa, waliopita kabla yetu sisi, Masahaba na wema waliopita. Walikuwa wanafanyia kazi nafsi zao, wanazihesabu nafsi zao katika Siku kama hizi. Anapata Mtu kujirekebisha, anajiingalia hasa, na anakaa pembeni. Anasema, we Abdallah, wewe si una mapungufu kadhaa wewe, anajiambia mwenyewe.

Siku moja, mmoja katika Masahaba anasema nilikuwa katika ukuta kama hivi nyuma yangu alisimama Sayyidina Umar **Radhi Allahu 'Anhu**. Alikuwapo nyuma yangu wakati huo alikuwa ni kiongozi. Hakuna wa kumwambia.

Basi yuko pembeni anasema, **Ya Ibn Al Khattab**, ewe Umar wewe, **ittaquillaaha**, muogope Mwenyezi Mungu wewe. Wewe si una kitu kadhaa, anajiambia yeye mwenyewe, pembeni hakuna Mtu anayemsikia. Huyu ni Umar Radhi Allahu 'Anhu.

Anasema Abdallah ibn Masoud Radhi Allahu 'Anhu, **Maa Nadimtu**, Sikupata kujuta, **Kanadami**, kama nilivyojuta, **Fii Yawmin**, katika Siku ambayo kwamba, **Gharabat Shamsun**, Jua limekuchwa, maana yake anakwambia Siku imemalizika na jioni imeingia. **Naqasat Fihi 'Umrii**, umri wangu umepungua, Siku ishakwisha, **Walamyastazid Fiihi 'Amalii**, lakini amali yangu Sikuzidisha.

Najuta, nalia Siku kama hii. Inaniliza ninapoona Siku imemalizika, lakini nikijiingalia leo nimefanya nini la kheri, silioni. Jambo kama hili, Mimi linanisikitisha.

Mwingine katika salaf akasema kwamba, **Lau Saqatat Dirhaman min ahadihim**, mmoja katika wao, yaani katika sisi Watu wa mwisho huku kama atapoteza, dirham, kwa sasa hivi labda tuseme ni shilingi 1,000/- au 10,000/- amepoteza.

Basi, **Lazaala**, anasema huyu Bwana, **Lazaalla Yawmuhuu Yaquulu**, atakaa Siku nzima anasema, pesa yangu imepotea, 100,000/- yangu imepotea Bwana, iko wapi, hujaona pesa wewe, anapita anauliza kila pahala.

Lakini maskini ya Mungu kila Siku anapoteza uhai wake katika ujinga, katika baraza ya kahawa, katika Baraza ya Karata, katika Maskani ya siasa, katika baraza ya Mpira, katika baraza ya upumbavu gani, anapoteza uhai wake na wala hajuti kabisa.

Huu ni ujinga wa hali ya juu kabisa anasema.

Haya maneno ameyasema Imam Abubakar Ibn 'Iyaashi.

Al Fudhail ibn 'Iyaadh Rahimahullaah 'alayhi, vilevile ni **Min Kibaarit Taabi'ina**.

Siku moja alimuona kijana mmoja kasimama katika Makaburi, Rafiki yake kazikwa. Yule kijana kasimama pale, Muhtamman **Haziinan Jiddan**, yaani amehuzunika sana. Rafiki yangu kesha kufa, kazikwa, ah kakaa pale Rafiki yangu. Huyu **Anatasawwar** kwamba tulikuwa pamoja, tunakwenda wapi na wapi, ndio kishakufa mwenzangu.

Al-Imam akamsogelea akamwambia, **Yaa Waladii**, ewe kijana, **Maa tadhunnu**, unaonaje huyu Bwana aliyezikwa hapa, unaonaje kama atapata fursa ya kurudi Duniani tena. Kijana akasema, ah huyu mwenzangu kama atarudi, najua Mimi atakuja kushikamana na Salah, Zakah, na atakuwa mtu, mwema sana huyu.

Al-Imam akamwambia, basi nakwambia hivi, **Qad fata**, yalishampita huyu, harudi tena, **Falaa Yafuutuka**, wewe yaSikupite.

Sijui kama mnanifahamu Waislamu?

Al-Imam kasema hivi, huyu nduguyo, yeye yalishakwisha kwake, hakuna tena, hawezi kurudi. Lakini wewe Ndugu yangu unaweza kurudi, **Falaa Yafuutuka**, yasikupite.

Siku nyingine tena, al-Imam Fudhwailu akamuona Mtu mzima, miaka 60, mzee ana mvi na nini na nini kakaa. Akamwambia, **Ayyuhar Rajulu**, ewe mzee, ewe Mtu mzima, *kam 'umruka*, una miaka mingapi? Akasema, *sittuuna*, Mimi nina miaka 60.

Imam akamwambia, **Idhan, Mundhu Sitiina 'Aaman Tasiiru ila Allahi Yuushaka An Tasir**, nakwambiaje, ina maana wewe miaka 60 mizima unakwenda safari unarudi kwa Mwenyezi Mungu tambua, karibu utafika.

Na kila mmoja katika sisi, ana miaka pengine 20, ajijue kwamba, miaka 20 mizima anatembea kurudi kwa Allah, iko Siku atafika. Mwingine ana miaka 50 anatembea, iko Siku atafika kwaAllah Jalla wa 'Alaa.

Yule Bwana kuambiwa maneno yale, akaanza kulia, laa unanikumbusha Imam, yeye akasema, **Innaa lillaahi wainnaa ilayhi raaji'uun**, ah msiba umenifika huo. Imamu

akamwambia, ***Ata'rifu Ma'nah***, unajua maana ya ***Innaa Lillaahi Wainnaa Ilayhi Raaji'uun***, au unasema tu?

Akasema, naam nafahamu. Akamwambia maana yake ni nini? Akasema, ***Innaa lillaahi, Ay Nahnu Mina Allaahi. Wainnaa Ilayhi Raaji'uun, Ay Wailayhi Narji'u***. Maana yake ni kwamba, sisi ni wa Mwenyezi Mungu. Sisi ni viumbe wake, na iko Siku tutarudi.

Imam akamwambia hapana Ndugu yangu, akamwambia: ***Man Ya'lam Annahu Lillaahi 'Abdun, Fal Ya'lam Annahu Mawqufun, Waman Ya'lam Annahu Mawquufun, Fal Ya'lam Annahu Mas-uulun, waman Ya'Alam Annahu Mas-uulun, Fal Yu'idda Lisuali Jawaaba***.

Anamwambia ewe mzee wewe, kama kweli unajua nakwambia hivi, anayejijua kwamba yeye ni mja wa Mungu, atambue kwamba iko Siku atarudi kwa Mwenyezi Mungu. Na anayetambua kwamba iko Siku atarudi kwa Mungu. Atambue kwamba iko Siku atasimamishwa katika uwanja wa Mahkama na kuulizwa kila alilolitenda.

Na atakayetambua haya, atambue fika kwamba atakapoulizwa, kuna masala ambayo lazima ayajibu. Na sasa kuanzia muda huu aanze kuandaa jawabu la masala hayo. Siyo kukaa tu, na siyo kushindana tu.

Na ajabu ya Waislamu katika mambo yote ya Kidunia, tunafanya matayarisho. Na ndiyo maana unaona msimu umekwisha, Watu wanabadilisha wachezaji, huyu utakuta kauzwa, na huyu kaletwa. Kwa nini? Kwa sababu wanafanya tathmini ya kuangalia kwamba ni yupi atatufaa.

WafanyaBiashara, takriban 90 katika 100, tuliopo hapa Kariakoo wote ni wafanyaBiashara ; kila mmoja katika sisi ana Biashara yake.

Na baada ya muda fulani, anaangalia Biashara ile, je imekuwaje. Kwa nini nilikula hasara, haiwezekani, kodi kubwa haiwezekani, TRA wanachukua kingi, haiwezekani, labda Mimi nimeibiwa. Anafanya tathmini ya Biashara yake.

Sisi tunafanya kila kitu ***Nuhaasibu Kulla Shay-in Siwaa Anfusinaa***, tunafanya hesabu ya kila kitu, isipokuwa nafsi zetu tu basi, na huu ndiyo msiba. Na kila kitu tunachokihesabu, tutambue kwamba iko Siku tutakiacha.

Ile imani yetu, nafsi zetu ambazo tunaziacha kama zilivyo. Hizo ndizo zitakwenda kumjibu Mwenyezi Mungu. Kwa hiyo Ndugu zangu, tunazinDuana, tambua kwamba unatakiwa ujihesabu, na utambue kwamba usipojihesabu wako wanaokuhesabia, huu ndiyo ukweli.

Wewe ukijihesabu na usipojihesabu, lakini wapo wanaokuhesabia, Allah Subhanah wa Ta'ala anasema.

(مَا يَلْفِظُ مِنْ قَوْلٍ إِلَّا لَدَيْهِ رَقِيبٌ عَتِيدٌ)

"Ma Yalfidhu Min Qawlin Illa Ladayhi Raqiibun 'Atiid", (Surat Qaf 50:18)

Halimtoki Mtu neno lolote isipokuwa kuna Malaika wanamuandikia.

Kasema kadhaa, sikwambii kama kafanya. Kasema kadha, hajafanya kitu kasema, yanaandikwa. Kwa hiyo Ndugu yangu jihesabu, usipojihesabu, unahesabiwa. Allah anasema,

(إِنَّمَا نَعُدُّ لَهُمْ عَدًّا)

Innama naAAuddu lahum AAadda (Surat Maryam 19:84)

Hakika sisi tunawahesabia kwa ajili yao Idadi(ya Siku zao)

Wakasema Mufassiriina kwamba, **"Innamaa Na'uddu Lahum A'addaa", ay Innamaa Na'uddu Lahum Anfaasahum Fid Dun-yaa;** maana yake ni kwamba, hakika sisi tunawahesabia pumzi zao Duniani.

Hapa ulipo Ndugu yangu Muislamu unahesabiwa pumzi zako unazovuta, ile in, out. Kama LUKU inawaka na kuzima. Na kila ikiwaka, unit imeondoka, ikizima imeondoka. Na wewe ni vilevile, ukivuta pumzi uhai umepungua, kuipeleka ndani, uhai umepungua, hivi ndivyo Qur-an inavyokwambia.

Kwa hivyo, the choice is yours, uamuzi ni wako. Kuamua kuanzia sasa kujitazama na kujipanga na kujirekebisha.

Uende katika mwendo ambao Allah anautaka, au kwenda katika mwendo kama wale ambao hawana kitabu hawajui nini wameamrisha.

VIPI TUJITAYARISHE TUPATE KURINGIA KATIKA RAMADHAN



Baada ya kumshukuru Mwenyezi Mungu Jalla wa 'Alaa. Kumtakia neema na rehema. Sala na salamu. Mtume wa mwisho, nabii Muhammad Salallahu 'Alayhi Wa Salama.

Nakuusieni kumcha Mwenyezi Mungu kama ambavyo nimetangulia kuiusia nafsi yangu juu ya jambo hili adhiimu.

Na kisha tuzingatie kwamba, leo ni Mwezi 15 Shaaban. Tumeshapindukia katika nusu ya pili ya Mwezi wa Shaaban. Tunaukabili Mwezi wa Ramadhan.

Tukijiangalia baina ya Ramadhan iliyopita na hii ambayo inakuja kesho kutwa. Hakuna yaliyoko baina yake ila ni Madhambi. Madhambi na Madhambi. Akijiangalia Mtu yale ambayo ameyatanguliza mbele ya Mwenyezi Mungu Jalla wa 'Alaa, miongoni mwa mambo ya kheri, basi wallaahi atajikuta sifuri.

Lakini akaangalia upande wa mambo ya shari. Atajikuta Mtu kazini mara kadhaa, kadhulumu mara kadhaa, kaiba mara kadhaa, kasema uongo mara kadhaa, kagombanisha Watu mara kadhaa, na kafanya mambo ya ajabu ajabu mengi.

Halafu Mtu huyu huyu anamtarajia Mwenyezi Mungu Jalla wa 'Alaa amfutie Dhambi hizi.

Sasa, tunatakiwa sisi wale wenye akili wazingatie kwamba Mwenyezi Mungu *Subhanahu wa Ta'ala* ana nyakati *Nafahaat*. Ambazo kwamba ameziweka kwa ajili ya sisi Waumini tusamehewe mijiDhambi Dhambi yetu mikubwa tuliyoifanya.

Miongoni mwa nyakati hizi ni Mwezi Mtukufu wa Ramadhan. Lakini Mwezi wa Ramadhan tuingie kiIbada, tusingie ki'aada. ***Hunaaka Farqun Kabiirun Bayn al 'Aada wa Al 'ibaadah***, kuna tofauti kubwa sana baina ya 'aada na Ibada.

'Aada ni Mtu mambo kayazoea kuyafanya. Ndivyo, anafanya hivyo, si hivyo, anafanya hivyo. Karithi kwa wazee wake pengine, kakuta huko wanafanya. Pengine anawaiga Wazungu, na pengine yeye mambo ya 'aada yake anafanya yale kazoea vile.

Ibada Ndugu zangu haiko hivyo, Ibada ni kila lile ambalo kwamba, ***Shara'ahu Allahu 'Alaynaa***, kila lile ambalo Mwenyezi Mungu ameliweka sheria kwetu, hilo ndilo Ibada. Ukiingia katika Ramadhan kama ni Ibada utafanikiwa. Na ukiingia katika Ramadhan kama ni aada, kama tufanyavyo wengi katika sisi, utafeli.

Dalili ya kufeli katika Ramadhan na kufanikiwa ni nyepesi mno.

Na kila mmoja ataiangalia katika nafsi yake mwenyewe, jiangalie baina ya Ramadhan iliyopita na Ramadhan hii umetengemaa kiasi gani? Mengi yepi ya kheri uliyoyatanguliza; na yepi mabaya ambayo umeyafanya?

Pima baina ya haya mawili, ukiona mambo mengi ni mabaya, jua wewe ulifeli katika kipindi hiki mwaka mzima.

Na ndiyo maana Ramadhan inapokuja, tuna amali nyingi mbaya mbaya tunazifanya. Lakini katika Ramadhan tukiingia zile amali tunaziweka *pending*, tuna *pause*, tunaziacha kwanza ili tuingie katika Ramadhan. Tunakuwa ni Watu wazuri.

Lakini **Mubaasharatan** baada ya Ramadhan, **Na'uudu**, tunarudi katika maasi yetu yaleyale. Waliokuwa wakilewa wanalewa, wenye Wanawake zao vimada wanarudiana, wenye kuuza utupu wanauza utupu, wenye kuwaasi waume zao, wana waasi waume zao, wenye kuWatupa Watoto wao, wanaWatupa Watoto wao, na wale washirikina wanarudi katika ushirikina wao.

Ina maana Ramadhan haijamsaidia Mtu kitu. Hapa ni pahala pa kuzingatia.

Ndiyo maana wema waliopita walikuwa kila inavyokaribia Ramadhan wanajifunga kweli kweli, kwa sababu kuna mambo makubwa Mtu anataka ayapate. Mambo ambayo kwamba huwezi kuyapata ukiingia kiwepesi wepesi, hata Siku moja.

Hapo mbele kesho kutwa kuna matangazo makubwa yanatoka kwa Mwenyezi Mungu. Sisi leo tumezoea ikiwa Rais anaacha Watu huru, kwa mfano Siku ya Uhuru. Anawaachia wafungwa huru kunakuwa na sherehe kunakuwa na matangazo Watu wanaacha kazi zao.

Kunakuwa na sherehe kubwa inafanyika, kwa kuwa kuna baadhi ya wafungwa wamechaguliwa wenye sifa fulani fulani wanatolewa Siku ile. Sherehe kubwa sana.

Kuna sherehe, tuko Uwanja wa Taifa, tunazindua kampeni labda ya chanjo ya malaria au labda kampeni ya kura. Watu wanashughulika nchi nzima kuna uzinduzi wa kampeni fulani.

Ndugu zangu, hivi kuna uzinduzi mkubwa kuliko uzinduzi wa kufungwa mlango wa motoni? Hivi kuna uzinduzi mkubwa kuliko uzinduzi wa kufunguliwa mlango wa Peponi? Ukaachwa wazi kila atakaye na aingie.

Hivi kuna uzinduzi mkubwa kuliko uzinduzi wa kufungwa shetani asiwapoteze Waumini? Shetani ambaye ameapa kwa Mwenyezi Mungu Mimi nitawapotosha. Lakini Iblis akamwambia Mwenyezi Mungu,

(إِلَّا عِبَادَكَ مِنْهُمُ الْمُخْلَصِينَ)

Illa AAibadaka minhumu almukhlaseen (Surat Al Hijr 15:40)

Isipokuwa waja wako Waliochaguliwa miongoni mwao, akasema yeye Ibilisi hawa Uliowachagua basi mimi siwawezi.

Ramadhan kila mmoja anakuwa na kinga maalumu, Mungu anampa, Shetani hamuwezi. Kuna uzinduzi mkubwa zaidi ya huu?

Kuna uzinduzi mkubwa zaidi ya kwamba, **Walillaahi A'utaqaau Fii Kulli Laylah**, kila Siku Mwenyezi Mungu anaacha Watu huru kutokana na moto. Tokeni waja wangu, tokeni waja wangu, tokeni motoni. Na geti la Pepo linakuwa wazi Watu ili waingie.

Na shetani ambaye kaapa

﴿ثُمَّ لَا تَأْتِيهِمْ مِّنْ بَيْنِ أَيْدِيهِمْ وَمِنْ خَلْفِهِمْ وَعَنْ أَيْمَانِهِمْ وَعَنْ شَمَائِلِهِمْ وَلَا تَجِدُ أَكْثَرَهُمْ شَاكِرِينَ﴾

Thumma Laatiyannahum min Bayni Aydeehim Wamin Khalfihim waAAan Aymanihim waAAan Shama-ilihim wala Tajidu Aktharahum Shakireen(Surat Al Aaraf 7:17)

Kisha nitakuja kwao wao kupitia kwa mbele yao, Yuma yao kushoto kwao na kulia kwao na utawakuta wengi wa ka si wenye shukurani.

Hivyo Shaytani ameahidi kua nitawaendea kila njia, nitawapoteza Mimi, lakini katika kipindi hiki Shetani kafungwa na *Allah Subhanah wa Ta'ala* kwa ajili yetu. Ndugu zangu kuna uzinduzi mkubwa zaidi ya huu?

Ndiyo maana Ramadhan yataka kitu kinachoitwa, **Al-Isti'daad** na Khutbah yetu ya leo inazungumzia, **Kayfa Nasta'iddu Linastaqbil Shahri Ramadhan**, vipi tujitayarishe tupate kuingia katika Ramadhan ili tuweze kupata manufaa ya Ramadhan.

Katika mambo ya kidunia tu, kwa mfano mambo ya mpira, na kuna ligi. Basi wachezaji kama hawakufanya matayarisho, wakati wa kambini wakapewa chakula wakatatunza wakapewa kile walichokitaka wakapumzika vizuri wanatayarishwa kwa sababu kuna ligi.

Pengine kuna champions league au pengine kuna sijui ligi gani, sasa wanatakiwa wawe *physically fit* kwelikweli wanawekwa kambini kwanza. Na wengine wanasafirisha kamwe njeya nchi ili wakakae mahali wajifungie, kwa sababu kunakuja game kubwa labda pengine fainali.

Sasa kila jambo likiwa kubwa, lahitaji matayarisho makubwa. matayarisho ya kombe la Dar es Salam, sio matayarisho ya kombe la Tanzania. Matayarisho ya kombe la Tanzania, siyo matayarisho ya kombe la East Africa. Matayarisho ya East African Cup, siyo matayarisho ya African Cup of Nations. Matayarisho ya African Cup of Nations, siyo matayarisho ya European Cup, na siyo matayarisho ya World Cup, na siyo matayarisho ya World Club Cup, ni tofauti.

Kwa sababu kila yaliyopatikana yanapokuwa makubwa, *Matlaba* yakiwa makubwa, yatakiwa juhudi iwe kubwa. Na ndiyo maana matayarisho ya Mtoto anayesoma darasa la pili; siyo matayarisho ya anayefanya mtihani wa *Standard Seven*, tofauti.

Standard seven anapelekwa *camp*, ili akakae kule.

Na matayarisho ya Mtoto anayefanya mtihani wa *Form Four* au *Form six*, siyo matayarisho ya *standard 7*, hapana. Anahama kwao kabisa na anahamia sehemu maalumu, anafanya matayarisho na kadhalika, halummajaara.

Hivi Ndugu zangu, ***Qul Bi Allaahi***, kuna kitu kikubwa kuliko Pepo, kuna kitu kikubwa katika Dunia hii kuliko Pepo ya Mwenyezi Mungu? Hakuna. Yale yote, unayoyaona utayaacha na hayana maana yoyote. Yote katika Dunia hii utayaacha na hayatakuwana faida yoyote isipokuwa Pepo. Na Pepo ni ***Sil'atu Rahmaan***. Pepo ni bidhaa ya Mwenyezi Mungu.

Na unaambiwa hivi, ***Alaa Inna Sil'ata Rahmaani Ghaaliya***, tambua kwamba hakika bidhaa ya Mwenyezi Mungu ni ghali. Usitarajie basi uendee mambo yako wewe halafu unakuja hapa mbele umepita Watu wanasalihalafu unasema utakwenda Peponi.

Pepo ipi utakwenda kwa mtindo wa namna hiyo.

Akasema ujifunge, Masahaba *Radhi Allahu Anhum* walielewa haya wakatoa vyao, akatoa kila kitu katika Nyumbani kwake mtu. Anaitaka Pepo.

Akatoa mali yake mtu, hakutosheka, akatoka mwenyewe akaenda vitani. Wengine wanakatwa mikono wengine wamekatwa miguu, wengine wamechanwa katika tumbo, machango yako nje kabisa, wengine wamekatwa pua mpaka Mtume akawaunganisha. Wengine wametobolewa macho, wanatafuta bidhaa ya Mwenyezi Mungu ambayo ni ghali.

Kayfa Mimi na wewe tunaingia hivi hivi, kimchezo mchezo tu hivi yaani.

Yaani wewe kwako Ramadhan sawa, Shawwal sawa, Sha'aban sawa, hakuna mabadiliko yoyote, kama kwamba sio Mwezi ambao Mwenyezi Mungu ametwambia wazi kabisa,

(وَإِذَا سَأَلَكَ عِبَادِي عَنِّي فَإِنِّي قَرِيبٌ ۖ أُجِيبُ دَعْوَةَ الدَّاعِ إِذَا دَعَانِ ۚ فَلْيَسْتَجِيبُوا لِي وَلْيُؤْمِنُوا بِي لَعَلَّهُمْ يَرْشُدُونَ)

Wa-idha Saalaka AAibadee AAannee Fa-innee Qareebun Ujeebu DaAAawata addaAAi Idha daAAani Falyastajeeboo Lee Walyu'minoo Bi LaAAallahum Yarshudoon.(Surat Al Baqara 2:186)

Tafsir: Na Watakapokuuliza Waja wangu Juu yangu, basi waambie kua mimi niko karibu Najibu maombi ya Muombaji anaponiomba, hivyo wacha wanitii na kuniamini ili wapate kuogoka.

Aya hii ni aya ya Dua. Lakini Mwenyezi Mungu kwa makusudi mazima ameiingiza katikati ya aya za Saumu. Kutuonyesha kwamba, sasa Mimi nakuwa karibu zaidi na nyinyi kuliko mnavyodhanja.

Ndugu zangu, Ramadhan inataka matayarisho, kwa sababu hakuna kitu kikubwa ambacho Muislamu anaweza kukipata kuliko Ramadhan, hakuna. Chengine chochote anaweza akakipata na kikaondoka.

Miongoni mwa matayarisho ya Ramadhan, tuseme machache Watu wapate kuyakamata wasiyasahau.

Jambo la kwanza Ndugu zangu katika matayarisho ya Ramadhan ni kuomba Dua, Mwenyezi Mungu atufikishe Ramadhan.

Allahumma Ballighna Ramadhan, hii ndiyo Dua ya kuomba. Kwa nini? Kwa sababu Mwenyezi Mungu katika kazi zake hajachukua likizo, ***Malakul Al Mawti*** hajapumzika yupo ***Malakul Al Mawti*** kuanzia leo Mwezi 15 mpaka Mwezi 29 au 30 kuna Watu wengi hapa tutaondoka, *who knows*, nani anajua? Pengine ni Mimi, pengine ni wewe. Pengine ni yule.

Hapa wataondoka Watu wengi, Kisutu i wazi ile, makaburi yanachimbwa, sanda zinauzwa, majeneza yapo, usijipe tamaa sana kwamba Mimi nitafika. Au Mimi tafanya kadhaa, tafika, kakwambia nani? Lazima umuombe Mwenyezi Mungu, hakuna kitu kikubwa kama Dua.

Al-Imam Ahmad Ibn Hanbal Rahimahullaah, aliulizwa na Mwanawe Abdallah, yaa abatii, ewe Baba yangu, hebu niambie kitu gani kikubwa Mimi nifanye.

Akamwambia muombe Mwenyezi Mungu, na utie nia njema. Unakuwa ndani ya Ibada, tangu unaomba mpaka jambo unalipata, fanya hivi Abdallah ninakuusia. Maneno haya anamwambia Mwanae, akiwa Anamuusia.

Muombe Mwenyezi Mungu na utie nia njema. Kwa sababu, ***Ma Damu Mutanawwaita,*** utakapokuwa muda umetia nia umo ndani tayari, ya kitendo kile.

Jambo la kwanza Ndugu zangu ni Dua. Na tutambue kwamba kuna kipindi kirefu sana kuanzia leo mpaka Ramadhan. Kipindi kirefu sana. Hatutafika sote jamani, na wengi tutaondoka huku.

Lakini ukiwa Mwenyezi Mungu umemuomba, basi tayari umeshaonyesha udhaifu wako kwake, kwamba Mimi kweli nina tamaa ya kufika Ramadhan.

Lakini ***Kullu Amrin, "Inna Salatii Wa Nusukii wa Mahyaaya"***, Ibada zangu zote na uhai wangu, ***"Wamamaatii"***, nakufa kwangu, ni kwako Mwenyezi Mungu.

Allahumma Ballighnaa Ramadhan, hivi inatakiwa Mtu mara kwa mara aombe.

Salaf swaalih, al-Imam Ma'adh alikuwa anasema, kwamba salaf swaalih walikuwa miezi sita kabla, wakimuomba Mwenyezi Mungu. Ewe Mwenyezi Mungu tufikishe Ramadhan. Akili yao yote iko katika Ramadhan, kwa sababu anajua Ramadhan nikifanikiwa Siku moja tu Mungu akinikubalia, Basi mimi ni ***Minal faaiziin***.

Kwa hiyo, Dua zao nyingi zilikuwa tufikishe Ramadhan ya Allah, yaa Allah.

Hii ni nukta ya kwanza. Kila dakika muombe Mwenyezi Mungu atufikishe Ramadhan.

Na katika mambo ya Watu wa Peponi, watakapokaa. Mwenyezi Mungu anasema katika Qur-an,

﴿وَأَقْبِلَ بَعْضُهُمْ عَلَى بَعْضٍ يَتَسَاءَلُونَ﴾

Waaqbala baAAdhuhum AAala baAAdhin Yatasaaloon (Surat Tur 52:25)

Watakuwa Watu wa Peponi Wamekaa Wanazungumza, Mimi nimefanya kitu kadhaa. Mambo watakayosema yaliyowafadhilisha,

﴿إِنَّا كُنَّا مِنْ قَبْلُ نَدْعُوهُ إِنَّهُ هُوَ الْبَرُّ الرَّحِيمُ﴾

Inna kunna min Qablu nadAAoohu innahu huwa albarru arraheem (Surat Tur 52:28)

"Hakika sisi kabla tulikuwa tunamuomba yeye (Allah) Kwani kwa hakika yeye ni Mpole mwenye wingi wa Ukarimu na ni mwingi wa Rehma.

Angalia kama kwamba anakuonesha tofauti yao na Watu wa motoni, wao walikuwa hawaombi, siye tunaomba Mungu, ***"Innaa kunnaa Min Qabli Nad-'uuhu"***, sisi tulikuwa tunamuomba Mungu, yaani kana kwamba anakwambia lile jambo ambalo tulilifanya kubwa ambalo wenzetu hawakuwa nalo ni hili la kuomba Mungu.

(فَمَنْ اللَّهُ عَلَيْنَا وَوَقَّانَا عَذَابَ السَّمُومِ)

Famanna Allahu AAalayna wawaqana AAathaba al Samoom (Surat Tur 52:27)

Mwenyezi Mungu akatupa neema zake, na akatuokoa na adhabu zake.
Tulikuwa Tunamuomba. Haya ni mazungumzo ya Watu wa Peponi.

Idhan, ash-shay ul awwal, ad-du'aa.

Ath-Thaanii, Al-Ahibbaa, An Niyyah, jambo la pili Ndugu zangu la kumuomba Mwenyezi Mungu, la kufanya, yaani matayarisho, nukta ya pili ni Mtu kutia nia kuanzia sasa, ***An Niyyatusw Saalihah,*** nia njema.

Tangu sasa upange mipango mingi, kwamba Ramadhan ikiingia safari hii, nitajitahidi nifutarishe Watu watatu, basi. Usitake Watu 300, wala 3,000, au 30, sema watatu tu, nikipata uwezo nitazidisha, lakini sema watatu.

Na huko kufutarisha, siyo jambo la matajiri kama wanavyodhani Watu wengine, hapana. Kumfutarisha Mtu ni kumpa kitu cha kufungua kinywa, basi.

Tia nia hii. Tia nia Mwenyezi Mungu Jalla wa 'Alaa, kama Ramadhan ya safari hii nItafika, nataka nisome Qur-an, nikhitimishe labda mara 7.

Mara 7 nataka nisome Qur-an, kila Siku nikhitimishe, au mara nane, au kama Mtu wa kazi mambo yako mengi, walau mara 3, kila Siku 10 umemaliza. Walau mara 3, tia nia hii.

Tia nia Mwenyezi Mungu Jalla wa 'Alaa, kuna madaaris katika misikiti chungu nzima, Mimi In-shaa Allah , ***Min Awwali Ramadhan,*** mwanzo kabisa, Mimi nataka Ramadhan yangu niitumie nikiwa chini Msikitini, nimekaa nasikiliza maneno ya Mwenyezi Mungu tafsiri yake, au mihadhara au kama hivi mambo ya Busati.

Nasikiliza ***Fawaaid*** zinazotoka katika maulamaa za kueleza mambo ya kheri, nikikaa pale Mimi, nafungika na kusenganya, nakuwa simsemi mtu, nakuwa na mambo sijui vikao vya ajabu ajabu simo, Macho yangu yanahifadhika, nakuwa Saumu yangu nimeisitiri mpaka napomaliza. Tia nia hii.

Tia nia Ramadhan hii Mwenyezi Mungu Mimi nakusudia kumfanyia wema mzee wangu. Kila analolitaka kwa Mwezi huu Mimi, pigaua nitampa mzee wangu nitamuenzi hivi Ramadhan.

Tia nia njema, Mwenyezi Mungu nataka kuondoa *shahnaa* na matatizo baina yangu na mke wangu. Ramadhan hii Mwenyezi Mungu nakuomba unirudie kwa hili, natia nia Mwenyezi Mungu unijaalie unipe uwezo wa kutengeneza pale nilipoharibu.

Tia nia, na nia za kheri ziko nyingi. ***An Nawaaya Kathiir***, nia za kheri ziko nyingi mno, na hazielezeki katika Khutbah moja.

Ndiyo maana, wenye kujua wakasema kwamba, ***An Niyyah au An Nawaaya Tijaaratul 'Ulamaa***, Nia, ***Ta-A'addud Nawaaya***, kuwa na nia nyingi katika Ramadhan na katika mambo ya kheri, ***Tijaaratul 'Ulamaa***, hii ni Biashara ya Wanazuoni.

Maana Watu wengine hawajui maskini hii ni Biashara ya Wanazuoni. Na uzuri ni kwamba katika Ramadhan ukifanya jambo moja la Sunnah ni kama la fardhi.

Ukifanya fardhi inakwenda mara kumi, na inakwenda mpaka mara mia saba. Na inakwenda mpaka pahala ambapo panakuwa ni *infinite*, yaani hakuna mwisho na wala hakuna ajuaye.

Na Mungu kwa kulijua hili akatwambia, ***"As-Saumulii wa anaa ajzi bihi"***, hii Saumu ni yangu, nyamazeni, Saumu ni yangu na Mimi nitalipa Mimi mwenyewe.

Na ukitia nia Ndugu yangu, kuna mambo mawili, nia ile kuitekeleza jambo lile ukalifanya, ukasema Mimi Ramadhan hii kila Siku nitatoa 10,000/-. Ifikapo mwisho wa Ramadhan nitakuwa nimetoa Tsh. 300,000/-; naitoa hiyo, potelea pote, hiyo ndio nia yangu Mimi. Kila Siku nitatoa Tsh. 10,000/-. Tia nia hiyo.

Katika nia kuna mawili, kuna kuweza kutekeleza na kuna kushindwa. Ukiweza kutekeleza *fabihaa wa ni'ma*. Mwenyezi Mungu atakulipa mara 10 katika Mwezi wa kawaida, sikwambii Ramadhan.

(مَنْ جَاءَ بِالْحَسَنَةِ فَلَهُ عَشْرُ أَمْثَالِهَا^ط وَمَنْ جَاءَ بِالسَّيِّئَةِ فَلَا يُجْزَى إِلَّا
مِثْلَهَا وَهُمْ لَا يُظْلَمُونَ)

Man Jaa Bilhasanati Falahu AAashru Amthaliha Waman Jaa Bissayyi-ati Fala Yujza Illa Mithlaha Wahum la Yudhlamoon(Surat Al Anaam 6:160)

Mungu anasema, ajae na Jema moja, namlipa mara kumi.

Na Ndugu yangu utambue kwamba, ukishindwa kutekeleza ukapata Siku leo umepata 2,000/-. Wallaahi sijapata chochote katika Biashara yangu, na nashindwa kutoa, Mungu anakulipa kabisa.

Rasul Allah Salallahu 'Alayhi wa Salama anasema kwamba, anayenuia kheri, Mungu anamlipa kabisa kabla hakufanya. Ukitia nia tu, ule **Mujarrad** wa nia, tayari unaanza kuandikiwa thawabu kama ushafanya.

Ukija ukifanya unalipwa mara ziada, yaani **Mujarrad** wa nia tu. Kwamba Mimi jambo hili nalikusudia safari hii kulifanya. Tatafuta mayatima watatu au wanne Mwezi huu, Mimi nitawanunulia kila kitu cha Sikukuu, In-shaa Allah.

Ukiweza hivi, MaashaAllah umefanikiwa, ukishindwa ushaandikiwa kule; lakini ni lazima uwe mkweli.

Mwenyezi Mungu anaona katika moyo wako, usiwe Mtu wa kupata shilingi elfu mbili ukajifanya Mimi nitatoa shilingi 20,000/- kila Siku, unamdanganya nani?

Fanya jambo ambalo Mungu anakuona kwamba hili unaliweza, na umelitilia nia kweli kweli hapo utalipwa katika kila nukta mpaka Ramadhan inamalizika.

Na ikitokezea umetia nia ya kusoma Qur-an misahafu mara thelathini, kuwatazama wagonjwa wanne, kutoa elfu kumi kumi Mwezi mzima, kufanya kitu kadhaa; na ukafa kabla ya muda ule, unalipwa kama umefanya.

Na huu ndio uzuri wa Uislamu. Uislamu uzuri wake ni kwamba, *it's a win-win situation, there is no loose*, ni Biashara ya kufaidika, hakuna kukosa. Ukitia nia kwa Mungu kweli kweli khasa. Wewe ni Mtu wa kupata, hakuna kukosa hata Siku moja.

Ndugu Waislamu, nakuusieni tena katika kumcha Mwenyezi Mungu kama ambavyo natusia nafsi yangu juu ya jambo hili.

Ndugu zangu, **Laysa Baynanaa Wabayna Ramadhan Illaa Ayyaaman Qaliil. Walaka Annahuu Laysa Baynanaa Wabayna Ramadhan Maadhiyaa Illa 'Ashiyyatan au Dhuhahaa.**

Umri unavyokwenda, nyakati zinavyopinduka Siku zinakatika kana kwamba Ramadhan ya mwaka jana na mwaka huu ni kama kufumba na kufumbua. Hili kila mmoja analijua na wala halina haja ya kutoa ushahidi.

Khudh fatratan, chukua kipindi kidogo tu Ndugu yangu, wafikirie nduguzo ambao ulikuwa nao mwaka jana, kazini, mtaani, na Msikitini . Waliokufa ni wangapi, tumewazika hapa hapa wangapi. Wafikirie tu.

Wafikirie ni wangapi Mwenyezi Mungu amewaandikia kuondoka mwaka huu, baina ya Ramadhan iliyopita na Ramadhan ya mwaka huu. Wangapi wameondoka, ni wengi mno, hawana idadi.

Ukishalijua hili sasa, rudi kwa Mwenyezi Mungu. ***Alhamdu Lillahi Alladhii Ahyaanii Ba'da Maa Amaatanii***, mshukuru Mwenyezi Mungu kwa Dua tofauti miongoni mwao ni kama hii. Mshukuru Aliyekupa umri mpaka leo, bado upo. Wengi wameshatangulia, tumewazika, ni wengi hawana idadi.

Hichi kitendo cha Mwenyezi Mungu kutupa uhai Ramadhan iliyopita mpaka Ramadhan hii, ni jambo kubwa mno kiasi ambalo kwamba halina mfano wake. Nitatoa mfano mmoja ili Watu waweze kuelewa ile *privilege*, ile faida kubwa Mungu aliyotupa sisi kuweza kuishi mpaka leo.

Imekuja Hadith ya Imam Ahmad bin Hanbal katika Musnad yake, Hadith nambari 14,331, Al-Imam Ibn Hibbaan, *Fii Sahiihihi*, nambari 409, Al-Imam Tabraniy fii *Mu'jamil Kabiir*, nambari 2,028, Al-Imam Bayhaqiy Fi Sunan Al Kubra nambari 17,680.

Nataja haya makusudi, kwa sababu, hii ni Hadith kila mmoja aondoke nayo. Ajue Hadith hii ni Sahih. Hata Sheikh Albaaniy naye vilevile kaisahihisha, kwa wale ambao waambiwe kuhusiana na Mtizamo wa Albani ndio waamini basi, *Sahhahahul Albaaniy*, hii pia kaisahihisha, kwa wale ambao mpaka waambiwe hivyo.

Hadith hii inaelezea haya tunayoyasema sisi hapa, kwamba, unatakiwa kumshukuru Mungu sana, katika kipindi hichi. Kwa kujua, Mungu kanipendelea Mimi kunipa uhai mpaka leo.

Kulikuwa na Masahaba watatu waliokuja kwa *Rasul Allah Salallahu 'Alayhi wa Salama* kusilimu wakati huo. Baada ya kusilimu Masahaba hawa, anahadithia Abdallah ibn Shaddaad, walikuja Watu watatu kwa *Rasul Allah Salallahu A'alayhi wa Salama* kuja kusilimu, wametoka mbali.

Watu hawa baadaya kusilimu, *Rasul Allah Salallahu A'alayhi wa Salama* akawaambia Masahaba, jamani nyie hawa ni wageni, nani atawachukua akae nao. Wamekuja pale Madinah kwa Mtume wa Mwenyezi Mungu.

Talha Ibn Ubaydillaah *Radhi Allahu 'Anhu*, ambaye ni mmoja kati ya Watu ambao kwamba wamebashiriwa Pepo na Mtume wa Mwenyezi Mungu. Hili mlifahamu kwanza, *Raawil hadiith*, Talha ibn Ubaydillaah, ***Ahadun Minal Mubash-Shiriina Bil Jannah***, ni mmoja katika Watu ambao wamebashiriwa kuingia Peponi.

Anahadithia Talha Ibn Ubayd Allah *Radhi Allahu 'Anhu*, kwamba Watu hawa walipokuja, Mimi nikawachukua Nyumbani kwangu. Baada ya muda, *Rasul Allah Salallahu A'alayhi wa Salama* akatangaza Jihad. Mmoja katika Watu wale akasema Mimi nakwenda katika Jihad.

Akaenda, kwa bahati, ***Istush-hida***, akauwawa, akafa. Baada ya kipindi kichache haijafika mwaka, yule wa pili miongoni mwa watatu wale, naye vilevile akaenda katika Jihad ya mara ya pili, akafa vilevile, kauawa.

Akabakia mmoja, huyu mmoja aliyebakia, anasema Talha *Radhi Allahu 'Anhu*, akaumwa akapata maradhi akafariki kitandani kwake. Tukamzika.

Talha anasema, alipofariki, Mimi nikaota Usiku nimelala, kwamba wale Watu watatu wako Peponi. Lakini mwanzo kabisa yuko yule ambaye kafa kitandani. Talha *Radhi Allahu 'Anhu* anasema, hili likanishughulisha sana. Kwa sababu Mimi najua anayekufa katika Jihad, ndiye anayekwenda katika Pepo ya juu kabisa, najua hivyo.

Lakini nashangaa wale wawili waliokufa katika Jihad, wako daraja ya chini, na yule aliyekufa kitandani yuko mbele.

Nikashangaa sana Mimi. Likanishughulisha hili, nikawaambia wenzangu sala hili, wakasema hili muhadhithie Mtume *Salallahu 'Alayhi Wa Salama*, nenda kamwambie Rasul Allah.

Nikaenda nikamwambia, *Yaa Rasuul Allah*, nimeota wale Mabwana watatu waliokuwa Nyumbani kwangu wamefariki, lakini wale wawili ambao walikufa katika Jihad nimeona wako nyuma Peponi, yule aliyekufa kitandani yuko mbele, sasa Mimi ninashangaa.

Mtume akamuuliza, ni nini kinakushughulisha? Talha *Radhi Allahu 'Anhu* akasema, nashangaa Watu wa Jihad, ndiyo Watu wa mbele, lakini wako nyuma ya yule aliyekufa kitandani.

Rasul Allah Salallahu 'Alayhi wa Salama akamwambia, je, yule ambaye alikufa Kitandani si aliishi Mwaka mmoja baada ya kufariki wenzake. Si alipata mwaka Mzima kuishi yaani kama sisi tumeishi Ramadhan ya Mwaka jana mpaka Mwaka huu, si aliishi Mwaka mzima?

Talha *Radhi Allahu 'Anhu* akasema, Naam.

Mtume tena akamuuliza, si alifunga Ramadhan moja ziada kuliko wale wengine? Talha *Radhi Allahu 'Anhu* akasema, Naam.

Rasul Allah Salallahu 'Alayhi wa Salama akasema, sasa unauliza nini?

Hadith inatufundisha nini? Kwamba Ramadhan ni kitu adhimu sana. Kiasi ambacho kwamba aliyefunga mwaka mmoja anawazidi mpaka waliofunga pamoja naye; lakini waliokufa katika Jihadi wanazidiwa kwa sababu ya huyu aliyepata mwaka mmoja wa ziada.

Je, Ndugu yangu, Mimi na wewe tumepata miaka mingapi ya Ramadhan? Achilia mbali Hadith ya Talha, Mimi na wewe tumepata miaka mingapi ya Ramadhan? Mbona tuko hivi hivi hatubadiliki? Ni kwa sababu hatuna matayarisho.

Matayarisho yetu sisi ni nini? Kununua unga wa kupika uji. Kununua vitunguu, kununua nazi, na kununua vitu vingine, ndiyo matayarisho yetu haya. Kana kwamba tumeambiwa katika Ramadhan, chakula kinatakiwa kiwe ni kizuri zaidi.

Ndugu zangu, tunatakiwa ***Al-isti'daad Ruhaaniyyah***, tujitayarishe kiroho ili kuipokea Ramadhan. Tuipokee kiroho na wala siyo kimwili.

Na kuna Watu anakwambia kabisa, sheikh Mimi wa Allaahi napenda kweli Ramadhan. Ukimuuliza ni kwa nini? Anakujibu, mambo ya Ramadhan ni mazuri mazuri Bwana.

Utashangaa, utafikiri labda kuna Busati la Mtoro, kuna Darsa, kuna Salati Taraawih na kuna Witri.

Lakini yeye anakwambia, 'Ah Ramadhan vyakula vinakuwa vizuri, ni vingi, yaani Maa-shaa Allah unakula mpaka unavimbiwa'.

Hivi wewe katika Ramadhan nzima, kinachokushugulisha, na unachokimiss ni hikii tu, basi. Kwamba vyakula viko vingi sana.

Sasa hizi Ndugu zangu ndizo akili zetu; tuipokee Ramadhan Ndugu zangu, kwa roho na sio kwa kiwiliwili.

Tujue kwamba, pengine hatutaipata Ramadhan nyingine, tutie nia kabisa. Mungu akituchukua tutakuwa katika waliofaulu.

WATU WA QUR-AN



Ndugu Waislamu, baada ya kumshukuru Mwenyezi Mungu Jalla wa 'Alaa, kutanguliza utangulizi huu kwenu.

Khutbah yetu ya leo itazungumzia umuhimu wa sisi Watu wa ummah huu kukubali *laqabu* yetu kukubali heshima yetu ambayo Mwenyezi Mungu ametupa ya kuwa miongoni mwa Watu wa Qur-an.

Al-Khutbatu Bi A'unwaan, Kun min Ahlil qur-aan.

Mwenyezi Mungu Jalla wa 'Alaa, ameiteremsha Qur-an kwa kuikhusisha katika wakati maalumu. Wakati wa Ramadhan. Akasema,

﴿شَهْرُ رَمَضَانَ الَّذِي أُنْزِلَ فِيهِ الْقُرْآنُ هُدًى لِّلنَّاسِ وَبَيِّنَاتٍ مِّنَ الْهُدَىٰ
وَالْفُرْقَانِ﴾

***Shahru Ramadhānal-Ladhī Unzila Fihil-Qur'ānu Hudan Linnāsi Wabayyinātin
Minal-Hudā wal-Furqān (Surat Al Baqara 2:185)***

Mwezi wa Ramadhani ndio ulioshushwa ndani yake Qur'an, muongozo kwa Watu na ubainisho wa muongozo na kigezo chaa baina ya Mema na Maovu

Khusuusiyya Qur-aan fii Ramadhan.

Kadhalika, Mwenyezi Mungu akauteua Ummah ambao ameukhusisha na hii Qur-an. Nyumati nyingine zina vitabu vyao kama tujuavyo. Kuna Taurat, Injili, Zabur na vinginevyo.

Na katika ummah huu, Mwenyezi Mungu subhaanahu wata'ala kwa hekima yake na kwa uchaguzi wake. Akawateua Watu miongoni mwetu ummah huu, akawafanya kwamba hawa ndio Watu wa Qur-an. Suala la kujiuliza, kwa nini Mimi na wewe tusiwe miongoni mwa Watu hawa?

Watu hawa wamezidi nini ambacho Mwenyezi Mungu kawazidishia, mpaka wakaweza kuwa miongoni mwa Watu wa Qur-an. Na Mimi na wewe tukashindwa.

Ni kwa nini? Pengine ni kwa kutokufahamu ule umuhimu mkubwa ambao unakuwepo ndani ya Qur-an. Au kwa kutokufahamu faida zinazopatikana kwa kuwa Mtu miongoni mwa Watu wa Qur-an. Au kwa kutokufahamu kwamba hii Qur-an ni kitabu kilicholetwa kwako wewe Muislamu.

Sasa, unapokuwa kinyume nacho na unapokuwa hujihusishi nacho. Unakuwa Mtu wa ajabu, ambaye umekataa risalah ya Mwenyezi Mungu aliyokutumia.

Katika *Al-Ankabuuti* Mwenyezi Mungu amesema hii Qur-an,

﴿بَلْ هُوَ آيَاتٌ بَيِّنَاتٌ فِي صُدُورِ الَّذِينَ أُوتُوا الْعِلْمَ وَمَا يَجْحَدُ بِآيَاتِنَا إِلَّا الظَّالِمُونَ﴾

Bal Huwa Ayatun Bayyinatun fee Sudoori Alladheena Otoo AlAAilma Wama Yajhadu Bi-Ayatina Illa Aldhdhalimoona (Surat al Anqabut 29:49)

Ni aya zilizokuwa wazi wazi.

Ziko wapi? ***"Fii Suduuri Alladhiina Uutul 'ilm"***, katika vifua vya wale waliopewa elimu.

Hii ni dalili kwamba, yule mwenye Qur-an, ndiye Mtu aliyepewa elimu.

Na zimekuja Hadith nyingi za kuonesha utukufu wa jambo hili. Na kumuamrisha Mtume wa Mwenyezi Mungu, *Salallahu 'Alayhi wa Salama* ajikite katika Qur-an.

Mojawapo ni,

﴿وَاتْلُ مَا أُوحِيَ إِلَيْكَ مِنْ كِتَابِ رَبِّكَ﴾

Watlu Ma Uuhiya ilayka Min Kitabi Rabbika (Surat Al Kaahf 18:27)

Muhammad soma, wasomee tulichokuteremshia katika Kitabu. Au aya ya kwanza kabisa,

﴿اقْرَأْ بِاسْمِ رَبِّكَ الَّذِي خَلَقَ﴾

"Iqra-a Biismi Rabbika Al Lladhii Khalaq"

Au aliposema Allah Subhaanahu wa Ta'ala,

﴿الرَّحْمَنُ ۝ عَلَّمَ الْقُرْآنَ ۝ خَلَقَ الْإِنْسَانَ﴾

Al Rahman, Aallama Al Qur'ana; Khalaka Al Insaani (Surat Al Rahman(55:1-3)

Arrahmaan, Huwa Allahu. 'Allamal Qur-aan, imetangulizwa kabla ya ***Khalaqa Al Insaan***.

Mwenyezi Mungu, ametangulia kuifundisha hii Qur-an kabla hakumuumba Mwanadamu . Vipi? Rudi katika tafsiri. Na hapo ndipo twafahamu kwamba, kiasi unachoweza kufahamu Qur-an, wewe bado hujaijua Qur-an.

Sasa, Khutbah yetu ni ya kuturaghibisha tuwe miongoni mwa Watu wa Qur-an.

Tutataja nukta na alama kiasi ya 10 mpaka 13 ili kila mmoja wetu aone kwa nukta hii Mimi ninaweza nikaingia kwa kupita mlango huu.

Nukta ya kwanza Ndugu zangu, ***Kun Min Ahl Al Qur-aan Linnajaati Minal Fitan, au Litakuuna Annaajiina Mina Al fitan.***

Jitahidi sana uwe miongoni mwa Watu wa Qur-an. Ili upate kuepukana na mitihani ya Dunia na akhera. Dunia ina mitihani mingi sana Ndugu zangu, hakuna asiyejua. Dunia hii ina mitihani mingi sana hakuna asiyejua.

Mitihani inianza mpaka Mtu kwa nafsi yake mwenyewe, anaposhindwa nafsi yake kuifanya vile anavyotaka yeye; anaposhindwa nafsi yake kui *control*. Mitihani inakwenda katika majumba yetu, tunaishi na wake zetu tunashindwa namna ya kuongoza vile tunavyotaka sisi.

Mitihani inakwenda mpaka kwa Watoto. Mwenyezi Mungu atwambia wazi kabisa,

﴿إِنَّمَا أَمْوَالُكُمْ وَأَوْلَادُكُمْ فِتْنَةٌ وَاللَّهُ عِنْدَهُ أَجْرٌ عَظِيمٌ﴾

Innama Amwalukum Waawladukum Fitnatun wa Allahu AAindahu Ajrun AAadheem (Surat At Taghabun 64: 15)

Hakika ya miongoni mwa Watoto wenu na Wake zenu kuna Mitihani. Bali mitihani katika Mali zetu, ***"Innamaa Amwaalukum wa Awlaadukum Fitnah"***, Mali zenu na Watoto wenu ni mtihani.

Mitihani katika kila namna, na katika kila jambo. Mitihani ya maradhi ya ajabu ya ajabu, ambayo ni mabaya mabaya. Mitihani ya ukame na mitihani ya fitina kila namna.

Kumbe kinachoweza kukutoa ndani ya mtihani ni Qur-an Tukufu.

Imekuja Hadith ya *Amiir ul Muuminiina, Sayyidina Ally Radhi Allahu 'Anhu*, anasema, ***"Amaa Innii Sami'tu Rasuulallaah Salallahu 'Alayhi wa Salama Yaquulu"***, anasema Ally, Mimi nimemsikia mjumbe wa Mwenyezi Mungu akisema, ***"Satakuunu Fitanut"***, kutakuja kuwa na mitihani.

Fitina chungu nzima, kila Siku vifo, huyu kagongwa na Pikipiki. Yule kagongwa na Gari. Huyu kaangukiwa na Nyumba. Yule kafunikwa katika mgodi, na huyu kafa katika kujifungua. Mitihani mingi sana.

Huyu kaharibika figo, huyu Moyo haufanyi kazi, na huyu kaziba mishipa.

"Satakuunu Fitanun", Rasul Allah Salallahu 'Alayhi wa Salama kasema, itakuwa mitihani mingi sana.

"Kaqita'I Llayli Mudhlimah", Mtume anatoa mfano, **"Kaqita'I Allayl",** kama kile kipande cha Usiku wa Giza kabisa. Kiasi ambacho kwamba, Mtu hawezi kuona anapoweka Mguu wake. Hiki ni Kiza cha juu kabisa. Ndiyo Mitihani Duniani itatanda, mpaka Mtu anababaishwa, hajui afanye nini.

Sayyidina Ally Radhi Allahu 'Anhu anasema, nikamuuliza Mtume wa Mwenyezi Mungu, **"Ya Rasuulallaah, Wamal Mukhriju Minhaa?"**

Sasa hii mitihani, Watu wafanye nini mpaka watoke, wasalimike na waokoke.

Mtume akajibu, **"Kitaabu Allahi Tabaaraka wa Ta'ala",** ni kwa kutumia kitabu cha Mwenyezi Mungu. Likutoshe hili Ndugu yangu, **"Kitaabu Allaahi Tabaaraka wa Ta'ala",** kitabu cha Mwenyezi Mungu, Rasul Allah Salallahu 'Alayhi wa Salama kasema.

Naam, **Fal Qur-aan Hablullaah,** Qur-an ndio kamba ya Mwenyezi Mungu, **Wanuurul Mubiin,** na ndio taa iliyokuwa ya wazi kabisa, **Wash-Shifaaun Naafi',** na ndiyo dawa yenye kuponya. **Wa'ismatun,** Qur-an ni kinga, **Liman Tamassaka Bihii,** kwa yule ambaye atashikamana nayo. **Wanajaatun,** na Qur-an ni kitu chenye kuokoa, **Limanittaba',** kwa yule ambaye ataifuata Qur-an.

Idhan, Kun Min Ahlil Qur-aan, uwe miongoni mwa Watu kama hawa, mitihani ya Dunia ikuepuke.

Nukta ya pili, **Limaadhaa An Takuuna Min Ahlil Qur-aan,** kwa nini uwe miongoni mwa Watu wa Qur-an. Kwa sababu ya kheri, **Bi Alkhayriyyati wa Albarakah,** kheri na baraka zilizomo ndani ya Qur-an.

Mtume Salallahu A'layhi wa Salam anasema, **"Khayrukum Man Ta-'allamal Qur-aana wa A'allahmah",** hakika mbora wenu sio mwenye majumba mengi, sio mwenye Watoto wengi, sio mwenye Wake wengi, sio mwenye namna yoyote ambayo unaijua wewe.

Lakini mbora wenu ni yule ambaye kwamba amefundishwa Qur-an na kisha naye akasimama kuifundisha Qur-an, huyo ndiye mbora.

Ndugu yangu, **Ta-ammal ya akhii, Haadhal Hadiith Qaalal Habiib al Mustwafaa Lisahaaba Al Kiraam Fursaanun Nahaar Wa Ruhbaanu Al Layl. Fakhayrum Wa Khayrunaa Alladhii Yata-'Aallamal Qur-aan.**

Masahaba *Radhi Allahu Anhum* ambao kwamba, walikuwa wanapigana vita mchana kutwa, na wameikomboa takribani Arabuni yote, wakafika mpaka sehemu ya Asia. Wanakwenda Masahaba, mchana kutwa wanapigana Jihad, wanaua na kuuwawa; Usiku wanasimama ***Qiyaamu Al Layl*** wanasali.

Bado Mtume *Salallahu Alayhi wa Salam* anawaambia, mbora wenu ni yule ambaye kajifundisha Qur-an na yeye akawafundisha wengine.

Sasa, wewe rudi kwako wewe, huna Jihadi na wala huna nini. Nini kinakushinda usisimame na Qur-an? Huna ***Qiyaamu Al Layl*** na wala huna **Tahajjud**, ambayo wakiswali wao.

Rasul Allah Salallahu 'Alayhi wa Salama anawaambia Watu ambao kwamba ni *rijaalun*. Wanaume kweli kweli, kina Abubakar, na Umar, Uthmaan, Ally, Sa'ad *Radhi Allahu Anhum*. Hao ni Watu, *Rijaalun* kweli kweli. ***Ulaaika As-Haabun Nabiyyi wa Hizbihii, Walulaa Humu Maa Kaana fil Ardhi Muslimuu.***

Hao ni Watu ambao walikuwa ni wanaume wa kwelikweli khasa. Mtu anaviziwa anapigwa panga anakatwa mkono, anatoa panga anaendelea mbele, harudi nyuma. Hawa wanaambiwa mbora wenu ni yule aliyejifundisha Qur-an, akawafundisha wengine.

Rudi katika nafsi yangu Mimi maskini na wewe. Tayyib. , hii ni nukta ya pili.

Nukta ya tatu Ndugu yangu ili upate kunyanyuliwa.

Imekuja katika Hadith nyingine, ***"Majtama-'a Qawmun Fii Baytin Min Buyuuti Allaah"***, hawakai Watu katika Nyumba miongoni mwa majumba ya Mwenyezi Mungu, ***"Yatluuna Kitaaba Allaah"***, wakaanza kusoma Qur-an. ***"Wa Yatadarasuunahu Fiihaa"***, na wakawa wanadurusu Qur-an ile.

Rasul Allah Salallahu 'Alayhi wa Salama anasema, ***"Ilaa Nazalat Lahumus Sakiinah"***, Mwenyezi Mungu anawashushia *sakiinah*.

Assakiinah, ni kitu ambacho ulimwengu mzima unakitafuta sasa hivi. Sasa hivi kila miji, na khasa Ulaya wamejaa madaktari wanaitwa *psychiatrists*, yaani madaktari ambao kwamba wana *deal* na afya ya akili.

Ulimwenguni kitu ambacho kimepotea sasa, ni *piece of mind*. *Assakiinah*, utulivu, kila mmoja *hairaan*, kachanganyikiwa mwenye nacho balaa, na asiyenacho balaa. Mwenye nacho hastarehe na alichokuwa nacho, anawaka, hajui anafanya nini. Asiyekuwa nacho, ndio hana, anahangaika afanye nini ili akipate.

Ulimwengu umekuwa *hairaan*. Nini cha kutuliza, ni ***Kitaabu Allaah***.

Idhan, Kun Min Ahl Al Qur-aan, kuwa miongoni mwa Watu wa Qur-an, ili upate ***Assakiinah***.

Nukta ya nne Ndugu zangu, ***Limaadha An Takuuna Min Ahl Al Qur-aan, Li Intisaab ul A'adhiim***, ni kwa kupata nasaba nzuri. Kwa kupata *generation* nzuri, kwa kupata ile *geology* nzuri ya kwenda mpaka kwa Mwenyezi Mungu.

Kwa nini? ***Fa Ahlu Al Aur-aan, Hum Ahlu Allaahi wa Khaa-sWatuhu***, kwa sababu, Watu wa Qur-an ni Watu wateule. Ni Watu ambao kwamba Mwenyezi Mungu amewateua na kuwanasibisha na yeye.

Rasul Allah Salallahu 'Alayhi wa Salama amesema, ***"Inna Lillaahi Ahli Mina Nnaasi"***, hakika Mwenyezi Mungu ana Watu katika Watu wake. ***"Qaalu"***, wakasema Masahaba, ***"Man Hum Yaa Rasuul Allah"***, ni nani Watu wa Mwenyezi Mungu hao unaowataja?

Rasul Allah Salallahu 'Alayhi wa Salama akasema, ***"Ahlu Al Qur-aan, Hum ahl Allahi Wakhaas-satuhu"***, Watu wa Qur-an ni Watu wa Mwenyezi Mungu.

Leo tuna vyama vya siasa, tunapenda tuvae mavazi fulani, rangi fulani hivi. Ili ukionekana vile unajulikana, unatafakhari Mimi chama changu fulani. Wengine wanavaa jezi za timu ya mpira hata kama inatangazwa pombe, yeye hajali, kwa sababu anatafakhari aonekane yule ni mpenzi wa timu fulani.

Ndugu yangu, ***Hunaaka Ahl Allah***, huko kuna Watu wa Mwenyezi Mungu.

Vaa majezi yako, vaa suti yako, vaa unachokitaka mwenyewe lakini ni bure bileshe.

Kuna Watu wa Mungu. Rasul Allah Salallahu 'Alayhi wa Salama kasema hawa ni Watu wa Mungu maalumu. ***Kun Min Ahl Al Qur-aan***, kuwa miongoni mwa Watu wa Qur-an, *litantasibu* ili upate kunasibika.

Na hii *narration*, upate ulo utungo wa kuingia katika Watu ambao Rasul Allah Salallahu 'Alayhi wa Salama amesema kwamba, hawa ni Watu wa Mwenyezi Mungu aliowachagua.

Nukta nyingine ya sita, *An Takuuna*, jitahidi sana uwe ***Min Ahlil Qur-aan, Li An Takuuna Maahiran Bil Qur-aan***, ili Qur-an utaposoma uwe ni ***maahir***.

Maahir ni Mtu ambaye kwamba ukimuanzia pahala katika Qur-an anatiririka, kama mtoto uliyempa ziwa katika kinywa chake. Ukimuanzia tu pahala, labda nenda katika tuseme al-Baqarah, popote pale ukimuanzia basi yeye anatiririka.

Nenda katika al-'Imraan, muanzie popote pale anataririka. Nenda katika An-'aam, nenda An Nisaa, nenda katika al-Anfaal, nenda katika Attawbah, al-A'raaf, wewe anza tu, yeye anataririka.

Kama wapenzi wa mpira. Wewe mtajie game ya juzi atakuambia kitu kadha kadha kadha. Game haikuchezwa kwa sababu timu hii imefanya kitu kadha, anajua kila kitu.

Basi wapo Watu wa Mwenyezi Mungu. Wapo Watu wa Mwenyezi Mungu. Mtajie fungua katika Al-Baqarah,

﴿وَاتَّبِعُوا مَا تَتْلُو الشَّيَاطِينُ عَلَىٰ مُلْكٍ سُلَيْمَانَ﴾

WattabaAAoo Ma Tatloo Ashshayateenu AAala Mulki Sulaymana (Surat Al Baqara 2:102) yeye hapo atataririka.

Ruka nenda labda katika Al-Maaidah mwambie, **"Al Yawma Akmaltu Lakum Diinakum"**, anataririka. Wewe nenda popote, anataririka tu, huwezi kuwa hivi mpaka uwe katika Watu wa Qur-an.

Rasul Allah Salallahu 'Alayhi wa Salama anasema, **"Al-Maahir Bi Al Qur-aan"**, yule ambaye kwamba Mtu wa kama hivi, Mtu wa Qur-an, **Al-Maahir bi Al Qur-aan Ma-'Assafatil Kiraam**, ile Cheo chake anakuwa ni kama cheo cha Malaika wenye kupeleka ujumbe wa Mwenyezi Mungu.

Subhaanallaah. Malaika.

Rasul Allah Salallahu 'Alayhi wa Salama anamfananisha Mwanadamu Mtu wa Qur-an, kama Malaika. Watumishi wa Mwenyezi Mungu.

Nini sifa ya Malaika: **"Laa Ya'suuna Allaha Maa Amarahum"**, Malaika hawamuasi Mwenyezi Mungu kwa lolote lile wanaloamrisha.

Maahir Bi Qur-aan anakuwa pamoja na Malaika cheo chake.

Walladhii Yaqra-a, na yule ambaye kwamba anasoma Qur-an, **Wayatata'ta' fihi**, na anakosea kosea, **Wahuwa A'alayhi Shaaqun Lahuu Ajraan**, na yeye vilevile anapata. **Kun Min Ahl Al Qur-aan**, kuwa miongoni mwa Watu wa Qur-an.

Kwa nini uwe katika Watu wa Qur-an? **Limaadha? Litakuuna Min Ahl ir Rifa'a Wash-sharaf Fi Ad Dun-yaa wa Al Akhirah**, ili Mwenyezi Mungu akunyanyue cheo Duniani na akhera. Mtu wa Qur-an hata kama kuna Watu wajinga wajinga wa Duniani watamdharau. Lakini ni bure bileshe.

Mwenyezi Mungu keshamnyanyua, **Aarri'atu Mina Allaah**, jambo la kunyanyua Watu ni la Mwenyezi Mungu mwenyewe. Si Mwanadamu hata Siku moja, Wanadamu hata wakuchukie vipi, kama Mungu kakunyanyua, uko juu tu.

Na Wanadamu hata wakupende vipi, kama Mungu kakuweka chini, uko chini tu.

Kwa hivyo, jitahidi kuwa **Min Ahl Al Qur-aan**, kwa sababu upate kuwa juu.

Rasul Allah Salallahu 'Alayhi wa Salama kasema katika Hadith Sahih, **"Inna Allaha"**, hakika ya Mwenyezi Mungu, **Yarfa'u Biha Dha Al Kitaabi Aqwaman**", Mwenyezi Mungu anawanyanyua kwa Kitabu hichi Watu juu kabisa.

"Wayadha'u Fiihi Aakhariina", na kuna wengine Mwenyezi Mungu anawaweka chini anawarudisha chini, kwa kutumia kitabu hichi. Ndiyo maana ile nembo ya safari hii ya mashindano ya Qur-an ya Mabara ikawa: *'Qur-an Ikunyanyue au Ikubwage'*. Ikunyanyue ukiishughulikia, na ikubwage ukiitupa.

Ndugu yangu, *Rasul Allah Salallahu A'alayhi wa Salama* amethibitisha kwamba, hata tunapofariki kabla hata ya kuzikwa, Mtu wa Qur-an yuko mbele wakati wa kuzikwa yuko mbele.

Ndiyo maana katika vita vya Uhud walipofariki Masahaba wengi, wakati wa kuzikwa *Rasul Allah Salallahu A'alayhi wa Salama* alikuwa anauliza Masahaba Jamani nyie, katika hawa ni nani miongoni mwao ambaye kahifadhi Qur-an sana.

Akiambiwa fulani yule pale. Anasema mtangulizeni mbele.

Kwa nini? Kwa sababu kahifadhi kitabu cha Mwenyezi Mungu. Sikwambii ule Uimamu mbali hapa Duniani mpaka Mtu akifa akhera. *Rasul Allah Salallahu 'Alayhi wa Salama* katika vita katika kuwazika Mashahidi alikuwa akimtanguliza yule ambaye kwamba amehifadhi Qur-an zaidi kuliko mwingine.

Kun Min Ahl Al Qur-aan, kuwa miongoni mwa Watu wa Qur-an.

Kwa nini ufanye hivi, **Litartafi' WataA'luu Fii Darajaat Al Jannah**, ili upate kufanikiwa na kwenda juu kabisa katika daraja za Peponi. Hata Peponi Ndugu zangu, atakayeingia Peponi ataweza kuwa juu au kuwa chini kwa sababu ya Qur-an tu.

Rasul Allah Salallahu 'Alayhi wa Salama anasema katika Hadith ya Abdallah Ibnu Amru Ibn Al 'Aas *Radhi Allahu Anhu*, amesema Mtume, **"Yuqaalu Lisaahibil Qur-aan, Iqra-a Warqa-'a, Warattil Kama Kunta Turattil Fi Ad Dun-yaa Fa-inna Manzilatoka I'in-da Aakhiri Aayatin Taqrauhaa"**, Hadith *Rawaahu* Tirmidhi.

Peponi ataambiwa mtu, Bwana we umefika eh haya kaa kitako hapa, sasa soma, *iqra-a warattil*, tena kusoma kwenyewe usome kwa tartiil. Hapa hakuna mambo ya kusukuma sukuma, kutafuna tafuna herufi, hapana kitu kama hicho.

Hapa watakiwa usome kwa **Tartiil**, kwa sababu ndiyo amri ya Mwenyezi Mungu. **"Warattilil Qur-aana Tartiila"**, Qur-an isome kwa sheria zake.

Kama anavyosema Al-Imam Al-'Allaamah Ibn Jazar, **Wal Akhdhu Bittajwiid Hatmun Lazimu, Man Lam Yujawwid ul Qur-aan Aadhimu, Liannahuu Bihii Ilaahu Anzala, Wahaa Kadhaa Minhu Ilayna Wasala, wa Huwa Aidha Hilyatut Tilaawah, Waziinat ul aAdaai Qiraa-ah, Wa Huwa I'twaau Huruufi Haqqahaa, Min Sifatin Lahaa Wa Mustahaqqahaa.**

Siyo kuja kupiga kelele, hapana, unaweza ukawa unapiga kelele Qur-an ukawa unakufuru. Badala ya kupata thawabu ukapata dhambi. Qur-an ina haki zake, lazima ujue wapi pana **Madda** na hiyo **Madda** ni **Madda** gani, na inavutwa *haraka* ngapi.

Je, hiyo **Maddu Jaaiz, Maddul Laazim, Maddul Wasl**, ni *madda* gani? Na **Harkah** zake ni ngapi? Ni sheria maalumu ukikata hili unaweza kujikuta unadhanja unasoma kumbe unakufuru unapata Dhambi kwa sababu hujui namna ya usomaji.

Ndiyo maana Mwenyezi Mungu akatwambia wazi kabisa, **"Warattil Al Qur-ana Tartiila"**.

Ndugu Waislamu nakuusieni tena kumcha Mwenyezi Mungu kama ambavyo nimetangulia kuiusia nafsi yangu ya jambo hili adhiimu.

Kun Min Ahl Al Qur-aan, Li-asbaabi Shattaa, kuwa miongoni mwa Watu wa Qur-an, kwa sababu nyingi sana. **Qad Yakuunu Hunaaka As-suaal, Man Ahl Ul Qur-aan**, Watu wa Qur-an ni nani kwani?

Ahlul Qur-an, Al-'Aamiliina 'Alayhaa, Watu wa Qur-an ni wale ambao kwamba, wanaifanyia kazi Qur-an. **Alladhiina Yaqrauuna Al Qur-ana Bi Ttadabburi**, ni wale ambao kwamba Qur-an wanaisoma kwa *ku-Tadabbari*, kwa kuzingatia.

Wengi tumezoea, si kama hatusomi, tunasoma na si kama thawabu hatupati, tunapata lakini ni chache sana.

Kwa sababu Qur-an imeshushwa, na Mwenyezi Mungu ameisifu akisema, **"Bal Huwa Ayaatun Bayyinaatun"**, akasema tena, **"Kitaabun Anzalnaahu Mubaarakun Liya-ddabbaruu"**. Zingatia neno, **"Liyaddabbaru"**. Kitabu hichi kimeshushwa ili Watu wakizingatie aayaatihii, aya zake.

"Liyaddabbaru Ayaatih", ili wazingatie aya zake.

Ni bora ukasoma kwa Siku moja Surah Moja tu. Lakini ukaizingatia, na ukafahamu maana yake. Ni bora kwako kuliko kusoma Juzuu Mbili au Tatu, ni bora sura Moja tu.

Na ndiyo maana imekuja katika Hadith ya mama Aisha anahadithia, anasema *Rasul Allah Salallahu A'alayhi wa Salama* kuna baadhi ya Siku anasimama Usiku mzima anasoma aya moja tu, anairudia. **Yatakarrar Ayah**, anairudia aya moja tu.

Na Siku hiyo wakasema **Ahlul 'ilmi** katika mapokezi ni kwamba ilikuwa ni aya ya 118 katika Surah al-Maaidah Allah anasema:

﴿إِنْ تُعَذِّبُهُمْ فَإِنَّهُمْ عِبَادُكَ ۖ وَإِنْ تَغْفِرْ لَهُمْ فَإِنَّكَ أَنْتَ الْعَزِيزُ الْحَكِيمُ﴾
Intu'adh-dhibhum Fainnahum 'Aibaaduk, wain Taghfir Lahum Fainnaka Anta Al A'aziizu Ul Hakiim".(Surat Al Maidah 5:118)

Subhaanallaah.

Mtume kucha nzima, kasimama na aya hii moja, kucha nzima, Mama Aisha *Radhi Allahu Anha* anasema.

Tangu mapema Usiku, labda saa tatu au nne, mpaka alfajiri, anarudia aya hii hii:

﴿إِنْ تُعَذِّبُهُمْ فَإِنَّهُمْ عِبَادُكَ ۖ وَإِنْ تَغْفِرْ لَهُمْ فَإِنَّكَ أَنْتَ الْعَزِيزُ الْحَكِيمُ﴾

Nini maana yake. Hii aya imo katika Surat Maaidah, mwisho mwisho kama msomaji wa Qur-an unafahamu ni mwisho mwisho.

Katika zile aya Mwenyezi Mungu anaposema na Nabii Issa,

﴿وَإِذْ قَالَ اللَّهُ يَا عِيسَى ابْنَ مَرْيَمَ أَأَنْتَ قُلْتَ لِلنَّاسِ اتَّخِذُونِي وَأُمِّي إِلَهَيْنِ
مِنْ دُونِ اللَّهِ﴾

Wa-idh qala Allahu ya AAeesa Ibna Maryama aanta qulta linnasi ittakhidhoonee waommiya ilahayni min dooni Allahi (Surat Al Maidah 5:116)

Wewe Issa wewe, Mimi ninakuuliza. Wewe nimekutuma ukawaambie Watu waseme kuna Mungu watatu, mungu Baba, mwana na roho mtakatifu, nimekutuma hivo Mimi?

Katika Qur-an rudi katika Surat Al-Maaidah aya za mwisho mwisho. Nabii Issa anamwambia ewe Mwenyezi Mungu, laa, Mimi Sikusema hivyo, na Mimi Sikuwapo.

Nabii Issa nafsi yake anajitetea kwa kujitoa katika makosa. Mimi nimeondoka, sijui walichofanya huku nyuma, wamekushirikisha, Mimi nimeondoka sijui kitu gani.

Mwisho Nabii Issa sasa anamwaga manyanga,

﴿إِنْ تُعَذِّبُهُمْ فَإِنَّهُمْ عِبَادُكَ ۖ وَإِنْ تَغْفِرْ لَهُمْ فَإِنَّكَ أَنْتَ الْعَزِيزُ الْحَكِيمُ﴾

Intu'adh-dhibhum fainnahum 'ibaaduk, wain taghfir lahum fainnaka antal 'aziizul hakiim".(Surat Al Maidah 5:118)

Kwa Kiswahili safi. **Mwenyezi Mungu wee, ukiwaadhibisha hawa Watu, ni waja wako mwenyewe. Maana yake Mimi tena nimeshindwa, ukiwaadhibisha ni waja wako mwenyewe. Ukiwasamehe, Mwenyezi Mungu una nguvu na una hekima yako mwenyewe.**

Ndiyo hapa, **"In Tu'adh-dhibhum Fainnahum A'ibaaduk"**, ukiwaadhibisha ni Waja wako mwenyewe. Una khiari yako, umewaumba, umewapeleka Duniani umewapa riziki, umewapa kazi, na umewapa kila kitu. Ni Watu wako mwenyewe, waja wako mwenyewe, ukiwaadhibisha ni khiari yako mwenyewe.

"Wain Taghfir Lahum Fainnaka Ant Al A'aziizul Hakiim", na ukiwasamehe, Mwenyezi Mungu kwa hakika wewe una nguvu za kuwaadhibisha unapotaka na una hekima ya kusamehe.

Nini maana yake, maana yake ni kwamba. Ndugu zangu, tunaposoma Qur-an, tujitahidi sana kusoma kwa kuzingatia. Na hataweza Mtu kuzingatia Qur-an mpaka yule ambaye kwamba anafahamu maana.

Wengi katika sisi, Qur-an hatufahamu maana yake, na mbaya zaidi ni kwamba hatutaki kukaa katika Majaalisil 'ilm, hatutaki, na hili ndilo tatizo. Wa Allaahil 'adhiiim, Sheikh anaweza akaja katika Darsa anatoa darsa anasoma aya za Mwenyezi Mungu pengine tafsiri pengine Ahaadith na pengine Fiqh.

Anakuja mtu, huyo anatoka pembeni, anakwenda kuchukua Msahafu anakaa eti na yeye ndiyo anasoma pale. Anamuona yule Sheikh pale bonge la bwege, na yeye pale ndiye ana akili.

Ndugu yangu umekosa sana, umekosea sana. Unasoma kikasuku. Unamtukana Mungu hali yakuwa hujui kama unamtukana na Mungu. Ni bora aya moja ukielewa kuliko aya 100. Kucha *Rasul Allah Salallahu 'Alayhi wa Salama* anasema maneno haya, ni aya moja tu, kucha nzima.

Na ndiyo maana al-Imam Ibnul Qayyim *Rahmatu Allaah 'Aalayhi* akasema, ***Lain Aqra-a Fii Laylatii Hatta Asbaha Idhaa Zulzilati Al Ardhu, wa Al Qaari'ah, Laa aziid 'alayhimaa, Ataraddadu Fiihimaa wa Ataffakaru, Ahabbu Ilayya Min Ahdhil Qur-an Laylatii Kulliha.***

Angalia Wanazuoni wanavyosema, anasema hivi, ***Lain Aqra-a Fii Laylatii***, Mimi kama nitasimama Usiku nikachukua Msahafu nikasoma.

Nikasoma Surah mbili, ***Surat Az Zilzaala***, ambayo ina aya 8 tu, au nikasoma ***Surat al Qaari'ah***, ambayo ina 11. Hizo Surah mbili nikasoma Usiku kucha ninarudia, ni bora kwangu kuliko kusoma Qur-an nzima napita napita napita sizingatii, ni bora Surah mbili hizi.

Kwa maana ni bora kusoma, ***"Idhaa Zulzilati Al Ardhu Zilzaalaha"***, nikazingatia Siku ambayo kwamba ardhi itatikiswa kwa mtikisiko wake huo. Ardhi itatoa mizigo yake, Wanadamu watashtuka, makaburi yatafunguka, na Watu watatoka.

Nikaanza kuzingatia, Mimi nitakuwa wapi Siku hiyo. Mama yangu atakuwa wapi, mwanangu atakuwa wapi, na mtoto wangu atakuwa wapi. Hali itakuwa vipi, itakuwa mambo gani; bora kwangu Mimi kufanya hivyo kuliko kusoma msahafu mzima.

Hawa ni Watu waliozingatia, wanaojua ***Tadabburil Qur-aan.***

Leo Sheikh anatoa darsa, Mtu anachukua Msahafu wake kakaa pembeni anasoma kwa haraka, halafu anafunga Msahafu wake, eti kamaliza.

Subhaanallaah.

Kwa hiyo, ***Ahlul Qur-aan*** ni wale ambao kwamba wana *Tadabbar* na kuzingatia Qur-an.

Tadabburul Qur-aan Yaftahu lisaahibihii Aafaagan Rahbatan Mina Al Khayril 'Aajil wa Aajil. Wanasema Maulamaa kwamba, kuzingatia Qur-an kama hivi tulivyosema. Inamfungulia msomaji kheri nyingi za haraka na za karibu.

Fahuwa yuriihi, inamuonesha msomaji, ***Turuqul Khayr wa Ahlihhaa***, njia za kheri za kupita na Watu wake, wa katika kheri. ***Wasubulu Sharri wa As-haabihhaa***, na inamuonesha njia za shari na kuziacha.

Fayad-'uuhu ila T-tariiqi, kusoma na kuzingatia kunamvuta Mtu katika njia ambayo kwamba *uula*, ya ubora, ya kwanza kabisa na kumuepusha njia iliyokuwa mbaya.

Na hivi ndivyo walivyokuwa Masahaba wa *Rasul Allah Salallahu A'alayhi wa Salama* kama tulivyosema.

Siku moja Sayyidina Umar *Radhi Allahu 'Anhu* alipita pahala katika mji wa Madinah. Akapita katika dirisha la Mtu akamsikia Mtu anasoma Surah anarudia Surah ile.

Anasoma Surat Tuur aya ya 7 na ya 8.

﴿إِنَّ عَذَابَ رَبِّكَ لَوَاقِعٌ ﴿٥﴾ مَا لَهُ مِنْ دَافِعٍ﴾

Anasema kwamba, **"Inna 'Adhaaba Rabbika Lawaaqi', Maalahuu Min Daafi"**, halafu anarudia tena.

Sayyidina Umar akaanza kutetemeka, akapanda mnyama wake, akarudi Nyumbani akazifikiria aya hizi mbili. Akaumwa, na Watu wanakuja kumtizama anaumwa.

Nini maana yake, **"Inna 'Aadhaabaka Lawaaqi"**, atambue kwamba adhabu ya Mungu lazima itakuja, itatokea tu. **"Maalahuu Min Daafi"**, hakuna wa kuizuia adhabu ya Mwenyezi Mungu inapokuja.

Aya hizi mbili zilimtesa Sayyidina Umar *Radhi Allah Anhu* akaumwa mpaka anakuja kutazamwa na Masahaba *Radhi Allahu Anhum* anaumwa. Anajulikana ana homa, imetokana na nini? Imetokana na aya mbili kama ambavyo tumezisoma.

Mifano iko mingi ya Masahaba *Radhi Allahu Anhum* na muda ni mchache hautoshi. Lakini Ndugu zangu tujitahidi tuwe katika Watu wa *Qur-an*, kujihusisha kwa njia moja au nyingine na *Qur-an*.

Na vilevile kuwa na wakati wa kuhudhuria madaaris. Kwa sababu ya kufahamu aya moja utakayojifundisha ukafahamu maana yake nini, asili yake nini, ukisoma **"Tabbat Yadaa Abii Lahabin Watabb"**, ukafahamu *tabbat* maana yake ni nini. Abu Lahab ni nani. Na kwa nini kaenda Motoni, na yeye ni 'Ami yake Mtume.

Ukafahamu sababu na kila kitu ya aya hii. Basi ni bora Surah hii **Tabbat Yada** kuliko Surat Baqarah yenye aya 286. Bora *tabbat yadaa* uliyoifahamu kweli kweli kuliko Surah ambayo kwamba unasoma kwa kusukuma sukuma tu.

UZITO WA TALAKA



Ndugu waislamu, baada ya kumshukuru Mwenyezi Mungu Jalla wa 'alaa. Kumtakia Rehma na Neema. Sala na Salamu. Mtume wa mwisho, Nabii *Muhammad Salallahu A'alayhi Wa Sallama*.

Nakuusieni katika jambo zima la kumcha Mwenyezi Mungu, kama ambavyo nimetangulia kuiusia nafsi yangu juu ya jambo hili adhiimu.

Na kisha, tulikuwa tukizungumza juu ya wasia wa Bwana Mtume aliyotuachia. Lakini, tutatoka kidogo ili kuangalia jambo zito. Jambo ambalo, kwa jambo hili, Nyumba za Kiislamu zinavunjika. Watoto wanakuwa mayatima, kinamama wanakuwa wajane, zinaa inaongezeka na Watoto wa mitaani wanakuwa wengi zaidi.

Bali Watoto wanakosa malezi na uangalizi wa Wazee wawili. Na kila mmoja anapanda kiburi na anapanda mori. Na kumuumiza mwenziwe juu ya Watoto, kwa kudhania kwamba. Kufanya vile, ndiko kutarudisha ari, na ama kutarudisha mori wake aliokuwa nao.

Anasahau Mtu Mwanamume, kwamba yeye ndiye mlezi wa Watoto wale. Na kama atamuachilia Mwanamke Watoto wale; kwake itakuwa dhambi kubwa mno. Akisema basi mimi potelea pote, sina haja nao.

Mtume *Salallahu A'alayhi wa Salama* kasema, **"Kafaa Lili Mar-i Ithman An Yudhwayyi'uu Man Yaquut"**, yatosha kuwa ni Dhambi kubwa. **Ithman**, ni Dhambi kubwa mtu kuwapoteza au kuwaacha au kutowatizama wale ambao alistahiki kuwaangalia, kwa maana ya Watoto.

Katika uchunguzi na uangalizi uliotazamwa. Imegundulika katika siku za sasa, Talaka zimekuwa ni nyingi mno, kiasi ambacho **Laa Tuhsaa** au **Laa Tuhmalu' Uuqbaah**.

Haipendezi kabisa, jamii ya Kiislamu, kuwa ndiyo ni jamii ambamo, Talaka zimekuwa nyingi mno. Mpaka wale wasiokuwa waislamu, wanasema kwamba dini ya Uislamu *system* yao ya Talaka. Ndiyo iliyosababisha au inayoeneza ukimwi, kwa sababu wajane wanaachwa na wanakuwa hawana pa kurudi. Zaidi ya kujiuza na kujitembeza. Wapate masurufu na kuendesha maisha yao.

Yaa Layt, kama tungejua ni nini maana ya Talaka. Ni nini uzito wa Talaka. Unapotoa Talaka unakuwa umefanya nini.

Mwenyezi Mungu Jalla wa 'Alaa anapoizungumza Ndoa anasema,

﴿وَأَخْذَنْ مِنْكُمْ مِيثَاقًا غَلِيظًا﴾

"Wa Akhadhna Minkum Miithaaqan Ghaliidhan", (Surat An Nisaa 4:21)

Hawa kinamama wamechukua kwenu, ndiyo Allah akaita, **"Miithaaqan ghaliidhan"**, ahadi nzito, fungamano zito.

Hakuna pahala Mwenyezi Mungu ambapo pana Mafungamano na Miktaba. Mwenyezi Mungu aliyoitika katika sura kama hii, nzito.

Kayfa mtu anakwenda, kwa sababu tu yeye ndiye kapewa amri, kapewa lafudhi ya kutamka Talaka. Basi kwake imekuwa ni jambo jepesi kabisa. Anasema, usinisumbue mimi, nitakuachilia mbali sasa hivi, **haakadhaa**.

Na kwa Mwanamke naye, anapopanda mori. Huenda akadai, na mimi nataka Talaka yangu, mimi sikubali tena, nataka Talaka yangu.

Talaka yako uliipata wapi, unaposema unataka Talaka yako? Kama Talaka ni yako, unaidai vipi sasa. Mtu, kitu chake unacho mwenyewe Bwana. Anaposema mtu, kalamu hii yangu, bakora hii ni yangu, unayo mwenyewe. Unaposema nataka Talaka yangu, Talaka yako vipi; na unayo mwenyewe Talaka yako.

Sasa, haya ni mambo ya kutokuwa na elimu. Haya ni mambo ya kutokujua sheria. Haya ni mambo ya ujinga. Na upande mwingine, ni mambo ya jeuri na kiburi kwa Wanaume. Na vilevile kujiona kwa Wanawake.

Matokeo yake ni kuwa tunakwenda pahala pabaya mno. Jamii ya Kiislamu inapotea kwa Watoto kuwa omba omba. Watoto kuwa chokoraa, na Watoto kuwa wa mitaani. Watoto hawasomi, na Watoto hawapati malezi bora. Watoto hawapati *proper education*, hawapati **Ta'alim** ambayo itakuwa ni bora. Ni kwa sababu hakuna uangalizi.

Mama kashughulika kumkomoa Baba, na Baba kashughulika kumkomoa Mama. Baba yuko katika kuoa, ili amkomoe yule. Na mama yuko katika kuhangaika kwamba kaniona mimi sifai, sasa ataona basi. Kama Rafiki yake nitalala naye, na kama nani nitalala naye. Na mimi ni Mwanamke vilevile. Na kwa hapa, ndipo unapokuja ufisadi katika kadhia ya nzima ya Talaka.

Talaka ni jambo ambalo limekuja katika Hadith. Ambayo ni ya Abdallah Ibn Umar *Radhi Allahu A'anhu*, yeye na Baba yake. Hadith hii, pamoja na kwamba ina udhaifu ndani yake. Lakini ni Hadith ambayo ina maana kubwa, na hasa katika kipindi chetu hichi.

Katika Hadith hii anasema Bwana Mtume *Salallahu A'alayhi wa Salama*, **"Abghadh ul Halaali I'in-da Allaahi Talaaq"**, jambo La Halali ambalo linachukiza kwa Mwenyezi Mungu ni Talaka. Talaka ni jambo linachukiza, Mwenyezi Mungu haipendi Talaka kabisa.

Katika riwaya nyingine, Mtume *Salallahu 'Alayhi wa Salama* kasema: **"Maa Ahalla Allahu Shay-an Abghadha Ilayhi Mina At Talaaq"**, Mwenyezi Mungu hajapata kuumba kitu ambacho anakichukia, hakipendi, kuliko Talaka.

Anaweza mtu akauliza, sasa kama Talaka haipendi, kaiumbia nini? Naam, kaiumba na kaiweka, itumike katika dharura. Lakini vilevile, anaichukia inapotumika katika pahala ambapo siyo pake. Katika ujeuri, katika namna ambayo ni ya kukomoana. Katika namna mtu kujiona kwamba mimi Mwanaume nitaoa ninavyotaka mwenyewe, huwezi kunizuia. Pesa ninazo, na uwezo nao, nitaoa mwingine watatu zaidi ya wewe.

Hapa Mwenyezi Mungu anachukia.

Ama, ameiumba iwepo, kwa sababu wanaadamu ni wanaadamu. Wanafika pahala, Watu wawili wanashindwa kukaa pamoja. Talaka ni kama *Operation*. Hakuna mtu anakwenda hospitali, akafika kule akasema, mimi nimekuja hapa kufanya *Operation*.

Watu watamuuliza kwani hayo ni maelekezo ya daktari, kwamba kakuandikia? Akijibu hapana, sijaandikiwa *operation* na daktari. Ni mimi tu, ndiye nataka *operation*. Watu watasema, ana wazimu huyu, *operation* ni *last option*.

Operation ni jambo la mwisho kabisa, imeshindikana. Dawa tumetumia kadha na tumetumia kadha. Daktari anasema, kwa maradhi yako Bwana, hakuna jinsi, lazima upasuliwe. **Allah Akbar. Innaa Lillaahi Wainna Ilayhi Raaji'uun.** *Operation* Bwana, imekuwa ni dawa ya mwisho kabisa, hakuna jinsi. Ndivyo ilivyo kwa upande wa Talaka.

Talaka itumike pahala ambapo hapana namna, na ikifika steji hii Mwenyezi Mungu anaitia barkah ndani yake kama zinavyosema Aya kua:

﴿وَإِنْ يَتَفَرَّقَا يُغْنِ اللَّهُ كُلًّا مِّنْ سَعَتِهِ ۚ وَكَانَ اللَّهُ وَاسِعًا حَكِيمًا﴾
Wa-in Yatafarraqa Yughni Allahu Kullan Min SaAAatihi Wakana Allahu wasiAAan Hakeema(*Surat An Nisaa 4:130*)

Na kama wakifarikiana Mwenyezi Mungu atampa kila mmoja katika fadhila zake kwani kwa Hakika Allah ni Mwenye kuwatosheleza Waja wake katika Mahitajo yao na ni Mwingi wa Hikma.

Hivyo, ukiona Watu wameachana, na baada ya pale, matatizo mengi yanaingia ndani, ujue Talaka ile imetoka katika namna ya ujeuri, namna ya kukomoana namna ambayo Mwenyezi Mungu ndio ile ambayo anaichukia.

Kadhalika, ukiona jambo ambalo Iblisi, Shetani analipenda jambo hili jua sijema kwako na jambo hili moja kwa moja Mwenyezi Mungu halipendi.

Katika mambo ambayo Iblisi anayayapenda, *A'aani* kabisa, ni Talaka. Hiki ni kitu kitukufu kwake, ni bora kabisa kwake. Katika Hadith Sahih kabisa ambayo ameipokea Imam Muslim, Iblisi ameweka makao makuu yake sehemu fulani hivi, katika Bahari kubwa kabisa, kaweka kule.

Anatuma Watu wake, **Saraaya** kwa vikundi vikundi. AnaWatumu huku kwa Wanaadamu, wanakuja wanafanya shughuli zao. Huyu anakwenda, na anamshawishi mtu mpaka anazini. Mwingine anamshawishi mtu mpaka analewa; na mwingine anamshawishi mtu mpaka anaua. Mwingine anamshawishi mtu mpaka anakwenda, ili kuroga mwingine.

Wanafanya mambo ya ajabu mno, Watoto wa Iblisi. Mashetani wanakuja kushughulisha Watu na kuwatia Watu Motoni. Kama alivyoahidi mwenyewe Iblisi, kwa Mwenyezi Mungu *Subhaanahu wa Ta'ala*.

Sasa wakirudi kule makao makuu, Iblisi anawauliza, haya sasa wakati wa kazi umekwisha, mmerudi. Hebu eleza, wewe umefanya nini leo. Asema yule kwamba, mimi nimemfanya mtu fulani katenda tendo la liwati. Iblisi anasema ni kweli umefanya, lakini siyo *issue*. Na wewe mwingine, umefanya nini leo? Anajibu, mimi nimemfanya Mtu kadha kadha, kalewa. Umefanya, lakini jambo dogo sana.

Mwingine? Kila mmoja anaeleza shari aliyoifanya kwa siku ile.

Lakini inafika pahala Mtume anasema kwamba: **"Yajii-uahaduhum"**, atakuja mmoja katika Mashetani anamwambia Iblisi. **"Fayaquulu"**, atasema, **"Maa Taraktuhuu Hatta Farraqtu Baynahu wa Bayna Imra-atihi"**, Mimi Bwana leo nimekwenda katika Nyumba fulani. Nyumba fulani ya Kiislamu. Mtu fulani na Mkewe nikawaingia pale. Nikashughulika nao, na sikuondoka mpaka nimehakikisha Talaka imetoka. Hili ndilo nililofanya leo mimi.

Je, ni nini Iblisi anafanya? Mtume *Salallahu 'Aalayhi wa Salama* anasema, **"Fayadnihi Minhu"**, Iblisi anamkaribisha yule mtu karibu yake, anakuwa ni katika Watu wake wa karibu mno. Kwa sababu kafanya jambo zuri sana ambalo analipenda. **"Wayaquulu iblisi"**, na Iblisi anasema, **"Ni'ma anta"**, wewe ndiye hodari, wewe ndiye kiboko yao.

Kisha, **"Fayaltazimuhu"**, anakuwa naye karibu, kwa sababu anafanya jambo zuri. Jambo hili ambalo Iblisi analipenda sana, Mwenyezi Mungu analichukia. Hili ni jambo linalofarikisha Ummah. Lakini, kinachosikitisha sana, ndilo jambo ambalo Ummah wa Kiislamu katika wakati huu umelivaa.

Huko Mahakamani, zimejaa kesi za Talaka, na ukienda BAKWATA halikadhalika. Na kila Siku wanakuja Watu kwa Masheikh. Wakisema, mimi nimemuacha mke wangu kitu kadha wa kadha, sasa nataka kumrudia. Mimi kitu kadhaa, mimi nadai Talaka. Madai ni chungu nzima juu ya jambo ambalo Mwenyezi Mungu amelichukia.

Ndugu zangu, huu ni msiba mkubwa. Leo imekuwa mtu kutoa Talaka tatu ni kama mtu kula maandazi matatu asubuhi. Maandazi na chai. Kaagizia hoteli andazi shilingi 200/- ana shilingi 1,000/-, basi anakula anakunywa Chai na Maandazi matatu. Bukheri wa khamsini kamaliza. Wala siyo shida kwake.

Chai na Maandazi matatu, anakula Mwanaume Asubuhi kamaliza, ndiyo Talaka inavyochukuliwa hivi sasa.

Imekuwa ni jambo la kipuuzi. Mtu anamwambia Mkewe, nenda kwenu, unanichezea Mimi Bwana? Mimi sitaki kuchezeza na Wanawake Bwana. Kamuacha wa kwanza, wa pili, wa tatu. Huu ni msiba ndugu zangu. Huu ni Msiba.

Na tena imekuwa mtu anaachwa kwa jeuri. Anaambiwa, sikiliza wewe, mimi nakupa Talaka tano. Tatu ni zako. Moja ya baba yako, na moja ya mama yako.

Kwa maana kwamba, ninakuacha wewe Talaka tatu, sitaki kukuona; na namuacha baba yako, sitaki kumuona hapa kuja kutafuta suluhu; kadhalika Mama yako sitaki kumsikia. Mtu anaacha hivi hivi, kwa Talaka tano.

Mwingine anaacha kwa Talaka saba. Tatu za Mke, moja ya Baba yake, moja ya Mama, moja ya Mshenga asije akamsikitikia na moja ile Barabara ya kwao na Mke, pia ameipa Talaka, hataki kabisa kupita pale.

Jeuri kama hii. Asema, ile barabara ya kwenu pia nimeipa Talaka, mimi sipiti kule kabisa. **Innaa Lillaahi wa Innaa Ilayhi Raaji'uun**, huu ni msiba. Huu ni ujinga. Huu ni ujahili. Huu ni upumbavu. Huku ni kutokuelewa sheria ya Mwenyezi Mungu. Mtu kama huyu anapata dhambi nzito.

Hebu tuangalie, mtu mmoja alikuja kwa Bwana Mtume **Salallahu A'alayhi wa Salama** akawa ameacha Talaka tatu. Katika Hadith aliyoipokea Mahmood ibn Labiid amesema, alikuja Bwana mmoja kwa Bwana Mtume, **"Akhbaa Rajulan Anna Rajulan Talaqa Imra-atahuu Thalaatha Tatliiqaati Jamii'aa"**, kamuacha Talaka tatu

mkewe kwa mara moja. Kampa kama hivi, moja, mbili, tatu, nimekuacha Talaka tatu, si mke wangu.

Akaja kwa Bwana Mtume *Salallahu A'alayhi wa Salama* akamwambia, mimi Bwana nimemuacha Mke wangu Talaka tatu.

Mtume akaanza kuvimba, Mtume akakasirika, Mtume *Salallahu A'alayhi wa Salama* akawiva, Mtume *Salallahu A'alayhi wa Salama* akashindwa kukaa, na Mtume *Salallahu A'alayhi wa Salama* akasimama. **Sallu 'Al Nnabi**. Mtume *Salallahu A'alayhi wa Salama* kasimama wima na kawiva.

"Faqama Ghadhbaan", Bwana Mtume *Salallahu A'alayhi wa Salama* akasimama kakasirika kabisa; **"Thumma Qaala"**, kisha Mtume *Salallahu A'alayhi wa Salama* akasema, **"Ayu Al-'abu Bikitaabi Allaahi wa Ana Bayna Adh-hurikum"**, hivi nyinyi namna gani, mnachezea Kitabu cha Mwenyezi Mungu na mimi nipo miongoni mwenu?

"Ayul-'abu", kinachezewa, **"Kitaabu Allah"**, Kitabu cha Mwenyezi Mungu, **"Wa Ana Bayna Adh-hurikum"**, na mimi niko miongoni mwenu.

Masahaba walikuwa pembeni pale, na wengine subira zao ndogo. Hadith inasema, mmoja katika maswahaba akamsogelea Bwana Mtume *Salallahu A'alayhi wa Salama* na akamwambia, yaa rasulullaah, unaonaje, **"A-aqtuluhu"**, je, nimuuwe?

Ile ghadhabu ya Bwana Mtume *Salallahu A'alayhi wa Salama* imempeleka swahaba anauliza, **"A-aqtuluhu"**, huyu anachezea Kitabu cha Mwenyezi Mungu, je, nimuue, nimmalize? *Rawaahu Nasaai*, amepokea Imam An Nasai.

Ndugu zangu, Talaka kwa nini ikawa mbaya? Kwa sababu madhara yake ni makubwa, kama tuliyotaja mwanzo. Kupoteza Watoto, wajane wanakuwa wengi, na wajane hawaolewi baada ya hapo, wanahangaika. Watoto hawasomi na kadhalika.

Zimekuja kesi, Watu waume kwa wake, wanazungumza kuhusu kadhia hii ya Talaka; tunazungumza kitu *Waqi'yya* kitu ambacho kimetokea. Zimekuja kesi kiasi ya saba, ndio maana tukakata wasia, kwa sababu zimekuja kesi kama hizi.

Mmoja anasema, ni Mwanamke huyu. "Mume wangu mimi, aliniambia nikizini ndiyo Talaka yangu. Sheikh, na mimi sikufichi, nimezini, lakini Mume wangu nimemficha. Tunaishi tu, lakini mimi nimezini".

Nikamuuliza umezini? Akajibu ndiyo, na hii ilikuwa mara ya tatu. **Innaa lillaahi wainnaa ilayhi raaji'uun**. Ina maana Watu wawili hawa, wanakaa kwa zinaa hakuna ndoa.

Mumewe kamwambia ukizini ndio Talaka yako, Mwanamke kazini, lakini anaogopa kumwambia Mumewe, kwa sababu atakasirika na atampiga. Na pengine ndio ishakuwa Talaka tena. Sasa anaficha, na anadhani kwamba hamna neno kwa kuwa ameficha. Nikamwambia, nyinyi mnazini, na mnawazaa Watoto wa haramu.

Ndiyo maana Bwana Mtume *Salallahu A'alayhi wa Salama* akakasirika mno.

Kesi ya pili, anakuja mtu asema kwamba, "Mimi na Mume wangu tumeasiana kwa kipindi kirefu. Huu ni mwaka sijui wa pili sasa. Lakini sasa ninataka kuolewa na nikimwambia yule atakataa. Kwa hiyo, nafikiri mimi, miaka miwili Talaka si ishatatoka", anasema.

"Miaka Miwili hanitizami, haniulizi, Talaka si ishatoka, kwa hiyo nitaolewa tu".

Nikamwambia, huolewi na Sheikh atakayekuoza atakwenda motoni; kwa sababu anaweka Zinaa. Anamuoza mke wa mtu. Wewe bado ni Mke wa mtu. Ku'asiana, na kutengana, hakuhalalishi bado, kwamba Talaka imetoka. Hapana, wewe bado ni mke wa mtu. Na unatakiwa uende kwa mumeo. Kama unadai Talaka ukaidai, kama ni kununua ukainunue itakavyokuwa, mpaka Talaka itoke. Hii kutengana hakuna kitu kama hichi katika Uislamu.

Hii ni kesi ya pili, mama anataka kuolewa, ndoa juu ya ndoa.

Kesi ya tatu, mwanamume asema, Sheikh, "Mimi nishamwacha mke wangu mara mbili, sasa, siku hiyo nikaandika Talaka, baada ya kuwa kanighadhibisha kweli kweli nikatoka, na nishaandika Talaka. Lakini baadaye nikakaa jioni, nikamuonea huruma, nikaghairi sikumpa tena ile Talaka, na nikaichana".

Nikamwambia ni Talaka ya ngapi? Akasema, ilikuwa ni ya tatu. Nikamueleza, basi unazini tu, kwa sababu si ulishaandika, ishatoka. Kule kuwa wewe: "Mimi niliandika Talaka kumuacha Mke wangu, nikawa kabla sikumpa nikaghairi", tayari Talaka imetoka ile.

Kwa kuwa ushaazimia, hiyo ni Talaka tayari, yule si mke wako; tena muondoe kabisa, akae eda, mmalize. Na kama mshakaa siku 40, 50, 60, miaka miwili, basi imekwisha eda yake. Na kama mmezaa Watoto, hao ni Watoto wa zinaa. Yule Bwana kaacha mdomo wazi; na nikamuuliza, sasa unashangaa nini?

Ati unasema ulighairi, sasa ulighairi nini; hakuna kitu kama kughairi. Maadamu umeandika, ni umeandika tu, hakuna kughairi, unaghairi vipi.

Waakati amesema Abu Hurayrah *Radhi Allahu Anhu* kua: **'Ameema Rasul Allah Salallahu Alayhi wa Salam kua: 'Mambo Matatu Ukweli wake hua ni Ukweli**

wake na Utani wake hua ni Ukweli wake, Mambo hayo ni: Ndoa, Talaka na Kumrudia Mke” (Sunnan Ibn Majah)

Na kama umeghairi. Ikiwa ni Talaka ya kwanza, basi unamwambia, “Mke wangu nilikuacha, ujue Talaka moja imetoka. Nimeghairi, na sasa nishakurudia”. Yanaendelea mambo, itakuwa hivyo pia, kama ni Talaka ya pili.

Lakini, kama ni Talaka ya tatu tena. Hakuna kitu tena hapo kwani aya zinasema:

﴿فَإِنْ طَلَّقَهَا فَلَا تَحِلُّ لَهُ مِنْ بَعْدُ حَتَّى تَتَكَحَّ زَوْجًا غَيْرَهُ ۖ فَإِنْ طَلَّقَهَا فَلَا جُنَاحَ عَلَيْهِمَا أَنْ يَتَرَاجَعَا إِنْ ظَنَّا أَنْ يُقِيمَا حُدُودَ اللَّهِ ۚ وَتِلْكَ حُدُودُ اللَّهِ يُبَيِّنُهَا لِقَوْمٍ يَعْلَمُونَ﴾

Fa-in tallaqaha fala tahillu lahu min baAAadu hatta tankiha zawjan ghayrahu fa-in tallaqaha fala junaha AAalayhima an yatarajaAAa in thanna an yuqeema hudooda Allahi watilka hudoodu Allahi yubayyinuha liqawmin yaAAalamoon (Surat Al Baqara 2:230)

Hivyo Kama amemuacha(Mke wake kwa Mara tatu) basi hua si haalali kwake hadi atakapolewa na Mume mwengine Zaidi yake, na kama huyo aliemuoa atamuacha basi hakuna tatizo kwa Mwanamkena Mume wake wa mwanzo kurudiana kama ikiwa wanadhani kua wanaweza kuilinda mipaka ya Allah, Na Hio ndio Mipaka ya Allah ambayo ameiweka wazi ili Watu wajue.

Hivyo mpaka Mwanamke huyo aolewe na Mume mwingine. Tena amalize shughuli zake, na amuache, ndiyo umuoe tena.

Hii ni kesi ya tatu.

Mwingine akasema, “Sheikh, mimi nimeandika Talaka, lakini nikasahau kumuachia Mke wangu. Nikaondoka na nikasafiri. Talaka nimeandika, nimesahau kumuachia, lakini nimemuacha. Sasa tena nikaona, basi maadhali sijampa, ndiyo basi tena”.

Nikamwambia umekosea, Talaka imetoka maadhali umeandika, hakuna kitu kumsahau; utasahau vipi, hakuna kitu kama hicho.

Mwingine asema, “Mimi tuko na Mume wangu, lakini Mume wangu yule karitadi kabadili Dini. Mambo haya ya kiofisi haya, yamemfanya amekwenda kabadili Dini, alikuwa Mkristo kwanza, akabadili Dini. Sasa tunaishi, yeye Mkristo, mie ni Muislamu”.

Hakuna ndoa hapo, hakuna ndoa baina ya Mwanaume aliyekuwa si Muislamu na Mwanamke Muislamu. Hakuna ndoa ya Mwanamke wa Kiislamu kuolewa na Mwanaume wa Dini nyingine, hakuna ndoa hiyo kwani aya zinasema:

﴿فَلَا تَرْجِعُوهُنَّ إِلَى الْكُفَّارِ ۚ لَا هُنَّ حِلٌّ لَّهُمْ وَلَا هُمْ يَحِلُّونَ لَهُنَّ ۚ﴾

Fala tarjiAAoohunna ila Al Kuffari La Hunna Hillun Lahum wala hum yahilloona lahunna (Surat Al Mumtahina 60:10)

Na wala Msiwarudishe (Wanawake Waliosilimu) Kwani Wanawake hao si halali kwao (Makafiri) na wala wao (Makafiri) si halali kwa Wanawake hao.

Kwa hiyo, wale wamekaa wanazini tu, na pengine wapo wanasikia. Ikiwa Mwanaume si Muislamu, Mwanamke haruhusiwi kuolewa hata siku moja, ni zinaa tu.

Mwingine asema, "Sheikh, Mke wangu mimi, kaniudhi kupita kiasi, nilikasirika, kaniudhi kupita kiasi, mpaka nimemuacha. Lakini sasa Sheikh, ile Talaka ilikuwa ni bahati mbaya ya hasira. Ile ilikuwa ni Talaka ya hasira".

Nikamwaambia, kwani ulipokasirika ulitoka nje ukiwa huna Nguo, na ukadhani unakwenda Chooni, kumbe unatoka nje? Hapana, sijafanya hivyo! Nikamwambia, basi ulikuwa na akili yako, ulikuwa na akili yako. Vilevile hakuna bahati mbaya. Kama ni bahati mbaya, kwa nini hukwenda kwa Baba yako, ukamwambia Baba nimekuacha Talaka tatu, utasema bahati mbaya kweli.

Lakini, unamuacha Mkeo, na unasema bahati mbaya. Kamuache Mke wa jirani yako. Kagonge hodi, hamjambo hamjambo, na wao wajibu, sisi hatujambo; kisha useme njoo Mwanamke nimekuacha Talaka tatu. Hapo utasema, kwa kweli huyu kakosea kakosea.

Lakini, unakwenda kumuacha Mkeo, na unasema bahati mbaya. Huku ni kucheza na Kitabu cha Mwenyezi Mungu. Hakuna bahati mbaya kama hii. Kama ni bahati mbaya, hebu nenda kamuache yule Mama aliyekuzaa.

Salam alaykum Mama, shikamoo hujambo, naye akujibu sijambo; sasa kuanzia leo mama wewe si Mke wangu, muache tuseme bahati mbaya. Lakini, basi mbona unakwenda kumuacha Mke uliyemuoa? Hii si bahati mbaya ndugu zangu, haya ni maneno ya Mtume *Salallahu A'alayhi wa Salama* kwamba mnacheza na kitabu cha Mwenyezi Mungu hakuna bahati mbaya kama hii.

Ndugu waislamu, Nyumba zimefisidika na kuna Nyumba nyingi Watu wanaishi katika hali ya zinaa. Wanadhani wameoana, ama kwa ujinga ama kwa kiburi na jeuri. Mwingine anasema mimi nimetoa Talaka kwa sababu Mwanamke kanilazimisha. Lakini

mimi sikutaka kutoa Talaka. Kisha mtu huyo anauliza, sheikh imetoka hiyo Talaka au haijatoka kwa kuwa mke kanilazimisha?

Hivi wewe Mwanaume mzima, ni baba zima mwanamme mzima hapo ulipo; unathubutu kusema, Kanilazimisha Mwanamke'. Wewe ni Mwanaume kweli? Ati ooh kanilazimisha, mimi sikutaka kutoa, kanilazimisha. Pumbavu. Mwanaume utalazimishwa na Mwanamke?

Ati anauliza, sasa sheikh si Talaka haijatoka? Imetoka Bwana, umeandika Talaka imetoka, na hakuna haijatoka kitu gani, imetoka Talaka, na wala hakuna kulazimishwa, muongo. Hakuna Mwanaume anayelazimishwa na Mwanamke kutoa Talaka, hakuna.

Mwingine ndiye akasema kwamba ilikuwa hatuna ugomvi, Shetani katupanda tu basi, lakini mimi sijakusudia kumuacha. Mke wangu nampenda mimi. Ilikuwa ni ugomvi tu umetokezea basi.

Kwa hiyo, ni baada ya ugomvi ndio ukamuacha.

Sasa tunauliza hivi, kwani kuna mtu anamuacha mke wake kwa sherehe, kwamba kuna furaha? Ulipata kusikia wapi, mtu anamuacha mke wake, na anaalika Watu. anapeleka kadi, jamani njooni leo kuna sherehe ya kuacha mke. Hakuna.

Ile inakuwa ni ndoa. Talaka maisha huwa ni ugomvi. Kwa hiyo, ukisema kwamba Watu walikuwa na ugomvi ndio inavyotakiwa, ndio khasa inavyokuwa, sema kama haijatoka. Hakuna kitu kama hicho.

Ndugu zangu, maneno kama haya alipelekewa Abdallah ibn Abbas *Radhi Allahu A'anhu*. Anahadithia Mwanafunzi wake Mujahid anasema, ***Kuntu 'in-da bni 'Abbaas, Fajaa-ahuu Rajulun Faqaala Innahuu Tallaqa mra-atahuu thalaatha***, alikuja Bwana mmoja kwa Abdallah Ibn Abbas *Radhi Allahu A'anhu* akaja kushtaki kwamba, "mimi nimemuacha mke wangu Talaka tatu".

Anasema Mujahid, ***Fasakata hattaa dhanantu sayarudduha ilayhi***, Ibn Abbas *Radhi Allahu A'anhu* kanyamaza kimya, chini kainama, mpaka nikadhani kwamba atamwambia basi mrudie.

Kisha Ibn Abbas *Radhi Allahu A'anhu* akanyanyua kichwa akasema, jamani, ***Yantaliqu ahadukum***, anatoka mmoja wenu, ***Fayarkabu al Ahmuuqata***, anapanda ujinga anaendeleza upumbavu, ***Thumma Yaquulu***, kisha anasema, ***Ya Ibna Abbas*** mimi nimemuacha mke wangu, anapandwa na hasira za kijinga na kumuacha mke wake, halafu anakuja kudai kwangu.

Ibn Abbas akasema, ***Inna Allaha Qaala***, Allah amesema, ***"Waman Yattaqillaaha Yaj-'al Lahuu Makhrajaa"***, yule ambaye anamuogopa Mwenyezi Mungu, basi Mwenyezi Mungu atamtafutia njia ya kupata *solution* ya tatizo lake.

Wa annaka, na wewe Bwana Talaka umeacha, ***Lam Tattaqi Allaha***, hujamcha Mwenyezi Mungu, ***Falaa Ajru Laka Makhrajaa***, mimi sioni sababu wala njia ya kupita kwako, ***A'aswayta Rabbaka***, umemuasi Mwenyezi Mungu wako, ***Wabaanat Minka Imra-ataka***, na mke kaondoka kwako. Habari imekwisha, Talaka tatu ni tatu.

Hunaa mahallu khtilaaf, kuna ikhtilafu ndogo tu, na si pahala pake, lakini tunataja. Kwamba Talaka tatu wakati wa Bwana Mtume swallallahu 'alayhi wasallama ilikuwa ni moja, Mtume mtu akimrudisha.

Lakini baada ya Watu kuchezea Kitabu cha Mwenyezi Mungu kama hivi. Kama tulivyo leo, kuliko hii namna hii. Maswahaba pamoja na Sayyidina Umar wakiwepo hai wengi mno. Wakati wa Sayyidina Umar, akasema kwamba, hapana mchezo umekuwa mwingi. Atakayesema Talaka tatu, ni tatu imetoka.

Maswahaba wakakubali kuanzia kipindi kile, Talaka ni tatu.

Na kwa nini Talaka tatu ziwe moja? Kwani wewe hujui hesabu? Wewe ukisema nimekuacha Talaka tatu, hesabu hujui? Akija mtu akisema hivyo, tunamuuliza hebu unajua shilingi mia moja naijua, mia mbili naijua na mia tatu naijua.

Hizi ni ngapi hizi, vidole vingapi, vitatu, basi kumbe unajua usiulize kitu, unauliza nini? Wewe si umesema, nimesema Talaka ngapi? Tatu. Sasa unauliza nini, na hesabu unajua.

Na ndugu zangu, anayeacha katika mtindo kama huu wa jeuri na kuchezea wanawake. Anapata dhambi mwingi mno kwa Mwenyezi Mungu.

Mwenyezi Mungu alivyotaja khabari ya Talaka katika aya ya kwanza ya Surat At Talaq na katika Suratul Baqarah aya ya 231. Alisema hivi: ***"Watilka huduudu Allaah"***, baada ya kutaja Talaka.

"Yaa Ayyuha Nnabiyyu Idhaa Tallaqtumu AnNisaa, Fatalliquhunna li-'iddatihinna", ewe Mtume, (*khitaabu linnabiyyi walaakinil 'aamm, khitaabu*) kaambiwa Bwana Mtume lakini sote tunaambiwa), mnapoacha wanawake, ***"Fatalliqu Hunna li-'iddatihinna"***, waacheni wakiwa wasafi.

Yule Mwanamke alikuwa aingie katika siku zake za eda. Kaenda akamaliza kesha koga kamaliza yuko msafi, na kabla hujalala naye, pale umuache.

Sasa, mtu mwenye akili, kabla ya Mwanamke hajamuacha anatazama kwanza yumo katika siku zake, huwezi kumuacha. Yumo katika nifasi huwezi kumuacha. Nimelala naye jana, juzi huwezi kumuacha.

Kwa hiyo, hakuna kukurupuka tu katika Uislamu, hakuna sala la kukurupuka. Watu wengi hawajui, na yeye anajua maadhali tumekosana, nenda si mke wangu, Talaka si mke wangu.

Talaka si Mke wako Bwana, wewe umeoa Fatuma, Rahima na Asha, hujaoa Talaka. Ukisema Talaka si mke wangu, ni kweli si mke wako. Mke wako ni Fatuma. Maana ndo lugha yetu, Talaka si Mke wangu. Ni kweli Talaka si Mke wako, Mke wako ni Fatuma.

Kwa hiyo, ni lazima kwanza uangalie yumo katika hali gani. ***"Li-'iddatihinna wa ahsul 'idda"***, na muhesabu siku.

"Wattaqullaaha Rabbakum", Allah kasema, na mumuogope Mwenyezi Mungu.

Wewe fikiria tu, kwa nini Mwenyezi Mungu anaweka ukali katika aya hii ya Talaka. Mumuogope Mwenyezi Mungu.

Akasema: ***"Laa Tukhrijuhunna min Buyuutihinna"***, Msiwatoe wanawake majumbani kwenu. Anayemuacha mke, hana ruhusa kumwambia nenda kwenu, hana ruhusa hii, ni ***Haraamun***, Allah kakataza.

Leo ni nani anamuacha mke, kisha anamwacha ndani, hakuna. Toka, nenda zako, toka toka toka na nauli yako hiyo hapo. Toka nenda kwa wazee wako. Ni ujinga na ni dhambi.

Na tena hata Mwanamke asijitie jeuri kwamba, maadhali kaniacha, mimi sikai tena hapa. Hukai tena? Kilichokuweka hapa ni sheria ya Allah. Na kitakachokubakisha ni sheria ya Allah pia. Allah anasema, ***"wala yakhrujna"***, na wala wasitoke wenyewe wanawake. ***"Illaaan ya-atiina bifaahishatin mubayyinah"***, isipokuwa kakaa pale, akaanza kufanya machafu, anakuonesha wanaume na hivi na vile, pale fukuzilia mbali.

Akasema Allah, ***"watilka huduudullaah"***, enyi waumini, ***"watilka huduudullaah"***, hiyo ni mipaka ya Mwenyezi Mungu.

"Waman yata-'adda huduudallaahi", na yule ambaye atachupa mipaka ya Allah. Kaacha atakavyo yeye, kamtoa Mwanamke, kamfukuza, kampiga mateke, kaacha tano, kaacha saba, kaacha tisa. Basi ajue kuwa Mwenyezi Mungu anasema, ***"faqad dhwalama nafsah"***, adhulumu nafsi yake mwenyewe.

Alichokifanya kule ni kupata dhambi, na nafsi yake mwenyewe kaidhulumu. Na ndiyo maana baada ya muda anakuja mtu, sheikh samahani, maana yake mimi nilimuacha mke wangu sasa unaona maana yake. Maana yake ni nini?

Ndiyo ile, *"faqad dhwalama nafsah"*, anapita anauliza masheikh kama 50 hivi, anauliza. Kaja hapa Mtoro, kaenda pale Manyema, kaenda Qiblatayn, na kila pahala sasa itakuwaje sheikh?

Sasa maana yake ilikuwa ni bahati mbaya. Hakuna bahati mbaya Bwana, umefanya upumbavu. Mwenyezi Mungu anakwambia, *"waman yata-'adda huduudallaahi faqad dhwalama nafsah"*, ushajidhulumu wewe.

"Laa tadrii la 'alAllaha yuhdithu ba'da dhaalika amraa".